



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonComercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:


Share — copy and redistribute the material in any medium or format

Adapt — remix, transform, and build upon the material

Сүйнгүлүмдүйлэл
хүртлийн шийдвэр

VI чуулган.

P 1894



2003

Նիկողայոս Տէր-Ղեւոնդեանի հրատարակութիւնը

Առաջեւմնական ՀԱՅՐԵՆԻ
Ա Շ Թ Ա Բ Հ

ԵՐՐՈՐԴ ՏԱՐՈՒՅՑ

ՈՒՍՄՈՒՆՔ ԵՒ ԸՆԹԵՐՑՄՈՒՆՔ

Յ Օ Ր Ի Ն Ե Յ

Ս. ՄԱՆԴԻՆԵԱՆ

ՊԵՅՏԵՐՈՐԴ ՏՊԱԳՐՈՒԹԻՒՆ

ԳՐԱՆ Լ 60 ԿՐՊ.

ԹԻՖԼԻԶ

Տպարան Մովսէս Վարդանեանի

1891

191.99-8
Հ-25

ոնդեանի հրատարակութիւնը

Արքեպիսկոպոս
262

ԱՀԱԳԵՏԱԿԱՆ ԵՀԱՅՐԵՆԻ

Ա Շ Խ Ա Բ Հ

ԵՐՐՈՐԴ ՏԱՐՈՒԱՅ

ՈՒՍՄՈՒՆՔ ԵՒ ԸՆԹԵՐՑՄՈՒՆՔ

Յ Օ Ր Ի Ն Ե Յ

Ս. ՍԱՆԴԻՆԵՍՆ

ՎԵՅԵՐՈՐԴ ՏՊԱԳՐՈՒԹԻՒՆ




Թ-Ի-Ֆ-Լ-Ի-Զ

Տպարան Մայսես Վարդամեանի

1891

11885

Дозволено Цензурою, Тифлисъ, 31-го Мая 1891 г.
Тип. М Вартаняна, Гавовская ул. д. № 3



262-2003

(4163)
41

18

261

ԱԹԵԶԻՆ ԲԱԺԻՆ

ՏԱՐԱԾՈՒԹՅՈՒՆ ԱՇԽԱՌՀԻՑ



1. Միջադեպ.

Հին Հայաստանի ամենից լայտնի սարը Արարատն է կամ Մասիսը: Նա իրան շրջապատող բոլոր սարերից բարձր է և ամբողջ տարին ձիւնով պատաճ: Արարատի սահմաններին մտիկ բղխում է Եփրատ գետը: Սա հոսում է նախ դէպի արևմուտք, սարերի միջով, յետոյ վազում է դէպի հարաւ: Նոյն կողմերից սկիզբն է առնում նաև Տիգրիսը, որ շատ արագ ընթաց է: Այս երկու գետերի մէջ մի ընդարձակ դաշտավայր կալ, որ Միջագետն է կոչվում: Դա շտավայրը ծածկուած է լայն և խոտաւէտ տափաստաններով, ուր ոչ արտեր, ոչ պարտէզներ, ոչ այգիներ և ոչ մեծ քաղաքներ կան. մարդիկ էլ քիչ են բնակում. և բնակուողներն էլ ապրում են ոչ թէ հողագործութեամբ կամ արհեստներով, այլ խաշնապահութեամբ. նոցա հօտերն էլ լաւ սնունդ են գտնում այն մեծ և սիզաւէտ տափաստաններում:

Միջագետքի արևմտեան վերին մասը, Եփրատին մտիկ, բռնում էր հին ժամանակներում Քաղդէացոց աշխարհը

Ուռհա և Խառան քաղաքներով։ Ուռհան հիւսիսումն էր, իսկ Խառանը տափաստանների մէջտեղը։

Եփրատի այն կողմը, դէպի հարաւ երթալով, երկիրն աւազոտ ու մերկ է, ուր այլես ջուր չկալ, խոտ այլես չի երեսում և ուր սկսվում է Ասորական անապատը։ Այս երկիրը, հարիւրաւոր մղոնների տարածութեամբ դէպի արեւելք և հարաւ, տափարակ և անմարդաբնակ է, իսկ արեմը-տեան կողմից բարձրանում են այն լեռները, որոնց ետևն է ընկնում Քանանացոց աշխարհը և որ ձգվում է մինչև Միջերկրական ծովի ափերը։

2. Աբրահամի Միջագետքից դուրս գալը.

Մեզանից չորս հազար տարի առաջ՝ Միջագետքի Ուռհա քաղաքում մի հարուստ հովիւ կար, անունը Թարաւ Սա երեք որդի ունէր՝ Աբրահամ, Նաքովը և Առան։ Հօր կենդանութեան ժամանակ Առանը մեռաւ Ուռհայում և Ղովտ անունով մի որդի թողեց։

Թարան առաւ իւր որդի Աբրահամին, նորա կին Սառային և իւր թոռը Ղովտին, հանեց Ուռհայից ու տարաւ Խառան և այնտեղ բնակեցան։ Նորա մահուանից յետոյ Տէրն ասաց Աբրահամին։ «Քո երկրից և քո ազգից և քո հօր տնից ել և գնա այն երկիրը, որ ես քեզ ցոլց եմ տալու. ես քեզ մեծ ազգ կ'անեմ ու կ'օրհնեմ քեզ»։

Եւ գնաց Աբրահամը, ինչպէս որ Աստուած նորան պատուիրեց, և Ղովտն էլ նորա հետ գնաց։ Աբրահամը եօթանասուննեհինդ տարեկան էր, երբոր Խառանից ելաւ։

Եւ ճանապարհ ընկաւ նա իւր կին Սառայի, իւր եղորորդի Ղովտի, իւր ծառաների ու աղախինների հետ, առաւ

բոլոր ինչքը և գնաց դէպի Քանանացոց երկիրը, մինչև Ոիւքէմ քաղաքը, այն է մինչև բարձր կաղնին։

Եւ երևեցաւ Տէրը Աբրահամին և ասաց. «Ես այս երկիրը քո զաւակներին կը տամ»։ Իսկ Աբրահամն այնտեղ սեղան շինեց Աստուծուն, որ նորան երևեցաւ։

Յետոյ այնտեղից հեռացաւ և գնաց մի լեառն, որ Բեթէլի արեւելեան կողմն է։ Այնտեղ զարկեց իւր խորանը (վրանը) և Աստուծուն մի սեղան շինեց։

3. Յորդանանու դաշտը.

Աբրահամի նոր հայրենիքը Քանանացոց երկիրն է, որ և սուրբ երկիր է կոչվում։ Համարեա նորա մէջտեղն է Սիւքէմ քաղաքը, ուր Աբրահամն առաջին անգամ հանգըստացաւ, իսկ այնտեղից հարաւ Բեթէլն է՝ նորա երկրորդ հանգստութեան տեղը։ Այդ երկիրն աւելի պարարտ է քան Միջագետքը. այդտեղ բուսնում են ցորեն, պտղատու ծառեր և որթ։ Այդտեղ փոփոխակի երևում են անտառներ և մարգագետիններ, արտեր և այգիներ, շինուած են գիւղեր և քաղաքներ։ Սակայն Քանանացոց աշխարհի ամենագեղեցիկ մասը Սիւքէմի և Բեթէլի կողմը չէ, այլ աւելի դէպի արեւելք։ Յորդանանու ձորի մէջ։ Այս գետը ծագում է Հերմոն և Լիբանան սարերից, որ սուրբ երկրի հիւսիսումն են, և հոսում է դէպի հարաւ մի ձորի միջով, որ մօտ երկու մղոն լայն է։ Այնտեղ կանաչն աւելի պերճ է, մարգերն աւելի ջրարբի, պարտէզներն աւելի ծաղկաւէտ և արտերն աւելի պարարտ են, քան Քանանացոց աշխարհի որևէցէ ուրիշ կողմը։ Բայց Աբրահամն ու Ղովտը կանգ չառան այս գեղեցիկ տեղերում, որպէսզի աւելի դէպի արեւմուտք երթան բնակին։

4. Աբրահամի և Ղովտի բաժանուիլը.

Աբրահամը շատ հարուստ էր և ունէր հօտեր, նախիրներ, էշեր, ուղտեր, ծառաներ, աղախիններ, արծաթ և ոսկի: Եւ Ղովտը, որ Աբրահամի հետ եկել էր, նոյնպէս ունէր արջու, ոչխար և անասուն, ծառալ և խորան: Եւ երկիրը բաւական չէր նոցա համար, և նոքա չէին կարող միասին բնակել, որովհետեւ նոցա ստացուածքը շատ էր: Ուստի Աբրահամի և Ղովտի հովիւներն անդադար վիճում և կովում էին:

Աբրահամն ասաց Ղովտին. «Թող իմ և քո մէջ, իմ հովիւների և քո հովիւների մէջ կորիւ չլինի, որովհետեւ մենք ելքայը մարդեկ ենք. ահա քո առաջն է բոլոր երկիրը, բաժանուիր ինձանից. Եթէ դու ձախ կողմն երթաս, ես կերթամ աջ կողմը. իսկ եթէ դու աջ կողմն ես ուզում երկիր ընտրել, ես կ'երթամ ձախը»:

Ղովտը բարձրացրեց աչքը և տեսաւ Յորդանանու բուր կողմերը, որ գեղեցիկ էին և ջրով առատ, Աստուծոյ դրախտի նման, և ընտրեց այն երկիրը և գնաց դէպի արևելք ու բնակեցաւ Սոդոմի մէջ:

Աբրահամը գնաց դէպի Քեփրոն և իւր խորանը զարկեց Մամբը կաղնու մօտ և այնտեղ Աստուծուն սեղան շինեց:

5. Ղովտական կեանք.

Միջագետքի բնակիչները ոչ հողագործութեամբ են պարապում և ոչ արուեստներով, այլ խաշներ են պահում, որոնք այն կողմի խոտաւէտ տափաստաններում լաւ սնունդ են գտնում: Եթէ հովիւը տեսաւ, թէ մէկ տեղում արածացնելով՝ խոտը վերջացաւ, քաշվում է ուրիշ տեղ: Թարան էլ իւր որդկերանցով Ուռհալից Խառան քաշուեցաւ. իսկ Աբրահամն ու Ղովտը մինչև Քանանացոց երկիրն անգամ գնացին:

Երբ քաշուելու նշանը տրվում է, բանակի մէջ մեծ կենդանութիւն է ընկնում. ծառաներից ոմանք վրաններն են տեղերից հանում, փաթաթում և էշերին ու ուղտերին բարձում, միւսներն ցիրուցան արածող անասուններն են ժողովում: Կանալքն էլ հաւաքում ու պարկերի մէջ են դնում փոքրաթիւ կահ-կարասիքը, տկերը ջրով լցնում և ամեն բանքեռնակիր անասունների վրայ են դցում ու կապում, ի հարկէ, ամենից առաջ ճանապարհին հարկաւոր ուտելեղէնը: Այս նախապատրաստութիւններն որ վերջացնում են, ողջ բանակն սկսում է շարժիլ: Առջևից գնում են զինուորուած ձիաւոր ծառաներ, նոցա գլուխն անցած գնում է ճանապարհին տեղեակ առաջնորդը. սոցա լետեկից էլ դանդաղ ոտով՝ խաշն ու անդեան, այսինքն ոչխարն ու այծը, արջառն, էշն ու ուղտը իրանց մատաղ ձագերով, որոնք արագ երթալ չեն կարող: Սովորաբար սոցանից լետոյ գալիս է տէրը իւր ընտանիքով և իւր ծառաների կանանցով ու որդկերանցով: Ծալը վերջաշնում են դարձեալ զինաւորուած ծառաներ: Կողքերից դարձեալ գնում են նոյնպիսի ծառաներ՝ գամփոշները հետները, որոնց պաշտօնն է պահպանել հօտն ու նախիրը հետուինների (թափառականների) ասպատակութիւնից և գալրենի կենդանիների լարձակումներից: Այսպէս այս

բանակը, իւրաքանչիւր օր կարճ կարճ ճանապարհ կտրելով, տեղից տեղ է փոխվում, մարդկանց աղաղակով ու երգով, զանգակների զընգզընգոցով, ճընկճընկոցով, անսառունների բառաչով ու մռնչով, մինչև որ մտադրած վերջին տեղն է հասնում: Տեղ հասնելուն պէս նոր տեսարան է բացվում. վաստակած լինելով՝ մեր սևամորուս, արևակէզ, առոյդ մարդիկը փոքր ինչ հանգստանում են: Յետոյ վեր են կենում և հետզհետէ ոմանք ցցում են վրանները, որոնց մէջտեղն է բռնում աւագ տիրոջ խորանը, ոմանք տանում են տկերը, սառը ջրհորից ջուր են լցնում, բերում: Այստեղ քրտնքի ու փոշու մէջ կորած մարմինն են լուանում, այնտեղ ուղտերն ու ձիանն են թիմարում ու մաքրում: Նախիրն ու ոչխարն էլ, խոտի վրայ պառկած, որոճալով հանգստանում են, իսկ սրանց վրայ խնամատար ծառաներն արթուն հսկում են, որովհետեւ պատասխանատու են իրանց տիրոջը՝ իրանց յանձնած նախրի համար: Վրանները որ զարկեցին, պրծան, կահակարասիքը տեղաւորեցին ու իրանք էլ տեղաւորուեցան, այնուհետև կրկին սկսվում է խանապահի սովորական կեանքը. ամեն օր գիշերանց վեր են կենում հովիւները և տանում են ոչխարներն արածացնելու. կէսօրին բերում են բերատեղը կթելու ու էլի քշում տանում են արօտը: Նախրորդներն էլ նախիրն են արածացնում: Երեկոյեան, երբ բանակատեղն են վերադառնում, տէրը համարում է (ականում է) իւր ապրանքը, որ տեսնի՝ լրիւ են, թէ չէ: Եթէ վալրենի գազանները մի անսառուն պատառել կամ թէ աւազակները խլել են, կամ եթէ մէկը ճանապարհին մոլորուել է, ծառան պէտք է փոխարէնը վճարէ: Ուստի և ամենայն հոգատարութեամբ և զգուշութեամբ հովում է հովիւր իւր հօտը և նախրորդը իւր նախիրը: Եթէ անսառուններից մէկը հիւանդանում է, բոլոր ջանքով խնամում են, որ առողջացնեն: Եւ բնչպէս չխնամեն նոքա այս արդիւնաբեր կենդանիներին:

Զէ որ հովուին ամեն բան մատակարարողը նոքա են. նոցաբուրդն ու մազը վերարկու և վրանի ծածկոց է դառնում, նոցա կաշին ու մորթը քանի քանի պիտոյք է կատարում, նոցա միսն ու կաթը սնունդ է նորան: Թող այդ՝ ձիերը, էշերն ու ուղտերը բեռներ են կրում, հեծնում են նոցա: Երեկոյեան թէպէտևնախիրը բանակն է վերադառնում, բայց մնում է դուրսը՝ բաց երկնքի տակ: Միայն մատաղ ձագերը երբեմն ցուրտ ժամանակ վրանի տակն են պահվում: Ծառաները մեծ մասով վրանից դուրս են քնում: Մի կտաւի կտոր գլխին փաթաթած, կտաւէ բաճկոն հագած ու մէջքը կաշուէ կամ շալէ գոտիով կապած, թիկունքին մի վերարկու և ոտքին սանդալիկներ (հողաթափներ), ահա այդ է հովուի հագածն ու կապածը, որ հերիք է նորան՝ տաքից ու ցրտից պաշտպանուելու համար: Տղամարդկանց շատ նման են հագնում նաև կանալքը, միայն երեսներին քոլ են առնում: Նոցա զարդարանքըն է ոսկուց կամ արծաթից շինուած ապարանջաններ և օղեր: Այս վրանաբնակների կերակուրը պարզ է ու շատ սնընդարար: Միս, կաթ, իւղ, պանիր—կենդանին է տալիս: Ցորեն, ձէթ և պտուղ գնում են նստաբնակ ժողովրդից կամ իրանց բերքերի հետ փոխում են: Խմիչքը ջուրն է, որ ճանապարհին կաշուէ տկերով հետերն են առնում:

Այս տկերը, միքանի վերմակներ, պարզ պղնձակարգը, զէնքերը, ուղտերի և էշերի համետները, ձիերի թամբերը՝ իրանց ամբողջ կահ-կարասիքն են: Վրաններն էլ շատ պարզ են. խրում են հողի մէջ միքանի ձողեր և նոցա վրայ փռում են այծի կամ ուղտի մազից շինած գորշագոյն քեչա: Սոքա տիսուր պատկեր կ'ունենային, եթէ չորս կողմն աշխոյժ գործունէութիւն և կենդանութիւն չ'տիրապետէր: Այս պատճառով արդարեւ զուարճութիւն է նորա համար, ով որ այսպիսի բանակի մէջ է ապրում: Եթէ բանակի տէրը նկատում է հեռուից, թէ մի օտար մարդ է մերձենում, անպատճառ

գնում է նորա առաջ և հրաւիրում է իւր խորանը։ Ապա
ջուր են բերում, հիւրի ոտները լուանում, սեղան են դցում
և բերում են նորան թանէ սպաս, կարագ, սեր, մածուն,
մինչև անգամ խորոված, որ ուտի և հանգստանայ:

6. Սենար.

Աբրահամի հին հայրենիքը Միջագետք էր, վերին Եփա-
քատի և վերին Տիգրիսի մէջ եղած աշխարհը։ Այս երկու
գետերը քանի գնում՝ այնքան միմեանց մերձենում են, վեր-
ջապէս, միանալով, թափվում են Պարսից ծովի մէջ։
Խառնուրդին մօտիկ՝ երկու գետերի մէջ եղած երկիրը կոչ-
վում է Սենաար։ Սենաարը հարթ դաշտագետին է, լեռ-
ներից զուրկ, ինչպէս Միջագետքը, բայց չունի արօտատեղի-
ներ, որովհետեւ բոլոր հողը մշակուած է։ Այնտեղ կան շատ
բերբի արտեր, պտղաւէտ պարտէզներ և դալարագարդ ան-
տառներ։ Հին ժամանակներում այստեղ էր Բաբելոն քա-
ղաքը Եփրատի ափերում։ Եւ որովհետեւ շինութեան համար
քար չկար, կաւից աղիւս էին թրծում ու բանեցնում և շա-
ղախի փոխարէն գետնի կուպըն էին գործ ածում։ Այս նիւ-
թերից շինուեցաւ Բաբելոն քաղաքն ու աշտարակը։ Սենաար
աշխարհի ժողովուրդը շատ պատերազմասէր էր և հզօր թա-
գաւորներ ունեցաւ։ Նոցանից մէկն էր և Ներովթը, որ
մի հսկայ որսորդ և քաջամարտիկ մարդ էր։ Ուստի և լետոյ
առակ դարձաւ այս խօսքը՝ «Նեբրովթի պէս հսկայ որսորդ
Աստուծու առաջ», որ ասում էին քաջ ու կռուղ մարդու
համար։ Նեբրովթը Բէլ էր կոչվում։ Սորան յաղթեց մեր
նախահայր Հայկը։

7. Աբրահամի կոխուր չորս թագաւորների հետ.

Մի անգամ Սենաարի թագաւորը և նորա հետ երեք
ուրիշ թագաւորներ յարձակուեցան գրսի երկիրների վրայ և
ամենայն ինչ կողոպտեցին ու աւերեցին։ Սոդոմի և Գոմորի
թագաւորները և ուրիշ երեք թագաւորներ պատրաստուեցան
և չորս օտար թագաւորների դէմ ելան աղի ձորի մէջ, ուր
շատ նաւթի հորեր կային։ Բայց Սոդոմի և Գոմորի թագա-
ւորները կռուի մէջ յաղթուեցան և շատ մարդիկ էլ կոտո-
րուեցան։ Մնացածները փախան լեռնակողմը։ Զորս օտար
թագաւորներն առան Սոդոմի և Գոմորի բնակիչներին և նո-
ցա ամբարները, ևս և Ղովտին և նորա ինչքը և գնացին։

Մահից ազատուածներից մէկը հասաւ Աբրահամին, որ
քանակ էր զբած Մամբրէի կաղնու տակ և պատմեց այս։
Երբոր Աբրահամը լսեց, թէ իւր եղբօրորդի Ղովտը գերի է
առնուած, երեքհարիւր տասնեսութ ընդոծիններին (տանու
մարդ) զինուորեց և ասպատակ թագաւորների յետևից ըն-
կաւ մինչև Դանի կողմերը։

Այստեղ գիշեր ժամանակ հասաւ նա նոցա իւր ծառա-
ներով, որոնց երկու խումբ էր բաժանել, և հալածեց նոցա
Դամասկոսից էլ հեռու։

Այսպէս Աբրահամն ազատեց Ղովտին և Սոդոմի ու Գո-
մորի ժողովրդին իրանց ստացուածներով։

Եւ երբոր նա կոտորածից դառնում էր, նորա առաջն
եկաւ Սոդոմի թագաւորը և Մելքիսեդեկ Շալեմի թագաւորը։

Մելքիսեդեկը հանեց հաց և գինի, օրհնեց Աբրահամին
և ասաց. «Օրչնեալ ես դու բարձրեալ Աստուծուց, որ եր-
կինքն ու երկիրն ստեղծեց. փառաբանեալ է բարձրեալ Աստ-
ուծուծը, որ քո ձեռքդ մատնեց քո թշնամիներին»։

Եւ Սոդոմի թագաւորն ասաց Աբրահամին. «Տուր ինձ դարձեալ իմ մարդկը, աւարը թող քեզ մնայ»:

Իսկ Աբրահամը պատասխանեց. «Երդվում եմ բարձրեալ Աստուծով, որ երկինքն ու երկիրն ստեղծեց, որ ես ամենայն բանից, ինչ որ քոնն է, մի թել կամ կօշկի մի կապ էլ չեմ վերցնիլ, որ չասես, թէ դու հարստացրի Աբրահամին, բացի այն, ինչ որ ծառաներս կերան. իսկ այն մարդկանցը, որոնք ինձ հետ եկան պատերազմելու, իրանց բաժինը տուր»:

8. Զինուորական կեանք.

Մեզանում այժմ զինուորականներն առանձին դասակարգ են կազմում: Անչափահասներին էլ զինուոր չեն տանում, այլ չափահասներին: Զինուորութեան կանչուածները շատ տարի մնում են նոյն պաշտօնում և այդ ժամանակ վարժվում են զէնք բանեցնելու: Հին ժամանակներում այսպէս չէր, հապա ամեն առողջ տղամարդ զէնք էր բանեցնում, որին մանկութիւնից սովորում էր: Եթէ թշնամի գար, նորա դէմ ոտի էին կանգնում բոլոր զինավարժ տղամարդիկը: Միեւնոյն մարդիկ, որ խաղաղութեան ժամանակ ոչխար էին արածացնում, կամ արտ էին հերկում, կամ որսի էին գնում, պատերազմի ժամանակ զինուոր էին դառնում. թողում էին իրանց վրանները, քաղաքներն ու անտառները, բաժանվում էին իրանց ընտանիքից և ցեղից, զէնք էին առնում ձեռները, որ լինում էր կամ նետ ու աղեղ, կամ նիզակ և կամ պարսատիկ: Թափառող հովիւներին առաջնորդում էր թագաւորը: Սա իր զօրքի վրայ կարգում էր հարիւրապետներ և լիսնապետներ: Թագաւորներից ոմանք շատ ցեղերի վրայ տէր էին, նոցա հետ միասին արշաւում էին ուրիշ երկիրներ, կողոպտում ու բնակիչներին գերի էին տանում: Այսպէս

«Սենարի թագաւորը և նորա հետ երեք ուրիշ թագաւորներ յարձակուեցան Քանանացոց երկրի վրայ և ամեն ինչ կողոպտեցին ու աւերեցին: Սոդոմի և Գոմորի թագաւորները և ուրիշ երեք թագաւորներ պատրաստուեցան և չորս օտար թագաւորների դէմ ելան աղի ձորի մէջ»: «Եւ երբ որ Աբրահամը լսեց թէ իւր եղբօրորդին գերի է առնուած, զինուոր իւր ծառաներին՝ և ասպատակ թագաւորների յետևից ընկաւ մինչև Դանի կողմերը, որտեղ գիշեր ժամանակ հասաւ նոցա իւր ծառաներով, յաղթեց և փախցրեց Դամասկոսիցն էլ հեռու»:

Ասորիքի և Արաբիայի անապատներում, ինչպէս առաջ, այժմ էլ կենում են այնպիսի մարդիկ, որոնք միայն աւազակութեամբ են պարապում: Նոքա անապատի աւազակներ են և այսօր Բեդուին են կոչվում: Եթէ պատահեցաւ, որ նոքա մի տեղից նախիր փախցրին կամ կարաւան կտրեցին, իսկոյն քշում են ձիերն ու իրանց աւարովը փախչում անյայտանում են անապատի հեռաւոր խորքերում: Այս անծանօթ խորշերն են նոցա սովորական ապրելու տեղերը, և եթէ լինում է, որ երկար ժամանակ առիթ չեն գտնում մարդաբնակ դաշտերում ու մեծ ճանապարհների վրայ աւազակութիւններ անելու, որսի հետ են լինում, կամ իրանց համար խաշնարածութիւն են անում: Որսում են՝ իրանց անշէն դաշտերում կամ անկոխ ժայռերում՝ ջայլամն ու յամոյր (վայրի այծ): Նոցա հագուստը հովիւների և որսորդների հագուստի նման է:

9. Մեռեալ ծով.

Ելնենք Աբրահամի կացած տեղից, այսինքն Քերոնից, առնենք Ղովտի ճանապարհն ու երթանք դէպի արեելք: Ճանապարհի վրայ կըպատահենք մի մեծ ջրի, որի մէջ թափ-

վում է Յորդանան գետը. Մեռեալ ծով է իւր անունը: Լայնութիւնն է մօտ երկու մղոն, տասը մղոն է երկարութիւնը: Արևելեան և արևմտեան ափերը ցից ժայռերով պատաժ են: Չորս կողմն անապատ ու անբեր է: Այդ Մեռեալ ծովի ջուրն աղի ու դառն համ ունի, ձուկն ու բոլու էլ մէջն ապրել չեն կարող: Իսկ առաջ այդպէս չէր. իւր ափերին փառաւոր ծառաստաններ, ջրաւէտ մարդագետիններ ու շքեղ պարտէզներ կային: Ա. Դրքի մէջ ասուած է. «Ղովտը բարձրացրեց աչքը և տեսաւ Յորդանանու բոլոր կողմերը, որ գեղեցիկ են և ջրով առատ, Աստուծու դրախտի նման, և ընտրեց այն երկիրը»: Այդտեղ շինուած էին նաև պերճ և հարուստ քաղաքներ, օրինակ՝ Սոդոմ և Գոմոր, որոնց մէջ իշխում էին թագաւորներ, ինչպէս և Սենաար դաշտի Բաբելոն քաղաքի մէջ:

10. Սոդոմի և Գոմորի կործանումը.

I.

Աստուած Աբրահամին երևեցաւ Մամբրէի կաղնու տակը, երեսը նա նստած էր իւր խորանի դրան առաջ, օրուայ ամենատաք ժամանակը: Աբրահամն, աչքերը բարձրացնելով, տեսաւ, որ ահա երեք մարդիկ կանգնած էին իրանից մի փոքր հեռու: Նոցա տեսնելուն պէս, իւր խորանի դռնից ելաւ գնաց նոցա առաջ, երկիրպագանեց և ասաց. «Տէր, եթէ քեզ հաճոյանալ կարողացայ, մի հեռանար իսկոյն քո ծառալից. թող քիչ ջուր բերել տամ, լուանան ձեր ոտները և զովացէք ալս ծառի տակ. հաց էլ բերեմ, կերէք և այնպէս գնացէք ձեր ճանապարհը. բախտս բերեց, որ դուք դէպի ձեր ծառալի դուռն եկաք»: Նոքա ասացին. «Արա, ինչպէս ասացիր»:

Աբրահամը վազեց խորանը Սառալի մօտ և ասաց. «Փութա, շաղ տուր երեք չափ շարմաղուն ալիւր և շինիր նկանակներ»: Իսկ ինքը վազեց նախիրը և առաւ մի մատաղ ու լաւ հորթ և տուեց ծառային ու պատուիրեց շուտով մորթել, պատրաստել: Եւ առաւ կարագ, կաթ և պատրաստած հորթը և դրեց նոցա առաջ, որ ուտեն. իսկ ինքը կանգնած էր նոցա առաջ՝ ծառի տակը:

Երբ մարդիկ կերան, խմեցին, վերկացան ու գնացին դէպի Սոդոմի կողմը. Աբրահամն էլ գնում էր հետները՝ նոցա ճանապարհ ձգելու: Եւ ասաց Տէրը. «Միթէ թագցնելու եմ իմ ծառայ Աբրահամից այն, ինչ որ անելու եմ. նա մեծ ու հզօր ազգ է լինելու: Ես գիտեմ, որ նա իւր որդոց և ժառանգներին կըպատուիրէ, որ Աստուծու ճանապարհը պահեն և արդարութիւն ու իրաւունք գործեն»: Եւ ասաց Աստուած Աբրահամին. «Սոդոմացոց և Գոմորացոց աղաղակը շատ շատացաւ, նոցա մեղքն էլ մեծացաւ. երթամ, տեսնեմ, թէ արդեօք իրանց աղաղակի համեմատ, որ ինձ հասնում է, անում են, թէ չէ, որ գիտենամ»:

Դարձին այն մարդիկն իրանց երեսը դէպի Սոդոմի կողմն ու գնացին: Իսկ Աբրահամը մնաց Աստուծու առաջ կանգնած, մօտեցաւ և ասաց. «Միթէ դու արդարին անբարշտի հետ պիտի կորցնես: Եթէ քաղաքի մէջ լիսուն արդար լինի, նոցա կըկորցնես, չես ներիլ բոլորին այն լիսուն արդարի համար, եթէ կան: Քաւ լիցի Քեզ, թէ դու այդ բանն անես՝ արդարին ամբարշտի հետ սպանես, որ արդարն ամբարշտի հաւասար լինի: Քաւ լիցի քեզ, որ բովանդակ երկրի դատաւորն ես. դու այդպէս չես դատիլ»:

Եւ ասաց Աստուած. «Եթէ ես Սոդոմ քաղաքի մէջ լիսուն արդար գտնեմ, նոցա համար բոլորին կըներեմ»: — Աբրահամը պատասխանեց. «Համարձակուեցայ Աստուծու հետ խօսել, բայց ես հող եմ և մոխիր: Եթէ լիսուն արդարից

Հնգով պակաս լինի, միթէ հնդի համար կըկործանե՞ս»:—
Տէրն ասաց. «Չեմ կործանիլ, եթէ քառասուն և հինգ արդար
գտնեմ»:—Եւ Աբրահամն էլի խօսեցաւ և ասաց. «Իսկ եթէ
քառասուն արդար գտնուի այնտեղ»:—Նա պատասխանեց.
«Քառասունի համար չեմ կործանիլ»:—Աբրահամն ասաց.
«Կըրարկանաս, Տէր, եթէ էլի խօսեմ. գուցէ երեսունը գտնուի
այնտեղ»:—Իսկ նա ասաց. «Եթէ երեսունը գտնեմ, չեմ կորց-
նիլ»:—Եւ Աբրահամն ասաց. «Է՛լ մի անգամ սկսայ խօսել
Աստուծու հետ. գուցէ քսանը գտնուի»:—Տէրն ասաց. «Քսանի
համար չեմ կորցնիլ»:—Եւ Աբրահամն ասաց. «Տէր, չբար-
կանաս, եթէ մի խօսք էլ ասեմ. գուցէ տասը գտնուի»:—
Իսկ նա ասաց. «Տասի համար էլ բոլորին կըներեմ»:
Եւ գնաց Աստուած՝ երբոր Աբրահամի հետ խօսելը դա-
դարեցրեց. իսկ Աբրահամը դարձաւ իւր տեղը:

II.

Երկու հրեշտակները Սոդոմ եկան իրիկնադէմին: Ղովտը
նստած էր քաղաքի դրան մօտիկ. երբոր նոցա տեսաւ, վեր-
կացաւ, առաջ գնաց, երկիրպագեց և ասաց. «Տեարք, եկէք
ձեր ծառայի տունը և գիշերեցէք. թող ձեր ոտները լուա-
նամ, և այնպէս առաւօտը վաղ վերկացէք և գնացէք ձեր
ճանապարհը»:

Բայց նոքա ասացին. «Ոչ, մենք քաղաքի հրապարա-
կումը կըմնանք գիշերը»:—Իսկ նա չուզեց թողնել նոցա,
այնպէս որ նոքա փոխեցին իրանց ճանապարհը և գնացին
նորա տունը: Եւ նա ընթրիք սլատրաստեց նոցա համար,
քաղաքի թխեց, և նոքա կերան:

Եւ դեռ նոքա քուն չէին մտել՝ որ քաղաքի մարդիկը,
մեծից սկսած մենչև փոքրը, բոլոր ժողովուրդը միասին,

պատեցին տունը, և Ղովտին դուրս էին կանչում և ասում.
«Ո՞ւր են այն մարդիկը, որ գիշերը քեզ մօտ մտան: Դուրս
քեր նոցա, որ նոցա հետ մեր բանը տեսնենք»:—Դունից դուրս
եկաւ Ղովտը նոցա մօտ, դուռը վրայ քաշեց իւր յետեկից և
ասաց. «Ե՛ղբարք, մի գործէք այդ չարութիւնը. այդ մարդկե-
րանց մի վնասէք, որովհետև մի անգամ իմ տան գերանների
տակ մտան»:

Իսկ նոքա ասացին. «Հեռո՛ւ գնա. պանդխտութեամբ
եկար մեր մէջ բնակելու, միթէ դատաստանն էլ պիտի անես»:
—Եւ խիստ բռնադատում էին Ղովտին. և այն է դուռն էլ
կոտրելու վրայ էին, երբ հրեշտակները ձեռքերը մեկնեցին
և Ղովտին տուն քաշեցին ու դուռը կողպեցին: Իսկ այն
մարդիկը, որ դուրսը դռան առաջ լցուած էին, մեծ և փոքր,
բոլորեքեան կուրացան. այնքան զուր ման եկան դռները
գտնելու համար, որ դադարեցան:

Հրեշտակներն ասացին Ղովտին. «Ունիս այստեղ փեսայ,
որդիք կամ դստերք, կամ ուրիշ ազգական ունիս քաղաքի
մէջ. հանիր նոցա այստեղից, որովհետև մենք պէտք է ալս
տեղը կործանենք. սոցա մեղքը մեծ է Աստուծու առաջ. նա
մեզ ուղարկեց, որ սատակեցնենք»:

Գնաց Ղովտը և խօսեց իւր փեսաների հետ, որ իւր
աղջիկներին պէտք է առնեին. «Եկէք ալստեղից դուրս գնա-
ցէք, որովհետև Աստուած այս քաղաքը կործանել է ուզում»:
Իսկ նոքա կարծեցին, թէ ծաղը է անում և չհաւատացին նորան:

Եւ երբ որ առաւօտ եղաւ, հրեշտակները Ղովտին շտա-
պեցնում էին և ասում. «Վերիաց, առ քո կնոջդ և երկու
դուստրներիդ, որ քեզ մօտ են և դուրս արի, որպէսզի դու
էլ չկորչես այս քաղաքի անօրէնութեան հետ»: Բայց որով-
հետև նոքա տարակուած էին թէ ինչ անեն, հրեշտակները
բռնեցին նորան, նորա կնոջը և նորա երկու դուստրների
ձեռքը, որովհետև Աստուած նորան խնայել էր ուզում: Եւ

տարան նորան քաղաքից դուրս հանեցին և ասացին. Աղա-
տիր կեանքդ և յետ մի նայիր. մինչև անգամ մի մնար ալս
կողմերում, այլ գնա լեռը՝ որ նոցա հետ ջնջուիսու:

Եւ երբ արեգակը ծագեց երկրի վրայ, Աստուած ծծումը
ու հուր թափեց երկնքից Սոդոմի և Գոմորի վրայ և կործա-
նեց Յորդանանու ամբողջ դաշտը: Ղովտն ու իւր աղջիկները
փախան, միայն նորա կինը, որ չլսելով հրեշտակների ձայնին՝
կանգնեց և յետ նայեց, իսկոյն տեղն ու տեղը պատժուեցաւ
և աղի արձան դարձաւ:

Եւ Աբրահամը առաւօտը վաղ երթալով այնտեղ, ուր
Աստուծու առաջ կանգնել էր, աչքը շրջեց Սոդոմի և Գոմորի
կողմը. և ահա տեսաւ, որ երկրից հնոցի մըրիկի նման բոց
է ելնում:

11. Արաբիա.

Թէ Քեբրոնից, ուր Աբրահամն էր կենում, ելնենք եր-
թանք դէպի հարաւ-արևելք, կըհասնենք մի աշխարհ, որ
մեզ ծանօթ եղած երկներից շատ աւելի ընդարձակ է և կոչ-
վում է Արաբիա: Արևելքից նորա սահմանն է Պարսից
ծովը, Հարաւից՝ Արաբիականը, և արևմուտքից՝ Կարմիրը:
Հիւսիսից Ասորիքի անապատն է՝ կից Արաբիական անապա-
տին: Այս անապատը շատ բարձր է ծովի երեսից և շատ ըն-
դարձակ տարածութիւն ունի. ճանապարհորդի աչքին երեսում
են միայն աւազ ու երկինք: Սակայն երբեմն այստեղ այնտեղ
երեւութանում են արագավազ ջայլամը, սրարշաւ լամոյրը
կամ բեղուիներն իրանց օդապարիկ նժոյկներով: Արեգակն
այրում տոչորում է: Շատ քիչ է պատահում, որ անձը գայ:
Ոչ մէկ տեղ չի երևում անընդհատ հոսող գետ, իսկ մի ծառ՝

որ զովարար ստուեր արձակէր՝ շատ հազիւ է գտնվում: Գրէթէ
հողի հաւասար թուփն ու տատասկի մի քանի ընյսերը եր-
բեմն երբեմն ուղտերին մի պատառ սնունդ են տալիս: Միայն
մի քանի օր երկար ճանապարհ անելուց յետոյ, կ'երեսայ օվա-
զիս, այսինքն այնպիսի տեղ, ուր յօրդաջուր աղբիւրը իւր
չորս կողմի հողը բարեբեր է արել: Այդ տեղերում արմաւենին
զովացնում և սնունդ է մատակարարում կարաւաններին:

Արաբիան մեծ քաղաքներ ունի ծովի եզերքներին, կան
նաև փոքր քաղաքներ երկրի խորքերում:

12. Աբրահամի զաւակները.

Մի անգամ Աստուած Աբրահամին երազում երևեցաւ և
ասաց. «Ես եմ քո Աստուածը, հաճոյ եղիր իմ առաջ և անա-
րատ եղիր: Եւ մի երկնչիր, ես կըլինիմ քեզ վերակացու, և
քո վարձը առատ կըլինի»:

Իսկ Աբրահամն ասաց. «Տէր, էլ ինչ ես ուզում ինձ
անել, ես կորչում եմ անորդի, ինձ ժառանգ չտուիր. ահա
տես իմ ծառալի որդին, այս Ելիզար դամասկացին, իմ տան
ծառան իմ ժառանգս պէտք է լինի»:

Իսկոյն Աստուծու ձայնը լսելի եղաւ նորան. «Դա քեզ
չի ժառանգիլ, այլ քո որդին պէտք է ժառանգէ քեզ»:
Զայնը Հրամայեց որ խորանից դուրս գայ, և ասաց. «Նայիր
երկնչին և համարիր աստղերը. կարո՞ղ ես համարել: Ահա
այդպէս պէտք է բազմանայ քո ժառանգութիւնը»:

Շատ տարիներ անցնելուց յետոյ, իիրաւի Աստուած Աբ-
րահամին և նորա կնոջ Սառաւին մէկ զաւակ պարգևից, և
Աբրահամը նորան իսահակ կոչեց:

Մանուկն աճում էր և զօրանում: Աբրահամը մեծ ու-
րախութիւն արաւ այն օրը, եղը նորա որդի Իսահակը ծծից

կտրուեցաւ։ Այս բանի վրայ հսմայէլը, որ եգիպտացի աղախին Հագարի որդին էր, ծիծաղեցաւ և Սառան տեսաւ, որ նա իւր որդուն ծաղրում է։ Եւ ասաց Աբրահամին. «Հեռացրու այս աղախնին իւր որդու հետ»։ Այս խօսքը խիստ թուեցաւ Աբրահամին։ Բայց Աստուած ասաց նորան. «Մի նեղանար մանկան և աղախնի համար։ Ինչ որ Սառան քեզ ասէ, լսի՛ր, որովհետև Սահակով պէտք է կոչուի քո ժառանգութիւնը, բայց և աղախնի որդին մեծ ազգ պէտք է անեմ»։

Առաւօտը վերկացաւ Աբրահամը, առաւ հաց և տկով ջուր ու տուեց Հագարին. նորա ուսի վրա դրեց մանուկին և արձակեց նորան։ Նա գնաց. բայց մոլորուելով անապատում՝ շրջեցաւ և եկաւ ჩերսաբէ։ Տկի ջուրը հետզհետէ նուազեց և նոքա ծարաւում էին։ Մայրը վայր դրեց մանուկին մի ծառի տակ և գնաց նստաւ նորա յանդիման մի վտաւանի (նետ ձգելու չափ) հեռաւորութեամբ։ Եւ ասաց. «Չեմ կարող որդուս մահը աչքովս տեսնել»։ Մայրը դէմ յանդիման նստած էր. իսկ մանուկը ձայն բարձրացրեց և լաց եղաւ։

Աստուած լսեց մանկան ձայնը և նորա հրեշտակը երկընքից Հագարին կանչեց և ասաց. «Այդ բնչ է, Հագար, մի վախենար, Աստուած լսեց մանուկի ձայնը, որ ալդտեղ ընկած է։ Վերկաց, առ մանուկդ և քո ձեռքով գորացրու նորան, որովհետև մեծ ազգ եմ ուզում անել դորան»։

Եւ Աստուած բացարաւ նորա աչքը, այնպէս որ մի ջրհոռ տեսաւ նա. գնաց տիկը ջրով լցրեց և խմացրեց որդուն։ Եւ Աստուած հսմայէլի հետ էր. աճում էր և բնակում էր անապատի մէջ և քաջ աղեղնաւոր դարձաւ։ Նորա ժառանգները տասներկու ազգ բաժանուեցան, տասներկու իշխան ունեցան և բնակում էին իրենց հովուական վրաներում։

13. Քաղաք և տուն արևելքում։

Մենք արդէն արևելքում բաւական քաղաքներ գետենք. Քանանացոց աշխարհի մէջ՝ Սիւքէմ՝ բարձր կաղնով, Բէթէլ, Քեբը ոն՝ Մամբրէի կաղնով, Դան և Սալէմ (Երուսաղէմ), Յորդանանու դաշտի մէջ՝ Սոդոմ և Գոմոր, — Ասորիքի մէջ՝ Դամասկոս, — Միջագետքի մէջ՝ Ուռիա և Խառան, — Սենաարի մէջ՝ Բաբելոն։ Այժմ տեսնենք թէ մեր դրացի ենկիրներում քաղաքն ինչ տեսք ունի և ինչպէս է շինուած։

Քաղաքները արևելքում գրեթէ այժմ էլ այնպէս են՝ ինչպէս որ հին ժամանակներումն էին։ Մեծ մասամբ պարտէ զներով պատած են նոքա. Երբեմն ամբողջ քաղաքի շուրջը քաշուած են պարիսպներ, և պարիսպների վրայ կանգնած են բարձր, քառակողմեան աշտարակներ, որոնք ունին նաև կոփածոյ քարից շինուած պատշգամբներ (արապահներ)։ Պատնէշներից էլ վեր են բարձրանում պատից ներս տնկուած նոճիները և ուրիշ ծառերը։ Պարսպի դռներից մտնում ենք քաղաքի փողոցները, որ նեղ ու ծուռ են։ Աւելի լայն են այս փողոցները, որոնք տանում են հրապարակները։

Տները երբեմն քարից, բայց մեծաւ մասամբ կաւից են շինած։ Նոքա դրսից շատ անշուք են. նոցա պատերը բոլորովին մերկ են և ունին մի երկու վանդակապատ փոքր պատուհաններ, որոնք կարմիր և կանաչ ներկած փեղկերով են փակվում։ Տան դռները ցած են և անգեղ։ Տանիքները տափակ են, և սանդուղներ ունին վլրան ելնելու համար։ Հոգ երեկոները բնակիչները նստում են այնտեղ և շատ ան-

գամ նաև վերևն են քնում: Տան ներսն աւելի ուրախ տեսք ունի: Գաւիթը շատ անգամ մարմարով է սալած. ծառերը չորս կողմից ստուեր են արձակում, շադրուանները ախորժ զովութիւն են տարածում, ծաղիկները բուրում են: Նատ անգամ գաւիթը սիւնազարթ անցքերով է պատաժ: Սոցա ետևից երեսում են գոներ, որոնք սենեակներն ու դահլիճներն են տանում: Սոքա ևս մարմարեալ յատակ ունին, որոնց վրայ հարուստ տներում նուրբ և թանկագին գորգեր են փուտած: Պատերի ստորին մասի երեսը մարմարով է ծածկուած, իսկ վերին մասը շքեղ նկարուած է: Պատի կողմը շարուած են բազմոցներ, որ թախտ կամ դիւան են կոչվում: ուրիշ աւելի կահ-կարասիք սենեակներում չեն երեսում:

14. Կրկին այրի գնելը.

Սառան հարիւր քսանեեօթ տարեկան էր, երբ մեռաւ Քերոնում՝ Քանանացոց աշխարհի մէջ: Աբրահամն եկաւ Սառայի վրայ ողբալու և սուգ անելու: Յետոյ վերկացաւ դիակի վրայից և խօսեցաւ Քետի ցեղի որդոց հետ և ասաց. «Դեր մէջ պանդուխտ և նժդեհ եմ, արդ տուէք ինձ մի ժառանգական գերեզման, որ իմ մեռելը թաղեմ»:

Քետի որդիքը պատասխանեցին Աբրահամին և ասացին. «Լսիր մեզ, Տէր Աստուծու իշխան ես մեր մէջ, մեր ընտիր շերիմների մէջ թաղիր քո մեռելը, և ոչ ոք քեզ ալդ չի արգելիլ»:

Վերկացաւ Աբրահամը երկիրպագեց ժողովրդեան առաջ և ասաց. «Եթէ դուք յօժար էք, որ իմ մեռելը թաղեմ, հապա լսեցէք և ինձ համար բարեխօսեցէք Եփրոնի առաջ, որ ինձ կրկին ալրը տայ, որ իւր ագարակի վիճակումն է. ես կըտամ նորան արծաթ որչափ որ արժէ, ձեր մէջն իմ սեպհական գերեզմանն ունենալու համար»:

Պատասխանեց Եփրոնը Քետի որդոց առաջին և ամենին, որոնք նորա քաղաքի դոներով ել ու մուտ էին անում. «Ոչ, տէր, լսիր ինձ. ես քեզ պարզեում եմ ագարակը և նորա միջի ալրը և տալիս եմ քեզ իմ ամեն քաղաքակիցներիս առաջ. դու քո մեռելը թաղիր նորա մէջ»:

Աբրահամը երկիրպագեց երկրի ժողովրդեան պատաժ և ասաց Եփրոնին. «Որովհետեւ ագարակը տալիս ես ինձ, հապա խնդրեմ փոխարէնն առ ինձանից արծաթ և ես մեռելս կը թաղեմ»:

Եփրոնը պատասխանեց. «Զէ, լսիր ինձ, այն գետնի գինը չորս հարիւր սատր (դրամի կշիռ) արծաթ է. իսկ իմ և քո մէջ ալս ինչ արժէք ունի: Ուրեմն թաղիր քո մեռելն անհոգ»:

Եւ երբոր Աբրահամը ալս լսեց, կշռեց Եփրոնի արծաթը, ալսինքն չորսհարիւր սատր վաճառականների ընտիր արծաթը: Ալսպէս հաստատեցաւ Եփրոնի ագարակը, ուր կրկին ալս է, Մամբրէի լանդիման, որպէս Աբրահամի ստացուածք՝ ագարակը և նորա մէջ եղած ալրը և բոլոր ծառատունկը, որ ագարակի շուրջը և նորա սահմաններումն է: Եւ ապա թէ Աբրահամը իւր կին Սառային թաղեց ագարակի կրկին ալրի մէջ:

15. Քերոնից Խառան.

Աբրահամը Ղովտի հետ Միջագետքից եկաւ Քանանացոց աշխարհը: Այժմ, որ մենք բաւական ճանաչում ենք մեր դը լրացի երկիրները, աւելի մանր քննենք ալս ճանապարհը. բայց մենք ներհակ ընթացքով կանցնենք ալդ ճանապարհը, ալսինքն սուրբ երկրից կըսկսենք և կըգանք Խառանի տափաստանները:

Թողենք Աբրահամի վրանները, որ Մամբրէի կաղնու տակն են, Քերոնից դէպի արևելք, ուր, ոչ հեռու ալդ

քաղաքի գոնից, Աբրահամը Գետի ժողովրդեան առաջ Եփրոնից գնեց մի ագարակ կրկին այրով իւր և իւր ժառանգների թաղման համար, և շարունակենք մեր ճանապարհը գէպի հիւսիս, մենք կըհասնենք նախ և առաջ Սալէմ (Երուսաղէմ), որի Մելքիսեդէկ թագաւորը Աբրահամի առաջն եկաւ և հաց ու գինի բերեց: Սալէմը միքանի բլուրների վրայ է շինած, մինը նոցանից կոչվում էր Սիօն, որի վրայ շինուեցաւ թագաւորական ամրոցը: Արևմտեան, հարաւային և արևելեան կողմից Սալէմին շրջապատում են խոր, զառիվալր ձորեր. արևելեանը կոչվում է Յովսափատ: Այս ձորերով անձրկի ժամանակ վտակներ են վազում գէպի Յորդանան: Սալէմից հիւսիսային ճանապարհն անցնելով Բեթէլի միջով, որ Աբրահամի հանգստութեան տեղն է, տանում է գէպի Սիւքէմ: Նա այստեղ իւր առաջին խորանը կանգնեցրեց և սեղան շինեց Աստուծուն: Այժմ դառնանք հիւսիսային արևելք, իջնենք Յորդանանու այն կողմը որ բարձրանանք սարերի վրայ՝ կըհասնենք Հերմոնի ստորոտը: Նորա գագաթներն ամբողջ տարին ձիւնով պատած են: Գընանք նորա հարաւային կողմը և շրջելով շարունակենք մեր ճանապարհն այն պաղաւէտ դաշտով, ուր ի միջի ալլոց կալ Դանը, և յետոյ դառնանք հիւսիս: Շուտով կը տեսնենք Գամասկոս, Ելիազարի հայրենիքը: Նորա պարիսպներն ու աշտարակները մարմարից են շինուած, և ինքը մեծ տաքածութեամբ ծաղկաւէտ պարտէզներով է շրջապատուած: Մինչև այստեղ քշեց Աբրահամը Սենապարի թագաւորին և նորա դաշնակիցներին: Շարունակենք մեր ճանապարհը Ասորի քի անապատով գէպի հիւսիսային արևելք: Դեռ երկար ժամանակ մեր աչքին կ'երևան արևմտքից Լիքանանի սարերը: Պէսպէս զրկողութիւններից և վտանգներից յետոյ, կըհասնենք Եփրատի ափերը: Գետի այն կողմն է երևում Միջագետքը

իւր սիզաւէտ տափաստաններով: Գուցէ մի որևէ հովուական բանակի գորշ վրաններն էլ երևան մեր աչքին: Որոնենք դարձեալ մի ծանծաղ տեղ, որով հետեւ այստեղ կամուրջներ չկան: Միւս ափը հասնելով, դառնանք հիւսիս, շուտով կըհասնենք մեր միտք դրած տեղը, այսինքն Խառան, որ Աբրահամի նախնական հայրենիքն է:

16. Աւեբեկա.

Աբրահամը ծերացած էր և Աստուած օրհնեց նորան ամեն բանով: Եւ Աբրահամն ասաց Ելիազար դամասկացուն, իւր տան ծառաների երէցին, որ իւր ամենայն ինչքերի կառավարողն էր. «Երդուիր ինձ Աստուծու առաջ, երկնքի և երկրի Աստուծու առաջ, թէ իմ որդի Խասկակի համար կին չես առնիլ Քանանացոց դուստրներից, որոնց մէջ ընակում եմ, այլ թէ կ'երթաս այն երկիրը և իմ տունը, որ տեղից որ ես եկել եմ, և այնտեղից կ'առնես կին իմ որդի Խասկակի համար»:

Ծառան ասաց. «Բայց եթէ իմ ընտրած կինը չուզենալ գալ այս աշխարհը, այն ժամանակ դարձնեմ քու որդուդ այն աշխարհը, որտեղից որ եկել ես»:

Աբրահամն ասաց. «Զգոյլ կաց, որդուս յդարձնես այնտեղ: Երկնքի Տէր Աստուածը, որ ինձ իմ հօր տնից և իմ ծնած տեղից վեր առաւ, և որ ասաց ինձ՝ «քո ժառանգներին կըտամ այս երկիրը», Նա կ'ուղարկէ իւր հրեշտակը քո առաջ, որ դու իմ որդուս համար կին ընտրես իմ ցեղից: Խոկ եթէ այն կինը չուզէ գալ այս երկիրը, ազատ ես դու քո երդումից: Բայց միայն որդուս չդարձնես այնտեղ»: Ծառան երդուեց այս բանը ճշդութեամբ կատարել:

Եւ առաւ ծառան իւր տիրոջ ուզտերից և ամեն բարու-

թիւններից տասն ուղտ բարձած և գնաց Միջագետքի այն քաղաքը, ուր Աբրահամի եղբայր Նաքովը իւր ժողովրդով կենում էր: Եւ երբոր տեղ հասաւ, ուղտերին հանգստացրեց քաղաքից դուրս մի ջրհորի առաջ՝ երեկոյեան ժամանակ, երբ աղջկերքը դուրս են գալիս ջուր տանելու համար: Եւ աղօթեց. «Տէր, իմ տիրոջ Աբրահամի Աստուած, օգնիր ինձ այսօր և ողորմութիւն արա իմ տիրոջ Աբրահամին: Տես, նս ջրհորի կշտին եմ կանգնած, և բնակիչների դուստրները կըգան ջուր հանելու: Արդ այն կոյսը, որին ես ասեմ «խոնարհիր սափորդ, որ ես խմեմ», և որ ինձ պատասխանէ՝ «խմիր, և ուղտերիդ էլ կըխմացնեմ», նա է որ Դու պատրաստեցիր քո ծառայ Խասհակի համար. այդպէս կ'իմանամ, թէ դու ողորմութիւն արիր իմ տիրոջ Աբրահամին»:

Հազիւ թէ այս խօսքը իւր մտքում կատարել էր, և ահա եկաւ Ռեբեկան՝ Բաթուէլի դուստրը, որ Ալյահամի եղբօր Նաքովը որդին էր, և ունէր ուսին սափոր. և երեսով շատ գեղեցիկ էր կոյսը: Կոյսն իջաւ աղբիւրը, սափորը լցրեց և վեր ելաւ:

Եղիազարն առաջ գնաց և ասաց. «Սափորիցդ քիչ ջուր տուր խմեմ»:

Նա պատասխանեց. «խմիր»: Եւ իսկոյն սափորն ուսից վայր բերեց և խմացրեց. և երբոր Եղիազարը դադարեց խմելուց, կոյսն ասաց. «Ուղտերիդ համար էլ ջուր հանեմ, որ բոլորն էլ խմեն կշտանան»: Եւ շտապով թափեց սափորը աւաղանի մէջ և դարձեալ գնաց աղբիւր՝ ջուր հանելու, և բոլոր ուղտերի համար էլ հանեց: Իսկ այն մարդը լուռ դիտում էր նորան, որ տեսնի թէ արդեօք Աստուած նորա ճանապարհը լաջողեցրեց, թէ ոչ: Եւ երբոր բոլոր ուղտերը դադարեցին խմելուց, առաւ նա մի ոսկէ օղակ կէս սատը ծանրութեամբ և երկու ապարանջան՝ տասը սատը ոսկի կշիռ՝ տուեց նորան և ասաց. «Ո՞ւմ դուստրն ես դու, ասա ինձ.

Հօրդ տան մէջ իջևանելու տեղ կալ մեզ համար»:

Նա պատասխանեց. «Բաթուէլի դուստրն եմ, որ Նաքովը որդին է. և յարդ ու խոտ շատ ունինք, նոլնպէս և իջևանելու տեղ»:

Ուրախացաւ մարդը, գոհութիւն տուեց Աստուածուն և ասաց. «Օրհնեալ է Տէրը, իմ Տիրոջ Աբրահամի Աստուածը, որի ողորմութիւնը չթողեց իմ տիրոջ անօգնական: Աստուած յաջողացրեց իմ ճանապարհը և բերեց ինձ իմ տիրոջ եղբօր տունը»:

Աղիկը վազեց տուն և այս ամեն բանը պատմեց մօրը: Ռեբեկան մի եղբայր ունէր, անունը Լաբան: Երբոր այս օղակն ու ապարանջանը տեսաւ իւր քրոջ ձեռքում և նորա բերանից այն մարդու խօսքերը լսեց, վազեց այն մարդու մօտ, որ աղբիւրի մօտ ուղտերին նայում էր: Եւ Լաբանն ասաց. «Եկ մտիր տուն, Աստուածուց օրհնուած մարդ, ինչու ես կանգնած դուրսը: Ես պատրաստեցի քեզ համար բնակարան և ուղտերիդ համար տեղ»:

Այսպէս տարաւ նորան տուն, ուղտերից բեռը վայր բերեց և նոցա յարդ և խոտ տուեց: Ջուր բերեց այն մարդու և նորա հետ եկած ծառաների ոտները լուանալու համար, և հաց դրեց նոցա առաջ ուտելու: Իսկ Եղիազարն ասաց. «Ես չեմ ուտիլ, մինչեւ իմ խօսքս չասեմ»: Նոքա պատասխանեցին. «Ասա»:

Նա ասաց. «Աբրահամի ծառան եմ ես, և Աստուած իմ տիրոջը մեծապէս օրհնեց և տուեց նորան արջառ և ոչխար, արծաթ և ոսկի, ծառայ և աղախին, ուղտ և էշ: Եւ իմ տէրը մի որդի ստացաւ, որին տուեց իւր ամեն ունեցածը: Ինձ երդուեցրեց իմ տէրը և ասաց. «Դու իմ որդի Խասհակի համար Քանանացոց դուստրներից կին չպէտք է առնես, որոնց մէջ ես բնակում եմ, այլ գնա իմ հօր տունը և իմ տոհմի մօտ, և այնտեղից առ կին իմ որդուս համար: Իսկ եթէ իմ

տոհմը գնաս, և նոքա քեզ աղջիկ չտան, այնուհետև ազատում եմ քեզ երդումից»: —Այսպէս եկալ ես այսօր, կանգնեցայ ջրհորի մօտ և ասացի. «Իմ տիրոջ Աբրահամի Աստուած, եթէ ողորմեցար իմ ճանապարհին, որ ես յանձն առայ, ահաւասիկ ես աղբիւրի մօտ կանգնած եմ. եթէ գայ մի կոյս՝ ջուր հանելու, եւ ես նորան ասեմ. «Քիչ ջուր տուր խմելու սափորիցդ». և նա ասէ. «Խմիր ու քու ուղտերին էլ կըխըմացնեմ», նա է այն կինը, որ Աստուած իմ Տիրոջ որդուն պատրաստել է»: —Հազիւ այս խօսքերը մտքիս մէջ ասացի, տեմում եմ գալիս է Ռեբեկան՝ սափորն ուսին և գնում է աղբիւրից ջուր է հանում: Ես ասացի նորան. «Տուր ինձ խմեմ»: Նա կոյն սափորը ուսից իջեցրեց և ասաց. «Խմիր և քո ուղտերիդ էլ կըխմացնեմ»: Ես խմեցի և ուղտերիս էլ խմացրեց: Ես հարցրի նորան ու ասացի. «Ո՞ւմ դուստրն ես դու»: Նա պատասխանեց. «Ես Բաթուելի՝ նաքովի որդու, աղջիկն եմ»: Եւ տուեցի նորան օղակն ու ապարանջանը, խնդացի, երկիրպագեցի, օրհնեցի իմ տիրոջ Աստուծուն, որ ինձ ճշմարիտ ճանապարհով առաջնորդեց, որ իմ տիրոջ Աբրահամի որդու համար նորա եղբօր որդու դուստրը տանեմ: —Արդ եթէ դուք շնորհ և սէր էք ուղում անել իմ տիրոջը, ասացէք. ապա թէ ոչ, մերժեցէք, որպէսզի աջ կամ ձախ կողմը գնամ»:

Պատասխանեցին Բաթուէլն ու Լաբանը և ասացին. «Աստուծու տնօրէնութիւնն է այդ, և մենք բարի բանին հակառակ չենք կարող ասել. ահաւասիկ Ռեբեկան քո առաջն է, առ և գնա. Թող քո տիրոջ որդուն կին լինի, ինչպէս որ Աստուած այդ կամեցաւ»:

Եւ երբոր Եղիազարն այս լսեց, երկիրպագեց Աստուծուն. Հանեց ոսկէ և արծաթէ անօթները և հանգերձները և տուեց Ռեբեկային. Եղբօրն ու մօրն էլ ընծաներ տուեց: Ապա կերան և խմեցին նաև իւր հետ եղած մարդիկը և ննջեցին. Առա-

տօտը վաղ վերկացան և նա ասաց. «Արձակեցէք, որ երթամի տիրոջ մօտ»:

Բայց Ռեբեկայի եղբայրն ու մայրն ասացին. «Թող այս կոյսը մեզ մօտ մնայ տասն օրի չափ և յետոյ երթայ»:

Իսկ նա պատասխանեց. «Մի խափանէք ինձ, որովհետեւ Աստուած իմ ճանապարհը լաջողեցրել է: Թողէք, որ իմ տիրոջ Աբրահամի մօտ գնամ»:

Նոքա պատասխանեցին. «Կանչենք աղջկան և տեսնենք, թէ նա ինչ է ասում»: Եւ կանչեցին Ռեբեկային և ասացին. «Կուզես այս մարդու հետ գնալ»: Նա ասաց. «Այս, կերթամ»: Եւ այսպէս ուղարկեցին Ռեբեկային, Աբրահամի ծառալին և նորա մարդկերանց: Եւ օրհնեցին Ռեբեկային և ասացին. «Մեր քոյը, քո տոհմը բազմանալ հազարով և բիւրով և ժառանգէ իւր թշնամու քաղաքը»:

Վերկացաւ Ռեբեկան իւր նաժիշտներով, նստեցին ուղտերի վրայ և գնացին այն մարդու հետ: Այսպէս ծառան Ռեբեկային առաւ գնաց:

Այն ժամանակ Իսահակը բնակում էր երկրի հարաւային կողմը և գնացել էր երեկոյեան դէմ դաշտում զբունելու:

Աչքը բարձրացրեց և տեսաւ, որ տասն ուղտ են գալիս: Ռեբեկան էլ աչքը բարձրացրեց և տեսաւ Իսահակին. իսկոյն իջաւ ուղտից և ասաց ծառալին. «Ո՞վ է այդ մարդը, որ դաշտի վրայ մեր առաջն է գալիս»:

Ծառան պատասխանեց. «Այն է իմ տէրը»:

Այս որ լսեց Ռեբեկան, առաւ քոյը և երեսը ծածկեց: Իսկ ծառան Իսահակին պատմեց ամեն բան, ինչ որ արել էր: Եւ Իսահակը իւր մօր Սառալի խորանը տարաւ Ռեբեկային, որ եղաւ նորա կինը: Իսահակը սիրեց նորան և այսպէս մընիթարեցաւ իւր մօր մահուան վրայ:

Եւ Աբրահամը իւր բոլոր ունեցածը տուեց Իսահակին և ծերանալով՝ մեռաւ հարիւր եօթանասուն և հինգ տարե-

կան հասակին: Եւ Իսահակը թաղեց նորան Եփրոնի ագա-
րակի. կրկին այրի մէջ:

17. Փղտացոց աշխարհը.

Մինչև հիմա մենք ճանաչեցինք ցամաքալին երկիրները, այժմ գնանք ծովի ափը: Քերպոնից, ուր Աբրահամն ու Իսահակը սովորաբար կենում էին, ժայռոտ անցքերով և բեեկ-նիի անտառով ծածկուած ձորերով կ'երթանք դէպ արևմուտք ու կըհասնենք Միջերկրական ծովի ափերը: Այդ ափերը Լիբանանին մօտիկ՝ անձուկ և աւազոտ են, որոնց վրայ գըտ-նուած բազմաթիւ մեծ և հզօր ծովափնեալ քաղաքներում կենում էին ծովագնաց Քանանացիք (որ Փիւնիկեցիք էին կոչվում): Նորանից հարաւ է Սարոնի շատ պտղաւէտ և ծաղկաւէտ դաշտավայրը: Սրա հետ կցուածէ Փղտացոց հետագետէ դէպի հարաւ երթալով լայնացող երկիրը: Փղտացիները շինեցին բազմաթիւ բարձրապարհապ քաղաքներ, որոնք շինուած էին մասամբ ծովի ափին և նաւահանգիստ քաղաք-ներ էին, մասամբ երկրի ներսը, զորօրինակ Գերարա, Քերպոնից հարաւ-արևմուտք, Բերսաբէ Գերարալից արևելք, Գագա՝ արևմուտք:

Բնակիչները զօրեղ պատերազմասէր ազգ էին. նոքա պարապում էին երկրագործութեամբ. դաշտավայրը, Գերարալի մօտ, նախիր արածացնելու համար շատ ընտիր էր: Երկրի իշխողները թագաւորներ էին:

18. Իսահակ.

Աբրահամի մահից յետոյ Տէրն օրհնեց նորա որդի Իսա-
հակին: Բայց մի մեծ սով տարածուեցաւ երկրի մէջ, և գնաց

Իսահակը Աբիմելէք Փղտացոց արքայի մօտ Գերարա քաղաքը և բնակեցաւ այնտեղ:

Եւ Իսահակն այն երկրում սերմ սերմանեց և այն տարին մէկի տեղ հարիւրաւոր հնձեց նա, որով-հետև Աստուած օրհնեց նրան: Բարձրացաւ այն մարդը, յառաջադէմ գնում և մեծանում էր, մինչև շատ հզօր եղաւ, որովհետև անթիւ ոչխար և արջառ և արմտիք ունէր: Ուստի նախանձեցին Փղտացիք, և բոլոր ջրհորները, որ նրա ծառաները փորեցին Աբրահամի ժամանակ, հողով լցրին, փակեցին: Աբիմելէքն էլ ասաց Իսահակին. «Հեռացիր մեզանից, որովհետև մեզանից շատ հզօրագոյն եղար»:

Այդտեղից գնաց Իսահակը և իւր վրանները զարկեց Գերարացոց ձորումը և այնտեղ բնակեցաւ: Եւ դարձեալ փորել տուեց այն ջրհորը, որ իւր հօր ժամանակ փորած էին և Փղտացիք հողով լցրել էին իւր հօր Աբրահամի մահից յետոյ. և դարձեալ նրանց այն անունը դբեց, ինչ անուն որ Աբրահամը տուել էր: Իսահակի ծառաները Գերարացոց ձորն էլ փորեցին և այնտեղ էլ գտան կենդանի ջրի աղբեկը: Բայց Գերարացոց հովիւները Իսահակի հովիւների հետ կովում էին, թէ «Ջրհորն իրանցն է»: Նրանք փորեցին ուրիշ ջրհորը բայց սրա համար էլ հակառակում էին նոքա: Իսահակն այդտեղից էլ հեռացաւ և մի երրորդ հոր փորել տուեց. սրահամար էլ չէին կովում: Այնտեղից գնաց Բերսաբէ և Աստուծուն սեղան շինեց և իւր խորանն այնտեղ կանգնացրեց: Իսահակի ծառաներն այս տեղ էլ ջրհոր փորեցին:

Եկաւ Աբամելէքը, հետն էլ իւր տաճարապետը և զօրքի սպարապետը: Իսկ Իսահակն ասաց նրան. «Ինչու եկաք ինձ մօտ, դուք ինձ ատում էք և ինձ հալածեցիք ձեր մօտից»:

Նրանք ասացին. «Ակնյալտնի տեսանք, որ Աստուածքեղ հետ է, ուստի փափագում ենք, որ դաշն լինի մեր և ձեր մէջ, և ուխտ գնենք միմեանց հետ, որ դու մեզ ոչինչ չար

քան չանես, ինչպէս և մենք քեզ չմեղանչեցինք, այլ խաղաղութեամբ արձակեցինք։ Բայց դու ալժմ օրհնած ես Աստուծուց»։

Այս լսելուց յետոյ՝ Իսահակը ճաշ պատրաստեց նրանց համար, նրանք կերան և խմեցին։ Առաւօտը վաղ վերկացան, մէկմէկու երգում տուին և Իսահակն արձակեց նրանց և նոքա գնացին խաղաղութեամբ։

19. Քանանացոց աշխարհը.

Աբրահամի, Ղովտի և Իսահակի ճանապարհորդութիւնն երով մենք արդէն մի քանի տեղեկութիւններ ստացանք Քանանացոց աշխարհի մասին։ Հապա մի անգամ էլ Ասորիքից ճանբայ ելնելով անցկենանք այդ աշխարհով՝ աւելի ճիշդ ճանօթութիւն ստանալու համար։

Դամասկոսից որ երթանք, կըհասնենք Դան՝ Հերմոնից հարաւ։ Այդտեղից սկսվում են Յորդանանու ձախ ափի սարերը։ Նրանցից մէկը կոչվում է Գալաադ։ Այդ լեռնաշղթան հիւսիսից հարաւ է գնում։ Նրանից բխում են շատ վտակներ և թափում են Յորդանան գետը և Մեռեալ ծովը։ Այս վերջինն այնտեղն է, ուր առաջ Սիդդիմ ձորը, Սոդոմ և Գոմոր քաղաքներն էին։ Սոկքովդի լանդիման մի ծանծաղ տեղով անցնենք Յորդանանու տիջակողմեան ափը, թողնենք նրա դաշտը և վեր ելնենք սարերը, որ արևմտքից բարձրանում են։ Նրանց մէջն է Զիթենեաց լեառը, Սալէմից արևելք։ Քանանացոց երկրի արևմտեան լեռնաշղթաները ևս Ասորիքի սարերից են գալիս, այսինքն Լիբանանի շարունակութիւնն են։ Նոքա մեծաւ մասամբ խիտ անտառներով էին ծածկուած, որոնց մէջ կային ընտիր արօտատեղիներ և որթի այգիներ։ Այնտեղ ևս կան շատ քաղաքներ, մէջն է Սիւքէմ՝ բարձր կաղնով, Բէթէլ, Սալէմ (Երու-

սաղէմ), որ Սիօն լերան վրայ մի ամրոց է և արևելեան կողմը Յովսափատ անունով մի ձոր ունի, Եփփաթա (Բեթ-զեհէմ) և Քեթը ո՞ն՝ Մամբրէ կաղնիով և Կրկին ալրով։ Արևմտեան կողմի լեռները հետզհետէ իջնում և կազմում են շատ տափարակ տեղեր, որոնք են հիւսիսում՝ Փիւնիկեցիներից բնակած ափը, յետոյ Սարոնի տափարակը և վերջապէս հարաւում՝ Պղջտացոց աշխարհը Գերարա, Բերսաբէ և Գաղա քաղաքներով։ Այդ տափարակները տարածվում են մինչև Միջերկրական ծովը։ Քանանացոց երկրի մեծութիւնը ցոյց տալու համար շատ անգամ Ս. Գրքի մէջ ասուած է. «ի Դանայ ցհերսաթքէ», այսինքն «Դանից մինչև Բերսաբէ»։

Մենք արդէն լիշեցինք Քանանացոց աշխարհի այն քաղաքներն ու գետերը, լեաներն ու տափարակները, որչափ որ զրանք մեր պատմութիւններից յայտնի են։ Բայց մենք պէտք է տեսնենք այն ես, թէ ինչ բոյսեր են բուսնում սուրբ երկրի մէջ և ինչ կենդանիներ են ապրում։

Ինչպէս մեզանում՝ այնտեղի սարերի լանջերի վրայ ևս մենք տեսնում ենք խաղողի որթ, գաշտերում ցորենի ալեծածան արտեր և տեղ տեղ ոսպ։ Անտառներում հպարտութեամբ ամբառնում են զօրեղագոյն կաղնիներ և շքեղաշուք ոփիներ։ Խսկ նրանց մէջ յաճախակի տխուր նոճին։ Մեզանում չեն բուսնում բաեկնին (թերմենթին), որից շինում են տերպենտին կոչուած խէժը, ձիթենին, որի պտուղներից ձէթ են քամում, և արմաւենին՝ որ արևելեան ժողովուրդների համար հարկաւոր ծառ է և մանաւանդ կարաւանների համար ճշմարիտ օրհնութիւն է։ Լիբանանի վրայ մալիրի ծառերի անտառներ կան, որոնց ծառերի տերևներն ասեղնաւոր են, խսկ փալտը շատ բուրիչ։

Բոյսերի կեանքը տարուալ ընթացքում փոքր ինչ զանազան է մեր բոյսերի կեանքից, որովհետև այնտեղի տարուայ եղանակներն էլ մերից ատրբեր են։ Գարունքն ըս-

կսվում է փետրուարին. մարտին արդէն ամեն ինչ գեղեցիկ դալարով ծածկուած է: Այս ամսին առատ անձրև է գալիս, որով բոլոր բոյսերն ու հացաբոյսերն էլ սնանում են: Ապրիլին կամ մայիսի կիսին հունան արդէն պատրաստ է: Այս միջոցին և առհասարակ ամբողջ ամառը՝ անձրև չէ գալիս: Արեգակն ալրում՝ խորովում է: Եւ անտարակոյս ամեն տեղ կը չուրանար, եթէ շատ ցուրտ գիշերներին բոյսերը չզովանային ցօղով: Սեպտեմբերին դարձեալ շարունակ անձրև է թափվում. սկսվում է աշունքը: Չմեռը կարճ է. միայն գեկտեմբեր և լունվար ամիսներն են ձմեռ լինում բայց այդ ժամանակ էլ շատ անգամ շատ տաք օրեր են լինում: Ընդհանրապէս ամբողջ տարուալ եղանակը մեր երկրի եղանակից աւելի ջերմ է: Հովհանները կտրողանում են ամբողջ տարին տաղաւարների մէջ կենալ և իրանց նախիրներով արօտատեղիներում թափառել:

Նրանց կենդանիներն են՝ ոչխար, ալծ, արջառ, էշ և ուղտ: Վերջինը Քանանացոց և ամբողջ արևելքի համար առանձին կերպով կարեոր է: Մեր մեղուներն այնտեղ էլ կան, որ իրանց մեղրն ու մոմը Քանանացոց ևս ընծալում են: Յորդանանու և Մեռեալ ծովի ափերին բոյն և սնունդ են գտնում նաև վիժերը (այծեամնի մի տեսակը), նապաստակները և ճագարները, մինչև անգամ գալերն ու վագրերը:

20. Եսաւ և Յակոբ.

I.

Իսահակն ունեցաւ երկու որդի. առաջինին անուանեց Եսաւ, երկրորդին Յակոբ:

Մանուկներն աճեցին: Եսաւը հմուտ որսորդ եղաւ և կեանքը դուրսն էր անցկացնում. իսկ Յակոբը պարզ մարդ

էր և ապրում էր վրաններում: Իսահակն Եսաւին սիրում էր, որովհետև ախորժելով ուտում էր նրա որսը. իսկ Ռեբեկան սիրում էր Յակոբին:

Մի օր Յակոբը ոսպէ թան էր եփել. Եսաւն եկաւ դաշտից խիստ անօթի: Եւ ասաց Յակոբին. «Ճուր ինձ շիկաթանից՝ ուտեմ. ես քաղցած եմ»:

Իսկ Յակոբն ասաց. «Առաջ ծախիր ինձ քո անդրանկութիւնը»:

Եսաւը պատասխանեց. «Տես, ես մեռնում եմ սովածութիւնից, ինչի՞ս է պէտք անդրանկութիւնը»:

Յակոբն ասաց. «Ապա ուրեմն երդուիր ինձ»: Եւ Եսաւն երդուեցաւ և ծախեց Յակոբին իւր անդրանկութիւնը: Եւ Յակոբը տուեց Եսաւին հաց և ոսպէ թան. նա կերաւ, խմեց, վերկացաւ և գնաց, և չէր ափսոսում, որ անդրանկութիւնը ծախել է:

II.

Եւ Իսահակը ծերացել ու աչքերի լոյսը կորցրել էր: Նա կանչեց մի օր Եսաւին և ասաց. «Որդիս»:

Իսկ նա պատասխանեց. «Ահաւասիկ եմ»:

Իսահակն ասաց. «Տես, ես ծերացել եմ և ով գետէ թէ երբ կը մեռնեմ: Ուստի առ քո գործիքները, աղեղն ու կապարճը, գնա դաշտը և ինձ համար մի որս որսա և խորտիկ շինիր, ինչպէս ես սիրում եմ, բեր ինձ տուր, որ ուտեմ, որպէսզի իմ անձս քեզ օրհնէ, քանի դեռ կենդանի եմ»:

Սակալն Ռեբեկան լսեց, ինչ որ Իսահակը իւր որդուն ասաց. և երբոր Եսաւը գնաց դաշտ որս անելու, ասաց Յակոբին՝ իւր երկրորդ որդուն. «Ես լսեցի, ինչպէս հայրդ Եսաւի հետ խօսում էր և ասաց. «Բեր ինձ որս և խորտիկ շինիր,

ինչպիսին ես սիրում եմ, որ Աստուծու առաջ օրհնեմ քեզ, քանի չեմ մեռել»: — Այժմ լսիր իմ պատուէրը, ո՞րդի: Գնադու նախիրը և բեր երկու փափուկ և ընտիր ուլ, որ ես քոհօր սիրած խորտիկը պատրաստեմ: Դու կըտանես այդ հօրդ, որ ուտէ և քեզ օրհնէ մահից առաջ»:

Բայց Յակոբը պատասխանեց. «Եսաւ եղբայրս մազոտ է, իսկ ես՝ մազ չունիմ: Գուցէ հայրս շօշափէ ինձ, նորա աչքում խաբեբայ կըլինիմ և իմ գլխիս անէծք կըթափի, ոչ թէ օրհնութիւն»: Մայրն ասաց. «Իմ գլխիս լինի ալդ անէծքը, ո՞րդեակ, դու լսիր միայն իմ խօսքը և գնա բերու: Նա գնաց և բերեց ուլերը մօրը, որ և հօր սիրած խորտիկը պատրաստեց: Եւ բերեց մայրը իւր երէց որդու Եսաւի ազնիւ պատմուճանը և հագցրեց Յակոբին, և ուլի մորթին փաթաթեց ձեռքի և վզի վրայ, ուր որ մերկ էր, և տուեց նրան իւր պատրաստած խորտիկը: Յակոբը գնաց հօր մօտ և ասաց. «Հայր իմ»:

Դա ասաց. «Ահաւասիկ եմ. ով ես դու, ո՞րդեակ»:

Յակոբն ասաց. «Ես եմ Եսաւ, քո անդրանիկ որդիդ. կատարեցի, ինչ որ պատուիրեցիր: Վերկաց, նստիր և կեր, որ հոգիդ օրհնէ ինձ»:

Իսահակն ասաց որդուն. «Ո՞րդեակ, ինչպէս կարողացար շուտ գտնել»:

Նա պատասխանեց. «Տէր Աստուծը պատրաստեց ամեն բան իմ առաջ»:

Իսահակն ասաց նրան. «Մօտ եկ, ո՞րդեակ, որ քեզ շօշափեմ, տեսնեմ, իմ որդի Եսաւն ես, թէ ոչ»: Յակոբը մօտեցաւ հօրը. սա շօշափեց և ասաց. «Ձայնը Յակոբի ձայնն է, բայց ձեռքերը Եսաւի ձեռքերն են»: Եւ չճանաչեց նրան, որովհետեւ Յակոբի ձեռքերը մազոտ էին իւր եղբօր ձեռների պէս: Նա մի անդամ էլ հարցրեց. «Դու ես իմ որդի Եսաւը»:

Նա պատասխանեց. «Այո՛, ես եմ»:

Եւ Իսահակն ասաց. «Ի՞՞ր ուրեմն, ո՞րդեակ, որսդ՝ որ

ուտեմ»: Բերեց Յակոբը և Իսահակը կերաւ. բերեց և գինի, և նա խմեց: Ապա խօսեց Իսահակը և ասաց Յակոբին. «Մօտ արի, որդեակ, համբուրիր ինձ»: Նա մօտեցաւ և համբուրեց: Իսահակը հոտ առաւ նորա հանդերձից. և օրհնեց Յակոբին և ասաց. ահա իմ որդու հոտը լի արտերի պէս, որ Աստուծած օրհնել է: Աստուծած տայ քեզ երկնքի ցողից և երկրի պարարտութիւնից և ցորենի ու գինու առատութիւնը: Քեզ ծառայեն ազգերը և երկիրպագանեն իշխանները: Տէր դառնաս եղբայրներիդ վրայ: Եւ օրհնուի քեզ օրհնողը»:

Երբոր Իսահակը հեռացաւ, եկաւ Եսաւը որսի տեղից. նա ևս խորտիկ պատրաստեց և տարաւ հօրն ու ասաց. «Վերկաց, հայր, և կեր քո որդու որսը, որ քո հոգին ինձ օրհնէ»: Եւ հայրն ասաց. «Ո՞վ ես դու»:

Նա պատասխանեց. «Ես Եսաւն եմ, քո անդրանիկ որդիդ»:

Եատ զարմացաւ Իսահակը և ասաց. «Իսկ այն ով էր, որ որսաց ինձ համար և բերեց ինձ: Եւ ես կերաւ մինչև քո գալը և օրհնեցի նրան. և թող օրհնեալ մնայ»:

Երբոր Եսաւը նորա խօսքերը լսեց, դառնացած աղաղակ բարձրացրեց և ասաց. «Ինձ էլ օրհնիր, հայր»:

Իսահակը պատասխանեց. «Եկաւ եղբայրդ նենգութեամբ և առաւ քո օրհնութիւնը»:

Եսաւն ասաց. «Ահա Յակոբն ուրեմն իմ անդրանկութիւնը և իմ օրհնութիւնն ինձանից խլեց: Հայր, ինձ համար էլ օրհնութիւն չես թողել»:

Իսահակը պատասխանեց և ասաց. «Ես նրան քեզ վրայ տէր նշանակեցի, և բոլոր եղբայրներին նրան ծառայ դարձրի. ցորենով և գինով հաստատեցի նրան, էլ ինչ կարող եմ քեզ անել, ո՞րդեակ»:

Եսաւն ասաց. «Միթէ մի օրհնութիւն ունիս, հայր: Ինձ էլ օրհնիր»: Եւ բարցրաձրեց իւր ձայնը և լաց եղաւ:

Իսահակը պատասխանեց և ասաց. «Ահա երկրի պարա-

տութիւնից և երկնքի ցօղից լինի քո բնակութիւնը։ Քո սրով ապրիս և եղբօրդ ծառայես, և յետոյ կըգալ ժամանակ, որ նրա լծից կազատուիս։

III.

Եւ Եսաւը Յակոբի դէմ ոխ էր պահում այն օրհնութեան համար, որ նա իրանից խլեց և ասաց իւր մտքում։ «Սդի օրեր կըգան իմ հօր վրայ, այն ժամանակ կըսպանեմ իմ եղբայր Յակոբին»։ Այս իմացաւ Ուեբեկան, կանչել տուեց Յակոբին և ասաց. «Եսաւը սպառնում է քեզ սպանել. ուստի վերկաց, փախիր Խառան իմ եղբայր Լաբանի մօտ և մնան նրա մօտ, մինչև որ քո եղբօր բարկութիւնն անցնի, այն ժամանակ կ'ուղարկեմ, քեզ կանչել կըտամ այնտեղից։ Ա՛խ, չինի թէ մի օրում թէ քեզանից և թէ քո հօրիցդ զրկուիմ»։

Եւ Իսահակը կանչեց Յակոբին, օրհնեց նրան և ասաց. «Տէր Աստուածն օրհնէ քեզ, աճեցնէ և բազմացնէ քեզ և մեծ ազգ դառնաս և իմ հօր Աբրահամի օրհնութիւնը քեզ տայ և քո ժառանգներին»։

IV.

Եւ գնաց Յակոբը Բերսաբէից դէպի Խառանի կողմը՝ այն աշխարհը, որ Միջագետքի հիւսիսումն է։ Եւ տեսաւ դաշտի վրայ մի ջրհոր և կողքին ոչխարների երեք հօտ, որ հանգստանում էին. այն ջրհորը շինած էր ոչխարներին ջուր խմեցնելու համար. Ջրհորի բերանի վրայ մի մեծ վէմ կար դրած։ Երբոր բոլոր հօտերը ժողովում էին, ջրհորի բերանից վէմը գլորում էին և խաշներին ջուր տալիս և ապա վէմը դարձեալ դնում էին հօրի բերանին։—Յակոբն ասաց

Հովիւներին. «Ե՛ղբարք, ո՞րտեղից էք դուք»։ Նրանք պատասխանեցին. «Խառանից»։ Նա ասաց. «Ճանաչում էք Լաբանին, Նաքովը որդուն»։

Եւ Նրանք ասացին. «Ճանաչում ենք»։

Նա ասաց. «Առողջ է նա»։

Նրանք պատասխանեցին. «Այո՛, առողջ է. և ահա գալիս է նորա դուստր Ուաքէլը խաշներով»։

Նա ասաց. «Արեգակը դեռ բարձր է և ժամանակ չէ, որ հօտը տուն տանէք. խմացրէք ոչխարներին և տարէք արածացնելու»։

Նրանք պատասխանեցին. «Մենք չենք կարող, մինչեւ որ բոլոր հովիւները չժողովուին և վէմը Ջրհորի բերանից չգլորեն»։

Մինչ Յակոբը հովիւների հետ խօսում էր, եկաւ Ուաքէլը իւր հօր խաշների հետ, որովհետև նա էր արածացնում հօր խաշները։

Եւ երբ որ Յակոբը տեսաւ Ուաքէլին —իւր քեռի Լաբանի աղջկան, մօտեցաւ և Ջրհորի բերանից վէմը գլորեց և քեռու խաշներին ջուր տուեց։ Ապա համբուրեց Ուաքէլին և բարձրաձայն լաց եղաւ և պատմեց նրան թէ ինքը Ուեբեկայի որդին է. Իսկ նա վաղեց և պատմեց այս բանը հօրը։ Լաբանը երբ լսեց, թէ իւր քրոջ որդի Յակոբը եկել է, նորա առաջ վազեց, գրկեց և համբուրեց և իւր տուն բերեց նրան։ Եւ Յակոբը պատմեց նրան այս բոլորը։

V.

Մի ամսի չափ Յակոբը մնացել էր Լաբանի մօտ, երբ սա նրան ասաց. «Թէւ դու իմ մօտիկ աղջականն ես, միթէ ձրէ պէտք է ծառայես ինձ։ Յայտնիր ինձ, բնչ է քո վարձը»։

Իսկ Լաբանն ունէր երկու դուստր, երեցի անունն էր

Լիա, կրտսերինը՝ Ռաքէլ։ Բայց Լիայի աչքերը ջրջրոտ էին, իսկ Ռաքէլը գեղեցկատեսիլ և սիրուն երես ունէր։ Յակոբը սիրեց Ռաքէլին և ասաց. «Ես եօթը տարի կըծառայեմ քեզ քո կրտսեր դուստր Ռաքէլի համար»։

Լաբանը պատասխանեց. «Լաւ է քեզ տամ դորան, քան թէ օտարին. ուրեմն մնա ինձ մօտ»։ Այսպէս Յակոբը Ռաքէլի համար եօթը տարի ծառայեց. իսկ իրան այնպէս թուեցաւ, թէ միայն միքանի օր է ծառայել, այնքան սիրում էր նրան։

Բայց երբոր եօթը տարին լրացաւ, Լաբանը խարելով տուեց նրան Ռաքէլի փոխարէն Լիային. Եւ Յակոբն ասաց Լաբանին. «Այս թնչ գործեցիր. միթէ Ռաքէլի համար չծառայեցի՞ քեզ. ինչու խարեցիր ինձ»։

Լաբանը պատասխանեց. «Մեր աշխարհում օրէնք չէ, որ կրտսերին երէցից առաջ մարդու տանք. Ես Ռաքէլին էլ քեզ կրտսամ, եթէ էլի եօթը տարի ծառայես ինձ»։ Յակոբն այս էլ կատարեց. Եւ Լաբանը Ռաքէլին էլ տուեց նրան։

Եւ Յակոբն ունեցաւ տասներկու որդի. Ռուբէն, Շմաւոն, Ղեկի, Յուդա, Դան, Նեփթաղիմ, Գալթ, Ասեր, Իսաքար, Զաքուղոն, Յովսէփ և ամենից կրտսերը՝ Բենիամին։

V^o I.

Եւ որովհետեւ տասնուշորս տարի արդէն անցել էլ, մի օր Յակոբն ասաց Լաբանին. «Արձակիր ինձ, որ իմ երկիրը գնամ»։

Լաբանը պատասխանեց. «Թէ որ գտայ շնորհ քո առաջ, մնա ինձ մօտ. Ես տեսալ, որ Աստուած քո պատճառով օրհնեց ինձ։ Ասա, թնչ է վարձի, որ տամ քեզ»։

Իսկ Յակոբն ասաց նրան. «Այժմ ոչինչ մի տար. բայց եթէ թնչ որ քեզ ասեմ՝ կատարես, ես դարձեալ կ'արածացնեմ քո ոչխարները և կըպահեմ։ Թող այսօր բոլոր խաշները

առջեկցդ անցնեն, նրանցից զատիր և հանիր բոլոր խայտաշարիւ և գորշ ոչխարները և բոլոր պիսակ այծերը։ Եւ ինչ Յակոբը մնացած միագոյն խաշներից գորշախայտ և սպիտակ ծնանին, այն լինի իմ վարձը»։

Լաբանը պատասխանեց. «Այդպէս լինի»։ Եւ զատեց նոյն օրը գորշախայտ և պիսակ ոչխարներն ու այծերը, յանձնեց իւր որդոց և երէք օր ճանապարհով հեռացըրեց Յակոբից։ Եւ Յակոբն սկսեց արածեցնել մնացած միագոյն խաշները։

Բայց այս խաշները շուտով ծնեցին շատ գորշախայտ և պիսակ գառներ և ուլեր, որ Յակոբը զատում էր Լաբանի սականի գործեցից և իւր համար սեպհական խաշն ունեցաւ. Լաբանն խաշներից և իւր համար սեպհական խաշն ունեցաւ. Յակոբն որ այս տեսաւ՝ փոխեց վարձի պայմանը. թէև տասն անգամ որ այս տեսաւ փոփոխեց վարձի պայմանը, բայց Յակոբը դարձէլ ալսպէս փոփոխեց վարձի պայմանը, բայց Յակոբը դարձէլ հարստանում էր, և շատ ոչխարների և արջառների, ծաձեալ հարստանում էր, և շատ ոչխարների և արջառների, ծաձեալ հարստանում էր, և շատ ոչխարների, ուղտերի և էշերի տէր դարձաւ. ուաների և աղախինների, ուղտերի և էշերի տէր դարձաւ.

V^o III.

Եւ Յակոբը լսեց Լաբանի որդոց գանգատները, որ ասում էին. «Յակոբն առաւ բոլորը՝ ինչ որ մեր հօրն էր պատկանում, և մեր հօր ընչիցն այսքան հարստութիւն ժողովեց»։ Յակոբն այն ևս նկատեց, որ Լաբանը նրա հետ այնպէս չէր վարձում, ինչպէս երէկ և մէկէլ օրը. Եւ Տէրն ասաց նրան. «Պարձիր քո հօր և քո ազգի երկիրը, ես քեզ հետ եմ»։

Յակոբն իսկոյն մարդ սւզարկեց և կանչեց Ռաքէլին և Լիային դաշտ, ուր նախիրն էր, և ասաց նրանց. «Ես տեսնում եմ, ոք ձեր հալըն ինձ հետ այնպէս չի վարվում, ինչ պէս երէկ և մէկէլ օրը, բայց դուք զիտէք, թէ ինչպէս ծապանի միագոյն խաշն ինձ նենգեց և տասն անգամ վարձեցի նրան. իսկ ձեր հալըն ինձ նենգեց և տասն անգամ վարձաւ փոխեց. սակայն Աստուած չժողեց, որ ինձ վնասէ».

Եւ Աստուած ասաց ինձ. «Վերկաց, դուրս արի այս երկրից և գնա քո ծննդեան երկիրը, ես քեզ հետ եմ»:

Իսկ Ռաքէլն ու Լիան պատասխանեցին, «Արա, ինչ որ Աստուած քեզ ասաց»:

VIII.

Վերկացաւ Յակոբը, նստեցրեց իւր որդոց և կանանց ուղտերի վրայ, դուրս հանեց իւր բոլոր ստացուածքը, որ Միջագետքի մէջ ձեռք էր բերել, և գնաց իւր հօր Իսահակի մօտ՝ Քանանացոց աշխարհը: Եւ Ռաքէլը գողացաւ իւր հօր կուռքերը:

Այսպէս գաղտուկ կերպով հեռացաւ Յակոբը իւր աներից, որ ոչխարները խուզելու էր գնացել, և ոչինչ չասաց նրան: Եւ փախաւ՝ հետն առնելով իւր ամեն ինչքը, անցաւ գետը և դիմեց Դալաադի լեռը:

Երրորդ օրը Լաբանին լուր հասաւ, թէ Յակոբը փախել է: Իսկոյն առաւ հետը եղբայրներին, ընկաւ նրա լետևից եօթն օրուայ ճանապարհ, մինչև որ հասաւ նրան: Բայց Աստուած ասաց նրան երազում. «Զգոլ եղիր, որ Յակոբի հետ անզգամութեամբ չ'խօսես»:

Եւ Լաբանը հասաւ Յակոբին: Յակոբն արդէն իւր վրանները դրել էր լերան վրայ, և Լաբանը իւր եղբայրների հետ նմանապէս Գալաադի լերան վրայ ելաւ:

Եւ ասաց Լաբանը Յակոբին. «Այդ բնչ արեցիր, ինչու գաղտագնաց հեռացար և իմ դուստրներին տարար՝ սրով գերի առնուածների պէս: Ինչու ինձ իմաց չարիր, որ ես քեզ ուրախ սրտով, երգերով, ժմբերով և քնարով ճանապարհ ձգէի: Եւ միթէ արժանի չէի իմ որդոց՝ իմ աղջիկներիս համբուրելու: Դու անմտութեամբ վարուեցար: Ես կարող էի քեզ չա-

րութեամբ վճարել, բայց քո հօր Աստուածը երէկ ինձ ասաց. «Զգոլ եղիր, որ Յակոբի հետ անզգամութեամբ չ'խօսես»:

Եւ թէ դու գնում ես, որովհետեւ ալդ է քո սրտի փափագը, կուռքերս ինչու համար գողացար»:

Յակոբը պատասխանեց. «Ես առանց քեզ ասելու գնացի, որովհետեւ վախեցալ, թէ դու քո դուստրներդ ինձնից կըխլես: Իսկ որի մօտ որ դու քո կուռքերը գտնես, թող նա մեռնի: Ահա քո եղբայրների առաջ քըքը բոլորը և առ ինչ որ քոնն է»: Յակոբը չգիտէր, թէ Ռաքէլը կուռքերը գողացել էր:

Գնաց Լաբանը Յակոբի վրանը, Լիալի և երկու հարճերի վրանները, բայց ոչինչ չգտաւ. և եկաւ Ռաքէլի վրանը: Ռաքէլն առաւ կուռքերը և ուղտի պատաժի տակ դրեց ու վրան նստաւ: Լաբանը տնտղեց բոլոր տաղաւարը, բայց ոչինչ վրան չգտաւ: Եւ Ռաքէլը յղի էր. նա ասաց հօրը, «Տէր, մի բարչգտաւ: Եւ Ռաքէլը յղի էր. նա ասաց հօրը, «Տէր, մի բարչկանար, որ չեմ կարող քո առաջ ոտի կանգնել, տկար եմ»:

Այսպէս՝ Լաբանը չգտաւ ոչինչ. թէև շատ որոնեց:

Իսկ Յակոբը բարկացաւ և յանդիմանեց Լաբանին և ասաց նրան. «Ի՞նչ յանցանք եմ գործել, որ այդպէս լետևիցս ընկած եկար և իմ բոլոր ինչքը տնտղեցիր: Քո տան բաներիցն բնչ գտար այստեղ: Իեր ինչ որ գտար, դիր իմ և քո եղբայրների առաջ, և թող նրանք մեզ դատեն: Քսան տարի քեզ մօտ էի. քո ոչխարներն ու այծերն անպտուղ չէին, քո մաքիսերը երբէք չեն կերել: Վայրենի գաղանների պատառածը դու չ'կորցըիր, այլ ես իմ ունեցածից տուժեցի. նոյնպէս էլ թէ օրուայ և թէ գիշերուայ ժամանակ գողացածը: Յերեկը տօթից էի ալրվում, գիշերը ցըտից, և աչքս քուն չըգիտէր: Այսպէս ծառայեցի ես քսան տարի քո տան մէջ, տասն և չորս տարի դուստրներիդ համար և վեց տարի խաշների փոխարէն, և դու տասն անգամ վարձս փոխեցիր: Եթէ ների փոխարէն, և դու տասն անգամ վարձս փոխեցիր: Ասինձ օգնական չլինէր իմ հօր Աստուածը, Աքրահամի Աս-

տուածը, Որի երկիւղը որ Խսահակն ունի, դու գուցէ ինձ ունայն արձակէիր այժմ։ Աստուած տեսաւ իմ տառապանքն ու վաստակը և երէկ քեզ լանդիմանեց։

Լաբանը պատասխանեց և ասաց Յակոբին. «Ոչ ապաքէն այս աղջկերքն իմ դուստրներն են, և քո տղէքն իմ որդիքն են, և այս խաշներն իմ խաշներն են։ Արդ Բնչ կարող եմ անել այսօր իմ դուստրներին կամ նրանց որդկերանց որ նրանք ծնան։ Ուրեմն արի ես և դու ուխտ կապենք, և ալդ ուխտը լինի վկայութիւն իմ և քո մէջ։»

Եւ առաւ Յակոբը վէմ և արձան կանգնեց և ասաց իւր որդիներին. «Քարեր կուտեցէք։» Եւ նրանք քարեր ժողովեցին և շինեցին մի բլուր, և կերան ու խմեցին այն բլրի վրայ։

Եւ ասաց Լաբանը. «Այս բլուրն այսօր վկայ է իմ և քո մէջ, և Աստուած լինի մեր սահմանների պահապանը, երբոր միմեանցից մեկնինք։ Ահա ոչ ոք չկայ մեր մէջ, միայն Աստուած վկայ է իմ և քո մէջ։ Ես այս կարկառից (քարի դիզուածք) չեմ անցնիլ դէպի քո կողմը և դու էլ այս արձանից մի անցնիր դէպի իմ կողմս չարութեամք։ Աքրահամի Աստուածը, Նաքովը Աստուածը և նրանց պապերի Աստուածը մեր մէջ դատաւոր լինի։»

Եւ Յակոբը երդուեցաւ Աստուծու անունով և մատադ մորթեց լերան վրայ և իւր ազգականներին կանչեց հաց ուտելու։ Կերան խմեցին ու մնացին գիշերը նոյն լերան վրայ։ Եւ Լաբանն առաւօտը վաղ վերկացաւ, համբուրեց իւր դուստըներին և նրանց որդոց և օրհնեց նրանց։ Եւ նա հեռացաւ դարձաւ իւր տեղը, և Յակոբն էլ գնաց շարունակեց իւր ճանապարհը։

IX.

Յակոբն իրանից առաջ հրեշտակներ ուղարկեց իւր եղբայր Եսաւի մօտ, Եգովմի աշխարհը, և պատուիրեց նոցա ու ասաց. «Այսպէս ասացէք իմ եղբայր Եսաւին, թէ քո ծառայ Յակոբն այս է ասում. Մինչև այսօր Լաբանի մօտ կացայ և ունիմ արջառ, և ոչխար, և էշ, և ծառաներ ու աղախիններ, իսկ այժմ մարդ եմ ուղարկում իմ տէր Եսաւի մօտ, որ շընորհ գտնեմ նրա առաջ։»

Եւ հրեշտակները դարձան և ասացին. «Գնացինք քո եղբայր Եսաւի մօտ և ահա ինքը քո առաջն է գալիս չորս հարիւր մարդով։»

Վախեցաւ Յակոբը և տարակուսած էր, և բաժանեց իւր ժողովուրդը, արջառը, ոչխարները և ուղտերը երկու բանակի և ասաց. «Եթէ Եսաւը գայ և յարձակուի առաջին բանակի վրայ և կոտորէ, ազատ կըմնայ երկրորդ բանակը։» Յետոյ աղօթեց Յակոբը Աստուծուն. «Ով իմ պապերի Աստուած, Տէր, որ ինձ ասացիր, թէ գնա քո ծննդեան երկիրը և Ես կ'օգնեմ քեզ։ Ես շատ անարժան եմ այն ողորմութեան և ճշմարտութեան համար, որ Գու Քո ծառայիդ շնորհեցիր։ Միայն ցուպը ձեռիս անցայ այս Յորդանանը, իսկ այժմ վերադառնում եմ երկու բանակներով։ Արդ փրկիր ինձ իմ եղբայր Եսաւի ձեռից, որովհետեւ վախենում եմ, գուցէ գալ և ջարդէ ինձ, և մայր ու որդի միասին կոտորէ։»

Եւ Յակոբը գիշերը այնտեղ մնաց և իւր հետ բերածներից ընծաներ առաւ և ուղարկեց Եսաւին, այն է՛ երկու հարիւր այծ, քսան քաղ, երկու հարիւր մաքի, քսան խոյ, երեսուն ուղտ իրանց կողոներով, քառասուն կով, քսան ցուլ, քսան էշ և տասն մտրուկ։ Եւ իւր ծառաներին լանձնեց, ամեն մէկին մէկ հօտ և ասաց նրանց. «Գնացէք ին-

ձանից առաջ, և ամեն մէկ հօտը հեռու պահեցէք միւսից և միմեանցից բաժանուած տարէք»։ Եւ առաջինին պատուիրեց և ասաց. «Եթէ քեզ իմ եղբայր Եսաւը պատահի և հարցնէ, թէ՝ «Ո՞րինն է ալդ, որ առջեկցդ գնում է», դու ասա. «Քո ծառայ Յակոբի ընծան է, որ իւր տէր Եսաւին է ուղարկում. և ինքը մեր յետեկց գալիս է»։ Այսպէս պատուիրեց և միւսին, և երրորդին, և ամենին, որոնք խաշների հետ առաջ էին գնում, և ասաց. «Ի՞նչպէս պատուիրեցի, այնպէս ասացէք Եսաւին, երբ որ նրան պատահէք, և չ'մոռանաք, ասացէք. «Ա.Հա քո ծառայ Յակոբը մեր յետեկց գալիս է»։ Որովհետեւ Յակոբն այսպէս էր մտածում. «Ես Եսաւին ուզում եմ հաշաեցնել այն ընծաներով, որ առաջից գնում են. նա թերեւս յետոյ ինձ ընդունի»։

Եւ առաւօտը վաղ վերկենալով, անցաւ Յակոբը Յորդանանու մէջ թափուող հոռնով (ջրի անցք): բարձրացրեց իւր աչքը և տեսաւ, և ահա գալիս էր Եսաւը և նրա հետ չորս հարիւր մարդ: Իւր որդկերանց ու նրանց մայրերին բաժանեց, իսկ ինքը նրանցից առաջ գնաց, և եօթն անգամ երկրպագեց, մինչեւ մերձեցաւ Եսաւին: Եւ Եսաւն էլ առաջ եկաւ, գրկեց նրան և փաթաթուեցաւ նրա պարանոցով և երկուսն էլ լաց եղան: Եսաւն աչքերը բարձրացնելով՝ տեսաւ կանանց և մանուկներին և ասաց. «Դրանք քո ինչե՞րդ են»։ Յակոբը պատասխանեց. «Իմ որդիքս են, որ Աստուած քո ծառային պարզեցու: Նրանք յառաջ եկան, երկրպագեցին Եսաւին:

Եւ Եսաւն ասաց. «Ի՞նչ էին այն բոլոր հօտերը, որ ինձ հանդիպեցան»։

Յակոբը պատասխանեց. «Որ քո ծառան շնորհք գտնէ քո առաջ»։

Եսաւն ասաց. «Ես ինքս շատ ունիմ, եղբայր, քեզ լինի, ինչ որ քոնն է»։

Յակոբը պատասխանեց. «Ա.Հ., ոչ: Եթէ քո առաջ շնորհ

գտայ, ընդունիր այդ ընծաներն իմ ձեռից, որովհետեւ ես քո երեսն այնպէս տեսայ, իբր թէ մէկն Աստուածու երեսը տեսնի. զուարթ եղիր ինձ համար, առ ինձանցից այս օրհնութիւնը, որ ես քեզ մատուցի, որովհետեւ Աստուած ինձ ողորմել է և ես ամեն ինչ շատ ունիմ»։ Եւ այնքան բռնադատեց, մինչեւ որ ստիպեց նրան ընդունելու:

Եւ Եսաւն ասաց. «Չուենք երթանք, ես քեզ հետ եմ ուզում գնալ»։

Իսկ նա ասաց. «Եղբայր, դու տեսնում ես, որ մանուկներս մատղաշ են, և հետո ունիմ ծնունդ արձակած ոչխարներ և կովեր, որ եթէ մի օր ստիպեմ՝ կըմեռնեն: Տէր, դու քո ծառայիցդ առաջ գնա. իսկ ես, որչափ մանուկներն ու խաշները կըկարողանան ու ճանապարհը յաջող կըլինի, յետեկցդ կըգամ ու կըհասնեմ Սէիր՝ իմ տիրոջ մօտ»։

Եպաւն ասաց. «Գոնէ իմ ժողովրդից քեզ մօտ մի քանիսին կըթողնեմ»։

Յակոբն ասաց. «Ի՞նչ հարկաւոր է. այն էլ շատ է, որ քո առաջ ողորմութիւն գտայ, տէր»։ Եւ այն օրը Եսաւը միեւնոյն ճանապարհով դարձաւ Սէիր:

X.

Եւ չուեց Յակոբը Սուքովտի ճանապարհով և Եսաւի երեսից փախչելով՝ ողջ եկաւ Սիւքէմ քաղաքը, որ Քանանցոց աշխարհումն է, և բնակեցաւ քաղաքի լանդիման: Այստեղից էլ գնաց և եկաւ Բեթէլ և այնտեղ էլ սեղան շինեց, և Տէրն երևեցաւ Յակոբին, օրհնեց նրան և ասաց. «Այսուհետեւ անունը էլ Յակոբ չպէտք է կոչուի, այլ Խորակէլ (Աստուածատես)։ Ես եմ ամենակարող Աստուածը, այն երկիրը, որ Աբրահամին և Իսահակին տուի, քեզ կըտամ և քո ժառանգներին քեզանից

յետոյ: Յակոբն այնտեղ մի արձան կանգնեցրեց, ուր Աստուած նրա հետ խօսեցաւ:

Իեթէլի մէջ մեռաւ Ուեքեկալի դայեակ Դեքովրան և թաղ-ուեցաւ Իեթէլի ներքե կաղնիի տակ, որ կոչուեցաւ սգի կաղնի:

Յակոբը գնաց Իեթէլից և եկաւ Սալէմի սիջով Եփրատի մօտիկ, որ է Իեթլեհէմ: Այստեղ մեռաւ Ուաքէլը և թա-ղուեցաւ ճանապարհի վրայ Եփրատի մօտիկ: Եւ Յակոբը մի արձան կանգնեցրեց նրա գերեզմանի վրայ, այն է Ուաքէլի շիրիմը, որ մինչեւ ալսօր կայ:

Եւ գնաց Յակոբը Մամբրէ, այն է Հեքրոն, իւր հօր Իսահակի մօտ, ուր Ուքրահամն ու Իսահակը կենում էին: Իսահակն էր հարիւր ուժսուն տարեկան, հետզհետէ նուաղե-ցով՝ մեռաւ ծերացած ու կեանքից յոգնած: Եւ նրա որդիքն՝ Յակոբն ու Եսաւը՝ թաղեցին նորան կրկին այրի մէջ:

Եւ Եսաւն առաւ իւր կանայքը, որդիքը և իւր տան բոլոր մարդիկը, իւր բոլոր անասուններն ու ինչքը, որ Քա-նանացոց երկրում ստացել էր, և մէկ ուրիշ աշխարհ գնաց և Հեռացաւ իւր եղբայր Յակոբի երեսից: Որովհետև նրանց երկու-սի ինչքն այնքան շատ էին, որ չէին կարող մէկմէկու մօտ միասին բնակիլ. իսկ պանդխտութեան երկիրն այնքան ընդար-ձակ չէր, որ կերակրէր նոցա բազմաթիւ անասունները: Եւ Եսա-ւը բնակեցաւ Սէիր լեռան վրայ Եդովմացոց աշխարհում:

Իսկ Յակոբը բնակեցաւ այն երկրում, ուր նրա հայրը պանդխտեցաւ, այսինքն Քանանացոց երկրում:

21. Ուսորդական կեանք.

Արևելքում հովիւնները միշտ զէնք ունին իրանց հետ թէ թափառելու ժամանակ և թէ հօտն արածացնելու ժա-մանակ: Նրանք իրանց անասունները վայրի գազաններից պէտք

է պաշտպանեն: Բայց յատկապէս գազաններ որոնել ու սպա-նել՝ այդ ուրիշ մարդկանց զբաղմունքն է, այսինքն ո ըսոր դ-ների: «Նեբրովթը հսկայ որսորդ էր Աստուածու առաջ: Եսաւն էլ որսորդ էր և բացօթեայ էր կենում»:

Ուսորդները շատ նեղութիւններ պէտք է կրեն, որով-հետև հովիւնների պէս վրաններ չունին և ոչ երկրագործների պէս խուղեր, այլ անդադար չափում են սար ու ձոր, զառի-վալը խորոշներում և խաւար անտառներում են թափառում թէ արեգակի կիզող ճառագայթների տակ և թէ ձմեռուաբ սաստիկ ցրտին: Փոթորիկն ու անձրւը որսորդին արգելք չեն, որ նա իւր զբաղմունքը դադարեցնէ: Այսպէս նա բրտանում և դիմացկուն է դառնում, իսկ նրա մարմինը աւելի և աւելի վարժուելով՝ գորեղանում է: Ուսորդի կեանքը ոչ միայն բազ-մաչարչար է, այլ և միշտ վտանգալի: Իրանց խիստ հասարա-կութեամբ՝ շատ անգամ նրանք վայրի գազաններին զոհ են լինում, որովհետև Քանանացոց անտառներում և շրջակայ եր-կիրներում ոչ միայն այծեամներ, նապաստակներ և ճագարներ կան, այլև յովազներ, բորեաններ, գայլեր և վագրեր: Անապատ-ներում և արօտատեղիններում երեսում են յամոյրներ և ջայլամ-ներ, որոնց որսալու համար մեծ ճարպիկութիւն պէտք է բա-նեցնել: Ուսորդը միշտ աստանդական կեանք վարելով և ամե-նայն տեսակ վտանգների հանդիպելով, աւելի բիրտ, խիստ, վայրի և կտրիչ է դառնում, քան հովիւր կամ երկրագործը:

22. Քանանացոց երկրից մինչեւ Եգիպտոս.

Թողենք սիրուն հովիտը, ուր Քեքրոնն է, և գնանք հարաւ-արևեմուտք: Մեր ճանապարհը կը բռնենք մենք այն հովիտների միջով, որ այգիններով ու անտառներով լիքն են: Մեր բռնած լեռնաշղթայի գլխից մինչեւ Իերոսաբէ գեռ դար-

ձեալ երեում են ծաղիկներով զարդարած և արդաւանդ արօտները: Բերսաբէում կըլիշենք մենք այն ուխտը, որ Խսահակն ու Փղտացոց արքալ Արքիմելէքը կապեցին: Այնտեղ վերջանում է Քանանացոց աշխարհը (Դանից մինչև Բերսաբէ): Ելի շարունակելով մեր ճանապարհը, կըհասնենք մի անապատ, որ տարածվում է դէպի արևմուտք: Նրա գետինը կըալին է, աւազով և կայծքարով ծածկուած: Ցիր ու ցան եղած ոսկորները մեզ ցոյց կըտան ճանապարհը, որի վրալ, ո՞վ գիտէ, ո՞րքան պանդուխտ մարդիկ, ո՞րքան ուղտ իրանց շունչը փչել ե՞:

Դեռ ալսօր էլ վտանգաւոր է այդ կողմի ճանապարհորդութիւնը՝ անապատի մէջ թափառող բերուինների պատճառով: Եթէ դէպի արևմուտք գնանք, մեր լետեր կըմնան մեզ յայտնի Սէկը լեռները՝ Եդովմացոց աշխարհում, ուր Խսաւն էր բնակում: Հիւսիսում Գերարա և Գազա: Հարաւում հեռուից կ'երեան Սինա լերան գագաթները: Սա որձաքարի մի ահագին լեռն է, որ գետեղուած է եռանկիւնի ձեռվ Սինալի թերակղզու վրալ: Այս եռանկիւնը հարաւ-արեմուտքից և հարաւ-արևելքից բռնուած է կարմիր ծովով: Մի քանի օր ճանապարհին նեղութիւններ կըելուց լետոյ՝ կըհասնենք աւելի գեղեցիկ և բարեբեր կողմերը: Գետինն աւելի պտղաբեր կըդտնենք, բուսականութիւնն աւելի հարուստ, անապատը երթալով մեր աչքից կ'անլայտանալ արևելքում և մենք, վերջապէս, կըհասնենք Գեսեմ երկերը՝ Եդիպտոսի ամենապտղաբեր մասը:

23. Յովսէփի Եղբայրները նրան ծախում են.

Յովսէփը տասնեեօթը տարեկան էր և Եղբայրների հետ միսկին ոչխար էր արածացնում. Եղբայրները նրա մասին չար համբաւ էին բերում հօրը: Իսկ Յովսէփին աւելի էր սիրում, քան միւս որդոցը և կարել տուեց նրա համար ծաղ-

կեալ պատմուճան: Երբոր տեսան եղբայրները, թէ հայրը նրան աւելի է սիրում, ատեցին նրան և չէին կարողանում նրա հետ խաղաղութեամբ խօսել: Յովսէփը մի երազ տեսաւ և պատմեց եղբայրներին, որով նրանք աւելի ատեցին նորան: Նա ասաց նրանց. «Լսեցէք իմ տեսած երազը. ինձ թւում էր, թէ խուրձեր էինք կապում դաշտում. իմ խուրձը կանգնեց և ուղիղ կացաւ, իսկ ձեր խուրձերը դարձան և երկերպագեցին իմ խուրձին»: Եղբայրներն ասացին նրան. «Միթէ մեր թագաւորը պիտի դառնաս և տիրես մեզ»: Եւ նրանք աւելի ատեցին նրան այս երազի համար:

Մէկ երազ էլ տեսաւ Յովսէփը և պատմեց իւր Եղբայրներին և ասաց. «Ահա այլ երազ ևս տեսալ, իբր թէ արեգակը, լուսինը և տասնումէկ աստղեր ինձ երկրպագում էին:

Եւ երբոր այս բանը իւր հօրը և Եղբայրներին պատմեց, սաստեց նրան հայրը և ասաց. «Այդ ինչ երազ է: Միթէ ես, քո մայրը և Եղբայրներդ պէտք է գանք և քեզ երկրպագենք»: — Եղբայրներն սկսեցին նրան նախանձել, բայց հայրը մտքումը պահեց նրա խօսքերը:

Մի օր Եղբայրները Սիւքէմ գնացին՝ իրանց հօր խաշներն արածեցնելու: Եւ Խսրալէլն ասաց Յովսէփին. «Գնա, տես, արգեօք ո՞ղջ են Եղբայրներդ. համբաւ բեր ինձ»: Եւ ուղարկեց նրան Գեթրոնի ծործորից, և նա գնաց Սիւքէմի կողմը: Դաշտում մէկ մարդ տեսաւ նրան մոլորուած ման գալիս և հարցրեց. «Ի՞նչ ես ման գալիս»:

Նա պատասխանեց. «Ես իմ Եղբայրներին եմ ման գալիս. ասա ինձ, եթէ գիտես, ուր են արածեցնում նրանք»:

Մարդն ասաց. «Նրանք այստեղից հեռացան. և ես լըսեցի, որ նրանք ասացին, թէ գնանք Դովթալիմ»: Յովսէփը էլ գնաց Եղբայրների լետեից և գտաւ նրանց Դովթալիմի մէջ:

Երբոր նրանք հեռուից նրան տեսան, ասացին միմեանց.

«Ահա երազատեսը գալիս է, եկէք սպանենք նրան և մէկ գբի մէջ ձգենք և ասենք, թէ մի չար գազան նրան կերաւ. տեսնենք թէ ինչպէս պէտք է կատարուին նրա երազները»: Իսկ երբ Ռուբէնն այս լսեց, աշխատեց ազատել նրան նրանց ձեռից և ասաց. «Չսպանենք նրան: Արիւն մի թափէք, այլ ձգեցէք նրան այս անապատի գբերից մէկի մէջ և ձեռք մի տաք նրան»: — Բայց Ռուբէնն այս ասաց, որպէսզի Յովսէ-ֆին ազատէ և հօրը հասցնէ:

Եւ երբոր Յովսէֆը եղբայրներին մօտեցաւ, նրանք հա-նեցին նրանից ծաղկեալ պատմուածանը և ձգեցին նրան մի գբի մէջ, որ այդ ժամանակ դատարկ էր և ջուր չկար մէջը: Յետոյ նստեցին հաց ուտելու, և մէկ էլ աչքները բարձրացրին տեսան, որ Գալապի վաճառականները գալիս են իրանց ուղտերով, որոնց վրայ բարձած էին խունկ, ստաշխ և ռե-տին, և գնում էին Եգիպտոս: Եւ ասաց Յուդան իւր եղ-բայրներին. «Խօնչ օգուտ, եթէ մեր եղբօրն սպանենք: Եկէք վաճառականներին ծախենք, և թող մեր ձեռքը չշաղաղուի նրա արիւնով, որովհետեւ նա մեր եղբայրն է»: — Եւ նրանք լսեցին նրան:

Եւ երբոր վաճառականներն անցնում էին, հանեցին գբից Յովսէֆին և քսան դահեկանով ծախեցին: Եւ Ռուբէնը դարձաւ գուբը, բայց էլ Յովսէֆին գբում չգտաւ. իւր հան-դերը պատառեց, եկաւ եղբայրների մօտ և ասաց. «Պատա-նին այնտեղ չէ, ալժմ ուր կորչեմ ես»: — Նրանք մի ուլ մորթեցին և առան Յովսէֆի պատմուածանն ու թաթախեցին արեան մէջ. ծաղկեալ պատմուածանն չուղարկեցին հօրը և պատուիրեցին ասելու. «Այս պատմուածանը դտանք. տես, արդեօք քո որդու պատմուածանն է, թէ չէ»: — Նա իսկոյն ճանաչեց այն և ասաց. «Իմ որդուս պատմուածանն է այս. չար գազանն է նրան կերել. գազանը յափշտակել է Յովսէ-ֆիո»: Պատառեց իւր հանդերձները, սգի քուրձ հագաւ և

երկար ժամանակ սուգ արաւ որդու վրայ: Ժողովեցան նրա ըոլոր որդիքը՝ նրան մխիթարելու, բայց նա չէր մխիթար-վում:

24. Նեղոս.

Նեղոսը երկու աղբիւրի վտակներից է գոյանում. արե-ւելեանը կապուտ նեղոսն է, իսկ արևմտեանը՝ սպի-տակ: Առաջինը բղխում է Հաբեշտանի սարերից, որ այն-պէս բարձր են, ինչպէս մեր Կովկասը: Սպիտակ Նեղոսը հո-սում է ներքին Աֆրիկէից. նրա աղբիւրները գեռ ճիշդ յայտ-նի չեն: Այս երկու գետերը, իրար յետ միանալուց յետոյ, գնում են դէպի հիւսիսային կողմն ու թափվում են ծովը: Զախ և աջ՝ լեռնաշղթաներ են ձգվում: Նեղոսը իւր 300 մղոն երկայնութեան վրայ ոչ մի գետ չէ ընդունում իւր մէջ: Քանի որ ծովին մօտենում է, այնքան լեռները երթալով տափանում ու անյայտանում են, և ինքը շատ ճիւղերի է բաժանվում, որոնք զատ-զատ թափվում են ծովը. բայց թա-փուելուց առաջ մի եռանկիւն են կազմում, որ կոչվում է դելտա:

Նեղոսը մէկ և կէս անգամ աւելի երկայն է Եփա-տից, երկու և կէս անգամ Տիգրիսից և վեց անգամ երկայն է քան Կուրը և քան Երասմիը:

Իւր շուրջը եղող աշխարհների համար նա նշանաւոր է և օրհնաբեր, մանաւանդ իւր յորդութեանց ժամանակ: Երբ որ ներքին Աֆրիկէի մէջ անձրև տեղալու ժամանակն սկըս-վում է, Նեղոսի ջուրը յորդանում է (ամենայն տարի Յու-նիսի վերջին և Յուլիսի սկզբին) և բռլոր երկիրը, որ իւր ափերի շուրջը կան, ծածկվում է: Երբոր նրա ջուրը դար-ձեալ պակասում է, դաշտի վրայ թողնում է տիղմ, ուր մար-

դիկ ցանք են անում, և շուտով ամեն տեղ հասկերով ծածկվում է: Այսպէս ուրեմն, նեղոսի երկիրներն իսկապէս ցորենի ամբարներ են արևելքի համար:

25. Յովսէփը Եգիպտոսում:

I.

Վաճառականները Յովսէփին Եգիպտոսում ծախեցին Պետափրէսին, որ փարաւոնի ներքինին էր և դահճապետը: Եւ Աստուած Յովսէփին օգնական էր, այնպէս որ նրան ամեն բան յաջողվում էր, քանի Եգիպտացի տիրոջ տանն էր: Այս տեսնում էր և նրա տէրը, և նա շնորհ գտաւ իւր տիրոջ առաջ, այնպէս որ նրա աւագ ծառան դարձաւ. տէրը նրան տան վերակացու կարգեց և ամեն բան, ինչ-որ իրանն էր, յանձնեց Յովսէփին: Եւ օրհնեց Աստուած Եգիպտացու տունը Յովսէփի համար, և Աստուծու օրհնութիւնը տարածուեցաւ նրա բոլոր ընչերի վրայ, թէ տանը և թէ դաշտումը: Ահա այսպէս Պետափրէսն ամեն բան թողեց Յովսէփի ձեռին, և ոչինչ բանի հոգ չունէր, թէ ինչ կար կամ ինչ էր կատարվում տան մէջ. բայց միայն գիտէր այն կերակուրները, որ ուտում էր:

Յովսէփն ազնիւ երես և գեղեցիկ տեսք ունէր: Մի օր Պետափրէսի կինն աչք ձգեց նրա վրայ, սիրեց նրան և կամենում էր նրա հետ փախչել: Բայց նա չէր համաձայնում և ասաց. «Ես ինչպէս այդ մեծ չարութիւնը գործեմ և մեղանչեմ Աստուծու առաջ»:

Իսկ կինը միշտ կրկնում էր նոլնը, բայց նա դարձեալ չէր լսում նրան: Մի օր էլ Յովսէփը տուն մտաւ, որ իւր սովորական տնտեսական գործը կատարէ. տանըցիներից ոչ ոք չկար: Եւ կինը բռնեց նրա վերակուից, որ իւր հետ տանէ:

Բայց նա թողեց վերարկուն նրա ձեռին ու ինքը փախաւ կինը շատ բարկացաւ և կանչեց տան ծառաներին և ասաց. «Տեսէք, Պետափրէսը մեր տունը մի Եբրայեցի ծառայ բերեց մեզ խայտառակելու: Նա եկաւ ինձ մօտ և յորդորում էր, որ հետը փախչեմ. իսկ երբոր բարձր աղաղակեցի ու փէշեց բռնեցի՝ երկիւղից թողեց իւր ձորձն իմ ձեռքիս ու փախաւ: բռնեցի՝

Եւ պահեց ձորձը, մինչև որ տէրը տուն եկաւ, և նոյն խօսքերը նրան ևս ասաց. «Քո բերած եբրայեցի ծառան մը տառ ինձ մօտ և ստիպում էր, որ հետը փախչեմ: Իսկ ես երբոր աղաղակեցի, նա թողեց իւր վերարկուն ինձ մօտ և փախաւ: բռնեցի՝

Եւ երբոր տէրը իւր կնոջ խօսքերը լսեց, շատ բարկացաւ ու առաւ Յովսէփին բանտը դրեց, ուր արքունի կալանաւորներն էին կապուած: Բայց Աստուած Յովսէփին օգնական էր. բանտապետի՝ քաղցը աչքը նրա վրայ դարձեց, այնական էր. բանտապետը Յովսէփի ձեռքը յանձնեց բոլոր կալապէս որ բանտապետը Յովսէփի ձեռքը յանձնեց բոլոր գործերը նրան էր կատարել նաւորներին և այնտեղի բոլոր գործերը նրան էր կատարել տալիս: Եւ բանտապետն էլ ոչինչ հոգս չունէր, որովհետեւ Աստուած Յովսէփի հետ էր և բոլոր Յովսէփի արածը լաւ յաջողեցնում էր:

II.

Այս բաներից յետոյ՝ մի օր Եգիպտացոց թագաւորի տակառապետը և մատակարարն իրանց տիրոջ՝ այսինքն թագաւորի առաջ յանցանք գործեցին: Եւ փարաւոնը բարկացաւ իւր այդ երկու ներքինիների վրայ և հրամայեց բանտ դնել նրանց, և տարան նրանց այն բանտը, ուր Յովսէփն էր բանտարկուած: Բանտապետը նրանց Յովսէփին յանձնեց, որ նրանց սպասաւորէ. և նրանք միքանի օր այնտեղ էին: Եւ երկուսն էլ, այսինքն թագաւորի տակառապետն ու մատակարարը,

Երազ տեսան միևնուն գիշերը։ Առաւօտը, երբ որ Յովսէփը մտաւ նրանց մօտ և տեսաւ որ տխուր էին, հարցրեց նրանց և ասաց. «Ձեր երեսն ինչո՞ւ է տրտում այսօր»։

Նոքա պատասխանեցին. «Երազ տեսանք, և ոչ ոք չկալ, որ մեզ մեկնէ»։

Յովսէփն ասաց. «Մեկնութիւնն Աստուծու ձեռին է. բայց պատմեցէք ինձ»։

Նախ տակառապետը պատմեց Յովսէփին և ասաց. «Ես տեսայ երազում իմ առաջ մի որթ, և որթի վրայ երէք ուռ, որ դեռ կանաչ էին, բայց յանկարծ ծաղկեցան և խաղողի ողկոյզները հասան։ Եւ ես ձեռիս ունէի փարաւոնի բաժակը, առնում էի խաղողը և ճմլում էի բաժակի մէջ և տալիս էի բաժակը փարաւոնի ձեռքը»։

Յովսէփն ասաց նրան. «Այս է դրա մեկնութիւնը. երեք ուռը երէք օր է։ Երեք օրից յետոյ փարաւոնը կրաիշէ քո իշխանութիւնը և յետ կրդարձնէ քեզ քո պաշտօնը, որ առաջուալ պէս փարաւոնի բաժակը իւր ձեռքը տաս։ Եւ երբ որ յաջողութեան մէջ լինիս, գու էլ ինձ յիշեր, ողորմութիւն արմ և փարաւոնի առաջ բարեխօսիր, որ ինձ այս բանտից հանէ։ Ինձ գողանալով բերին Եբրայեցոց երկրից, ալստեղ էլ ոչինչ յանցանք չգործեցի, բայց բանտը ձգեցին ինձ»։

Երբ մատակարարը տեսաւ, որ լաւ մեկնութիւն տուեց, ասաց Յովսէփին. «Ես երազ տեսայ, և թուեցաւ ինձ, իբր թէ գլխիս երեք սպիտակ կողով ունէի և վերևի կողովում կային ամեն տեսակ թխած բաներ փարաւոնի համար, և թուչուններն այդ ուտում էին գլխիս վրայ եղած կողովներից»։

Յովսէփը պատասխանեց և ասաց. «Այս է մեկնութիւնը. երեք կողովը երեք օր է. և երեք օրից յետոյ փարաւոնը քո գլուխը կըվերցնէ վրալիցդ և կախ կըտալ քեզ փաքտի վրալ, և թուչունները քո միսը կուտեն»։

Եւ երբ որդ օրը փարաւոնի ծննդեան օրն էր. նա իւր

բոլոր ծառաներին ուրախութեան հաց տուեց. «և յիշեց իւր ծառաների մէջ տակառապետի և մատակարարի իշխանութիւնը»։ Եւ տակառապետին յետ դարձրեց իւր պաշտօնը, որ իրան բաժակ տայ, իսկ մատակարարին կախ տալ տուեց փայտի վրալ, ինչպէս որ Յովսէփը մեկնել էր։

Սակայն տակառապետը Յովսէփին էլ չիշեց և մոռացաւ նրան։

III.

Երկու տարուց յետոյ փարաւոնն էլ երազ տեսաւ. նրան երևեցաւ, իբր թէ կանգնած էր նեղոս գետի ափին և ջրից դուրս եկան եօթը գեղեցիկ, գէր և ընտիր երինջներ և գնացին ճահճի խոտի մէջ արածելու։ Ապա այլես եօթը երինջները ջրից դուրս եկան, որ գէշ և վտիտ էին և գնացին գետի ափն առաջուալ երինջների մօտ։ Գէշ և վտիտ երինջները կերան եօթը գեղեցիկ և գէր երինջներին։ Այդ ժամանակ զարթեցաւ փարաւոնը։

Յետոյ դարձեալ քնեցաւ և դարձեալ երազ տեսաւ, և ահա եօթը լիք և խնկագոյն հասկեր աճում էին մէկ փնջի վրայ։ Յետոյ տեսաւ, որ եօթը բարակ և խորշակից զարկուած հասկեր ծլում էին նրանց յետեից։ Եւ եօթը բարակ և խորշակից զարկուած հասկերը կլանում էին եօթը լիք և խնկագոյն հասկերին։ Եւ զարթեց փարաւոնը և տեսաւ, որ երազ էր գոլուն նա շատ տրտում էր. մարդիկ ուղարկեց և կանչել տուեց Եգիպտոսի բոլոր երազահաններին և իմաստուններին և պատմեց նրանց իւր երազը. բայց մարդ չգըտնուեցաւ, որ այդ երազները մեկնէր իրան։

Այն ժամանակ միայն տակառապետի միտքն ընկալ Յովսէփը. խօսք բաց արաւ և ասաց թագաւորին. «Երբ որ փարաւոնը մեր վրալ բարկացաւ և ինձ մատակարարի հետ միա-

սին բանտ ձգել տուեց դահճապետի տանը, այն ժամանակ մենք երկուսս միևնոյն գիշերը երազ տեսանք, և մեր երազները մեծ նշանակութիւն ունէին ամեն մէկիս համար: Բանտում մեզ հետ նաև մի եբրայեցի պատանի կար, նրան պատմեցինք, և նա մեր երազները մեկնեց մեզ, ամեն մէկիս տեսածին համեմատ: Եւ ինչպէս որ մեկնեց, այնպէս էլ կատարուեցաւ՝ ես վերստին ստացալ իմ իշխանութիւնը, իսկ նա կախուեցաւ փայտի վրայ:

Փարաւոնն ուղարկեց և Յովսէփին կանչել տուեց: Հանեցին նրան բանտից, մազերը խուզեցին, փոխեցին շորերը, և մտաւ փարաւոնի մօտ: Եւ փարաւոնն ասաց նրան. «Ես երազ տեսայ, բայց մարդ չկայ, որ մեկնէ ինձ: Իսկ քեզ համար լսել եմ, որ դու գիտես երազ մեկնելը»:

Յովսէփը պատասխանեց և ասաց. «Այդ ինձանից կախուած չէ: Աստուած կըպատասխանի, թէ փարաւոնի փըրկութիւնն ինչ է»:

Փարաւոնն ասաց Յովսէփին. «Երազ տեսայ, իբր թէ Նեղոս գետի ափին էի կանգնած և ջրից ելնում էին եօթը գեր և գեղեցիկ երինջներ, և գնում էին ճահճի խոտի մէջ արածելու: Ապա այլ եօթը լղար, շատ գէշ և վտիտ երինջներ դուրս եկան, ամբողջ Եգիպտոսում այդքան գէշ կենդանիներ չէի տեսել: Եօթը լղար ու գէշ երինջները կերան առաջին եօթը գեր և գեղեցիկ երինջներին և ուտելուց լետոյ էլ չէր երեսում նրանց փորից թէ բան են կերել և առաջուալ պէս էլի գէշ էին երեսում: Այդ ժամանակ զարթեցայ:—Յետոյ միւս անգամ երազ տեսայ, որպէս թէ եօթը լիք և գեղեցիկ հասկեր մի փնջի վրայ աճում էին: Յետոյ նրանց մօտ ծլում էին եօթն ապականուած, նուազ և խորշակից զարկուած հասկեր: Եւ եօթը նուազ հասկերը կուլ տուին եօթն ատօք հասկերին: Այս բանն արդէն պատմել եմ երազահաններին, բայց նրանք չեն կարողանում մեկնել»:

Յովսէփին ասաց. «Փարաւոնի երկու երազն էլ մէկ է: Ինչ որ Աստուած անելու է, փարաւոնին ցոյց է տալիս: Եօթը գեղեցիկ երինջները եօթը առատ տարի են, և եօթը գեղեցիկ հասկերը նոյնպէս եօթ տարի են: Երազը միևնոյն է: Եօթը տգեղ և վտիտ երինջները, որ նրանցից լետոյ դուրս եկան, և եօթը սին և խորշակահար հասկերը եօթը սովի տարիներ են: Ահա այս է իմ ասածը, թէ Աստուած փարաւոնին ցոյց է տալիս իւր անելիքը: Ահա եօթը տարիներ կըգան, որ ամբողջ Եգիպտոսում մեծ լիութիւն կըլինի: Յետոյ կըգան եօթը սաստիկ սովի տարիներ, որ լիութիւնը իսպառ կըմուացուի և սովը տագնապի մէջ կըձգէ երկիրը: Այլ թէ փառացուի և սովը տագնապի մէջ կըձգէ երկիրը: Այլ թէ Աստուածը երկու անգամ երազեց, այլ նշանակում է, թէ Աստուծոյ ցոյցը ճշմարիտ է և նա շուտով կըկատարէ այդ: Իսկ այժմ թող թագաւորն իրան խորհրդական ընտրէ մի մարդ և նրան վերակացու կարգէ Եգիպտացոց երկրի վրայ և գործակալներ նշանակէ երկրի վրայ և արմտիների հինգերորդ մասը պահանջէ Եգիպտացոց երկրում եօթն լիութեան տարիների ժամանակ: Թող լաջողակ տարիների բոլոր պտուղները ժողովեն և ցորենը լցնեն փարաւոնի շտեմանը և պաշարները քաղաքներում պահեն, որպէսզի պաշարն պահուի եօթն սովի տարիների համար և որպէսզի երկրը սովից չկոտրուի:

Այս խօսքերին շատ հաւանեցան փարաւոնը և բոլոր նրա ծառաները: Եւ նա ասաց իւր ծառաներին. «Միթէ կըգտնենք սրա պէս մի մարդ, որ Աստուծոյ հոգի ունենալ իւր անձի մէջ»: Եւ ասաց Յովսէփին. «Որովհետև այդ բոլոր Աստուած քեզ ցոյց տուեց, ապա ուրեմն քեզանից աւելի իմաստուն, խոհական և հասկացող մարդ չկայ: Քեզ եմ կարգում իմ տան վրայ և քո խօսքիդ պէտք է հնազանդի իմ բոլոր ժողովուրդը: Ես քեզանից բարձը կըլինիմ միմիալն աթոռովս»: Ահա ես քեզ այսօր կարգում եմ Եգիպտացոց

Երկրի վրայ»։ Եւ փարաւոնը մատանին հանելով իւր մատից, դրեց Յովսէփի մատը, հագցրեց նրան բեհեզեալ պատմուձան և ոսկեալ մանեակ կախեց նրա պարանոցը։ Նստեցրեց նրան իւր երկրորդ կառքի մէջ, և նրա առջևից մունետիկը կանչում էր։ «Երկրպագեցէք, սա է երկրի հալը»։

Եւ նրան կարգեց եգիպտացոց երկրի վրայ։

Եւ թագաւորն ասաց Յովսէփին. «Ահաւասիկ ես փարաւոնս ասում եմ, որ առանց քո հրամանիդ ոչ ոք ձեռք կամ ոտք չպիտի բարձրացնէ բոլոր եգիպտացոց երկրի վրայ»։ Եւ Յովսէփին պատուեց կենսատու անունով, որ եգիպտացոց լեզուով ասել է Փամփթօմբանէ. և Արեգ քաղաքի քրմի դուստր Ասանէթին կութեան տուեց նրան։

Այսպէս ելաւ Յովսէփ բոլոր եգիպտոսը շրջելու։ Երեսուն տարեկան էր Յովսէփը՝ երբ որ փարաւոնի առաջ ելաւ։ Երկիրը եօթը լիութեան տարիներին չափազանց բարեբեր եղաւ. և լիութեան եօթը տարիներում ժողովեց նա բոլոր պտուղները և ամբարեց քաղաքներում։ ինչ պտուղ որ ամեն քաղաքի շուրջը եղող դաշտերում բուսնում էր՝ բոլորը ժողովեց։ Եւ Յովսէփը ցորենը ժողովեց ծովի աւազի պէս իիստ շատ, մինչև որ էլ դադարեց համարել, որովհետեւ թիւ չկար։

Եւ Յովսէփը ծնաւ երկու որդի, սովի ժամանակից առաջ, և կոչեց նրանց անունը՝ մէկինը Մանասէ և միւսինը Եփրեմ։

Եւ երբ որ լիութեան տարիներն անցան Եգիպտացոց աշխարհից, սկսեցին եօթն սովի տարիները գալ, ինչպէս որ Յովսէփը գուշակել էր։ Եւ սովը տարածուեցաւ աշխարհիս բոլոր երկիրները, բայց Եգիպտոսում ամբարուած հաց կար։ Եւ որովհետեւ Եգիպտոսն էլ սովեցաւ, ժողովուրդը աղաղակեց փարաւոնի հացի համար։ Բայց փարաւոնն ամեն Եգիպտացու առում էր. «Դնացէք Յովսէփի մօտ և ինչ որ ասէ, այն արէք»։ Յովսէփը բայց արեց ցորենի շտեմարանները և

վաճառեց Եգիպտացիներին ցորեն, որովհետեւ սովն աւելի սաստկանում էր։ Այեն աշխարհքից գալիս էին Եգիպտոս Յովսէփից ցորեն գնելու, որովհետեւ ամեն տեղ սովը գօրանում էր։

26. Երկրագործութիւն.

Որսորդն անտառներում թափառում է, հովիւը մէկ արօտատեղից միւսն է քաշվում, երկուսն էլ համարեա միշտ երանց հանգստութեան տեղը փոխում են. այնպէս չէ երկրագործը։ Սա երկար տարիներ բնակում է միւսնոյն տեղը. ունի իւր տունն ու արտը, մարգն ու ալգին։ Եւ ամենայն համբերութեամբ պէտք է աշխատէ, որպէսզի իւր քրտնքի պտուղը վայելէ։

Տեսնենք մեր դրացի աշխարհների Երկրագործի վաստակը տարուայ զանազան ժամանակներին։ Դարնանը նա դաշտում վարուցանք է անում, որ փետրվարին է սկսվում, այսինքն աւելի վաղ, քան թէ մեղանում։ Մարտին առատ անձրեներով ցորենն արագ-արագ բուսնում և շուտով հասնում է։ Ամառը գրեթէ անձրև չէ գալիս, միայն գիշերուայ ցողը պէտք է զովացնէ ըոյսերը։ Այս պատճառով Խսահակն էլ իւր որդի Ցակոբին այս խօսքերն ասելով՝ օրհնեց. «Աստուած տալ քեզ երկնքի ցողից»։ Ալրիլին և Մայիսի առաջին կիսին ցանքը հնձվում է։ Մի կողմից դերանդաւորը քաղում թափում է որանը, հետեւից փոցխաւորը փոցխում է, և միւս կողմից խրձնաւորը խուրձ կապում ու տանում բարդում է։ Քաղից յետով կալոցն է գալիս. որանի սալլերով բերում են ցորենն ու դիզում կալերում։ Նահապետների ժամանակ կամնելու համար ցորենը կամ ծեծում էին գաւազաններով կամ եզների ոտի տակ կոխուում էին ու որանը մանրում. ապա թեղում

Էին: Թեղն էլ էրնում էին (քամու էին տալիս), որպէսզի հատիկները յարդից բաժանուին: Ցորենն աղացվում էր ձեռքի աղօրիքով, որ ծառաները կամ աղախինները պըտտեցնում էին: Ձեռքի աղօրիքը շատ պարզ էր և նոյնն էր, ինչով որ մենք այժմ աղ ենք աղում: Նա բաղկացած է մէկ բոլորակ քարից՝ ներքին երկանից, որ անշարժ կայ, և նրա նման, բայց մէջտեղը ծակած մէկ ուրիշ քարից՝ վերին երկանից, ոչը վերին երեսի վրայ, մէկ կողքին, շիտակ զարկուած կոթունի բունելու և նրանով ներքին երկանի միջի սլաքի վրայ հագցրած վերին երկանը պտըտեցնելու համար: Ցորենը հընձելուց յետոյ քաղում են մրգեղէնը և ապա կթում են խաղողը: Սեպտեմբերին վերստին անձրւ է գալիս և այդ ամսի սկզբին սկսվում է աշնան ցանքը: Չմեռն երկրագործը հանգիստ է առնում աշխատանքից ու իւր ուժերը կազդուրում է գալ գարնան աշխատանքի համար. բայց եթէ արօրն ու միւս գործիքները կարկատելու են, նա ձմեռն էլ անգործ չէ մնում:

Այսպէս մենք տեսնում ենք, որ երկրագործն անդադար պէտք է աշխատի, որպէսզի հաց ուտի: Բայց նա գիտէ, որ իզուր են նորա աշխատանքները, եթէ Աստուած իւր օրհնութիւնը չտայ: Ուստի ստէպ աղօթում է և գոհութիւն է մատուցանում նրան, նրա ողորմութեանց համար: Նահապետներն այս բանը ոչ միայն աղօթքով, այլև գոհերով էին կատարում: «Երբ որ տարին վերջանում էր, դաշտի արմտիքիցն ընծալ էին մատուցանում Աստուծուն»:

Մեր պատմածների մէջ հանդիսացող մարդիկն ևս ոչ միայն հովուութեամբ, այլ և երկրագործութեամբ էին պարապում: Արդէն Աբրահամն ագարակ ձեռք բերեց, բայց լոկ միայն ազգականներին թաղելու համար. իսկ իսահակը ցանեց Գերարա երկրում և հարիւրապատիկ հնձեց: Երբոր նա Յակոբին օրհնեց, ասաց. «Աստուած տայ քեզ երկնքի ցողից

և երկրի պարարտութիւնից և ցորենի ու գինու առատութիւնա: Եսաւը որսորդ և երկրագործ էր: Երկրագործութիւնն աւելի ծաղկած էր Եգիպտոսում: Բայց այնտեղի բնակիչները հարկաւորութիւն չունեին այնքան աշխատել և չարչարուիլ, ինչպէս որ ուրիշ երկրներում: Երբ որ նեղոսը իւր լորդութիւնը պակասեցնում և մտնում է իւր տաշտը, նրանք ցանում են ցորենը, և շուտով ամեն տեղ ցանքը ծլում է. կարճ միջոցում հասնում է արեգակի կիզող ճառագալթների տակ: Հունձն այնքան առատ է լինում, որ Եգիպտոսը ոչ միայն իրան, այլև բոլոր շրջակալ երկիրները կերակրել կարող է: Նա եղել է և է արևելքի շտեմարանը:

27. Եգիպտոս.

Նեղոսի ներքին մասը կոչվում է Եգիպտոս: Պտղաւէտ է նեղոսի հովիտը, որ միայն միքանի ժամուայ ճանապարհ լայնութիւն ունի: Այս հովիտն արևմուտքից և արեւելքից պատած է լեռնաշղթաներով: Արևմտեանը տարածվում է մինչև Աֆրիկէի մեծ անապատը. արևելեանը ձգվում է մինչև կարմիր ծովը: Նեղոսի գելտայի մօտ լեռնաշղթաները միմեանցից շատ հեռացած են, և Եգիպտոսի պտղաւէտ երկիրն այստեղ մեծանում և դառնում է մի ընդարձակ դաշտավայր: Նեղոսի աջ ափի վրայ եղած մասը կոչվում էր Գեսէմ:

Եգիպտոսի բոլոր քաղաքները նեղոսի ափերումն են շինած: Նրանք աւելի բազմաթիւ և մեծ են քան Քանանացոց քաղաքները. ամեն մէկ քաղաքից մինչև միւս քաղաքը կան նաև մեծ քանակութեամբ գիւղեր: Բոլոր ալս բնակութեան տեղերը շինուած են բնական կամ արուեստական բարձ-

բագեր բլուբների վլայ, որպէսզի ջրի յորդութեանց ժամանակ դարձեալ ջրից վեր մնան: Հին ժամանակներում շատ քաղաքներ միլիոնի չափ ժողովուրդ են ունեցել: Տները բազմայարկանի էին, քաղաքի պարսպներից վեր բարձրանում էին բարձր աշտարակներ: Բագիններն աղիւսից շինածորմեր ունեին: Որմի մէկ կողմը մուտքն էր, որի առաջ գրեթէ ամեն տեղ կանգնած էին հսկայական արձաններ, որ շատ անգամ մէկ ժայռի կտորից շինուած սիւներ էին, և որ օրէ լիսկ (կոթող) էին կոչվում: Մուտքի առաջ երկու կողմից անբառնում էին աշտարակածե շէնքեր: Գլխաւոր մուտքեց (մեհենի գունից) մինչև իսկական բագինը ճանապարհի երկու կողմից շարուած էին լինում սֆինքսներ, ալսինքն արձաններ առիւծի մարմնով և մարդու գլխով: Բագինը զարդարուած էր լինում սիւներով, նկարներով և հիեռոգլիֆով (եգիպտացոց սրբագրերով): Նոյնպէս զարդարուած էին լինում ապառաժի շիրիմների պատերը: Այս շիրիմները ոչ թէ բնական այրեր էին, ինչպէս որ քանացոց երկրումն էին, այլ գերեզմաններ՝ շատ լարկերից բաղկացած, արուեստական ձեռվ շինուած: Շիրիմի պատերի վրայ փորագրած պատկերները նկարագրում էին հանգուցեալների գործքերը: Թագաւորները թաղվում էին բըրգերում: Սրանք լեռնաբերձ բարձրութեամբ կոփածոյ քարեց էին շինվում: Ամենաբարձրը չորս հարիւր լիսուն ոտնաշափ բարձր էր (Տիգրիսի Մթածմինդի բարձրութիւնը): Բըրգերի ներսը մի փոքր խուց կար, ուր դրվում էին թագաւորների դագաղները:

Եգիպտոսի օդը շատ տաք ու չոր է: Գրեթէ անձրև չէ գալիս: Խորշակները բոյսերին փացնում են և շատ անգամ էլ հետները փչում բերում են անապատի աւազը: Երկիրը բոլորովին անպտուղ կըլինէր, եթէ ամեն տարի նեղոսը չլորդանար: Իսկ սա գետինը ջրում է և ծածկում է տիղմով:

Եւ որպէսզի նրա յորդութիւնը շատ տեղ տարածուի, շինուած էին արուեստական ջրանցքներ և աւազաններ: Երբ որ գետը լետ էր քաշվում՝ աճում և ծաղկում էին բոյսերը շուտ և առատութեամբ: Ուստի Եգիպտոսը «նախ աւազի անապատ, ապա քաղցր ծով, և յետոյ բուրաստան» էր:

28. Առվի տառապանքը, Եղբայրների ճանաչումը, Եգիպտոս դաղթիլը.

I.

Եւ երբ որ Յակովը լսեց, թէ Եգիպտոսում ցորեն է վաճառվում, իւր որդոցն ասաց. «Խնչ էք ծանր շարժվում, ահա լսում եմ, որ Եգիպտոսում ցորեն կայ. իջէք այստեղ, գնեցէք մեզ կերակուր, որ ապրենք և չմեռնենք»: Եւ իշան Յովսէփի տասը Եղբայրները: Յակովը Յովսէփի հարազատ Եղբայր Բենիամինին չարձակեց, որ նրանց հետ գնալ, երկեղ անելով՝ թէ մի զուցէ նրան մի փորձանք պատահի: Եւ այսպէս Խորակէլի որդիքը եկան ուրիշ շատ եկողների հետ ցորեն գնելու, որովհետեւ քանանացոց երկրում սով էր:

Յովսէփը երկրի իշխանն էր, և նա էր ծախում ցորենը բոլոր ժողովրդին: Եւ երբ որ Եղբայրներն էլ եկան ու խոնարհ երկրագեցին նրան, Յովսէփը նրանց տեսաւ ու ճանաչեց: Բայց ծանօթութիւն չտուեց նրանց, խիստ խօսեց նրանց հետ և ասաց. «Որտեղից էք գալիս»:

Նրանք պատասխանեցին, «Քանանացոց երկրից՝ կերակուր գնելու համար»: Թէև նա գիտէր, թէ ովքեր են նրանք, բայց նրանք չճանաչեցին նրան: Եւ լիշեց Յովսէփը իւր հին երազները, թէ ինչպէս Եղբայրներն իրան երկրագութիւն պիտի անէին և ասաց նրանց. Լրտես էք դուք և եկել էք միայն մեր աշխարհի ել ու մուտքն իմանալու»:

Նրանք պատասխանեցին. «Ոչ, տէր, ծառաներդ եկել ենք կերակուր գնելու։ Մենք ամենքս մէկ մարդու որդիք ենք, մենք խաղաղ մարդիկ ենք և քո ծառաները լրտես չեն»։

Եւ ասաց նրանց. «Ոչ, դուք եկել էք երկրի ել ու մուտքը տեսնելու»։

Նրանք պատասխանեցին. «Մենք, քո ծառաները, տասներկու եղբայր ենք, մէկ քանանացի մարդու որդիք, և կըրտսերը մեր հօր մօտ մնաց, իսկ միւսն էլ չկայ»։

Յովսէին ասաց նրանց. «Ինչպէս ասացի ձեզ, ալնպէս է, լրտես էք դուք։ Եւ ես պէտք է ձեզ փորձեմ. փարաւոնի արևով եմ երդվում, որ այստեղից չէք գնալ, մինչև ձեր կրտսեր եղբօրը չբերէք։ Ձեզանից մէկին ուղարկեցէք, որ նրան բերէ այստեղ, իսկ դուք կացէք դիպահի մէջ, մինչև լայտնուի ճշմարիտ էք խօսում, թէ սուտ։ Եթէ ձեր ասածը սուտ լինի, տպա ուրեմն փարաւոնի արևով երդվում եմ, թէ դուք լրտեսներ էք»։ Եւ միասին բանտի մէջ պահել տուեց նրանց երեք օր։

Երրորդ օրն ասաց նրանց. «Եթէ ապրել էք ուզում, ալս արէք, որովհետեւ ես էլ Աստծուց երկիւղ ունիմ։ Եթէ դուք խաղաղ մարդիկ էք, ձեզանից մէկին թողէք այստեղ բանտում, իսկ դուք գնացէք և տարէք ցորենը, որքան որ ալժմ ձեր տան կարօտն է։ Եւ ապա ձեր կրտսեր եղբօրը բերէք ինձ մօտ, որ ձեր խօսքը հաստատուի։ Այս ժամանակ կըհաւատամ ձեր խօսքին, և դուք չէք մեռնիլ»։

Նրանք իրանց մէջ խօսեցան. «Ահա մեր մեղքը, որ մեղանչեցինք մեր եղբօր դէմ, կատարվում է մեր վրայ։ Մենք նրա ոգու նեղութիւնը տեսանք, երբ որ նա մեզ աղաչում էր, և մենք արհամարհեցինք ու չլսեցինք նրան։ Այս է պատճառը, որ մենք ալժմ նեղութիւն ենք կըում»։

Ուուբէնը պատասխանեց նրանց և ասաց. «Չասացի՞ ձեզ, թէ ալդ մանուկի դէմ մեղք մի գործէք։ Եւ դուք չու-

զեցաք լսել։ Եւ ալժմ նրա արիւնն է պահանջվում։ Բայց նրանք չգիտէին, թէ Յովսէփը հասկանում է, որովհետեւ նա նրանց հետ թարգմանչի բերանով էր խօսում։ Եւ նա երեսը մի կողմ դարձրեց և լաց եղաւ. յետոյ դարձաւ նրանց մօտ միւս անզամ, խօսեց նրանց հետ և առաւ նըրանցից Նմաւոնին և կապեց նրան նրանց առաջ։ Եւ Յովսէփը հրամայեց, որ նրանց պարկերը ցորենով լցնեն և նրանց դրամն իրանց վերադարձնեն, ամեն մէկինը իւր պարկի մէջ դնելով, և որ պաշար տան նրանց ճանապարհի համար։ Եւ ալդպէս էլ կատարեցին։

Իսկ նրանք ցորենը էշերի վրայ բառնալով՝ գնացին։ Նրանցից մէկը պարկը բաց արաւ իջևանում՝ գրաստին կերակուր տալու համար, և տեսաւ իւր ար ծաթի ծրարը պարկի մէջ։ Եւ ասաց եղբայրներին. «Իմ փողը դարձեալ այստեղ գտնուեցաւ իմ պարկում։ Նրանք վախեցան և ասացին միմեանց. «Այս բնչ փորձանք է բերում Աստուած մեր գլխին։

Երբոր եկան քանանացաց երկիրն իրանց հօր մօտ, պատմեցին նրան բոլոր անցքը և ասացին. «Այն մարդը, որ երկրի իշխանն է, խստութեամբ խօսեց մեզ հետ և մեզ բանտում պահեց որպէս լրտեսներ։ Բայց մենք պատասխանեցինք. «Մենք խաղաղ մարդիկ ենք, մենք լրտեսներ չենք, այլ տասներկու եղբայրներ, մէկ հօր որդիք, մէկն այլևս չկայ, իսկ կրտսերն ալժմ մեր հօր մօտ է, քանանացաց աշխարհում։ Եւ երկրի իշխանն ասաց մեզ. «Նրանով կ'իմանամ, թէ խաղաղ մարդիկ էք, եթէ ձեր մէկ եղբօրն ինձ մօտ թողնէք, ցորենը տանէք ձեր տան կարօտութեան համար և յետ գաք ու ձեր կրտսեր եղբօրն ինձ մօտ բերէք. այսպէս կ'իմանամ, թէ լրտես չէք, այլ խաղաղ մարդիկ էք։ Այս ժամանակ այս ձեր եղբօրն էլ յետ կտամ ձեզ, և դուք կարո՞ կըլինիք այս երկրում վաճառ անել»։

Եւ երբոր իրանց պարկերը դատարկում էին, նրանց

ամեն մէկը իւր արծաթի ծրարը իւր պարկի մէջ գտաւ. այս տեսնելով, նրանք և հայրը շատ վախեցան: Եւ ասաց նրանց հայր Յակոբը. «Դուք ինձ անորդի էք անում. Յովսէփին էլ չկայ, Նմաւոնը կորաւ և Բենիամինին էլ ուզում էք տանել. այս բոլորն իմ գլխին է թափվում»:

Պատասխանեց Ռուբէնը և ասաց. «Իմ երկու որդկերանց սպանիր, եթէ դրան քեզ չդարձնեմ: Դու իմ ձեռքն յանձնիր դրան և ես քեզ կըդարձնեմ»:

Նա ասաց. «Իմ որդին ձեզ հետ չի իջնիլ, որովհետեւ սրա եղբայրը մեռաւ, և միայն սա է մնացել. եթէ սա ձեր գնացած ճանապարհին հիւանդանալ, դուք իմ ծերութիւնը տրտմութեամբ մահուան կըհասցնէք»

II.

Բայց սովոր աւելի և աւելի սաստկանում էր երկրի վրայ, և երբոր Եղիպտոսից բերած ցորենը սպառեցաւ, հայրն ասաց նրանց. «Գնացէք դարձեալ կերակուր գնելու»:

Պատասխանեց Յովդան և ասաց. «Այն մարդը միքանի անդամ սաստեց մեզ և ասաց. «Զտեսնէք իմ երեսը, եթէ ձեր կրտսեր եղբայրը ձեզ հետ չլինի»: — Արդ եթէ մեզ հետ կ'արձակես մեր կրտսեր եղբօրը, մենք կ'իջնենք և կերակուր կ'առնենք, իսկ եթէ չես տրձակիլ, մենք էլ չենք իջնիլ: Որովհետեւ այն մարդն ասաց. «Իմ երեսը չէք տեսնիլ, եթէ ձեր կրտսեր եղբայրը ձեզ հետ չլինի»:

Յակոբն ասաց. «Ինչու իմ գլխիս այս պատուհասը բերիք և այն մարդուն պատմեցիք, թէ դուք էլի մէկ եղբայր ունիք»:

Նրանք պատասխանեցին. «Այն մարդը շատ էր հարցնում և տեղեկանում մեր մասին, մեր ազդի մասին և ասաց. «Տակաւին կենդանի է ձեր հայրը: Ալլես եղբայր ունիք»: Մենք էլ պատմեցինք, ինչոր նա հարցնում էր: Միթէ դի-

տէինք, թէ նա մեզ կ'ասէ. «Բերէք ձեզ հետ ձեր եղբօրը»: Եւ ասաց Յուդան Յակոբին՝ իւր հօրը. «Թո՛ղ պատանին մեզ հետ գալ, մենք էլ ճանապարհ ընկնենք, որ տպրենք և չմեռնենք մենք ամենքս՝ և մենք, և դու, և մեր մանուկները: Ես երաշխաւոր եմ նրա համար, և իմ ձեռից պահանջիր նրան: Եթէ չդարձնեմ, յաւիտեանս յանցաւոր մնամ: Եւ եթէ այսքան չուշացնէինք բանը, մենք արդէն երկու անգամ վերադարձած կըլինէինք»:

Եւ ասաց նրանց Խօրայէլլ՝ նրանց հայրը. «Ե՛հ, եթէ ալդպէս հարկաւոր է, ուրեմն կատարեցէք. առէք մեր երկրի պտուղներից ձեր պարկերում և ընծաներ տարէք այն մարդուն. առէք ուետին, մեղր, խունկ, ստաշխ, պիստակ և նուշ: Դարձեալ արծաթ առէք հետներդ կրկնապատիկ. և այն արծաթը, որ դուք պարկերում գտաք, այն ևս յետ գարձրէք, զուցէ սխալմունք է պատահէլ: Առէք և ձեր եղբօրը հետներդ և իջէք Եղիպտոս այն մարդու մօտ: Աստուած տայձեզ շնորհ այն մարդու առջև, որ ձեր միւս եղբօրը և Բենիամինին արձակէ: Բայց ես ինչպէս անզաւակացայ, անզաւակացայ»:

Նրանք առան ընծաներ և կրնապատիկ արծաթ և Բենիամինին, գնացին Եղիպտոս և Յովսէփին յանդիմտն կացան: Երբոր Յովսէփը նրանց տեսաւ և նրանց հետ Բենիամինին, ասաց իւր տան վերակացուին. «Տուն տար այս մարդկանց մորթիր անսասուն և կերակուր պատրաստիր, սրանք ինձ հետ հաց պէտք է ուտեն կէսօրին»:

Եւ կատարեց մարդը, ինչոր Յովսէփը պատուիրեց: Բայց նրանք վախեցան, որ Յովսէփի տունը պէտք է տարուին և ասացին. «Այն փողի համար, որ այն անզամ մեր պարկերում գտնուեցաւ, տանում են, որ հարցուփորձ անեն, մեղադրեն մեզ և իրանց ծառայեցնեն»: Ուստի մօտեցան Յովսէփի վերակացուին, խօսեցան նրա հետ դռան առաջ՝ և ասացին.

«Հսիր, տէր. անցեալ անգամ եկանք կերակուր գնելու, և երբ յետ գնալիս իջևանն հասանք և մեր պարկերը բաց արինք, մէկէլ տեսանք որ ամեն մէկիս փողն անպակաս կշռով պարկի բերանումն էր, ուստի մենք այժմ դարձեալ հետներս բերել ենք. և ուրիշ փող էլ բերել ենք, որ կերակուր գնենք: Բայց մենք չգիտենք, թէ ո՞վ էր դրել փողերը մեր պարկերում»:

Նա պատասխանեց. «Խաղաղ կացէք, մի վախենաք: Զեր և ձեր հայրերի Աստուածը ձեզ գանձ է տուել ձեր պարկերում: Իսկ ես պատկանելի վճարը ձեզանից ստացել եմ»: Եւ բերեց նրանց մօտ Նմաւոնին. և տարաւ նրանց Յովսէփի տուն, տուեց նրանց ջուր, որ ոտները լուանան, և նրանց գրաստներին կերակուր տուեց: Իսկ նրանք ընծաները պատրաստեցին, քանի որ Յովսէփը չէր եկել. որովհետև լսեցին, թէ նա այնտեղ պէտք է գալ ճաշելու:

Եւ երբոր Յովսէփն եկաւ, մատուցին նրան իրանց ձեռքն եղած ընծաները և խոնարհեցան նրա առաջ: Իսկ նա նրանց առողջութիւնը հարցրեց և ասաց. «Զեր ծերունի հայրը ողջ է, որի մասին ինձ ասացիք, թէ տակաւին կենդանի է»:

Նրանք պատասխանեցին. «Քո ծառան՝ մեր հայրը գեռկենդանի է և ողջ է»: Եւ նրանք խոնարհեցան նրա առաջ: Նա բարձրացրեց իւր աչքը և տեսաւ Բենիամինին, իւր համամայր եղբօրը, և ասաց. «Սա է ձեր կրտսեր եղբայրը, որի մասին ինձ առաջ ասացիք»: Եւ աւելացրեց. «Աստուած ողորմի քեզ, որդեակա»: Եւ հեռացաւ Յովսէփը, որովհետև նրա գութը շարժեցաւ իւր եղբօր համար և ուզում էր լաց լինել. մտաւ միւս սենեակը և լաց եղաւ: Եւ յետոյ երեսը լուաց, դուրս եկաւ, պնդեց ինքն իրան և ասաց. «Հաց բերէք»: Եւ բերին նրան առանձին, նրանց համար էլ առանձին և եղիպտացոց, որ նրա հետ էին ճաշում, նոյնպէս առանձին, որովհետև եղիպտացիք չէին կարող եբրայեցիների հետ միասին ուտել,

որովհետև գարշելի էին սրանք նրանց: Եւ եղբայրները նըստեցան Յովսէփի դիմաց. անդրանիկը՝ իւր երիցութեան համեմատ, կրտսերները՝ իրանց կրտսերութեան համեմատ, և բոլորեքեանք զարմանում էին իրանց եղբօր վրայ: Եւ նրա սեղանից բերում էին նրանց համար քաղցր կերակուրներ, բայց Բենիամինի համար հինգ անգամ աւելի բերին, քան նրանց ամեն մէկի համար: Եւ նրանք կերան և խմեցին նրա հետ:

Եւ Յովսէփը հրամայեց իւր վերակացուին և ասաց. «Արանց պարկերը լցրու ցորենով, որչափ որ կըմտնէ, և ամեն մէկի փողը իւր պարկի բերանը գիր. և իմ արծաթէ սկիհը դիր կրտսերի պարկի բերանը և նմանապէս նրա ցորենի գինը: — Եւ նա կատարեց ինչպէս որ Յովսէփը պատուիրել էր: Եւ երբոր առաւօտ եղաւ, արձակուեցան մարդիկը՝ իրանք և իրանց էշերը: Նրանք քաղաքից գեռ շատ հեռու չէին գնացել, երբ Յովսէփը վերակացուին ասաց. «Վերկաց գնա, հասիր նրանց և ասա. ինչո՞ւ գողացաք արծաթէ սկիհը, որով իմ տէրը խըմում և նրանով հմայում էր: Դուք չարութիւն գործեցիք»:

Եւ նա հասաւ նրանց և ասաց այս խօսքերը: Նրանք պատմուսխանեցին. «Ինչո՞ւ խօսում է մեր տէրն ալդպիսի բաներ. Աստուած ոչ անէ, որ քո ծառաներն ալդպիսի բան անեն: Եթէ այն փողը, որ պարկերում գտանք, ձեզ դարձրինք քառանացոց երկրից, ինչո՞ւ պէտք է գողանալինք քո տիրոջ տանից արծաթ կամ ոսկի: Ալժմ քո ծառաների որի մօտ որ այն սկիհը գտնուի, թող մեռնի նա, իսկ մենք թող ծառալ գառնանք մեր տիրոջը»:

Եւ իսկոյն ամեն մէկը իւր բեռը իջեցրեց գետին և բաց արեց պարկը: Նա ման եկաւ բոլորը, սկսելով երեցի պարկից մինչև եկաւ կրտսերի պարկը և գտաւ սկիհը Բենիամինի պարկում: Այս տեսնելով, նրանք պատառեցին իրանց հանդերձները և ամեն մէկը իւր բեռը դրեց էշի վրայ և դար-

ձան քաղաք: Յուղան մտաւ իւր եղբայրների հետ ի միասին Յովսէփի մօտ, որովհետև նա դեռ այնտեղ էր, և նրանք գետնի վրայ ընկան նրա առաջ: Եւ ասաց նրանց Յովսէփը. «Այս Բնչ է ձեր արածը: Զգիտէք որ ինձ պէս մարդը գուշակել կարող է ամեն բան»:

Յուղան պատասխանեց. «Ի՞նչ պատասխան տանք իմ տիրոջ և Բնչպէս արդարանանք: Աստուած քո ծառաների յանցանքը գտաւ: Եւ ահա, մենք և նա, որի մօտ որ սկիհը գտնուեցաւ, իմ տիրոջ ծառաներն ենք»:

Իսկ նա ասաց. «Աստուած ոչ անէ, որ այդպէս անեմ. միայն նա, ում մօտ որ սկիհը գտնուեցաւ, միայն նա պէտք է ինձ ծառայ լինի. իսկ դուք խաղաղութեամբ դարձէք ձեր հօր մօտ»:

Առաջ եկաւ Յուղան և ասաց. «Աղաջում եմ, տէր, թողքո ծառան մի խօսք ասէ քո առաջ. և չբարկանաս ծառալիդ վրայ, որովհետև փարաւոնից յետոյ դու ես տէրը: Դու քո ծառաներին հարցրիր և ասացիր. «Ունիք դուք հայր և էլի եղբայր»: Եւ մենք պատասխանեցինք. «Ծերացած հայր ունինք և կրտսեր եղբայր, և որովհետև նրա եղբայրը մեռած է, միայն նա է մնացել իւր մօրից և հայրը նրան շատ է սիրում»: Յետոյ դու ասացիր քո ծառաներին. «Բերէք նրան ինձ մօտ, ես ուզում եմ իմ աչքով նրան տեսնել»: Իսկ մենք իմ տիրոջ պատասխանեցինք. «Մանուկը չի կարող հօրը թողնել. Եթէ թողնէ, նա կըմեռնի»: Դու ասացիր քո ծառաներին. «Եթէ ձեր կրտսեր եղբայրը ձեզ հետ չիջեցնէք, էլ իմ երեսը չտեսնեք»: Եւ երբոր մենք գնացինք մեր հօր մօտ, պատմեցինք նրան բոլորը, ինչ-որ իմ տէրը հրամայեց: Եւ մեր հայրն ասաց. «Գնացէք և դարձեալ ցորեն գնեցէք»: Իսկ մենք ասացինք. «Մենք չենք կարող գնալ, եթէ մեր կրտսեր եղբայրը մեզ հետ չլինի»: Եւ ասաց մեր հայրը. «Դուք գիտէք, որ Ռաքէլը երկու որդի ծնաւ ինձ. մինը գնաց ին-

ձանից և գաղանակուր եղաւ և էլ չտեսալ նրան: Արդ եթէ սրան էլ ինձանից հեռացնէք, և սրան մի հիւանդութիւն պատահի, դուք իմ ծերութիւնը տրտմութեամբ գերեզման կըտանէք»: Ես՝ քո ծառադ, երաշխաւոր եղայ մանուկի համար, և ասացի հօրս. «Եթէ ես որդուդ չվերադարձնեմ, յափիտեանս յանցաւոր մնամ»: Ուրեմն թող մանուկի փոխարէն ես քեզ ծառայ մնամ, և թող նրան, որ եղբայրների հետ միասին տուն գառնալ: Ապա թէ ոչ՝ Բնչպէս դառնամ հօրս մօտ, եթէ մանուկն ինձ հետ չլինի: Ես ուրեմն այն թշուառութիւնը պէտք է տեսնեմ, որ իմ հօրս անշուշտ պատահելու է»:

III.

Էլ չկարողացաւ Յովսէփը դիմանալ ուրիշների առաջ, որ նրա շուրջը կալին, և ասաց. «Դուրս տարէք ամենին այստեղից»: Եւ երբոր էլ ոչ ոք չմնաց այնտեղ, եղբայրներին ճանաչել տուեց իրան: Եւ ինքը բարձրաձայն լաց եղաւ, մինչև որ եգիպտացիքն ու փարաւոնի տունը լսեցին, և ասաց եղբայրներին. «Ես եմ Յովսէփը. արդարև տակաւին կենդանի է հայրս»:

Եւ եղբայրներն էլ չկարողացան պատասխանել, այնքան վախեցան նրանից: Բայց նա ասաց եղբայրներին. «Մօտ եկէք ինձ»: Եւ նոքա մօտեցան: Եւ նա ասաց. «Ես եմ Յովսէփը, ձեր եղբայրը, որին դուք Եգիպտոս վաճառեցիք: Բայց այժմ մի վախենաք և չկարծէք թէ բարկանում եմ, որ դուք ինձ ծախեցիք, որովհետև Աստուած ինձ ձեզանից առաջ Եգիպտոս ուղարկեց ձեր կեանքը փրկելու համար: Այս միայն երկու տարի է, որ սովէ երկում և դեռ էլի հինգ տարի կայ, որ ոչ ցանք և ոչ հունձ լինելու չէ: Եւ Աստուած ձեզանից

առաջ ինձ ուղարկեց այստեղ, որպէսզի այս երկրում ձեզ համար հիմք դնեմ, և որպէսզի ապրեմ ձեզ հրաշապէս փրկելու համար։ Եւ ոչ թէ դուք ինձ ուղարկեցիք այստեղ, այլ Աստուած։ Այժմ շտապեցէք, գնացէք իմ հօր մօտ և ասացէք նրան։ Այս է ասում քո որդի Յովսէֆը։ «Աստուած ինձ տէր արաւ եգիպտացոց բոլոր երկրի վրայ, եկ ինձ մօտ և մի ուշանար։ Դու կըքնակես Գեսէմ երկրում, ինձ մօտ կըլինիս դու և քո որդիքը և քո որդոց որդիքը, քո ոչխարները և արջառը և բոլորը, ինչ-որ քոնն է։ Եւ ես կըկերակրեմ, որովհետեւ էլի հինգ տարի կայ սովին. և դու, և քո տունը, և ամենը, ինչ-որ քոնն է, կապրիք և նեղութիւն չէք կրիլ։» Ահա դուք ձեր աչքով էք տեսնում և իմ եղբայր Բենիամինն էլ տեսնում է, որ խօսողը ես եմ։ Պատմեցէք ուրեմն հօրս, թէ ինչ փառքումն եմ Եգիպտոսում. պատմեցէք, ինչ-որ տեսաք։ Շտապեցէք և բերէք հօրս ինձ մօտ։» Եւ փաթաթուցաւ Բենիամինի պարանոցին և լաց եղաւ, և Բենիամինն էլ լաց էր լինում նրա պարանոցի վրայ։ Յովսէֆը համբուցեց իւր բոլոր եղբայրներին և լաց եղաւ. ապա թէ վստահութիւն առանք և խօսեցան նրա հետ։

Երբոր համբաւը փարաւոնի պալատը Հասաւ, թէ Յովսէֆի եղբայրներն եկել են, ուրախացան և փարաւոնը, և նրա ծառաները և նա ասաց Յովսէֆին. «Ասա եղբայրներիդ. — Այսպէս արէք, լցրէք ձեր բեռները և գնացէք, և երբոր քանանացոց երկիրը հասնէք, առէք ձեր հօրը և ձեր ստացուածքը և եկէք ինձ մօտ. Ես ձեզ կըտամ եգիպտացոց ամենայն բարութիւններից, որպէսզի երկրի ընտիր բարիքներով կերակրուիք։ Տարէք եգիպտացոց աշխարհից սալլեր, ձեր որդոց և կանանց համար, և առէք ձեր հօրը և եկէք։ Եւ մի ագահանաք ձեր կաչի վրայ, որովհետեւ եգիպտացոց երկրի բոլոր բարութիւնները ձերը կըլինին։»

Յովսէֆն այդպէս արեց. տուեց նրանց սալլեր փարա-

ւոնի պատուիրանին համեմատ, տուեց և պաշար ճանապարհի համար։ Ամեն մէկին էլ մի մի պատմուճան ընծայեց, իսկ Բենիամինին տուեց երեք հարիւր դահեկան և հինգ պատմուճան։ Եւ հօրն ուղարկեց տասն էշ եգիպտացոց բարութիւններով բեռնաւորուած, տասն ջորի ցորենով, և հաց ու կերակուր հօր ճանապարհի համար։ Եւ այսպէս գնացին նըրանք Եգիպտոսից և եկան քանանացոց երկիրն իրանց հօր Յակոբի մօտ և պատմեցին նրան բոլորը և ասացին. «Յովսէփը դեռ կենդանի է և նա է իշխանն ամբողջ եգիպտացոց աշխարհի»։

Իսկ նա այնպէս էր, որպէս թէ երազիցն է զարթում, և չէր հաւատում նրանց, Բայց երբոր նրանք Յովսէփի բուլոր խօսքերը պատմեցին, որ նրանց ասել էր, և երբոր նա սալլերը տեսաւ, որ Յովսէփն էր ուղարկել՝ իրան տանելու, զուարթացաւ իւր ոգին, և ասաց ծերունի հայրը. «Բաւական է, իմացայ որ կենդանի է իմ որդի Յովսէփը. գնանք տեսնեմ նրան, քանի չեմ մնոել»։

IV.

Եւ վերկացաւ Իսրայէլը և առաւ հետը իւր բոլոր կայքը և եկաւ Բերսարէ և պատարագ մատոյց իւր հօր՝ Իսահակի Աստուճուն։ Եւ Աստուած գիշերուայ տեսիլքում խօսեց նրա հետ. «Յակոբ»։ Եւ նա ասաց. «Ահաւասիկ եմ»։

Եւ նա ասաց. «Ես եմ ամենակարող Աստուածը, քո հօր Աստուածը, մի վախենար Եգիպտոս իջնել, որովհետեւ քեզ ուղում եմ մեծ ազգ անել այնտեղ. Ես քեզ հետ կ'իջնեմ Եգիպտոս, և Ես դարձեալ կըհանեմ քեզ այնտեղից, և Յովսէփը կըփակէ քո աչքերը իւր ձեռքով»։

Վերկացաւ Յակոբը Բերսարէից, և նրա որդիքն առան նրան և իրանց կանանց ու որդոց այն սալլերի վրայ, որ

փարաւոնն ուղարկել էր, և հետն առնելով իրանց անասունը և ստացուածքը, որ քանանացոց երկրում ստացան, եկան Եգիպտոս, Յակոբն ու նրա բոլոր ցեղը, այսինքն նրա որդիքը, նրա որդոց որդիքը, դստերքը, նրա դստերաց որդիքը և իւր բոլոր զաւակներին բերեց Եգիպտոս, որ թուով վաթսուն և վեց էին: Յովսէփին իւր երկու որդով էլ հաշուելով, Յակոբի տան բոլոր հոգիքը, որ Եգիպտոս մտան, եօթանասուն էին:

Եւ Յակոբն իրանից առաջ Յուդային ուղարկեց Յովսէփի մօտ, որ յայտնէ նրան իւր գալուստը, իսկ ինքը եկաւ Գեսեմ: Յովսէփը կազմեց իւր կառքը և ելաւ գնաց իւր Հօր՝ իսրայէլին հանդիպելու Գեսէմի կողմը: Եւ երբոր նրան տեսաւ, փաթաթուեցաւ նրա սլարանոցին և երկար լաց եղաւ նրա կուրծքի վրայ: Եւ Յակոբն ասաց Յովսէփին. «Թող այսուհետեւ մեռնեմ, երբոր քո երեսը տեսայ, որ դու դեռ կենդանի ես»:

Յովսէփն ասաց իւր Հօրը և եղբայրներին. «Կ'իջնեմ և փարաւոնին կ'ասեմ. «Իմ եղբայրները և իմ Հօր ազգատոհմը եկել են ինձ մօտ քանանացոց երկրից, բայց դրանք հովիւներ եկել են իրանց մեծ ու փոքր անասունները հետները բերել են: Արդ եթէ փարաւոնը ձեզ կանչէ և հարցնէ. «Ի՞նչ է ձեր գործը»: Դուք պատասխանեցէք. «Քո ծառաները խաշնադարմաններ ենք՝ սկսած մեր մանկութիւնից մինչև այսօր, և ոչ միայն մենք, այլև մեր հալրերն ու պալերը նոյնն են եղել»: Որպէսզի ձեզ Գեսէմի մէջ բնակեցնեն, որովհետեւ Եգիպտացիք գարշում են ոչխարների հովիւներից»:

Եւ եկաւ Յովսէփը, պատմեց փարաւոնին և ասաց. «Իմ հալը և իմ եղբայրներն իրանց ոչխարներով և արջառով և բոլոր կայքով եկել են քանանացոց երկրից և այժմ Գեսէմումն են»: Եւ իւր եղբայրներից առաւ հինգին և փարաւոնի առաջ կանգնեցրեց: Եւ ասաց փարաւոնը եղբայրներին.

«Ի՞նչ է ձեր գործը»: Նրանք պատասխանեցին. «Քո ծառաները ոչխարների հովիւներ են, ինչպէս և մեր հայրերն էլ եղել են: Եկել ենք այստեղ պանդխտանալու, որովհետև քո ծառաները ճարակ չունեին խաշների համար, այնքան սաստկացաւ սովը քանանացոց երկրում. արդ թող քո ծառաներին, որ Գեսէմ երկրում բնակին»:

Փարաւոնն ասաց Յովսէփին. «Քո հայրը և քո եղբայրները եկել են քեզ մօտ. Եգիպտացոց աշխարհը բաց է քո առաջ, բնակեցրու նրանց երկրի ամենալաւ տեղում, թող Գեսեմում կենաւն, և եթէ զիտես, թէ նրանց մէջ զօրաւոր մարդիկ կան, թող վերակացութիւն անեն իմ խաշներին»:

Յովսէփը իւր Հօր Յակոբին էլ տուն բերեց և փարաւոնի առաջ կանգնեցրեց: Եւ Յակոբն օրհնեց թագաւորին: Իսկ թագաւորը հարցրեց. «Քո կենաց օրերը քանի տարի են»:

Եւ Յակոբը պատասխանեց. «Իմ պանդխտութեան օրերը հարիւր և երեսուն տարի են: Սակաւ և դժուարին էին իմ կեանքի օրերը, և չհասան իմ նախահարց պանդխտութեան օրերին»:

Եւ Յակոբը նորից օրհնեց փարաւոնին և գուրս գնաց: Յովսէփը իւր Հօրը և եղբայրներին բնակութիւն տուեց և բնակեցրեց երկրի ամենալաւ տեղում՝ Գեսէմում, ինչպէս որ թագաւորը հրամայեց: Եւ իւր Հօր տունը կերակրում էր Հացով, իւրաքանչիւրին առանձին խնամելով:

V.

Բայց դէռ էլի հաց չկար բոլոր երկրներում և սովը սաստկացաւ, և սովից խիստ նուազեցան Եգիպտացոց ու քանանացոց երկիրները: Յովսէփը ժողովեց բոլոր արծաթը, որ գտնվում էր Եգիպտոսի և Քանանու մէջ այն ցորենի փո-

խարէն, որ վաճառում էր, և Յովսէփն այս բոլոր արծտթը հաւաքեց թագաւորի գանձի մէջ:

Եւ որովհետև Եգիպտոսում փողը պակասում էր, եկան եգիպտացիք Յովսէփի մօտ և ասացին: «Հաց տուր մեզ: Ինչու ես թողում, որ աչքիդ առաջ մեռնենք, որովհետև մենք փող չունինք»:

Իսկ Յովսէփն ասաց. «Բերէք ձեր անասունները և եռ ձեզ հաց կըտամ նրանց փոխանակ: Նրանք բերին իրանց անասունները և նա նրանց հաց տուեց փոխանակ ձիերի, ոչ խարների, արջառի և էշերի: Այդպէս կերակրեց նրանց մի տարի ևս նրանց անասունների փոխանակ:

Անցաւ այն տարին էլ, նրանք եկան նրա մօտ և ասացին. «Զենք ծածկիլ մեր տիրոջից, թէ ոչ միայն փողը, այլև անասունն սպառեցաւ. և էլ ոչինչ չունինք մեր տիրոջ տալու, բացի մեր անձներից և մեր դաշտերը չաւերուին, գնիր մեզ հացի փոխարէն, և մենք, և մեր երկերը թագաւորի ծառաներ կըլինինք. տուր մեզ սերմ, որ սերմաննենք, ապրինք և չմեռնենք և երկերը չաւերուի»:

Այսպէս Յովսէփը փարաւոնի համար գնեց բոլոր Եգիպտոսը, և Եգիպտացիք ծախեցին ամեն մէկը իւր դաշտը, որովհետև սովը սաստիկ ստիպում էր նրանց: Եւ այսպէս երկիրը փարաւոնի սեպհականութիւն դարձաւ, և բաժանեց ժողովուրդն ուրիշ քաղաքներում Եգիպտոսի մէկ ծայրից սկսած մինչև միւս ծայրը: Միայն քուրմերի երկիրը չգնեց, որովհետև փարաւոնն ալդ պարգևել էր քուրմերին, որ կերակրուեն, և միայն այստեղից պիտի կերակրուէին, ուստի իրաւունք չունէին ծախելու: Ապա ասաց Յովսէփը ժողովրդեան. «Ահա այսօր ստացայ ձեզ և ձեր երկիրը թագաւորի համար. առեք սերմը և սերմանեցէք հողը. և հնձելուց յետոյ արդիւնքի հինգերորդ մասը փարաւոնին պէտք է տաք. իսկ չորս մասը

ձերը կըլինի սերմանելու և կերակրելու թէ ձեզ և թէ ձեր բոլոր տան համար»:

Նրանք ասացին. «Դու մեզ ապրեցնում ես, և շնորհք գտանք մեր տիրոջ առաջ, ուստի ուրախութեամբ կըծառայենք փարաւոնին»:

Եւ այսպէս Յովսէփը Եգիպտացիներին օրէնք դրեց մինչև այսօր, որ Եգիպտացիք արդիւնքի հինգերորդ մասը թագաւորին են տալիս:

Այսպէս՝ Յակոբի ազդատոհմը բնակեցաւ Եգիպտոսում՝ Գեսէմ երկրում, այնտեղ ժառանգութիւն ունեցաւ, աճեց և բազմացաւ: Եւ Յակոբը Եգիպտոսում կացաւ տասնեւեօթը տարի, այսպէս որ նա հարիւր քառասուն և եօթը տարեկան դարձաւ: Եւ երբոր նրա մահուան օրերը մերձեցան, կանչեց Յովսէփ որդուն և ասաց նրան. «Եթէ շնորհ ունիմ քո առաջև, երդուիր՝ որ դու ինձ ողորմած և հաւատարիմ կըլինիս և Եգիպտոսում չես թաղիլ: Այլ ես կամենում եմ իմ հայրերի հետ ննջել. և դու պէտք է ինձ Եգիպտոսից տանես և նրանց գերեզմանատանը թաղես». Յովսէփը պատասխանեց. «Կըկատարեմ խօսքդ»: Բայց նա ասաց. «Երդուիր ինձ»: Եւ նա երդուեց: Յակոբն էլ աղօթեց իւր մահում:

Յետոյ Յովսէփին իմացըին. «Տես, հայրդ նեղութեան մէջ է»: Նա առաւ իւր երկու որդոցը, Մանասէին և Եփրեմին, և գնաց նրա մօտ: Յակոբին այս յայտնեցին. «Ահա Յովսէփդ քեզ մօտ է գալիս»: Եւ Յակոբը զօրացաւ, նստեց մահճի մէջ և ասաց Յովսէփին. «Ամենակարող Աստուածը երևեցաւ ինձ քանանացոց երկրում, օրհնեց ինձ և ասաց. «Ահա քեզ կ'աճեցնեմ և կըբազմացնեմ և մեծ ազգ կ'անեմ և կըտամ քեզ այս երկիրը ժառանգութիւն»: Արդ քո երկու որդիքդ, որ մինչև իմ դալը Եգիպտոսում ծնան, իմ որդիքն են՝ Եփրեմն ու Մանասէն, ինչպէս որ իմն են Ոուբէնն ու Շմաւոնը»:

Եւ Իսրայէլը Յովսէփի որդիկերանցը տեսնելուն պէս,

ասաց. «Ի՞նչ են սրանք քեզ։ Յովսէփը պատասխանեց հօրը. «Սրանք իմ որդիքս են. Աստուած ինձ այստեղ պարզեց»։ Իսրանա ասաց. «Մօտեցրու դրանց ինձ, որ օրհնեմ»։ Իսրայէլի աչքերը ծերութիւնից մթնացել էին և լաւ չեր տեսնում։ Յովսէփը մօտեցրեց իւր որդոցը Յակոբին. նա նրանց գրկեց համբուրեց և ասաց Յովսէփին. «Ահա քո երեսի կարօտն առաջ, և Աստուած քո զաւակներին ևս ցոլց տուեց ինձ»։

Եւ Յովսէփն առաւ նրանց նրա ծնկներից և նրանք նրա առաջ խոնարհեցան։ Եւ Իսրայէլը մեկնեց իւր ձեռքը, դրեց նրանց գլխին, օրհնեց նրանց և ասաց, «Աստուած՝ որին որ համու եղան Աբրահամը և Խոսհակը—իմ հայրերը, Աստուած՝ որ ինձ մանկութիւնից մինչև այսօր կերակրում է, հրեշտակը՝ որ ինձ ամեն չարիքներից փրկեց, օրհնէ այս մանուկներին»։

Եւ ասաց Յովսէփին. «Ահաւասիկ ես մեռնում եմ, բայց Աստուած ձեզ հետ կը լինի, և վերստին կը դարձնէ ձեզ ձեր պապական երկիրը»։

Ապա կանչեց Յակոբը իւր բոլոր որդոցը և օրհնեց նրանց՝ ամեն մէկին առանձին օրհնութիւն տալով։ Եւ Յուդային՝ չորրորդին, կարգեց գլուխ նրանց բոլորի վրայ, որովհետև Ռութէնը, Շմաւոնը և Պետին զանազան լանցաւորութիւններով երիցութեան արժանի չեղան։

Եւ պատուիրեց նրանց և ասաց. «Ես աւելանում եմ իմ պապերիս մէջ, թաղեցէք ինձ նրանց հետ կը կին այրում, որ է յանդիման Մամբէի քանանացոց երկրում, որ Աբրահամը զնեց ագարակի հետ ի միասին՝ ժառանգական շիրիմ շինելու համար։ Այստեղ թաղեցին Աբրահամին և նրա կնոջ Սառալին, նմանապէս Խոսհակին և նրա կնոջ Ռեքեկալին. այնտեղ թաղեցի ես ևս Լիալին»։

Եւ երբոր Յակոբը վերջացրեց պատուերը իւր որդոցը,

Ժողովեց ոտները մահճում և վախճանեցաւ և աւելացաւ իւր ժողովրդին։ Յովսէփն ընկաւ նրա երեսի վրայ և սպաց, և համբուրեց նրան։

V. I.

Եւ Յովսէփը հրամայեց բժիշկներին, որ իւր հօրը զմը ըստեն. նրանք էլ այդ կատարեցին։ Եւ անցաւ քառասուն օր, որովհետեւ այսքան էր տեսում զմոսելը։ Եւ Եգիպտոսը սուգ արաւ նրա համար եօթանասուն օր։ Եւ երբոր սգի օրերն անցան, խօսեց Յովսէփը փարաւոնի իշխանների հետ և ասաց. «Եթէ շնորհէք գտայ ձեր առջև, խօսեցէք փարաւոնի հետ և ասացէք նրան. իմ հայրն ինձ երդուել տուեց և ասաց. Ահա ես մեռնում եմ, և թաղիր ինձ այն շիրիմի մէջ, որ ես փորեցի քանանացոց երկրում։—Այժմ կամենում եմ զնալ և հօրս թաղել, և կը վերադառնամ»։

Փարաւոնն ասաց. «Գնա, թաղիր հօրդ, ինչպէս որ երգուել ես»։

Եւ գնաց Յովսէփը հօրը թաղելու, և նրա հետ գնացին փարաւոնի բոլոր ծառաները, իւր տան ծերերը և եգիպտացոց երկրի բոլոր ծերերը, նոյնպէս Յովսէփի համօրէն տունը, նրա եղբայրները և իւր հօր ամբողջ տունը։ Սակայն իրանց որդոց, ոչխարները և առջառը թողեցին Գեսէմ երկրում։ Նրա հետ գնացին նաև կառքեր և ձիաւորներ, և այսպէս բանակը շատ մեծ էր։ Երբոր նրանք Ատագի կալն եկան, որ գետի այն կողմն է, մեծ լաց ու կոծ հանեցին ննջեցեալի համար. և նա իւր հօր համար եօթն օր սուգ արեց։ Ահա այսպէս կատարեցին Յակոբի որդիքը, ինչ-որ նա պատուիրել էր, և տարան քանանացոց երկիրը և թաղեցին կը կին այրի մէջ՝ Մամբէի աղարատկում։

Երբոր թաղեցին նրան, նրանք դարձան Եգիպտոս։ Սակայն Յովսէփի եղբայրները վախենում էին, որովհետև հայրը վախճանուել էր և ասում էին. «Գուցէ Յովսէփը ո՞ւ է պահում մեր դէմ և կուզենայ այն չարութիւնները մեզ հատուցանել, որ մենք նրա դէմ գործեցինք»։ Եւ ասացին նրան. «Քո հայրը քանի չէր վախճանուած, պատուիրեց և ասաց. — Ասացէք Յովսէփին. «Ներիր եղբայրներիդ լանցանքը և թողն նրանց մեղքը, որ այնպէս չարութեամբ վարուեցան քեզ հետ»։ Եւ դու ներիր մեզ մեր չարութիւնը, քո հօր Աստուծոյ ծառաների չարութիւնը ներիր»։

Բայց Յովսէփը լաց եղաւ, երբ այս խօսքերը լսեց։ Եղբայրները մօտեցան, գետնի վրայ ընկան նրա առաջ և ասացին. «Ահա քո ծառաներն ենք»։ Յովսէփն ասաց նրանց. «Մի վախենաք. Ես ևս Աստուծու կամքը պիտի կատարեմ։ Դուք ուզեցաք ինձ չարութիւն անել, բայց Աստուծած մտածեց այդ ձեր գործով բարութիւն գործել. որովհետև ինձ ուղարկեց ժողովրդեան մեծ բազմութիւն կերակրելու, ինչ պէս որ այսօր արդէն կատարուել է. Ուրեմն մի վախենաք. Ես կըկերակրեմ ձեզ և ձեր որդոցը»։ Եւ մխիթարեց նրանց և սփոփեց նրանց սիրտը։

Այսպէս բնակեցաւ Յովսէփը Եգիպտոսում իւր հօր ազգատոհմի հետ և ապրեց հարիւր և տասը տարի. և տեսաւ Եփրեմի զաւակների շառաւիզը մինչև երրորդ անդամը, նոյնպէս և Մանասէի որդոց շառաւիզը։

Եւ Յովսէփն ասաց իւր եղբայրներին. «Ես մեռնում եմ և Աստուծած ձեզ այցելութիւն կ'անէ և այս երկրից կըհանէ կըտանէ՝ Աբրահամին, Խսահակին և Յակոբին խօստացած երկրը»։ Եւ Յովսէփը երդուեցը Խորակէլի որդոցը և ասաց. «Երբոր Աստուծած ձեզ այցելութիւն գալ, տարէք ձեզ հետ այստեղից և իմ ոսկորները»։

Եւ վախճանեցաւ Յովսէփը հարիւր տասը տարեկան հա-

սակին. իսկ նոքա զմռսեցին նրան և տապանի մէջ պահեցին Եգիպտոսում։

29. Ազգատոհմ։

Ամենայն գերդաստանի մէջ հայրն է գլուխ։ Նա է տան տէրը։ Նրան պէտք է հնազանդեն ծառաներն ու սպասաւորները։ Քանանցոց երկրի պանդուխտ հովիւների մէջ ևս այդ սովորութիւնը կար. նրանց մէջ ևս հայրն իշխում էր ամբողջ գերդաստանի վրայ։ Եթէ որդիքը մեծանում էին և մի նոր սեպհական ընտանիք էին հիմնում, նրանք չէին թողնում իրանց ծնողներին, այլ նրանց մօտ էին մնում իրանց կանանցով և որդիներով։ Բոլորեքեանք միասին կազմում էին մի ազգատոհմ կամ ցեղ ու շատ սերտ կապուած էին մնում իրար հետ և ամեն մարդու, որ ազգատոհմի անդամ չէր, համարում էին որպէս մի օտար։ Ազգատոհմի գլուխն էր հայրը, որ կոչվում էր նահապէտ (ազգատոհմի հայր)։ Նրա անունով կոչվում էր և ամբողջ ազգատոհմը։ Նա ամեն բան կարգում և կառավարում էր։

Նա էր քահանայ, որովհետև մենք գիտենք, թէ ինչպէս Աբրահամը Աստուծուն սեղան շինեց, աղօթեց և նրա անունը կանչեց։

Եթէ մի վէճ էր ծագում, դարձեալ նահապէտն էր վճիռտալիս։ Բոլորեքեանք պէտք է նրան դիմէին, եթէ միւսի դէմ զանգատ ունենալին։ Նա բանակի կարգ ու կանոնի պահապանն էր. նա էր և գատաւոր։

Ուրիշ ազգատոհմի պետերի հետ կամ քաղաքների թագաւորների հետ նա էր կապում ուխտ ու դաշինք, ինչպէս Խսահակը՝ Աբրիմելէքի հետ, Յակոբը՝ Լաբանի հետ։ Եթէ թը նամիները յարձակում էին հովուի բանակի վրայ կամ նրան որևիցէ կերպով սպառնում էին ազգատոհմի բարեկամներին,

այդ ժամանակ ազգատոհմին պատերազմ էր տանում դարձեալ նոյն նահապետը. նա նոյնպէս առաջնորդ և հրամանատար էր կռուի մէջը, ինչպէս թագաւորները քաղաքներում: «Երբոր Արքահամը լսեց, թէ իւր եղբօրորդի Ղովտը գերի է առնուած, երեքհարիւր և տասնեռութ ընդոծիններին զինուորեց և ասպատակ թագաւորների յետելից ընկաւ, մինչև Դանիկողմերը: Այստեղ գիշեր ժամանակ հասաւ նրանց իւր ծառաներով, որ երկու խումբ բաժանեց, յաղթեց և փախցրեց նոցա Դամասկոսից էլ հեռու»:

Եթէ նահապետը մահին մօտենում էր, կանչում էր իւր որդոց և օրհնում նրանց: Մեծ մասամբ երէցը ժառանգում էր նրան և առաջնորդում էր ազգատոհմին: Իսկ եթէ երէցութեան արժանի չէր, այն ժամանակ հայրը կարող էր մի ուրիշ որդուն գլուխ նշանակել իւր տան վրայ: Վերջապէս երբ նա վախճանվում էր, մեծ լաց ու կոծ էր բարձրանում: Սուզը երկար տեռում էր ամբողջ բանակում, և ապագայում ևս երկար ժամանակ մեծ յարգանքով լիշում էին վախճանուածին, և մինչև անդամ յարգի էր մնում ալյանտեղը՝ ուր նա կենդանութեան ժամանակական շիրիմի մէջ, ուր և ազգատոհմի բոլոր անդամների մարմիններն ամփոփվում էին: «Արքահամը Եփոնից գնեց, Քետի զաւակների աչքի առաջ, Քերըն քաղաքի դռների դիմաց, մի ագարակ կըկին այրով»:

ՏՈՀՄԱԿԱՆ ԱՂԻՒՍՈՒԿ

Թարած		Հարան
Արքահամ	Նաքովը	
Սառա		Ղովտ
Իսահակ	Ուելեկա	Լաբան
		1. Ղիա
Եսաւ	Յակոբ	2. Ուաքէլ
1. Ուուքէն, Շմաւոն, Ղեկ, Յուդա, Դան, Նեբթաղիմ, Գաղ, Ասեր, Իսաքար, Զաքուզոն, 2. Յովսէփ, Բենիամին.		
		Եփրեմ
		Մանասէ

ԺԱՄԱՆԱԿԱԳՐԱԿԱՆ ԱՂԻՒՍՈՒԿ

2000 տարի Քրիս. առաջ.

ԱԲՐԱՀԱՄ Հրէից նահապետը չուում է Միջագետքից քանանացոց աշխարհը:

Իսահակ: Յակոբ կամ Խորայէլ: Նորա տասներկու որդիքը՝ Ուուքէն, Շմաւոն, Ղեկ, Յուդա, Դան, Նեբթաղիմ, Գաղ, Ասեր, Իսաքար, Զաքուզոն, Յովսէփ և Բենիամին:

1800 տարի Քրիս. առաջ:

ՅՈՎԱԿԱՆ Եգիպտոսում: Յակոբը չուում է իւր ազգատոհմի հետ Եգիպտոս:

ԵՐԿՐՈՐԴ ԲԱԺԻՆ

ՀԱՅՐԵՆԻՔ

Ականջ արէք քօռ աշուղիս՝ ձեզ հրաշալի բան եմ ասում,
Զահել տղէք, լաւ ուշք դրէք՝ զարմանալի բան եմ ասում,
Սիրուն կուսանք, լաւ միտք դրէք՝ արտասուելի բան եմ ասում,
Յարգոյ ծերեր, ինձ լսեցէք՝ ձեր պապերու բանն եմ ասում,
Ուշով մտքով ականջ դրէք՝ ձեզ ամենքիդ բան են ասում:

Ու. Պատկանեան:

ԵՐԿՐՈՐԴ ԲԱԺԻՆ

ՀԱՅ ՅՐԵՆԻՔԻՑ

Ա. ԷՍՏԱՆԻՔ

1. Տան օրհնութիւնը.

Նոր տունն արդէն կանգնած է,
Բայց դեռ ծածկած, սարքած չէ,
Անձրւ, արև կարող են
Ամեն կողմից ներս մտնեն:

Ուստի խնդրենք մեր աշխարհի Արարչից՝
Շնորհ անէ իւր երկնալին խորանից,
Աջողութիւն և օրհնութիւն վայր ցողել,
Այս տան վրայ, որ դեռ ևս չենք ծածկել:
Եւ թող նա մեզ նախ և առաջ պարգևէ՝
Մեր ցորենի ամբարներին լիութիւն,
Եւ յարկի տակ պարկեշտութիւն, ժրութիւն,
Խոհանոցում խնայութիւն, մաքրութիւն,
Եւ մանաւանդ առողջութիւն մեր գոմում,
Եւ մեր գինուն քաղցրը ճաշակ մառանում.

Եւ թող նա մեր խաչակնքէ դուռ, երդիկ,
Որ ներս մտնել չկարենան չար ոգիք,
Եւ որ նորաշէն այս դռնէն
Պարկեշտ երեխայք ելևմուտք անեն,
Ա. Իժմ, որմնագիր, ծածկէ պրծի քո շէնքը,
Տանը վրայ իջաւ Աստծու օրհնէնքը:

2. Հին տունը.

Ա. Հա ելաւ որմնագործը՝
Փլուցանէ պիտի քեզ,
Թըլում է թէ դնւ, հին տուն,
Խօսում լինիս ինձ այսպէս.
«Կարես ինձ, որ շատ տարի
Քեզ հանգստեան տուն էի,
Կալես դու ինձ կործանել:
«Նախապապդ էր ինձ շինել
Եւ օրհնարժան աղօթքով՝
Պարկեշտագեղ տիկնոջն հետ
Յարկիս տակը մուտ գործել:
Նոցա գլխով անցածին՝
Ուրախութեան թէ վշտին
Վկալ եմ ես ճշդագէտ:

«Աշխարհ այստեղ հայրդ եկաւ,
Այս մրոտած սենեկում.
Նախիին ակնարկն ինձ տուաւ

Աշխոյժ մանուկն այն կայտուուն:
Երդկով մտած շողում՝ նախ
Տեսաւ Զուարթնոց խայտալը,
Ապա տեսաւ նա մայրը:

«Թէս վերջինն ես դու տան,
Թէս կեանքիդ էլ պատրոյքն
Առկայծվում է հուպ ընդ հուպ,
Այլ միթէ չես դու այնքան՝
Որ, ուր հոգին ետ հայրդ
Եւ փակեց աչքն մայրդ,
Կռուես կռիւը վերջին»:

Ասաց՝ լռեց տունը հին:
Սակայն թւում է մեռելներս
Ելած՝ գալիս են դէպ ինձ,
Խնդրում չքանդեմ տունը հին.
Եւ իմ սրտում կանչում է
Հին զգացմանցն անուշ ձայն՝
«Թող, մի քանդիր տունը հին»:

Բայց հա արգէն կտրում է
Քարուփայտի բանուորը,
Ուժգին-ուժգին բաղխում է,
Հոսում քարը, ակուռը:
«Կաց, ով վարսետ, թող, գնա,
Առ օրավարձըդ, ահա.
Տնւնը... տունը թող մնայ»:

Յ. Աչքիդ առաջ եղածը հեռու մի՛ պտուիր.

Աշտարակում Գեարանենց օճախը երևելի էր. նորա լիշտակն այս օր էլ այստեղ մնացել է: Գեարանենց մեծ ու պստիկը, արու և էգն իրանց աշխատաւոր ձեռքով տան պարծանքն էին: Նրանց հօր բախտաւորութիւնն ու ուրախութիւնը պէտք է տեսնէիր, որ զմայլէիր: Ինքը՝ ոնց-որ մէկ վիթխարի կաղնի ծառի բուն, իւր որդիքը, թոռները, մինչև անդամ թոռների որդիքն ու թոռները սիրուն ճղների պէս տան հաստատութիւնը պահում էին: Գեարանենց 70 տարեկան Յակոբ պապին ով չէր ճանաչում: Գիւղացիք կոյր չէին, տեսնում էին, ինչպէս դրա տունը ճոխանում, հարըստանում էր: Ամենքը զարմանում և երեխայութիւնից մէկ-մէկու պատմում էին, թէ Գեարանենք ոսկէ գութան ունին, թէ ոսկէ գութանն է, որ դրանց տունը շէն է պահում:

Բայց Աշտարակը փուճ մարդիկ էլ շատ է ունեցել: Մատնիչ Ղեռնդն էլ բոլորին յայտնի էր: Սա վաղուց մտքումը դրել էր Երեանու խանին յայտնել Գեարանենց ոսկէ գութան ունենալը. և յայտնեց էլ, թէ ինքն իւր աչքով տեսել է: Խանն իսկոյն սարվագներ ուղարկեց Աշտարակ, որ տակն ու վրայ անեն զիւղը, և որտեղից լինի, ոսկէ գութանը գտնեն, բերեն իրան տան: —Պարսից սարվագներն էլ ամեն փողոցով վազեվազ են անում ու ամեն մի գուան առաջին կանգ առնում՝ Խանի մէկ հրամանը հազարով կատարելու համար. էլ ոչ մի գուռ դրանց առաջին փակ չի մնում, միքանի քացի խփելումը դուռը տեղահան են անում ու տուն թափառմ. էլ քունջ ու պուճախ չի մնում, էլ գոմերի մսուրներ, պատերի խոռոչներ, սանդուխտների տակեր չեն թողում, ամեն աեղ քրքրում են: Մի տանից, տեսնում ես, պղնձեղին են գուրս քաշում, միւս տանից՝ կճուճ բժուժ-

ներ, մի ուրիշ մառանից՝ ծիրանի չըով լիքը քթոցներ. ինչ որ պէտքական գտան, ձեռից չեն թողում: Մի խօսքով ամեն կտրատում են, քանդում, շուռ տալիս: Գիւղի ժողովուրդն էլ հեռուից նայում է, վայ է տալիս գլխին, դադ-վում ու կրակվում է: Զար Ղեռնդը պարսիկներին տանում է գէպի Գեարանենց բակը: Գեարանենց քունջ ու պուճախը քրքրում են. այստեղ էլ ծակ տեղ չեն թողում՝ տակն ու վրայ են անում. ոսկէ գութանը չկար: Ղեռնդն իւր միսն է ուտում, նա երեխայութիւնից լսել է, բոլոր Աշտարակցիք էլ նրա հետ հաստատ հաւատացած են, որ Գեարանենք ոսկէ գութան ունին. հապա ուր է: Էլի ման են գալիս, էլի քրքը ըրում են, չկայ ու չկար: իսկ Ղեռնդը հաւատացնում է, թէ կայ: Յակոբ պապը հեռուից նայում ու լսում է: Ոնց որ մի կանգնած ջուր, որ եղանակը հանդարտ ժամանակ չես էլ իմանալ շարժվում է, թէ ոչ, այդպէս ոչինչ ազդեցութիւն չէին կարողանում անել ծերունու վրայ՝ ոչ տուն քրքընը, ոչ Ղեռնդի խօսքերը: Ամենեւին այնք էլ չէր գցում. երեսում էր, որ պարզ ծիծաղում էր մարդկանց արարքի վրայ:

«Յիմար Ղեռնդ», վերջապէս բեղի տակին ծիծաղելով ասաց Յակոբ պապը, «ոսկէ գութանը ձեր առաջին ընկած է ու դուք չէք տեսնում: Գիտէք Բնչ կայ—լետ դարձաւ նա հետաքրքրութեամբ ականջները սրած իւր չորս կողմը հաւաքուածներին—Գեարանենց տունը նախնուց պարծեցել է իւր ոսկէ գութանովը, բայց մինչեւ այսօր ձեզանից մինը չի տեսել. այնպէս չէ: Այ, ասեմ ձեզ, մենք ունինք ոսկէ գութան. տեսնում էք բակումը պատի տակին ընկած փարտէ գութանը. տեսնում էք ծայրի ժանդատած երկաթէ խոփը, հենց այն է, որ մեզ համար ոսկի է բերում. պապ ու տատից մենք լսել ենք մանկութիւնից, որ գութանի անունը Ոսկի պէտք է դրած, նա որ չլինի՝ բոլորեքեանքս էլ սոված կըկոտորուինք: Աշտարակցիք բերանը բայ՝ զարմացած մնացին:

4. Հայի գերդաստանը.

Դ. . . գիւղի վերի թաղումը մի տուն կար, բոլորովին հեռու միւս տներից: Այդ տան չորս կողմովը բաւականին բարձր չափար էր քաշած, որ պարսպի ամրութիւն ունէր, և, ինչպէս ասում են հեքիաթներումը, զուշը իրան թեռվը, օձն իրան փորովը չէր կարող դորա վրայով ներս թափանցել: Ժամանակով մեծ տուն էր այդ տունը: Մի անգամից ութիննը օրօրոց էր օրօրվում այդ տանը, չորս-հինգ ժորոն հաց էր թխվում Աստուծու օրը: Երկու գութան էր գուրս գալիս այդ տանիցը, վաթսուն գլուխ կով ու գոմէշ էր կթվում. սուրուով ոչխարներ, բոլուկներով խոզեր, իլխիներով ձիաներ էին պահում: Այդքան ապրանքի կառավարութեան համար ոչ մի վարձկան ծառայ չունէին: Տասն աղպէր էին որդոց ու թոռանց տէր, որոնց թիւը հասնում էր եօթանասունի: Բայց երբէք չէր պատահում, որ դոքա ամենքը երբեկցէ միասին մի սուփրի վրայ գտնուէին, միասին իրանց նահապետի չորս կողմը ժողովուէին: Քանի մի հոգի տարուայ մեծ մասը սարերումն էին անցկացնում, ըստ որում ոչխարներ էին պահում, մի քանիսը որպէս տաւարած՝ գոմերումն էին մնում, որ մի օրուայ ճանապարհ հեռու էր գիւղիցը, մնացածներն էլ հեռաւոր դաշտերումը վարուցանքով էին պարապում: Թէպէտ սոքա այսպէս միշտ տանից հեռու էին մնում, այնուամենայնիւ իրարու կարօտ էին քաշում և իրար հետ սիրով մնում:

Ահագին մեծութիւն ունէր այդ տան շինութիւնը, և եթէ այդպէս շէն չինէր, մտնողի վրայ սարսափ կըբերէր, ինչպէս որ հեքեաթներում ամայի տունը սարսափ է բերում մտնողի վրայ, մանաւանդ նախապաշարեալ գիւղացու վրայ: Հարիւր երեսուն տարեկան էր, որ մեռաւ այս տան վերջին նահապետը և ինքն ականատես էր իւր բոլոր ժառանգների

և հարստութեան կարճ միջոցում ոչնչանալուն, բայց Աստուծոյ փառքը իւր բերանից չպակսեցրեց մինչև մահը: Յակովը էր նորա անունը և միտս էր ձգում Նրէից Յակովը նահապետին: Նատ անգամ եմ համբուրել նորա ձեռքը և նախնձ օրհնել է: Դորա օրհնութիւնը մեծ տպաւորութիւն էր գործում իմ մանկական սրտի վրայ: Սուրբ էր համարվում դրանց օջախը և սովորութիւն կար գիւղի մէջ, որ նորապակ հարս ու փեսաներին, եկեղեցուց դուրս բերելուց յետով, կըբերէին դրանց օջախը համբուրելու: Չոգում էին նորապակ սակները և ծերունազարդ Յակովը օրհնութիւնն ստանալով գնում էին իրանց մուրազին հասնում:

5. Մեծ նանը.

Գերդաստանի մէջ ամենքից աւելի նախապատէւ է համարվում և ամենքի վրայ իշխում է հայրը: Նորա վրայ է բոլոր տան բեռը, հոգուը, սնուցանելու և հագցնելու ծանրութիւնը:

Տան երկրորդ սիւնն է մայրը: Քանի հայրը կենդանի է, մայրը նորա աշու ձեռքն է ամեն բանի մէջ, նորան օգնում է, ինչով որ կարող է: Տան մէջ Աստուծու երկիւղ, սէր, պատկառանք պահպանողը մայրն է, աղքատի աղաջանքի լսողը, օտարին և հիւրին օթևան տուողը դա է, ամեն բան տեսնողը, մեծ ու փոքրի վրայ հոգ տանողը դա է, ամենի միսիթարիչ, ուրախակից և ցաւակիցը դա է: Հօր մահուանից յետով, տան գլուխը մայրն է դաւնում, նա առնում է իւր վրայ ամբողջ գերդաստանի սանձը և վայելում է ընդհանուրի լարգանքը:

Այս ալրի կինն այսուհետև կոչվում է նաև, աղի կամ մէջ նաև լարգելի անունով, և ունի մեծ իշխանութիւն ա-

մենի վրայ: Այս օրուանից առանց գորա տնօրէնութեան և խորհուրդի ոչինչ բան չէ կատարուիլ: Ոչ միայն աղջկները, ոչ միայն տան փոքրիկները, այլև նորա կատարելահասակ որդիքն էլ առանց նանի կամ մեծ նանի ոչինչ գործ չեն բռնիլ: Եթէ եղբարներն անբաժան են, սոքա բոլորեքեանք ամեն երեկոյ մանրամասնօրէն հաշիւ կրտան իրանց մօրը բոլոր կատարած գործողութիւնների համար,—իսկ եթէ բաժանուած են, նոքա ևս առանձնապէս իրանց մօրը կըհաղորդեն իրանց գործերը, և կըլսեն նորա տուած բարի խորհրդին:

— «Գնամ նանիս հարցնեմ, օրհնէ այս իմ նոր գործը, որ Աստուած էլ լաջողի», այսպէս են ասում որդիքը:

Եթէ որդիքը բաժանուած են, նանն ապրում է մէկի մօտ՝ որն աւելի կարօտ է հսկողութեան, որի երեխայքը մանը են կամ որի կինն աւելի պատանի և անփորձ է: Բայց և այնպէս իւր բոլոր որդոց տները իւր սեպհականութիւնն է. Ժամանակ անժամանակ մտնում է նոցա մօտ, այնտեղ կարգագրում է, կերակուր է եփում ու առանց իւր հարսին հարցնելու՝ բաժիններ է ուղարկում իւր մէկէլ որդոցը կամ ամուսնացած աղջիկներին ու մօտիկ չքաւոր հարեաններին. Հարսն էլ պէտք է անպայման հնազանդի իւր սկեսուրի հրամաններին և ինքնագլուխ ոչինչ չկատարի: Այսօր նա մեծ նանն է, քանի որդի ունի՝ այնքան էլ տուն ու օջախ ունի, այնքան էլ շերեփ կայ ձեռին:

Մեծ նանին ոչ թէ միայն հարազատ որդիքն են լսել, այլ երեք-չորս հօրեղբօր որդիք՝ զաւակներով, թոռներով և ծոներով նայել են մի ժամանակ մի ժրաշան տանտիկնոջ ձեռին. քառասուն, լիսուն, վաթսուն, մինչեւ անդամ ութսուն հոգի մի ընտանիք են կազմել, և այդ փոքրիկ զիւղի ամրութիւնը, պնդակազմութիւնը մեծ նանն է եղել. նա է իւր ձեռքովն ամենքին իւր արժանաւորութեան համեմատ բաժին տուել ու նորա արածի վրայ ոչ ոք չի տրտնջացել:

Նանի ահից ոնց կըհամարձակուին տեքերակնանիքն իրար հետ կոռուել կամ իրանց երեխանցը կեղտոտ ովահել: Ամեն տեղ հասնում է նանի սուր աչքը:

Այսպէս մեծ նաները ոչ միայն իրանց ընտանեկան շըրջանի մէջ, նոքա դուրսը, զիւղի մէջ էլ, յարգ ու պատիւ ունին, հարսանիքներում ու հրաւէրքներում միշտ վերի կողմն են բազմում: Օտարները նոցա խորհուրդն են հարցնում: Գիւղի միջովն անցկենալիս՝ երիտասարդ տղամարդիկ նրա առաջին ոտքի կըկանգնեն և համեստութեամբ կըպատասխանեն մեծ նանի բարեկին: Զահել կանայքը տանն էլ, դուրսն էլ պարտական են մեծ նանի ձեռքը պաշել. թէկուզ կուժն ուսին էլ լինի, պէտք է մօտենայ մեծ նանին, գլուխ տայ ու այնպէս անց կենայ:

6. Մայր և որդի:

Մի մայր մի փոքրիկ որդի ունէր. նա այնպէս գեղեցիկ և խելօք էր, որ ով տեսնէր, պէտք է ակամայ սիրէր նորան, և ամենքն էլ շատ սիրում էին նորան: Մէկ անգամ մանուկը հիւանդացաւ և Աստուած նորան իւր մօտ կանչեց. խեղճ մայրը մնաց անմիխիժար և օր ու գիշեր լաց էր լինում: Նորան թաղելուց մի քանի ժամանակ լետոյ, մանուկն երեւցաւ գիշերն այնտեղ, ուր կենդանութեան ժամանակ սովորաբար նստած իսպան էր. մայրն արտասուք էր թափում. մանուկն էլ լաց էր լինում և առաւտեան, լոյսը բացուելուն պէս, անլայտանում էր: Բայց որովհետև մայրը չէր դադարում լաց լինելուց, եկաւ նա մի գիշեր իւր սպիտակ շապկով, որով գագաղն էր զբուած, նստեց նորա ոտի տակին, անկողնու վրայ, և ասաց. «Մայրիկ, էլ լաց մի լինիր, թէ չէ ես իմ գագաղումս չեմ կարող քնել, որովհետեւ իմ շա

պիկը չի չորանում քո արտասուքներից։ Այս լսելով՝ մայրը մեղքացաւ իւր որդուն և լաց չեղաւ։ Եւ ահա միւս գիշերը մանուկը դարձեալ եկաւ, ունէր ձեռին մի ճրագ և ասաց. «Տեսնում ես, մայրիկ, շապիկս չորացել է և ես դերեզմանիս մէջ հանգիստ եմ»։ Մայրն այնուհետև Աստուծուն յանձնեց իւր վիշտը, համբերութեամբ ու անխռով տարաւ իւր ցաւը. իսկ մանուկն այլևս չերեւեցաւ և հանգիստ ննջում էր գետնի տակ, հողէ անկողնու մէջ։

7. Հայր և երեք որդի.

Նատ տարի առաջ արևելքումն ապրում էր մի մարդ, որ մի թանկագին մատանի ընծայ էր ստացել իրան սիրելի անձից։ Քարն էր մի գոհար, որ բիւր գեղեցիկ գոյներով խաղում էր, և ունէր իւր մէջ ծածուկ զօրութիւն՝ Աստուծուն և մարդկանց հաճելի անել մարդուն, ով որ ալդ յուսով կրում էր մատին։ Ուրեմն թնջ զարմանք, որ արևելաբնակ այն մարդը երբէք մատից չէր հեռացնում այն մատանին և կարգադրութիւն արեց յաւիտեան պահել նրան իւր տան մէջ։ Ահա այս կերպով մատանին թողեց նա իւր ամենից սիրելի որդուն և կտակ արեց, որ սա էլ նոյնպէս յանձնի այն որդուն, որին աւելի սիրելիս կըլինի։ Եւ միշտ ամենից սիրելի որդին, առանց նայելու նորա հասակին, միայն մասանու զօրութեամբ, լինի տան տէրն ու մեծը։

Եւ այսպէս որդէց որդի անցնելով՝ վերջապէս հասաւ մատանին մի հօր, որ ունէր երեք որդի։ Երեքն էլ հաւասար հնազանդ էին նորան և, հետեւաբար, ինքն էլ հաւասար սիրում էր նոցա։ Միայն երեմն սա, երեմն նա, երեմն երբորդը թւում էր նորան աւելի արժանի ստանալ այն թանկ մատանին, որ և առանձին խոստանում էր նա իւրաքանչիւ-

րին։ Ալդ բանն այսպէս շարունակուեց, մինչև մեռնելու ժամանակն եկաւ, և բարի հայրը տարակուսեցաւ։ Նա շատ ցաւում էր, որ պէտք է զրկէր իւր երկու որդոց, որոնք իւր խօստմանը հաւատացին։ — Ի՞նչ պէտք է անէր։ — Ծածուկ կանչում է իւր մօտ մի վարպետ, որին յանձնում է իւր մատանու պէս երկուսը շինել, և պատուիրում է չխնայել ոչինչ ծախս և աշխատանք, որ բոլորովին նման լինին իւր ունեցածին։ Ալդ բանը յաջողում է վարպետին։ Երբոր մատանիները բերում է հօր մօտ, ինքը հայրն անգամ չէ կարողանում որոշել, թէ որն է իւր իսկականը։ Ուրախ կանչում է իւր որդկերանցն ամեն մէկին առանձին իւր մօտ, իւրաքանչիւրին առանձին տալիս է իւր օրհնութիւնը և իւր մատանին, — յետոյ մեռնում է։

Հազիւ թէ հայրը հոգին աւանդում է, որ ամեն մէկն ահա գալիս է իւր մատանիով և ուզում է տան իշխողը լինել։ — Սկսում են քննել, վիճել, գանգատիլ։ Իզուր. ոչ մէկը չի կարողանում ապացուցանել, թէ իւր մատանին է իսկականը։ Այսպիսով որդիքն իրար գէմ գանգատ են յայտնում և ամեն մէկը երդմամբ հաստատում է դատաւորին, թէ անմիջապէս հօրիցն է ստացել նա իւր մատանին և պիտի վալելէ նա այն մատանու արտօնութիւնը։

Դատաւորն ասում է. «Եթէ տեղն ու տեղը չէք բերիլ իսկոյն ինձ մօտ ձեր հօրը, ապա կ'արտաքսեմ ձեզ իմ դիւտ «նից. . . Բայց կացէք։ Զէ որ լսեցի ձեզանից, թէ այն մատանին ունի հրաշալի զօրութիւն իւր մէջ՝ Աստուծու և «մարդկանց առաջ սիրելի անել իւր տիրոջը։ Իսկ սուտ մատանիները չունին իրանց մէջ ալդ զօրութիւնը։ — Դէ այժմ «ասացէք, ձեզանից երկուսը ո՞րին աւելի սրաով սիրում էք։ «— Դէ, ասացէք է։ Ինչչ էք լռում. . . : Եթէ մատանիներն «ազդում են միայն տէրերի և ոչ ուրիշների վրայ և եթէ ամեն մէկը ձեզանից միայն ինքն իւր անձն է սիրում, ապա

«ուրեմն երեքդ էլ խաբուած էք և ձեր երեքի մատանիներն «էլ խսկականը չեն։ Անշուշտ խսկական մատանին կորել է և «այդ կորուստը ծածկելու համար նորա վոխարէն ձեր հալը «շինել է տուել ուրիշ երեքը»։

«Ուրեմն եթէ», այսպէս դատաւորը շարունակեց, «վըճ-«ռիս վոխանակ չեք ուզում լսել դուք իմ խորհուրդը, գնա-«ցէք այստեղից։—Իսկ խորհուրդս այս է։ Դուք ամեն մէկդ «բաւականաց էք ձեր ունեցածով. եթէ ձեր հօրից էք «ստացել դուք ձեր մատանիները, թող ամեն մէկը ձեզանից «հաւատալ, թէ իւր մատանին է խսկականը։—Գուցէ ուզում «էր ձեր հալըն այն մատանու բռնութիւնը իւր տանից վե-«րացնել։—Անշուշտ սիրում էր նա երեքիդ էլ հա-«ւասար սիրով, որ չէր կամենում թոյլ տալ, որ մէկը «ճնշէ երկուսին։—Ուրեմն ձեզանից թող ամեն մէկը աշ-«խատի սիրել անկեղծ և առանց նախապաշարման մնա-«ցած երկուսին։ Թող ամեն մէկը ձեզանից ձգտի, որ «իւր մատանու քարի զօրութիւնն երևան հանէ և այդ զօ-«րութեան օգնական լինի նա իւր հեզութեամբ, խաղաղա-«սիրութեամբ, անկեղծ, ջերմեռանդ անձնութիրութեամբ առ «Աստուած»։ Ահա ինչ ասաց համեստ դատաւորը։

8. Երկու քոյր.

Մեզնից շատ առաջ կար մի թագաւոր,
Հոգով դեռ արի, գլխով ալեոր.
Մեծ ծով էր պատել նորա աշխարհը.
Ոսկի ասացին գիտունք այն դարը։
Ունէր նա երկու մատղահաս աղջիկ՝
Մինը խիստ տգեղ, միւսը գեղեցիկ։
Մի օր տգեղը ասաց միւսին.

«Երթանք ծովի ափ, քուրիկ, միասին»։
Սիրունը գնաց առաջից տրտում,
Տըգեղը լետնից ոխ պահած սրտում։
Հազիւ թէ ծովի ափին էր հասած,
Իւր սիրուն քրոջ գըլորեց նա ցած։
Կանչեց կիսամեռ սիրունը ջրից.
«Քուրիկ, իմ քուրիկ, փրկէ ինձ մահից։
Ես ունիմ տանը գեղեցիկ մանեակ,
Ա՛ռ, էն քեզ լինի, պարգևէ ինձ կեանք» . . .
— էն առանց քեզ էլ կարող եմ ստանալ,
Ինձնից փրկութիւն դու բնաւ մի յուսալ։
«Քուրիկ, թէ այդ էլ քեզ չէ բաւական,
«Կրտամ քեզ ոսկի պըսակ պատուական»։
— էն առանց քեզ էլ կարող եմ ստանալ,
Ինձնից փրկութիւն դու բնաւ մի յուսալ։
«Քուրիկ, մի թողնիլ դու ինձ անտէրունջ,
«Քեզ սիրուն փեսաս կըտամ անտրտունջ»։
Տգեղը սիրու դարձել էր լեռ քար,
Քըրոջ խնդիրքը թողեց անկատար։

*

Զկնորսը ծովը ձըգեց մեծ ուռկան,
Բունեց մարմինը սիրուն աղջըկան.
Զրիցը հանեց, դըրեց ափի մօտ,
Շատ ծաղիկ ցանեց վրան ու շատ խոտ։
Մի աշուղ անցաւ, տեսաւ աղջըկան,
Լացեց ու առաւ, դըրեց ուսի վրան։
Տարաւ իրա տուն այդ անգին գիւտը,
Չորացուց նորա մարմնի գիփ հիւթը։
Գեղեցիկ տափիդ շինեց ոսկըրից,
Քաղցրածայն լարեր հիւսեց մազերից։
Երբոր ամեն բան պատրաստեց կարգին,

Գնաց արքունիք տաւիղը ձեռքին։
Երբ մտաւ դահլիճ շըքեղ զարդարած,
Տեսաւ տրգեղին փեսի մօտ կանգնած։
Բացեց քերանը, լարերին խփեց,
Հիւրերի առջև քաղցրածայն երգեց.
«Հնչէ, իմ տաւիդ, հնչէ համարձակ,
«Հարազատ քոլը խըլեց իմ պըսակ։
«Լըսէ, իմ ծնող, լըսէ, սիրական,
«Հարազատ քոլը խըլեց իմ փեսան.
«Լսէ ժողովուրդ, լսէ անխըռով,
«Հարազատ քոլը գըլորեց ինձ ծով»։

*

Միւս օրը դահլիճ խալոյկ շինեցին,
Մահապարտ քըոջ մէջը գլորեցին։
Հուրը պըլպըլաց, աղջիկը կանչեց.
—Իմ մեղաց համար Աստուած ինձ պատժեց։

9. Եօթն ազռաւներ.

Մի մարդ ունէր եօթը տղալ և ոչ մէկ աղջիկ, թէպէտ
և շատ էր ցանկանում մէկն ունենալ. վերջապէտ Աստուած
մէկ աղջիկ էլ բաշխեց նորան։ Այդ աղջիկը շատ սիրուն էր.
բայց ծնուեցաւ խիստ թուլակազմ, ուստի և հարկաւոր էր
ժամ առաջ կնքել նորան, որովհետեւ երեսում էր թէ չպէտք
է ապրի։ Հայրը փութով ուղարկեց իւր որդկերանցից մէկին
աղբիւրը կնունքի համար ջուր բերելու, և մնացած վեց
որդիքն էլ հետը վազեցին։ Բայց նոցանից ամեն մէկն ու-
զում էր, որ ինքն առաջինը ջուր հանէ, և ամանը միմեանց
ձեռից խլելով՝ անզուշաբար ջրհորը ձգեցին։ Խեղճերը մնա-
ցին շուշարած և չըգիտէին, թէ ինչ անեն։ Իսկ հայրն ան-

համբեր ու երկիւղով սպասում էր, չըլինի թէ աղջիկը չկըն-
քած մեռնի, և չէր իմանում, թէ ինչու տղալքն ուշացան։
«Անշուշտ», ասաց նա, «խաղի յետևից ընկնելով՝ մոռացան
նոքա իմ պատուէրս»։ Եւ որովհետեւ սպասելուն վերջ չկար,
բարկանալով անիծեց. «Ագռաւի պէս սեանաք, որդիք»։ Այս
ասելն ու իւր գլխի բոլորքը օդի մէջ թևերի խշոց լսելը
մէկ եղաւ, վերև նայեց և եօթն ագռաւ տեսաւ դէս ու դէն
թռչելիս։

Տարակուսած ծնողները հնար չունէին կապած անէծքը
յետ առնել և շատ արտում էին իրանց եօթը տղալոց կորս-
տեան համար. նոցա միակ մխիթարիչն իրանց չքնաղ աղջիկն
էր, որ քիչ ուժ ստացաւ և օրէցօր աւելի գեղեցկացաւ։ Աղ-
ջիկը երկար ժամանակ չգիտէր, թէ եղբայրներ է ունեցել,
որովհետեւ ծնողներն աշխատում էին ամենսին չխօսել ալդ
մասին, բայց մի օր պատահաբար լսեց, ինչպէս մարդիկ իրար
հետ խօսում էին, թէ աղջիկն արդարեւ գեղեցիկ է, բայց և
այնպէս՝ դա է իւր եօթը եղբայրների գժեախտութեան իս-
կական պատճառը։ Սաստիկ տիրեցաւ և գնաց հօրն ու մօր
մօտ և հարցրեց, թէ արդեօք եօթը եղբայրներ ունեցել է
երբեկցէ և ուր են նոքա։ Ծնողները չէին կարող այլևս գաղտ-
նիքը ծածկել, բայց ասացին, թէ երկնքի տնօրէնութիւնն
ալդ էր եղել, իսկ աղջկայ ծնունդը միայն մի անմեղ առիթ-
էր։ Բայց աղջիկն ամեն օր խղճահարվում էր և ասում, թէ
ինչպէս ինքը նոցա կորստեան պատճառ դառաւ, այնպէս էլ
պէտք է ազատէ նոցա։ Էլ հանգիստ և խաղաղութիւն չու-
նեցաւ, մինչև որ մի օր ելաւ և գնաց հեռու երկիրներ եղ-
բայրների հետքը գտնելու և նոցա փրկելու համար պատ-
րաստ էր յանձն առնել ամեն տեսակ գժուարութիւններ ու
չարչարանքներ։ Հետն առաւ միայն լիշտակի համար իւր
ծնողաց մատանին, քիչ հաց և քիչ ջուր։

Այս աղջիկը գնաց—գնաց մինչև աշխարհքի վերջը։

Եկաւ արեգակի մօտ, բայց նա շատ տաք և սարսափելի էր և փոքը երեխաներին լափում էր: Փութով հեռացաւ այդտեղից և գնաց լուսնեակի մօտ, բայց նա էլ շատ ցուրտ էր և խիստ ու չար, և երբոր եկողին նկատեց, ասաց. «Մարդու հոտ եմ առնում»: Արագ հեռացաւ դորանից էլ և եկաւ աստղերի մօտ: Սոքա ուրախ սրտով ընդունեցին նորան: Ամեն մէկ աստղ իւր աթոռի վրայ առանձին նստած էր: Իսկ աղօթարանը վեր կացաւ տեղից, տուեց նորան մի փոքը բանալի և ասաց. «Եթէ այս բանալին չունենաս՝ դու չես կարող սպիտակ աղահանքի լեռը բաց անել, իսկ այդ լեռան մէջն են եղբայրներդ»:

Աղջիկն առաւ բանալին, փաթաթեց շորի մէջ և գնաց շարունակեց ճանապարհը, մինչև որ աղահանքի լեռառը հասաւ, որի դուռը կողսած էր: Ուզեց բանալին հանել, բայց երբոր շորը բաց արաւ, տեսաւ որ դատարկ է և բարի աստղի ընծան կորել է: Ի՞նչ պէտք է անէր. ուզում էր եղբայրներին ազատել, բայց աղահանքի լեռան բանալին չունէր: Բարի քոյրիկը վեր առաւ դանակը, կտրեց իւր փոքրիկ մատը, դրեց դռան մէջ և յաջողութեամբ բաց արեց: Երբոր մտաւ մէջը, նորա առաջ դուրս եկաւ մէկ թզուկ և ասաց. «Ո՛րդի, ի՞նչ ես ուզում»: — Ես իմ եղբայրներին եմ ման դալիս, եօթն ագռաւներին, պատասխանեց նա: Թզուկն ասաց. «Ագռաւ պարուները տանը չեն, բայց եթէ կը համբերես մինչև նոցա գալը, մտիր այստեղ և սպասիր»: Յետոյ թզուկը ագռաւների ճաշը բերեց եօթը լաւաշի վրայ և եօթը բաղիալով. իւրաքանչիւր լաւաշից աղջիկը մի պտղունց կերաւ և իւրաքանչիւր բաղիալից մի կում խմեց, բայց վերջին բաղիալի մէջ մատանին ձգեց, որ իւր հետը բերել էր:

Յանկարծ օդի մէջ լսուեցաւ թևերի խ22ոց, այն ժամանակ թզուկն ասաց. «Ահա գալիս են ագռաւ պարուները»: Եկան նոքա, ուզեցին ուտել և խմել, և սկսեցին որոնել

իրանց բաժինն ու բադիան: Եւ մէկ մէկու յետևից ամենքն ասացին. «Իմ լաւաշից ով է կերել, իմ բադիալից ով է խըմել... մի մարդու բերան է այս արելք: Եւ երբոր եօթնելորդը բադիալի տակը հասաւ, մատանին չղկալով ընկաւ նորա բերանը. նա ձեռքն առաւ իսկոյն մատանին, նայեց և ճանաչեց, որ իւր հօրն ու մօրն է, և ասաց. «Աստուած տայ, որ մեր քոյրն այստեղ եկած լինի, մենք այն ժամանակ կը փրկուինք»: Հէնց որ աղջիկն այս փափադը լսեց, գուրս եկաւ դռան յետևից, ուր թախ էր կացել ականջ դնելու համար, և իսկոյն բոլոր ագռաւները վերստին իրանց մարդկալին կերպարանքն առան: Եւ ինչ խնդում և ուրախութիւն էր, ինչպէս համբուրում էին միմեանց, որ կարող են տուն դառնալ սոր աշխարհք տեսածի պէս:

10 Երգ պանդուխտ պատանեկի.

Ծիծեռնակ, ծիծեռնակ,
Դու գարնան սիրուն թռոչնակ, ինձնից շատ բարե արա՛,
Դէպի ուր, ինձ ասա՛,
Թռոչում ես այդպէս արագ:

Ա՞խ, թռիր, ծիծեռնակ,
Ծնած տեղս Աշտարակ,
Անդ շինիր քո բունը,
Հայրենի կը տուրի տակ:

Անդ հետու ալեոր
Հայր ունիմ սըգաւոր,
Որ միակ իւր որդուն
Սպասում է օրէ օր:

Երբ տեսնես դու նորան՝
Դու գարնան թռոչնակ, ինձնից շատ բարե արա՛,
Ասա՛, թող նստի լայ
Իւր անբախտ որդու վրայ:

Դու պատմէ, թէ ինչպէս
Աստ անտեր ու խեղճ եմ ես.
Միշտ լալով, ողբալով՝
Կեանքս մաշուել, եղել կէս:

Ինձ համար ցերեկը
Մութ է շրջում արեգը
Գիշերը թաց աչքիս
Քունը մօտ չի գալիս:

Շուտով սառ հողի տակ
Կըպառկեմ այստեղ մենակ,
Թողնելով հօրս սրտում
Միշտ ցաւալի լիշտառկ:

Դէհ, սիրուն ծիծեռնակ,
Հեռացիր, գնա՞ արագ,
Դէպի սիրած աշխարհը՝
Ծընած տեղս—Աշտարակ:

Դոդոխեանց:

11. Ամուսնական հաւատարմութիւն.

I.

Մէկ աշխարհում կենում էր իշխան նալան, մէկ ուրիշ աշխարհում—թագաւորի աղջիկ Դամայեանտին։ Մէկ օր մէկ սպիտակ կարապ, որի թևերը ոսկու պէս պեճպծին էին տալիս, ասաց նալային. «Կ'երթամ Դամայեանտի թագուհու մօտ, քեզ այնպէս կըգովեմ, որ նա իւր օրումն էլ ուրիշ թագաւորի որդու վրայ չմտածէ, բայց միայն քեզ վրայ։ Նալա, գիտես թէ ինչ է Դամայեանտին։ Դամայեանտին, ախ, ինչ ասեմ—աշխարհքի աչքն է Դամայեանտին. երկնքի տակին, գետնի երեսին անժառամ ծաղիկ է Դամայեանտին. վարդ մանուշակ, անգին անհատ է Դամայեանտին. ինչ լեզու պէտք է լինի, որ նորա գեղեցկութիւնը պատմէ, ինչ աչք, որ նորա տեսքն ու կերպարանքը մէկ բանի նմանեցնէ։ Ո՞րն ասեմ, նալա, ո՞րը. նրա նմանը ոչ եղել է այս երկի վրայ, ոչ էլ կըլինի։ Դու մարդկերանց զարդն ես, նա աղջկերանց զարդը. բայց ինչ է քո բախտաւորութիւնը, երբ դու նորան չունիս՝ երբ նա քեզ չի սիրում»։ Այս ու հազար այսպիսի բան ասաց այս ոսկեփետուր կարապը։ Նալայի սիրտը կրակ ընկաւ ու ասաց. «Գնա ինձ համար էլ այդպէս խօսիր Դամայեանտու առաջ»։ Թռչունը գնաց, ամպերը պատռեց և եկաւ կանգնեց Դա-

մայեանտու առաջ։ Հիմա էլ նորա հետ սկսեց այսպէս խօսել. «Սիրուն Դամայեանտի, թո՞ղ քեզ նալա թագաւորի մասին պատմեմ, որի ձեռից ահա թռել եմ, քեզ մօտ եմ եկել։ Ա՛խ, թագուհի, ինչպէս սկսեմ—նորա գեղեցկութիւնն աննման է. նորա աննման գեղեցիկ պատկերը, նորա անուշ լեզուն, քաղցը ձայնը մարդի խելք են տանում։ Քարին, փայտին—շունչ հոգի է տալիս։ Նա որ ծիծաղում է, հէնց իմանաս շունչ հոգի է տալիս։ Նա որ ծիծաղում է, հէնց իմանաս զարդ է բաց լինում, երեսիցը լոյս է վեր թափում։ Թագուհին, վարդ է բաց լինում, երեսիցը լոյս է վեր թափում։ Որդի զեցիկ, նորա պէս առաքինի։ Զնայելով որ թագաւորի որդի զեցիկ, նորա մէջ հպարտութեան նշոյլ չկայ, — նա մեծի հետ է, նորա մէջ հպարտութեան նշոյլ չկայ, — նա մեծի հետ է, փոքրի հետ փոքր։ Ա՛խ, նալան, նալան, երկրիս մեծ է, փոքրի հետ փոքր։ Ա՛խ, նալան, նալան, երկրիս պարծանքը, աշխարհքիս զարդը, մարդկերանց աչքը, թագաւորների թագաւորը, որբերի հայրը, այրիների և աղքատների պաշտպանը, ամենի սիրեկանը, որի անունով ողջ աշխարհ երդվում է և արևովը խնդում։ Այս նալան պէտք է քո փեսան լինի, որ դու ամենաբախտաւոր կին լինիս աշխարհի վրայ. քեզ հիմի, Դամայեանտի, ուրիշ բան չէ պակաս, այդ զարդը հիմի, Դու գիտես, Դամայեանտի, որ սէրից լաւ բան դից աւելի։ Դու գիտես, Դամայեանտի, որ սէրից լաւ բան չկայ երկրիս վրայ, բայց թէ սէրը երկու ձեզ պէս հրեշտակ-չկայ լինի, այնժամանակ ձեր արքունիքը կըդառնայ ների մէջ լինի, անժամանակ ձեր արքունիքը կըդառնայ ների թուաւ կարապը Դամայեանտու ձեռիցը։ Սա երկար ժամանակ անշարժ նստած, կարծես էլի մի բանի ականջ էր դնում։ Վերջապէս ուշքի եկաւ, տեսաւ, որ կարապը թռել է ու ասաց. «Ա՛խ, ինչ կըլինէր, որ այն ոսկեթև կարապն ինձ համար էլ այդպէս խօսէր նալայի մօտ»։

Ալսօրուանից սկսած Դամայեանտին գիշեր ցերեկ նալայի վրայ էր մտածում. էլ ոչ քուն ունէր, ոչ հանգստութիւն. նորա թշերի վարդը կամաց կամաց սկսեց թառամել, աչքերի պէծը պակասել. Ոչ ոք չէր իմանում նորա տիառու-

թեան պատճառը: Հայրը, որ նորան աչքի լուսի պէս էր սիրում, մտքումը դրեց նորան մարդու տալ: Ամեն տեղից թագաւորներ ու իշխաններ իւր մօտ հրաւիրեց, որ Դամայեանտին կարողանայ նորանց միջից իրան փեսայ ընտրել: Այս համբաւը լսուեցաւ թէ չէ՝ ամեն կողմից թագաւորներ ու իշխաններ ճանապարհ ընկան, զարդարուած գեղեցիկ շորերով, թանկագին քարերով, մարդարիտներով ու զանազան պսակներով: Բայց Դամայեանտին ամենի միջից ընտրեց նալային: Այս տեսնելով՝ ամենքն ուրախացան և օրհնեցին ընտրութիւնը: Նալան չոքեց իւր հարսի առջեր և երդում կերաւ, որ նորան հաւատարիմ կըմնայ և կըսիրէ մինչև որ շունչը բերանում կունենայ:

II.

Սոքա այսպէս բախտաւոր ապրում էին, բայց չար դեղ նախանձում էր դոցա բախտաւորութեան վրայ. նա գիշեր ու ցերեկ այն էր մտածում, որ մէկ կերպ նալայի սիրտը մտնի, որ նորան փշացնել կարողանայ: Բայց չարը չէր կարողանում նալային մօտենալ, ինչու որ սա միշտ Աստուծու հրամանները կատարում էր, բարի և արդարադատ էր, իւր հպատակների հայրն էր, չէ թէ թագաւորը: Վերջապէս եօթն տարուց յետոյ՝ մէկ գիշեր նալան շատ դադրած լինելով, քնեց առանց աղօթք անելու ու առանց լուացուելու, և որովհետեւ նրա մարմինը մաքուր չէր՝ չար ոգին ճանապարհ գտաւ նորա մարմնու մէջ:

Այս օրուանից նալան սկսեց խաղալ և ամեն զար գլուխելիս նալայի սոկին, արծաթը, ապարաններն ու քաղաքներն էլ հետն էին գլորվում: Նալան անդադար տանուլ էր տալիս ու ալդ պատճառով աւելի տաքանում էր խաղի մէջ: Դամայեանտին տեսաւ, որ նալան պիտի իւր ունեցած չունե-

ցածը ողջ տանուլ տայ, սկսեց խնդրել նալային, որ խաղից ձեռք վերցնի, բայց իզուր: Նալան մինչեւ այսօր մէկ օր նորա խօսքից չէր դուրս եկել—միշտ աչք ու ականջ արած ունէր, որ իմանայ թէ իւր սիրելի Դամայեանտու կամքն ինչ է ու գլուխը մահու էր տալիս, որ նորա կամքը կատարէ. հիմիկ ոչ նորա խնդիրքն է լսում և ոչ նորա աչքի արտասուբին էր մտիկ անում: Նալայի ունեցած չունեցածը խաղի մէջ գնաց. վրայից հանեց իւր թագաւորական զարդերը, ունեցած ոսկին ու մարդարիտը և մի հասարակ զգեստով դուրս եկաւ իւր թագաւորական պալատից: Դամայեանտին էլ մի միակ զգեստով դուրս եկաւ նորա հետ: Սորանք այսպէս տանից տեղից զըկուած, երեք օր և երեք գիշեր երկնքի տակն անցկացնելուց ու պտուղներով կերակրուելուց յետոյ՝ մէկ փոկիկ թփի վրայ երկու թռչուն տեսան: Նալան շատ ու շատ ուրախացաւ սորանց տեսնելով ու իւր մտքումն ասաց.

«Արանք լաւ խորովածացու են»: Այս ասելն, իւր զգեստը վրայից հանելն ու ցանցի պէս թռչունների վրայ գցելը մէկ եղաւ. բայց ափսոս որ սրանք այն թռչուններից չէին, «Ո նալային համով խորոված ուտացնէին: Լորդ է զգեստը նորանց վրայ մնաց, բայց նորանք էլի վեր թռան ու զգեստն էլ հետները տարան ու նալային վերսից ձայն տուին:

«ԱՌ անխելք, մենք այն զարելն ենք, որ քո հարըստութիւնն ուրիշին տուեցինք. այժմ եկել էինք որ քո վերջին զգեստն էլ տանենք, որ քո թագաւորութիւնից ամեննեին տկլոր դուրս գնաս»:

Նալան տարակուսած մնացել էր կանգնած, տեսնում էր՝ ինչպէս իւր զգեստն օդում փոփում էր, բայց ոչ թըռչուններին կանգնեցնել կարող էր, ոչ իւր շորին հասնել: Խոր ախ քաշեց ու աչքերն արիւնով լիքը գէպի Դամայեանտին շուռ եկաւ.

«Տես, աչքի լոյս, ասաց նորան, ահա այստեղ ճանա-

պարհը երկու է բաժանվում, մէկը տանում է, ուր միայն ցաւ և քաղց է, միւսը՝ ուր քո ազնիւ հալըն ու մայրն են բնակվում։ Լաւ մտածիր, սիրուն Դամայեանտի, և մէկնում էկն ընտրի՞ր քեզ համար։ Դամայեանտին երկար ժամանակ չէր կարողանում լացը ըռնել։ Վերջապէս ասաց.

— Սիրելի՞ նալա, սիրտս կրակ է ընկնում, երբոր մտածում եմ, որ ես քեզ այդպէս տարաբախտութեան մէջ մենակ պիտի թողնեմ. բայց ինչպէս թողնեմ քեզ այն ժամանակ, երբ դու քո թագաւորութիւնից, փողից զրկուել, անտուն, անփող, անհագուստ մնացել ես և սովից ու ծարաւից նեղացել ես։ Զէ, իմ աննման նալա, կըբաժանեմ ես քեզ հետքու, քաղցն ու տիրութիւնը. ընկեր կը դառնամ ես քեզ ամեն ցաւի մէջ և քո մխիթարողը կըլինիմ։

Դամայեանտին, աչքերն արտասուրքով լցուած, փաթաթեց իւր մարդուն զգեստով ու ալսպէս երկուսը մի զգեստով ծածկուած՝ լոգնած, թուլացած, քաղցած ու ծարաւ գնացին, իրանք էլ չիմանալով թէ ուր, մինչև որ անտառում մի փոքրիկ խրճիթ տեսան։ Այստեղ գլուխները մի քարե դրին ու խոնաւ գետնի վրայ պառկեցան մի քիչ հանգստանալու, բայց նալայի տիսուր սիրտը երկար ժամանակ հանգիստ չմնաց։ Նա շարունակ մտածում էր, թէ իւր ազեզ Դամայեանտին ինչպէս պէտք է տանէր այն գժուարութիւններն ու պակասութիւնները, որ նորանք պէտք է քաշէին։ Մէկ էլ մտածեց նորան մենակ թողնի, որ նա սովիպուած լինի իւր հօր տունը գնալու, իսկ ինքը հեռանայ սարէ սար ընկնի։ Այսպէս էր մտածում, որովհետեւ չար ոգին դեռ էլի նորա սրտումն էր։ Բայց երբոր միտն եկաւ, թէ Դամայեանտին զգեստ ունի ու ինքը չունի՝ վճռեց կէսը կտրել մի սուր թրով, որնոր նա խրճիթի մօտ գտաւ։ Այս բանն անելուց յետոյ, ընկաւ գժի պէս անտառն ու հեռացաւ իւր սիրեկան Դամայեանտուց։

III.

Դամայեանտին երբ զարթեց ու տեսաւ որ մենակ է, լեղին պատուեցաւ։ Ո՛վ կարող է նկարագրել նորա վախը, նորա ակ ու դողը։ Եւ սկսեց նորան կանչել.

«Ա՛յ, իմ սիրելի, ասում էր, իմ թագաւոր, իմ աչքի լոյս, իմ ուրախութիւն, ուր ես, գուրս եկ, վախում եմ այս մութ անտառում առանց քեզ, արի, իմ աչքի լոյս. ես մեռնում եմ վախից, ախ, միթէ դու էլ չես սիրում ինձ»։ Այս խօսքերից յետոյ ճուտը կորցրած հաւի պէս՝ այս կողմ այն կողմ ընկաւ գողալով—մէկ այս թուփը քրքրեց, մէկ այն ծառի յետեւը մտիկ արաւ։ Վերջապէս երբ տեսաւ, որ նալան իրօք գնացել ու իրան թողել է, էլ իւր անմխիթար վիճակի վրայ չէր լաց լինում ու գանգատում. իւր ուշք ու միտքը նալայի կողմն էր։ Նալան մենակ, քաղցած, ծարաւ միայն կիսով չափ ծածկած, առանց միխիթարողի ինչ պիտի անէր։ Դամայեանտին, այս մտքերով չարչարուած, անտառի մէջ մէկ դէս էր գնում, մէկ դէն. անտառն էլ քանի գնում, խտանում ու մթնանում էր։ Այս անտառը լիքն էր պատուական թռչուններով ու ամեն տեսակ վայրենի գաղաններով. բայց նա անակ, անվախ առաջ էր գնում, մինչև մի բարձր սար նորա ճանապարհը կապեց։ Դամայեանտին այս սարի հետ սկսեց այսպէս խօսել.

— Դու որ գլուխդ մինչև ամպերը բարձրացըել ես ու ծառերով, ծաղիկներով զարդարուել, մէջդ հազար տեսակ թանկագին մետաներով ու քարերով լցըել. դու, որից քըչքչան ջրեր են ներքեւ վազում. դու, որ հազարաւոր կենդանիների պատսպարան ու բնակարան ես, որի մէջ թզուկներ, վիթխարիներ ու վիշապներ են բնակվում. դու, անյաղթելի, անհասանելի թագաւոր սարերի, կարո՞ղ ես արդեօք ինձ ասել. թէ ուր է իմ մարդը։ Բայց սարը ոչինչ նշան չտուեց և

անմխիթար Դամայեանտին իւր ճանապարհը շարունակեց։ Այսպէս ումը պատահեց, ամենից հարցը եղ, տեսել են արդեօք իւր մարդուն, թէ չէ՞ Երբոր ճգնաւորներին էլ հարցը եց, նոքա ասացին նրան.

—Գեղեցիկ Դամայեանտի, մեզ տուած է ապագան գուշակելու զօրութիւն, ինչոր ուրիշ մահկանացու չունի։ Իմացիր, որ քո ապագան այնպէս պայծառ ու պարզ է, ինչպէս քո երեսը. զու Նալալին էլի կըտեսնես, եթէ կըհամբերես ու նորան հաւատարիմ կըմնաս. նա էլի իւր երկրի տէր ու թագաւոր կըդառնայ։

Այս խօսքերից յետոյ յանկարծ թուան Դամայեանտու աչքից ճգնաւորները: Խեղճը, միտք անելով, էլի իւր ճանապարհը շարունակեց։ Այսպէս տիսուր շատ սար ու ձոր անցկացաւ Դամայեանտին, ինչ ծառ, ինչ թուփ, ինչ աղբիւր ու ջուր տեսնում էր, ամենին հարցնում էր լալով ու աղաչելով, որ ասեն, Նալալին հօ չե՞ն տեսել, կամ ո՞ր կողմը պիտի գնայ, որ նորան գտնի: Վերջապէս հասաւ իւր նպատակին և գտաւ Նալալին, որ իւր սրտի ցաւը և Դամայեանտու կէս շորը հետը տարել էր։ Սրանք ոչ միայն մոռացան իրանց կրած չարչարանքները, այլև աւելի բախտաւոր համարեցին իրանց, որ ոչ սար, ոչ ձոր, ոչ ցաւ, ոչ տանջանք չկարողացան նորցա բաժանել իրարից։

12. Ուսումնածարաւ մանուկը.

Մեր գիւղում չկար ուսումնարան. ով որ ուսում առնել էր ուզում, պէտք է գնար Ախալքալաք, որ մեր գիւղիցը հետու չէ։ Ես շատ նախանձում էի մեր քահանայի որդուն Սարգսին, երբ նա շաբաթ երեկոներին «Լոյս զուարթն» էր երգում։ Նա շատ յաջողակ ձայն ունէր և երբ նա եկեղեցում

սկսում էր «Լոյս զուարթը», ըոլոր ժամաւորները զարմացած նրան էին մտիկ տալիս։ Եկեղեցուց դուրս գալուց յետոյ գաւթում խումբ հաւաքվում էին գիւղացիք և չէին գափարում նորան զանազան գովեստներ տալուց։ Նորան գիւղացիների կողմից տուած անվերջ գովեստներն ինձ տեղիք էին տալիս անդադար խնդրել իմ մօրից, որ միջնորդէր իմ հօրս՝ ինձ Ախալքալաք ուղարկել կարդալու համար, բայց խնդիրս միշտ անկատար էր մնում և ես շարունակում էի իմ հօտաղութիւնս։ Մի անգամ ծննդեան տօնի, ճրագալուցի, երեկոյին եկեղեցում ասեղ ձգելու տեղ չկար։ Երբ սովորական աղօթքներն ասում էին ու տիրացուները շատ գրքեր էին կարդում, յանկարծ, տեսնես, սեղանի վարագուրի մի կողմը բացուեցաւ և Սարգսիը, գեղին դէ վիւզէ շապիկ հագած, երկու փոքր տղաների հետ, որոնք վառած մոմեր ունէին բռնած ձեռներին, սեղանից դուրս եկաւ և վարագուրի այս կողմում կանգնելով սկսաւ բերանացի Դանիէլի գիրքը կարդալ։ Նա շատ լաւ և առանց սխալանքի սկզբից մինչև վերջն անգիր ասաց այդ գիրքը։ Նորա կարդացած ժամանակ աղօթողների գովասանքի ձայներն արդէն հասնում էին ականջիս և ես դասից շատ լաւ տեսնում էի, թէ ինչպէս յետևից կանայք իրանց գլուխները վեր էին բարձրացնում՝ տիրացու Սարգսին տեսնելու։ Եւ այդ բաները նկատելով՝ իմ նախանձը հետզհետէ գրգռվում էր և ես ուզում էի անպատճառ Ախալքալաք գնալ և այնտեղի ուսումնարանումը կարդալ և Սարգսի նման Լոյս զուարթ երգել և Դանիէլի գիրքը կարդալ։ Իմ մէջ այդ ցանկութիւնն առաւել շատացաւ հէնց միեւնոյն ճրագալուցի երեկոյին, երբ միքանի դրացի մանուկների հետ տներում, «Աւետիս» ման եկած ժամանակ, տեսնում էի որ այդ երեկոյեան ամեն մինի խօսակցութեան նիւթը տիրացու Սարգսին էր։ Ալդ բաները լսելուց և աւելի ու աւելի բոլորոքուելուց յետոյ՝ ես որոշեցի, ծննդեան կիւրակէները վեր-

ջանալուն պէս, ծնողներիցս ծածուկ գնալ Ախալքալաք և
այնտեղի ուսումնարանում սովորել։ Վերջապէս մի երեկոյ
տրեխներս թրջեցի, խոտեցի, սըըմները քաշեցի և պատ-
րաստուեցալ։ Ոչ մի երեկոյ այնպէս ջերմեռանդութեամբ
Աստուծուն աղօթք չէի արել անկողին մտած ժամանակս,
ինչպէս այդ երեկոյին։ Երեք անգամ կրկնեցի իմ սովորական
երեկոյեան աղօթքը, որ մի ընդհանուր աղօթք էր ինչպէս
մեր ընտանիքի նոյնպէս և բոլոր գիւղացիների համար։ Տի-
րացու Սարգսի «Լոյս զուարթով», նորա կարդացած «Դա-
նիէլի գրքով», նորա «Գեղին դէնէվիւզի շապկով» լափշա-
կուած և Ախալքալաքի ուսումնարանով ոգեորուած, ես ան-
կողնիս մէջ անդադար երեսս խաչակնքում էի և լուռ ու
մունջ կրկնում։

Կրակը մարեցաւ,	Բուրվառ ունիմ բոցեղէն,
Չարը խափանաւ,	Ո.մեն թել է լուսեղէն,
Քրիստոս քօղն երեսին,	Գընացի խանձարուրքիս,
Հրեշտակները չորսդին,	Երթամ հասնիմ պատարագիս:
Երկնքէն իջաւ,	— Կէս գիշերին դուրս ելայ,
Խաչապաշտից տները մտաւ:	Մեծաւորիս խաչը տեսայ,
— Տէր իմ, ուր կերթաս:	Աղաչեցի՝ Տէր, դու ով ես:
— Հուր ունիմ հրեղէն,	— Յիսուս Քրիստոսն եմ ես:

Առաւօտեան արշալուսի ծէզը բացուելուն պէս՝ մայրս
ըստ սովորութեան ինձ ձայն տուեց որ վեր կենամ և հորթերը
ջրելու տանեմ։ Առաւօտեան, աղօթք անելուց յետոյ, հոր-
թերը քշեցի առաջս՝ քայլերս դէպի ձորի ճանապարհն ուղ-
ղելով։ բայց հազիւ ձորի գլխին էի հասել և մօրս տեսու-
թիւնից ծածկուել, թողի խսկոյն հորթերը ձորի գլխին, ճա-
նապարհի վրայ, և գիւղի յետեկի կողմով ընկայ Ախալքալաքի
ճանապարհը։ Նարունակ վազ տալով և անդադար ձիւնի մէջ
խրուելով՝ վերջապէս ընկայ ուղիղ ճանապարհը։ Տեսայ Սար-
գիսն էլ է գալիս ձիով Ախալքալաքի ճանապարհով։

— Սագո, ինչ կլինի ինձ գաւակդ առնես, այս եղաւ
իմ առաջին խօսքը Սարգսին։ — «Տօ, Օվակ, ուր»։ — Ախալ-
քալակ կարդալու։ — «Հայրդ ու մայրդ գիտե՞ն»։ — Զէ, Սագօ
ջան։ Սագօ, ինչ կըլինի ինձ գաւակդ առնես։ — «Իմ ձիս
խրտան է»։ — Դէ միքիչ կամաց գնա, ես հետդ կըգամ, ճամ-
փան մենակ չգիտեմ։ — «Ծօ, դու ձիու հետ չես կարող գալ,
նայէ ճանապարհին կըմնաս, գայլերը կըգան, քեզ կ'ուտեն»։

— Սագօ ջան, Սագօ... դեռ չէի վերջացրած իմ խօս-
քերը, երբ տեսայ, որ Սարգիսը իւր ձիու գլուխը դարձեց
գէպի գիւղ և միքանի մտրակ խփելով՝ թռաւ։ Ես հասկա-
ցալ, որ նա գնում էր հօրս իմ փախուստն իմաց անելու.
ուստի ուղիղ Ախալքալաքի ճանապարհը բռնելով, ոյժ տուի
իմ ոտքերին և սկսեցի վազ տալ, անդադար կրկնելով իմ
գիտեցած «գայլ-կապի» աղօթքը։

Գայլը կապին երկու բթով,
Աստուածածնայ քաղցը կաթով,
Սուրբ Սարգսայ ձիուն ձարով,
Տէր Մովսէսին գաւազանով,
Լուսաւորչայ սուրբ հաւատով,
Լեզուն կապուի, ակռան թափի,
Եկած ճամփան գայ մոլորի,
Իմ տիրոջս խաչը տեսնի,
Դիւանքի պէս թող սասանի։

Բայց ահա տեսնում եմ՝ յետեկիցս ձիերով գալիս են հայրս
և Սարգիսը։ Նոքա շուտով հասան ինձ, հայրս վրաս յար-
ձակուեցան։ Ես ճանապարհից շեղուեցայ ոնկայ ձիւների մէջ,
բայց իմ գլխին և կողքերին եկած հարուածներից հազիւ
աղատեց ինձ մայրս, որ գիւղի ծայլում ինձ վայր իջեցը
գաւակից և, գուրգուրելով, ձեռքիցս բռնած տուն տարաւ։
Այսպիսով իմ Ախալքալաք գնալս չաջողուեցաւ։

13. Աղ ու Հաց.

Սոխ ու Հաց, սիրտը բաց,—այս սովորական առածի ասողը իմացնում է, թէ ինքը քչով բաւականանալ գիտէ. գոհ է, ինչոր նորան Աստուած պարզել է. անտրտունջ, ուրախ է և սիրտը բաց ունի իւր չափաւորութեան մէջ։ Ում սիրտը բաց է, նորա տան դուռն էլ բաց է ընկերի համար։ Եւ արդարեւ Հայի տունը միայն գերդաստանի տունը չէ, այլ և հիւրի տունն է։ Հայի սեղանը շատ երկայն է ձգուած։ Նորա բոլորքը ոչ միայն տան մարդիկն են նստում, այլև գլխին քահանան, մէջտեղն աշուղը, աջ կուռը պանդուխտը։ Բայց սեղանի վրայ գեռ էլի շատ տեղ կայ, եթէ հիւր գայ, Աստուծու փայ է, տան տիրոջ աչքի լոյսն է։ Հայի մօտ հիւրը գալիս է, հիւրը գնում, տեղը դատարկ չի մնում։ Բայց մէկ անգամ աղուհաց կերածը, թրով կտրած է. ամօթ ու խայտառակութիւն այն մարդուն, որ մի անգամ կերած աղուհացը մոռանում է և անհաւատարիմ է մնում։ Անաղուհաց քրդի շուն կասեն նորան, ով որ աղուհացի սրբութիւնը չի պահիլ։

14. Կարելից.

Երբ մենք սև օրուան ունինք կարեկից,
Ասում են, կէսն է պակսում մեր ցաւից.
Թշուառին թշուառն է միշտ մխիթար,
Ո՞րտեղ կըդտնես դու քանց զիս թշուառ։
Քեզ պէս մըտատանջ, քեզ պէս անտէրունջ։
Սրտումս գաղտնիք, բայց լուռ, անմըռունչ
Անցնում են օրերս, վայ գլխիս տալով,
Մարդկանց մէջ ուրախ, միայնակ լալով։

Ամեն շնչաւոր ունի մի ընկեր,
Միայն ինձանից պէտք է պակսի սէր,
Եթէ դու էլ ես թշուառ ինձ նըման,
Իմ քաղցը խօսքը լինի քեզ դարման։
Սրտիդ խորհուրդը բաց ինձ, անկասկած,
Մէրը նմանից պէտք է պահանջած։

15. Քահանայ.

Այն ով է կանգնած ամբիոնի վրայ,
Դողդոջուն ձեռքերն երկինք ամբարձած,
Գըթառատ աչերն լի արտասուքով,
Բազմութեան ուշքը դէպի նա դարձած։
Որին ամենը հայր են անուանում,
Շանօթ, անծանօթ հաւասար յարգում,
Որի լոկ խօսքը օրէնք է նոցա,
Սրտի գաղտնիքը նորան են յայտնում։
Քահանայ է նա, քաւող մեղքերի,
Միջնորդ Աստուծոյ մարդկան ազգի հետ,
Հովիւ է անխոնջ Քրիստոսի հօտի,
Երկնաբեր գանձին նա է արթուն դէտ։
Երբ մենք, թաթախուած Աղամայ մեղօք,
Եկանք այս աշխարհ լցեալ ցաւերով,
Ո՞վ սրբեց մաքրեց մեր հին մեղքերը,
Ո՞վ մեզ սփոփեց իւր սուրբ խօսքերով.
Կամ՝ երբ ժանտախտած, ընկած մահճումը՝
Մըտատանջ, անլոյս մահ էինք խնդրում,
Պանդխտի նըման ամենից թողած։
Ո՞վ մեզ առաջին հասաւ օգնութիւն։
Կամ՝ երբ մոլորուած գառների նման
Կոյր վագում էինք դէպի խորխորատ։

Ո՞վ արդեօք այն օր փրկեց մեզ մահից,
Դիւական գբէն հանեց անարատ.
Կամ՝ երբ մեղսալիր աչքըներըս բընաւ
Զենք համարձակում երկինք ամբառնալ՝
Որքն կանչում ենք միջնորդ հաշտութեան,
Ո՞ւմով յոյս ունինք թողութիւն ստանալ.
Եւ կամ՝ ըզբաղած ունայն գործերով,
Մոռացել ենք Աստուած, կրօն, սուրբ հաւատ,
Ո՞վ է մեր տեղը մեր մեղաց համար
Արտասուք թափում աչքէն յորդառատ:
Քահանան է նա և միշտ քահանան,
Մեր միջնորդ, հովիւ քաջ և աղօթիչ,
Որբոց հայր, եղբայր աղքատ մուրացկին,
Արտասուաց սրբող, լանցանաց քաւիչ:
Ե՛կ պատուենք, եղբարք, այդ սուրբ քահանան,
Սիրենք միշտ նորան մանկական սիրով,
Որ ամբողջ գիշեր իւր որդոց վերայ
Պատրաստ է հսկել անքուն աչքերով:
Նա բոյոր կեանքը զոհեց մեզ համար,
Չուզեց փառք, պատիւ, զբօսանք աշխարհի:
Քանց սուրբ քահանան էլ ով է կարող
Արդեօք մեզ համար լինել հայր բարի:

16.Տէր Մարգարը.

Մեր գիւղի քահանալ տէր Մարգարը մի պատկառելի
կերպարանքով աշխատասէր մարդ էր: Զնայելով իւր սպիտակ
ալիքներին, նա իւր ընտանիքի հետ միշտ մասնակցում էր
դաշտային պարապմունքներին: Ֆարաջէն մի կողմ ձգած,
թևերը վեր քաշած, գութանի մաճը իւր ջղոտ ձեռքերում

բռնած, նա արտ էր հերկում, հունձքի ժամանակ հունձք
անում, կալոցին կալ կալսում: Բացի այդ իւր առանձին
պարապմունքներից և քահանայական պաշտամունքներից, նա
միւնոյն ժամանակ դատաւորի պաշտօն էր վարում մեր գիւ-
ղում: Գիւղացիներն ամեն տեսակ վէճերն ու բողոքները նո-
րան էին յայտնում և տէր հայրը իւր անաշառ. բնաւորու-
թեամբ քննում էր այդ ամենը և նորանց մի վերջ դնում:
Նա խօսում էր միշտ ծանր կերպով և նորա ամեն մէկ խօս-
քը, ամեն մէկ վճիռը, պատգամի նման ընդունվում էր գիւ-
ղացիներից: Վէճերը մաքրելուց յետոյ տէր Մարգարը վիճող-
ներին չէր արձակում առանց նախապէս նորանց միմեանց
հետ հաշտեցնելու, և «պահպանիչ» աղօթքով իւր վճիռը
կնքելու և վերահաստատելու: Տէր Մարգարի կարծիքով խա-
չապաշտ չէ, այլ անհաւատ է այն քրիստոնեան, որ իւր
կեանքումը եօթանասուն և եօթն անգամ ներողամիտ չէ
գտնուել դէպի իւր քրիստոնեայ եղբայրը և նորան իրան դէմ
գործած յանցանքները չէ ներել: Չմեռուայ երկար երեկոնե-
քին, երբ գիւղացիները սովորաբար հաւաքվում են գիւղի
այս կամ այն քէհի գոմի օդան, խօսակցութեամբ ժամանակ
անցկացնելու, Տէր Մարգարի յաճախակի ներկայութիւնն այդ
ժողովներին մի առանձին նշանակութիւն էր տալիս: Երբ
տէր հայրը ներս էր մտնում գոմի օդան, բոլոր ժողովականք
իսկոյն ոտքի էին կանգնում և տէր հօր «Ողջոյն ձեզ, սիրե-
լիք» բառերին՝ «Օրհնեա, տէր» որդիական ամենաջերմ հա-
մակրութեամբ պատասխանում. գիւղացիներից մէկը գնում
էր տէր հօր գաւազանը ձեռից առնելու, միւսը նորա ոտնա-
մանները հանելու. մի երրորդը գնում էր բարձեր բերելու
և տէր հօր նստելիք տեղում դարսուտելու և այլն: Տէր հայրը
սովորաբար նստում էր սէքիւի (բազմոց օդաներում) վերի
գլխում օջաղի մօտ: Մինչեւ նորա նստելը՝ ժողովականք բո-
լորն էլ ոտքի վրայ կանգնած մնում էին, չէին նստում,

մինչև տէր հայրը չհրաւիրէր։ Այդ իրաւունքն ստանալուց յետոյ, գիւղացիք նախ և առաջ գնում էին և առանձին առանձին տէր հօր «սուրբ աջն» առնում, ապա կարգով նըստում էին տէր հօր երկու կողմում նախ ծերերը, ապա չափահասները և յետոյ երիտասարդները։ Տան կանալք, հարսներն ու աղջիկները թէպէտ գալիս էին և տէր հօր աջը նոյնպէս համբուրում, բայց նորանցից միմիկան տան մեծ նանը, հարսների սկեսուրը կարող էր տէր հօր մօտ այդ մարդկանց մէջ նստել, իսկ միւսները յետ էին քաշվում և սէքիւի չորս բուլորքը շարուելով՝ լուռ ու մունջ հանդիսատես էին լինում։ Մինչև տէր հօր խօսք բաց անելը՝ խօրին լռութիւնը տիրում էր օդայի մէջ և ուրիշ ոչինչ չէր լսվում, եթէ ոչ գոմումը մսուրքների վրայ կապոտած կովերի, եզների, մատակների, գոմէշների մշմշոցը և նորանց հորթերի ու քուռակների իրանց մալրերի ստինքները ծծած ժամանակ բարձրացրած շփշփոցը։ Տէր Մարգարն ընդհատում էր այդ լռութիւնը՝ նախապէս գիւղացիներին զանազան հարց ու փորձեր անելով վարուցանքի մասին, և մինչև զէ հայտ եփելն ու փոքրիկ Փինջաններով հիւրերին թաւագայ անելն՝ խօսակցութիւնը սովորաբար առանձին բաների վրայ էր լինում։ Հիւրերին զէհայտով մեծարելու սովորութիւնը տէրտէրի ներկայութեանը պէտք է վերագրել, ուրիշ ժամանակ տանտէրը իւր հիւրերին, բացի քաղցր ընդունելութիւնից, սովորաբար ուրիշ ոչինչ չէ տալիս։ Դէհայն վերջանալուց յետոյ, ժողովականների խնդրանոք տէր Մարգարը պատմում էր նորանց զանազան պատմութիւններ Սուրբ Գրքից և Հարանց վարքից։ Նորա պատմութիւնը իւր հասկանալի բառերով, դարձուածքներով և գրաւիչ բովանդակութեամբ՝ մի այնպիսի ազգեցութիւն էր անում ժողովականների վրայ, «Ի նորանցից ոմանց աչքերից արտասուքի կաթիլներ էին թափվում։ Զորօրինակ՝ տէր Մարգարն առանձին ոգեսորութեամբ

նկարագրում էր Մարկոս ճգնաւորի 70-ամեայ խիստ ճըգնութիւնը և 30-ամեայ չարչարանքը սատանաների ձեռքով, և, նորա մեծ հաւատը ցոյց տալու համար, այս էլ էր աւելացնում, թէ մէկ անգամ Մարկոս ճգնաւորը մէկի հետ, մարդկանց հաւատի մասին խօսելու ժամանակ, հարցլեց նորանց։ «Աշխարհքում այնպիսի հաւատով մարդիկ կան, որոնք եթէ լեռներին ասէին՝ գնացէք և ծովն ընկէք—նրանք լըսէին»։ Եւ այդ խօսքերի վրայ իսկոյն շըջակայ լեռներն իրանց տեղերից շարժ եկան և ուզում էին ծովը թափուել։ Բայց Մարկոս ճգնաւորը կանգնեցրեց նորանց ասելով. «Ես ձեզ համար չեմ ասում, դուք տեղերումդ կացէք»։

Երբոր այս լսում էին ժողովականները.—«Վայ ինձ, վայ ինձ»—գոռոց էին հանում և ամենքը խղճահարվում էին իրանց թուլութեան և մեղքերի մասին։ Ուշ գիշերով մեկնում էր տէր Մարկոսը գիւղական այդ ժողովարաններից՝ իւր սրտաշարժ պատմութիւններով ամենապինդ կերպով կապելով գիւղացիների ուշքն ու միտքը, սիրտն ու հոգին քըիստոնէական հաւատի հետ։

17. Պանդուխտ առ կոռունկն.

Կոռունկ, ուստի կուգաս, ծառայ եմ ձայնիդ.

Կոռունկ, մեր աշխարհէն խաբըիկ մի չունիս.

Մի վագիր՝ երամիդ շուտով կըհասնիս.

Կոռունկ, մեր աշխարհէն խաբըիկ մի չունիս։

Թողեր եմ ու եկեր մլքերս ու այգիս,

Քանի որ ան կանեմ, կուքաղուի հոգիս.

Կոռունկ, պահ մի կացիր, ձայնիկդ ի հոգիս.

Կոռունկ, մեր աշխարհէն խաբըիկ մի չունիս։

Սրտերնիս կամեցաւ, ելանք, գնացինք,
Այս սուտ աստըւորիս դարդերն իմացինք,
Աղուհացկեր մարդկանց կարօտ մնացէնք.
Կոռնկ, մեր աշխարհէն խաբրիկ մի չունիս:
Աստըւորիս բաներն կամաց կամաց է.
Ղարիբին սիրտն է խոց, ջիգեարն է վարամ,
Կերած հացն է լեղի ու ջուրն է հարամ.
Կոռնկ, մեր աշխարհէն խաբրիկ մի չունիս:
Ոչ ըզլուր օրն գիտեմ, ոչ ըզկիրակին,
Զարկած է զիս շամփուրն, բըռնած կըրակին,
Ալրիլս չեմ հոգար, ձեզնի կարօտիմ.
Կոռնկ, մեր աշխարհէն խաբրիկ մի չունիս:
Աշունն է մօտեցեր, գնալու ես թէպդիր,
Երամ ես ժողովեր հազարներ ու բիւր.
Ինձ պատասխան չտուիր, ելար գնացիր,
Կոռնկ, մեր աշխարհէն գընա, հեռացիր:

18. Պատականարօտ.

Գուցէ ոչ մի հայաբնակ քաղաքի մէջ այնքան մեծ ու
պլստիկ մանուկներ չկան, ինչպէս Վանում: Այս մասին Վա-
նը օրհնուած է. բայց ուր են նոցա մեծերը:

Պատմում են, թէ երբեմն էջմիածնի մէկ նուիրակ բո-
լոր քաղաքները շրջելով, ուր որ Հայեր կան, ամեն տեղ Վանը-
ցիներ է գտել. Հնդկաստանի այն վերջին ծալըը հասնելով,
լսեց թէ մէկ կաղ Հայ կալ, երբ հարցըեց. «Ո՞րտեղացի
ես», այնտեղ էլ «Վանըցի եմ» — պատասխան ստացաւ: Ուստի
առած է դառել՝ թէ Վան եցոց կաղը մինչև Զին աս-
տան է հասել:

Վանից բազմաթիւ Հայեր պանդխտել են մանաւանդ Պօ-
լիս և ուրիշ մեծ քաղաքներ. և զարմանալին այն է, որ այդ

բոլոր պանդուխտներն անշուշտ կնոջ տէր և որդոց հայրեր
են: Որովհետև երբոր հարկն ստիպում է մէկին, որ պարտ-
քերի կամ ուրիշ ծանր կարօտութեան պատճառով պանդխ-
տէ, նորա մայրը կամ ազգականները շտապում են, «Աստու-
ծու կամօք» մի աղջիկ են պատրաստում, նշանում են, և
նորա հարսանիքի համար էլ պարտք են անում, պսակում
են. «Ոտը կապենք, որ դառնալ» ասելով: Արդարեւ ո՛րքան
դժուարութեամբ այնուհետև պսակուածը իւր տանից հեռա-
նում է և թէպէտ նորա ոտքը գնում է, բայց սիրտը կա-
պուած է մնում պսականարօտի կապով: Այնուհետև պան-
դխտութեան մէջ նորա միակ կարօտը մի նամակ ստանալն
է, որ գըեթէ միշտ այսպէս է սկսվում. Յիսուսի Քրիստոսի
ծառալ՝ քո տան անդիւորից (ամուսնուց) շատ սիրով և լոյժ-
կարօտով բարեւ իմ երկու աչաց լոյս գլխաւորին»: Եթէ որդի
էլ ծնուել է նորա նոր պանդխտութեան ժամանակ, սիրտը
խշացնող այս բառերն էլ կարդում է նա. «Եւ քո նորա-
բոյս ծաղիկ, քո սիրոյ պտուղ, անուշահոտ վարդ Վարդա-
նից, կամ Մանուշակից»: Իսկ եթէ տարիներ անցել են, նա-
մակն աւելացնում է. «Որ բլեուլի պէս կըխօսի, որ հըեղէն
հըեղտակի աչքեր ունի, որ արեգակի պէս կըփելկատայ, որ
սարեկի պէս կըճխայ, կըթովուայ, որ կաքաւի պէս կըգվգը-
վայ. ախ, կ'ասի, երբ կուգայ իմ հայրիկ»... և այլն: Ճըշ-
մարիտ է ծնող մայր, ծերունի հայր, դրացիներ, բարեկամ-
ներ, քոյրեր, եղբայրներ, այգի, ջուր, ծառ, տուն, տեղ և
այլն, սոքա ամենքն էլ լիշտակվում են պանդխտի թղթի
մէջ, և իւրաքանչիւրն իւր խորին ազգեցութիւնն է անում
կարդացողի սրտի վրայ, բայց նոցա բուն կապը, որ նոցա
քաշում և վերադարձնում է հալենիք, բուն բոցն ու կրա-
կը, որ գիշեր ցերեկ նոցա ջիգարը խորովում է — տան Ան-
դիւորն է և նոցա սիրոյ անուշահոտ Պտուղը: Այս միայն է,
որ այն զարհուրելի Սև ծովի ալիքները, սարերի սառնամա-

նիքը, զանազան վտանգներ և տագնապները համբերութեամբ տանել և քաղցրացնել է տալիս մեր հայրենակիցների սրտին, որպէսզի նոցա համար ապրուստ ճարեն և նոցա կեանքը երկարացնեն. այս միայն է, որ մեր պանդուխտ հայրենակիցներն առ ոչինչ են համարում Պօլսի փափկութիւնն, բարեկեցութիւնն ու ազատութիւնը, և չարքաշ կեանք են վարում, որպէսզի եթէ հարկը պահանջէ՝ հինգ, վեց, եօթն և էլ աւելի անգամ երթան Պօլիս նժղեհեն, բայց դարձեալ նորից վերադառնան իրանց տունը և այսքան մանուկներին հոգատար հայր դառնան:

Օրհնուեին հարսները, օրհնուեին մանուկները, որ այս կապը հնարել և յօրինել են, և բուն կապն են եղել. ապա թէ ոչ, Վանի այն գեղեցկազարդ այգեստանի փողոցները ալժմ կամ թափուր կամ անհայ կրգտնէիք:

19. Սայաթ-Նովա.

Վառ է արեգակը, ամենի համար լուս է ու պայծառ. Միայն աշուղին ցերեկուայ մէջն էլ մութ է ու խաւար. Մութն է աչքերը, բայց լուս է հոգին, սիրտն է բոցավառ. Քանց գրագլուհին լեզու ունի նա անուշ ու ճարտար:

Բ. Պատկանեան:

Մօտ երկու հարիւր տարի առաջ՝ մի խեղճ Հայ մղբսի գալիս է Թիֆլիզ: Սրան ըլում է տղայ, անունը տալիս է Արութիւն: Պստիկ Արութիւնին տալիս են աշկերտ մէկ ջուլհակի մօտ. Խիստ աչքաբաց ըլելով՝ կարճ ժամանակի մէջ Արութիւնը վարպետ է դառնում: Մեր վարպետ ջուլհակն ուրիշ շնորհք էլ ունէր, կտաւ գործելու հետ սազ էլ էր ածում. պստկուց պաս պահելով գլուխ է դնում

ամեն խաղին ու սուրբ Կարապետի կարողութիւնով սովորում է քամանչէն ու չօնդուրը: Առաջ հորում նստած բանելիս՝ առաւտեան հանած խաղն գիշերը քաղցը ձայնով իշխանների բարձր ու լին դարբասում ասում է էլել, Վերջը համարձակ դուրս է եկել մէլդան աշուղութիւն անելու Սայաթ-Նովա անունով. նորան ժողովուրդը մինչեւ էս օր էլ միայն աշուղական անունով է ճանաչում ու էլ չգիտէ թէ ջուլհակ Արութիւնն ով էր:

Վաղ ժամանակ Հայ աշուղներն ինչ-որ երգել են՝ թուրքերէն են ասել, Սայաթ-Նովին թուրքերէն ու վրացերէն է ասել: Մէկ օր էլ սրտումն ասել է. հիմք գուշակ նև հայելուր տառ ու էն է հայերէն է երգել էս անուանի աշուղը՝ ամենքին զմայլեցնելով: Սայաթ-Նովին Երեկէ թագաւորի ու վրաց ազգի խրախնաններու պատուական ու անհրաժեշտ զարդն էր. ով որ ուրախութիւն էր ուզում տեսնել, գնում էր Սայաթ-Նովին լսելու: Ոնց որ իրան սիրում էին, այնպէս էլ տիրում էր, երբ ինքն իւր սազով նրանց մէջը չէր և ասում էր. նև հէկ շաբաթ եւ շուրջ ու համար էր, իւր խաղի հունարով դրը ստում էր ինչ-որ խալիս սբումը ծուռն էր. և եթէ նորան լեղի էին պարզեւում. նա շաքար ով էր ուզում պատախանել, գիտէր որ շատ մարդու դրուստ բան հասկացնիլը դժար բան է, համբերութիւն է հարկաւոր. մարիկանուշ չաղցր վշար-դիմունի վրայ անդին է: Օր ու ցերեկ նորա քարոզած բանն էր բարի գուշն, որնոր դասում էր բարձր ամեն իմաստութեան ու գիտութեան վրայ, ասելով. նև գուշ իմանաս, գիտենաս ասուղերու համբարդը ու իրան, ամբարի գուշը իսրած է՛ իսրատ Հարանց վարդին ու իրան: Այսպէս նա մէկ մէկ խրատեց ու քա-

ըոզեց Աստուած, հոգի, ուր, պարէւշտունիւն, գէր, համբէրունիւն, աղջառ, զօնադ, օդար:

Բայց Սալեթ-Նովի առաջուայ ցնծութիւնը չէ քաշում շատ ժամանակ և սկսում է գանգատիլ. Այս դարձն ճամփայ չէ գունում, էնդուր որ շատացել է խոլին աս-դա: Նրա հոգին սկսում է ձանձրանալ կեանքից, աշխարհքից, երգերից ևս. Երեք լու եր իտոց կուր էս օր, — բարելեմէն բէլլուի էմ. Տարդ համալու մէն չե ըլէ, — իտուրեմէն բէլլուի էմ: Վերջապէս ձանձրացած այս երազական կեանքի վայելչութիւններից, Սալեթ-Նովէն ասում է. հո-հագնէմ հաղնէմ, հո-հագնէմ շան, է՛նընամ ա-հան հո-դամ վանիլու մէկնէ, և գնում է Հաղպատու վանքը և ձեռնադրվում է աբեղայ: Հիմի ժողովուրդն իմացաւ, թէ Սալեթ-Նովի կորուստն ինչ կորուստ էր նորա համար ու դիմ էն կ'օսէր, թէ վարքի Սալեթ-Նովա, ինչ ու-րախութիւննիր իս շանց տուի, ու երբ նա վարդապետ ժամանակ հազարէն մէկ անգամ գալիս է էլել Թիֆլիզ, երեխէրքն նորա էդնէն վազելիս՝ մատով մէկու շանց են էլել տալիս, ասելով. Տօ, գիդէս՝ Սալեթ-Նովէն է՛ Թիֆլիզինների աչքում էլ ոչ մէկ աշուղ Սալեթ-Նովի հատու չէ էլի: Պատմում են, թէ մէկ անգամ Թիֆլիս է եկել մէկ երեւելի աշուղ, որ Թիֆլիզի բոլոր աշուղների հետ բառ է բռնել, այսինքն ով որ խաղով հարցմունք է տուել, ինքը հանգով ջուղաբ է տուել, բայց իրան ջուղաբ տուող ոչով չէ էլել, ուստի և նորանց ձեռից սազն առիլ է ու հրամայել է նրանց, որ էլ չհամարձակուին յաղթողի առջեն, ինչ տեղ կ'ուզէ ըլի, խաղ ասիլն: Քաղքցիք խիստ տիսրել են, որ իրանց աշուղների պատիւն էդպէս գետին զլորուեցաւ չիդն էլ Թիֆլիզու խաղ սիրող տղէրքն դարսել են զրուցք, իբր թէ Սալեթ-Նովի ականջն է ընկնում այդ երեւելի օտարական աշուղի Թիֆլիզ գալն ու քաղքի յաղթուիլը: Սաստիկ ձմեռին մտիկ չտուած՝ շտապով գալիս է Հաղպատից

Թիֆլիզ: Ոչովին բան չասած՝ աշխարհականի շորեր է հագնում. մենակ իւր հին ընկերների ու բարեկամների մէջ՝ կամըրջի տակն սառած Քուի վրայ նստած, քամանչէն ձեռին բաց է անում նոր եկած աշուղի հետ բաս (վէճ) և յաղթում է նորան՝ քաղքի պատիւն էլի հաստատելով: Էս զըրուցքն այն բանի նշան է, թէ որքան Սալեթ-Նովէն անուանի և սիրելի էր Թիֆլիզինների համար:

Սալեթ-Նովի հաստատ հաւատն էլ շատ գոված է: Զէր առաջ երգել էր, թէ Սալեթ-Նովէն հաւատն չի ուրանալ, չայ է: Էս հաստատեց, երբոր Աղա-Մահմէդ-Խանը եկաւ Թիֆլիզը կոտորելու ու քանդելու: Էդ ժամանակ Սալեթ-Նովէն Թիֆլիզումն էր ներդի եկեղեցում: Թըշնամիքը տուն են ընկնում եկեղեցու գաւիթն ու կցում են կոտորելն ու կողոպտելն: Սալեթ-Նովուն վրայ են հասնում աղօթք անելիս: Սորանից պահանջում են դուրս գալն ու հաւատն ուրանալը. բայց կրօնաւորն Պարսից թրերու տակն աւանդում է հոգին՝ ասելով.

«Զըխմանամ քլիսադան, գօնմանամ իսադան»:

(Եկեղեցու չէ՞ դուրս դալ, չէ՞ ա-րանալ Յիսուսին):

20. Նախապաշտումունք և մնութիապաշտութիւն.

Ով որ Աստուծու հաւատ չունի, նա շատ աւելորդ բաներ է պաշտում, ով որ գիր չգիտէ, ուսում չունի, չտեսած բաներին է հաւատում: Լսենք այս պառաւների խօսակցութիւնը և տեսնենք, թէ ինչ ծիծաղելի բաներ են պատմում. այնպէս որ միամիտ մարդիկ գուցէ և հաւատան: Բայց մենք ոչ միայն պէտք է ծիծաղենք գոցա վրայ, այլ պէտք է խըղճանք այդ ողորմելի մարդկանցը, որովհետեւ այդ պատմածներին հաւատ ընծայելով, նոքա միշտ երկիւղի մէջ են, միշտ

ահ ու գողի մէջ են, և ուրիշներին էլ պատմելով, նոցա էլ սարսափի մէջ են ձգում, Բայց եթէ մենք ուզենանք իմանալ, թէ Բնչու համար նոքա այդպէս տանջվում և չարչարվում են, մինչև անգամ երեխան էլ կարող է ասել, թէ ոչինչ պատճառով. որովհետև ինչ-որ պատմում են, այն բոլորը սուտ է, նախապահարմունք է և սնոտիապաշտութիւն է: Ահա լսենք օրինակի համար այս պառաւական զրուցարութիւնը.

— Նողեր խաթուն, ուրբաթ գիշեր հաւախօսին շնելը
գարշելի կերպով ոռնում էին. մեր դրացի նարգիզ խաթունը
հիւանդ էր, և շների ոռնալուց իմացանք, որ Գրողը եկել
է նորա արևը հանգցնելու: Իմ տէգերկինս հիւանդա-
պահ էր գնացել այն գիշեր: Գրողի գալու ժամանակին պառ-
կած է եղել, աչքին երևացել է դրողը. և զարհութել է:
Գրողն ու հիւանդը շատ կռուել են, բայց հոգին չիտուել,
երեք օր հոգեղարձ է մնացել: Տէգերկնկանս լեզուն կապուել,
կապկապուել էր, խելքը թռուցել է, ոչ կարողացել է նստել,
ոչ պառկել, ոչ կանգնել, ոչ ուտել խմել: Ասում են՝ հըեշ-
տակակոխ է եղել, ել սուրբերից սուրբ չմնաց՝ կանչեցինք,
խաչ աւետարան հանել տուեցինք. Էս օր էլ եկալ թուողթ
բաց անել տուեցի, թուղթ բաց անողն էլ ասաց. «Գրողին
տեսել վախեցել է. սուրբ Աստուածածնին ուստ տարեք»:

—Թառիկ խաթուն, հաւատա որ ալդպէս է։ Աշամի
գիտէ, որ Նարգիզ խաթունը միշտ գրողների հետ է։ Քանի
քանի անգամ նորա բերանից լսել եմ, որ ասում էր «Գի-
շերս գրողների գլխաւորը կանչել էր, գնացինք խորհրդի, եր-
բոր ձեռքի հրեղէն կանաչ ճիպոտը երեք անգամ գետնին
խփեց, հազար հազար գրողներ ժողովեցան մէկ ակնթարթի
մէջ»։ Գրողների գլուխն ամպերի մէջն է, ոտները գետնի
տակ անգունդն է հասնում. նոցա երեսները սև՝ քան Ադամայ
մութը. նոցա պինչը կտիուած է մինչև իրանց ծունկը. բե-
րաններ ունին Վանալ ծովի պէս. լեզուներ —ոնց որ Վանալ

բերդը—ոնց որ Սիփանայ սարը։ Նոցա լէշը խոզի պէս է, ամեն մազից բոց է գուրս գալի, կրակ է թափվում։ Հաւի պէս թև ունին, թւ չում են, մտրդու պէս ման են գալիս, մէկ ոտը Բաղդատն են դնում, մէկ ոտը Սև ծով. մէկ ձեռքը Չինմաշին է հասնում, մէկ ձեռը—Թրանգստան։ Ուզեն կը-պստիկնան լիուի պէս, ուզեն երկին գետին պատող ամպ կը-դառնան։ Ամեն գրող իւր սինօրն ունի, պտըտում է, ու աստ եկածին խփում է. չես տեսել, մեռնողների մէկի ոտը, մէկի թևը, մէկի քամակը, մէկի երեսը, մէկէլի մի ուրիշ տեղը կապ-տանում է. գրողի ճիպոտի տեղն է։ Յանկարծ մէկը հիւանդա-նում է, մեռնում է, էն բնչի. —Գրողի խփածն է։ Մենակ ինչ տան մէջ որ աղօթք անող կայ, ով որ օրը քսանուչորս ծունը է դնում, կիրակնամուտ գիշերը մոմ է վառում, ով որ թլիս-մա ունի, նորա տնից զրոյը փախչում է։ —Ինչ տեղ որ սով, մահ, հիւանդութիւն է պատահում, գրողների գլխաւորն իմա-նում է, որ Աստուած իւր ձեռքը էն տեղից, էն մարդուց քա-շել է. նորա անունը գրում է զրողի դաւթարի մէջ. զրողնե-րին ժողովում, ուզարկում է այն տեղերը, որոնք գնում են ար-տերը փչացնում են, հասնողին խփում են և հոգին առնում են։ Ծննդկան կնկալ շատ թշնամի են. թէ որ նոցա բարձի տակ թլիսմ, Նարեկ, Սաղմոս, Աւետարան, աղօթագիրք չտեսնեն, իսկոյն կըսխիեն։ Մարդ եթէ որսշատ և բերանի վրայ խաչ չհանէ, զրողները կըմտնեն նորա փորը և կըդիւահրեն։ Մութ ժամանակ ծառերի մէջ, ջրի ակների մօտ, ջրի հօրերի մէջ, քանդուած տների մէջ են բնակվում. ով որ ալդտեղերից անց-նի «Յիսուս Քրիստոս» չասի, կըխիեն։ Գոռերի (գերեզմանի) մէջ են մտնում, որ մեռելի վրայ որ «փառք ի բարձունս» չեն ասել, այն մեռելին գերեզմանահան են անում»։

ուստի Վանալ մէջ շատ անգամ պատահել է, որ մինչև դոցա
գլուխները բահով կամ փայտով չեն կոտրել, չեն անհետացել:

Բայց Շողեր խաթունն այսպիսի բաներին հաւատալով
և երեսը խաչակնքելով, շարունակում է.

—Գիշերուալ մայրեր կան, որ պառաւի կերպարանք ունին.
դոքա ցերեկները մտնում են քանդած ջաղացները, ցամաք հո-
րերը, այնտեղից ճանապարհ են շինում և իջնում են մինչև
գետնի տակ. ծովի տակն աշխարհ—երկիր կայ, գնում են այնտեղ
շրջում են, իրիկունները սարերի տակից դուրս են գալիս մեր
աշխարհը. Դոքա Աստուծուց անիծտած, Աստուծու երեսից ըն-
կածներ են, դրանք թէ որ արեգակի երես տեսնեն, հողի երե-
սին մարդ չի մնայ՝ ամենին էլ կրփչացնեն, օձերով կըլցնեն:
Աղամի օրից սկսած Արեգակի յետևից վազում են, Արեգակը գը-
նում է, նրանք էլ յետևից գնում են, բայց չեն կարողանում
հասնել. իրիկունները հասնում են մեր աշխարհը, տեսնում
են որ արել մտել է, մեռելի արեւն է մնացել (վերջալոյսը),
մէկ բերան փչում են, մուժ խաւար արարած բռնում է. սար,
քար, տուն, տեղ, գիւղ, քաղաք, ամեն տեղ մտնում դուրս
են գալիս, կարծելով թէ արեգակը մի տեղ պահուել է, չեն
գտնում, մտնում են գետնի տակ պտըրտելու. նրանց մտնել
ու չմտնելու պէս՝ աղօթարանը (արշալոյսը) ճաճանչել է
սկսում՝ արեգակը գետնի տակից դուրս է գալիս: Այսպէս
նոքա չեն հասնում սորան և գիշերուալ բոլոր չարութիւն-
ները նոքա են բերում մարդու գլխին:

Ահա այսպիսի բաներ էին Շողեր խաթունի պատմած-
ները. ուրիշ բան չէր իմացել, ուրիշ բան չգիտէր, ուստի և
հաւատում էր այս բաներին: Երանի նորան, ով որ գիր է
սովորել, ուսում է ստացել և պառաւի պէս այսպիսի ան-
միտ բաներին չէ հաւատում. նա ոչ չարից կըվախենալ, ոչ
վատից կըսարսափի, եթէ ինքը չար և վատ չէ:

Բ. ՊԱՐԱՊՄՈՒՆՔ

I. ՀՈՎԻ ԻՒ

1. Հովուի սրինգը.

Ծառի հովանին, տերեւի շըշիւն,
Տխուր ողբերգակ աղբիւրի շաշիւն,
Հաճելի գերքը զմրուխտ կանաչով,
Մի ըսքանչելի գեղեցկութիւնով
Միշտ ասում են քեզ. «Ո՞վ դու անցաւոր,
«Ո՞վ ինքնահաւան դու ճանապարհորդ,
«Ինչո՞ւ չես գալի այս հազարաւոր,
Բարութեան լինում մասնակից, կցորդ»:
Եւ ահա հովտից մի քաղցր քամի
Բերում է իւր հետ աննշան ձայներ...
Լաւ ականջ գիր դու... այն խաշնարածի
Սըրընգի երգն է:—Եկել է գիշեր.
Գառներն է կանչում հանգչել խաղերից,
Եւ պատսպարուիլ պատառող գալից:
Եւ ասէ Յիսուս. «Ես եմ հովիւն քաջ. Հովիւ
քաջ զանձն իւր դնէ ի վերայ ոչխարաց»:

Անետարան

2. Մարդի փերին.

Մի մանուկ իւր հօր կովերն արածեցնում էր նեղ ձորի
մարգերում, ուրտեղից հին բերդի աւերակներ էին երեսում:
Մի օր նորա յետևի կողմից մի փսփուկ ձեռք մեղմ կերպով
խփում է նորա երեսին և երբոր նա երեսը դարձնում է,—

3. Հովուի ցուպը.

Մէկ հովիւ խաշինք էր արածեցնում նիմրութ սարի լճի ափերին: Մի օր, երբ ուզում էր ոչխարը լետ տալ, ձեռքի ցուպը շպրտում է նորանից դէպի գիւղը: Այսպէս ազատվում է այսօր, բայց վաղը ինչ պէտք է անէր: Նորա հայրն միայն այդ մարգն ունէր, ուրեմն մանուկն սւզէր-չուզէր միւս օրը դարձեալ պէտք է կովերն ալյտեղ բերէր արածեցնելու: Անց կացաւ մի քանի ժամանակ. մեր տղան այդ տեսիլքն արդէն մոռացել էր. բայց յանկարծ, ամառուալ մէկ շոք օրին, խոտի միջից մի խշոց լուսեցաւ, և նա տեսաւ մի փոքրիկ օձ, որ բերանին կապուտ ծաղիկ ունէր: Օձն այսպէս սկսեց խօսել. «Լսիր, մանկիկ, դու ինձ անէծքից կ'ազատէիր, եթէ իմ բերանից այս ծաղիկն առնէիր. իսկ այդ ծաղիկը վերևի բերդի մէջ եղած իմ պալատի բանալին է, ուր ոսկու ամբարներ կան, առ և քեզ լինի»: Բայց հովուի որդին, օձի խօսելը լսելով, վախեցաւ, և դարձեալ վազեց տուն: Աշունքի վերջին օրերին մէկ անգամ նա դարձեալ արածեցնում էր այդ մարգի վրայ, յանկարծ փէրին երևեցաւ նորան երրորդ անգամ նոյն առաջին սպիտակ աղջկայ կերպարանքով և դարձեալ ծնօտին խփեց, աղի արտասուքով խնդրեց, որ փրկէ նորան, փոխարէնն ամեն տեսակ բարութիւն խոստանալով: Ոչինչ աղաչանք չագդեց մանուկի վրայ, որովհետեւ նա շատ էր վախեցած, և խաչակնքում ու աղօթում էր միայն, որ ազատուի տեսիլքից: Այս քաշեց լուսաւոր աղջիկը և ասաց. «Ա.վասն, որ քեզ ճանաչեցի իմ յօյսս ու ապաւէնս. այժմ ես դարձեալ պէտք է նոր մէկից համբերեմ և սպասեմ, մինչեւ որ մարգի վրայ բարդի ծառ. գուրս գայ և բարդի ծառից օրօրոց շինուի: Միալն այն մանուկը կարող է ինձ փըրկել, որ այդ օրօրոցի մէջ կ'օրօրուի»: Ուս ասեց ու անյարտացաւ: Աշունուկը շատ տիսրեց և ինչպէս պատմում են, շատ օր ու արև էլ չտեսաւ, իսկ թէ ինչից մեռաւ նա, ոչ ոք չգիտէ:

Գտնող հովուիցն էլ հարցնում են, թէ այս գաւազանը ո՞րտեղից է ձեռքն անցել. նա էլ պատասխանում է. «Նիմրութ սարի տակը Մեղրագետը որ վազում է, նորա ական բերանին արածեցնում էի ոչխարներս, մէկ էլ տեսալ չուրը իւր փորից հանեց այդ գաւազանը»:

4. Ծաղկասար.

Անունը Ծաղկասար է, բայց վրէն էլ ծաղիկ չկայ, այլ ինքը մի ձիւնապատ ապառաժ է: Երբեմն այստեղի արօտն այնպէս պերճ ու առատ էր, որ անասունն աճելով աճում էր, ամեն մէկ կովն օրն երեք անգամ կթվում էր և ամեն անգամ երկու կուժ կաթն էր տալիս: Այն ժամանակ սարի

տակին կենում էր մէկ հարուստ ունեոր հովիւ, որ հետզհետէ հպարտացաւ և սկսեց անարգել հայրենական հին պարզ սովորութիւնները։ Նա հրամայեց, որ վերևը իւր խրճիթը խիստ զարդարեն, և գուռզութեամբ այդ տան սանդուղքը պանրից շինեց. պանիրները մէկ մէկու վրայ դարսեց և շաղախեց անարատ կարագով և սանդուղքը մաքուր լուացաւ կաթնով։ Այս սանդուղքով վայր ու վեր ման էր գալիս իւր կինը, կովն ու շունը։

Նորա միամիտ պատուական մալրը գեռ չէր իմացել, թէ իւր որդին ինչ սրբազդութիւն է արել սարի գլխին. և ամառը մի օր ուզեց ալյելու թիւն անել նորան։ Երբոր բարձրացաւ, շատ խոնջացաւ և խնդրեց, որ զովանալու համար մի բան խմացնեն։ Հովուին իւր կինը խրատեց, և նա մի ամանի մէջ թթուած կաթ ածեց, մէջն էլ աւազ ցանեց և տարաւ տուեց մօրը։ Բայց մալրը զարմանալով այս անասելի չարսութեան վրայ, շուտով իջաւ սարից և, ներքեւ գալուն պէս, երեսը դարձրեց սարին, լուռ կանգնեց և անաստուածներին անիծեց, որ Աստուած հատուցանէ փոխարէնը։

Յանկարծ քամի ու փոթորիկ բարձրացաւ և քար ապառաժ դարձրեց պատուական հողը։ Իսկ հովիւը իւր տանով տեղով անիծուեցաւ, որ միշտ սարի գլխին պտըտի, մինչև որ անէծքից ազատուի. «Ես և իմ շունը, կովն ու կինը յաւիտեանս սարի գլխին պէտք է մնանք»։ Նա կարող է ազատուել անէծքից, եթէ մի կին չարչարանքի ուրբաթ օրը գայ այն կովի կաթը լուռ ու մունջ կթէ, որի պտուկները սուը սուը փշերով են ծածկուած։ Բայց այդ դժուար է, որովհետև կովը շատ կատաղի է իւր ծակծկող փշերի պատճառով։

Մէկ անգամ մի կին արդէն բաւական կթել էր, երբ յանկարծ հարևանն ուսին խփ ելով հարցրեց. «Հա, բանդ աջնդ, ոնց է կթվում»։ Բայց կթողը մոռացաւ ու ձայն հա-

նեց. «Փառք Աստուծու»։ Այս ասիլն ու կովի անյալտանալը մէկ եղաւ. հովիւը մինչև այսօր էլ սառը սարի գլխին է թափառում։

5. Նախրչի Մանուկը.

Նախրչի մանուկը մի բարձրահասակ մարդ էր, երկար քեզերով, խոշոր ու սուր սև աչքերով, ահարկու ձայնով և յաղթանդամ մարմնով։ Եթէ նա իւր հեզ բնաւորութիւնով բոլորի աչքին սիրելի էր եղել, իւր հսկայական ուժովն էլ գրաւել էր բոլոր գիւղի յարգանքը։ Երջակայ գիւղերի պարսիկներից շատերը նորա բռնցքի ուժը փորձել էին, երբոր կամեցել էին մի կով կամ մի արջառ նախրից փախցնել։ Ոչինչ սուր չէր բանեցնում Մանուկը. նորա զէնքը իւր կոմքալագլուխ հոնի մեխոտ սծ դագանակն էր, Քանի՛ քրգերի ու սլարսիկների սրերի բերաններ էին այդ գաւազանի վրայ փշրուել։ Պարսիկներն մին մինի անիծելիս՝ առած էին շինել, ասում. «Նախրչի Մանուկի գագանակին հանդիպես դու»։ Այս էլ պէտք է ասել, որ այս ահարկու մարդը ոչ մէկին վնաս չէր տուած, տաւարագող եկողին միքանի լաւ, զորս դու պատուիրեցեր, բռնցքներ հասցնելուց յետով, գլխին էլ միքանի գայլի աւետարան կը կարդար ու բաց կը թողէր։ Էլ երբ էր գժուել այն մարդը Մանուկի նախրին խէթ աչքով մտիկ տալ, խելքը հացի հետ հօ չէր կերել։

Ահա հէնց այս էր պատճառը, որ Մանուկը 15 տարի նախրչութիւնն իրան էր սեպհականցըել. նորա միւս ընկերները տարէնը մինը համարեա փոխվում էին, իսկ ինքը կարու կար, և ինչպէս միշտ պարծենալով կը կնում էր, թէ քանի կենդանի է, պէտք է նախրչի լինի։

Առաւօտը վաղ վեր էր կենում տեղից. նախրնթաց օրուան գաղթածութիւնից խոնջացած անդամներով նախրչի Մանու-

կը գնում էր առուի վրայ երեսին մի քանի չոփ էր տալիս, փեղով սրբում էր ու դէպի աղօթարան դարձած՝ մի քանի անգամ խաչ էր հանում երեսին, իւր նախաճաշիկը՝ ինչ որ իւր կինը պատրաստել էր, փաթաթում էր մի կակուզ հացի մէջ, դուռում էր անում ու կծելով դուրս էր գալիս, փայտը ձեռին կանգնում գիւղի գլխին: Նախրի տուտը գիւղիցը կտրուելուց յետոյ՝ տուն էր մտնում, հացը շալակը կապում, մի մեծ գաւաթ գինի էլ կոնծում ու գնում իւր բանին:

Երեկոնելը, երբ նախրչին նախրիցը յետ էր դառնում, ողջ գիւղի տաւարը տեղաւորում, տէրէց տէր էր անում, գալիս էր իւր տուն, համբուրում էր իւր երեխին և փառք էր տալիս Արարչին: յետոյ նստում էին սեղանի, մի կտոր հալու հաջ ուտում:

Նատ անգամ էլ, սրտի ուրախ ժամանակ, հանդումը պատահած անցքերը քաղցր քաղցր պատմում էր իւր կնոջը, մանաւանդ եթէ գալի ձեռքիցը մի արջառ էր խլել, կամ նախրիցը փախս արած մի կով էր գտել, մի սարսափելի ձորից հանել վերև:

Առհասարակ նա գոհ էր իւր վիճակից և իրաւունք ունէր գոհ լինելու: Նորա տան ուտելիքից ոչ մի բան փողով չէր ստացվում. ինչպէս նախրարած՝ նա ամեն շաբաթ հացը տաւարատիրոջ տներիցն էր հաւաքում—ամեն տանից մի-մի լաւագ: Իւղ ու պանիրը նորա համար ինքն իրան էր լնծալ դալիս հարեանների տանից, տարեկան կողակն ու գինին, ինչպէս նախրչի, իրաւունք ունէր իւր ժամանակին հաւաքել. պասուց աղ դրած խորակները կինն էր գնում քաղում, կամ թէ ինքը, նախրն արածացնելիս, ժողովում էր դաշտիցը, երեկոյեան հացի սփոռոցի մէջ կապած՝ շալակին տուն բերում. ամեն բարութիւն նորա տանն անպակաս էր: Ամեն Աստուծու տուած օրը այգետերերից Մանուկին|զանազան բերքերից բաժին կըդար, ոչ մի բանից չտես չէր մնում նա:

Միով բանիւ այս ընտանիքը ոչինչ բանից պակասութիւն չէր քաշում: Հագնելիքն էլ իրանց տանիցն էր դուռս գալիս. կինն իրանց համար բաժին եկած մրգեղէնները միշտ փոխում էր գիւղի կողքով իրանց տան առաջից ոչխար անց կացնող քրդի կամ չօբանքեարի հետ բրդի վլայ, լուանում, զզում, մանում ու մարդու և որդու համար չուխաէ էր գործում, կարում, հագցնում. բամբակեղէնն էլ ինքն էր մանում՝ էլի մի հարեւանի տղի ձեռքով դաշտեցու վրայ մըրգով փոխելով:

Նորանց միակ հոգսն իրանց որդի չունենալն էր մի ժամանակ, այն էլ Աստուած երեք տարի էր մի որդի էր իրանց բաշխել, էլ Բնչ էր պակաս,— և ոչինչ:

Նորանց մէջ թագաւորում էր ընտանեկան սէրն ու խաղաղութիւնը, չափաւորութիւնը նորանց առաջին կանոնն էր:

6. Մարգար Մառնիկեցի.

Մշոյ լերան ստորոտում գտնվում է Մառնիկ գիւղը: Մարգարը այդ տեղից էր: Հարիւր յիսուն տարեկան էր նա, բայց ջիղերը պինդ ունէր. իւր ատամները երկու անգամ էին նորոգուել. և դեռ այդ հասակում տեսնում էր քաջ, լսում, խօսում, ուտում էր առոյգ երիտասարդի պէս: Ամեն առաւոտ ձիւն օրերը սարի մացառներից չոր փայտ էր կարում, շալակում էր և բերում Մուշ ծախելու: Ունէր որդի 80 տարեկան յալիքով ծածկուած. այն ինչ Մարգարի մօրուքը շատքէ էր սպիտակացել: Ինքը պարծենալով ասում էր. «Փառք Աստուծու, մինչև ալսօր գլուխս բարձի վրայ չեմ դրած, և բերանս վայ չէ կանչել (ուզում է ասել, թէ հիւանդութիւն չէ տեսել) իմ օրերը սարերի վրայ ու գործս հովութիւն է եղել»:

Բայց Մարգարը շատ անգամ տէ գէլք ու գնում, այ-

սինքն ժամանակ-ժամանակ հոգով լափշտակվում էր ու, կարծես թէ, օդերի կամ անդունդների մէջ էր ման գալիս, այնտեղ զանազան տեսիլներ էր տեսնում, իսկ մարմինը մընում էր անշունչ, և ինչ-որ տէզէլք գնացած ժամանակը տեսնում էր, այն պահում էր մտքումը և յետոյ պատմում էր ուրիշներին: Մառնիկեցի Մարգարի համբաւը մեծ էր և ահա ինչ էին պատմում նորա երկար կացութեան համար:

Մէկ օր նա տեսաւ, որ աղբիւրի մէջ մի ցաւագար և վիրաւոր օձ եկաւ լողացաւ. երեք թուփ ունեցող ծաղկից կտրեց կերաւ, նորոգուեցաւ գնաց: Մարգարը նկատեց այդ ծաղկից, եկաւ, կտրեց ու կերաւ, նոյն ջուրը խմեց և լողացաւ. և ինչ զարմանք... աչքերը լուսաւորուեցան, մարդն ուրիշ կերպ դարձաւ: Նա հովիւ էր և թողեց ոչխարներին անտէր. երբոր կթելու ժամանակն եկաւ, նա ոչխարներին չտարաւ գիւղ: Ոչխարները ցրուեցան, գիւղի աղջիկները վեր ելան սարը, ժողովեցին ոչխարները, կթեցին, բայց նորան էլ չըդտան: Գիւղացիք ուրիշ հովուի յանձնեցին ոչխարները, իսկ իրանք՝ միքանի մարդ հաց բան հետն առած՝ սարէսար ընկան նորան գտնելու: Ո՞ւր է Մարգարը: Նա միքանի օր ու գիշեր երկնքի բերդերումն էր, ոչ մութ էր տեսել, ոչ էլ սով էր իմացել: Նա որ էն ջուրը խմեց ու էն ծաղկիկը բերանը դրեց, տեսաւ որ առջեր բացուեցաւ մի լուսաւոր մարմար կամարաշէն պալատ. աշխարհքից ու մարդու խելքից գուրս էր այն պալատի շէնքն ու միջի փառքն ու բարիքը, անմահութեան տուն, տեղ էր, բերանով չի պատմուիլ, ինչ որ նա տեսաւ:

Այս երջանկութեան մէջն էր, որ մէկ էլ ինչ է տեսնում. գիւղի կողմից կանչում, աղաղակում են նորա անունը. ականջը ձայն ընկաւ, տեղից վեր կացաւ, բայց շատ զղաց: Նեղացաւ թէ ինչի կանչեցին իրան: Հարցըցին, նա էլ պատմեց իւր արածն ու տեսածները: Շատ աղաչեցին, որ այդ ծա-

զիկը, այդ աղբիւրն ու այդ պալատի գուռը ցոյց տայ իրանց, բայց չնար չեղաւ, որ Մարգարը նորից տեսնէր: Այսպէս զրկուեց Աստուծոյ շնորհքից. շատ լաց եղաւ ու մէկ էլ գիւղը չիջաւ սարից: Իւր հացն ու ջուրը իրան էին բերում, իսկ նա իւր ոչխարներով սարի վրայ էր մնում:

Ահա գիւղացիք այսպէս էին պատմում և հաւատում:

7. Մար երթալը.

Դ... գիւղի ժողովուրդը սովորութիւն ունէր ամեն ամառ սար երթալու: Գեղամալ լճի հիւսիսային ծալրից սկըսեալ, ուր ընկած են Գիլիջանի սարերը, մինչև Փարվանայ լիճը, որ Ախալքալաքի և Ալէքսանդրապոլի մէջտեղն է գտնվում, բազմաթիւ լերանց գոտիներ և խումբեր կան, որոնց մէջ թէկ չկայ երկելի մեծութեան մի սար, որ գրաւած լինի ճանապարհորդների ուշադրութիւնը; բայց իրանց ծաղկափթիթ գագաթներովն ու ականակիտ աղբիւրներով երկելի են ամենամեծ լեռներից անգամ:

Ահա այս սարերը, որ ձմեռ ժամանակ անմարդաբնակ են լինում և անհիւրնկալ, ամառ ժամանակն իրանց ստորոտներումն ու լանջերի վրայ անժիւ ոչխարներ և տաւարներ են պահպանում: Որքան որ երկելի է Արագածը իւր պատուական արօտատեղիներովն ու անմահական աղբիւրներովը, որոյ համար իսկ թարաքամէքը Ալագեազ անուն են տալիս, նոյնպէս երկելի են և Լալվարը, Լօքը, Ղարախաչը, Ագրի-Ղարը, Թէլլի-Դաղը: Այս սարերից շատերի ստորոտում անտառներ էլ կան և այս կողմանէ երկելի են մանաւանդ Լալվարայ և Լօքի հիւսիսային ստորոտները, որոնց շատ տեղերում, իրանց անթափանցելի և գժուարամատչելի լինելով, կացնի ձայն չի լսուած դեռ ևս: Այս անտառների մէջ որսերի առատութիւն ևս կալ: Այստեղ երամակներով խոզեր,

խումբերով եղջերուներ են մանգալիս, ժամանակ-ժամանակ իրանց գոռոցով գրմբացնում են այդ ձորերը։ Այս սարերում կան և անմատչելի ձորեր ու հովիտներ, որոնք միախան աւազակների են լինում պատսպարան՝ այն է Գիւլի-Մամադ, Ղարանլի-Դարա, Շէլթանլի և այլն։ Այսպէս աւազակները նոյնպէս մասն ունին այս ամարանոցներից և ամառ ժամանակ սոցա բախտն աւելի է յաջողվում։

Սարեցիք ամբողջ ամառը մի տեղ չեն մնում, այլ երկու կամ երեք շաբաթը մի անգամ տեղերը փոխում են, որ տաւարների համար խամ արօտատեղիներ լինին։ Այս տեղափոխութիւնը մի առանձին անյարմարութիւն չի պատճառում, որովհետեւ գծուար չէ իրանց շարժական տները, որոնք կամ վրան են լինում, կամ ալաչուխի քէ չա, հիւսած եղեգնապատովը, հաւաքել մէկ տեղից և մի ուրիշ տեղ տանել։ Այդ բնակարաններին մեր հայրերն ասում են դագեա, իսկ Ղարաբաղցիք՝ կօկալ։ Իրանց բնակելու տեղերին ասում են ուրդ, որ ասել է բանակ։ Հայերի ուրդերը բոլորն էլ մի մի յատուկ անուն ունին, որոնցից երեկելիներն են՝ Քամի-ուրդ, Լանջիվեր-ուրդ, Ներքի-ուրդ, Վերի-ուրդ, Միջի-ուրդ, Ցեխի-ուրդ, Մելիք-Ապովի-ուրդ, Պետի (Պետրոս), Պուղի (Պօղոս)։

Այն ուրդերը, որոնք մարդկանց անուններ են կրում իրանց վրայ, այդ յառաջ է եկած պատմական աղէտալի անցքերից, երբ Դաղստանի լէզգիքն արշաւելիս են եղել դէպի այս կողմերը և մարդիկ գերելիս։ Այսպէս պատմում են, որ Պօղոսն ու իւր նշանածը (հարսնացուն) իրարու կուռ բըռնած այդ ուրդովն անց կենալիս են եղել, որ գնան Սարուեալ, իրանց դագէքը։ Յանկարծ լէզգիքը շրջապատում են և ուզում են նշանածը ձեռքից խլեն։ Քաջասիրտ Պօղոսը խանչալը տալիս է իւր նշանածին, ինքը թուրը հանում է ընկնում նորանց մէջը, վեցի գլուխն է կիսում, բայց լէզգիքը շատ ժամանակ չեն տալիս՝ ութը իննը հրացանը մէկն ար-

ձակելով՝ գիւլախորով են անում արի երիտասարդին։ Իւր սիրելու մահը տեսնելով, Պօղոսի նշանածը՝ Զառին՝ ընկնում է խանչալի վրայ։ և այսպէս երկու անարատ հոգիք անթառամ պսակին են արժանանում։ Այսպիսի պատմութիւնները շատ խորը տպաւորվում են ջահիլների սրտի մէջ։

Վարդավառից յետոյ սարեցիք ծաղկափթիթ լեռներից վեր են գալիս և իջնում են ստորոտները, գարձեալ մի անտառու հովիտ։ Մինչև այս ուրդը տեղափոխուելը, գիւղացոց մեծ մասը գեռ ևս գաշտումն են, բայց հիմա որ արդէն հուձն աւարտել ու խուրձը կրել են կալերը, բոլորեքեանք գալիս են սար, որ մի քանի շաբաթ սառը ջրերի վրայ հովանան։ Գիւղացոց այս սովորութիւնն ամենայն տարի կը նըլում է։ Մայիսին ուղարկում են տաւարը և նոցա հետ տաւարածներին, կանանց և երեխայոցը, իսկ տղամարդիքը միքանի պառաւների հետ սպասում են մինչև հունակի աւարտը։

Դաշտակեաց մարդիկը հաւաքվում են այստեղ, որպէս թէ միքանի խաղաղ և հանդիսատ օրեր անցկացնելու մտքով, բայց նոցանից շատ քիչերն են վայելում այդ ցանկութիւնը։ Նոքա մեծ մասամբ անդադար աշխատում են և իրանց գործածական վայտեալ հաջաթները օրինակ՝ սայլ, գութան, կամն, լուծ, հորսելի, թի, խնոցի, մղան, խոնչայ, տաշտ, տաշտակ, խփի, ըոտին, զանազան կոթեր, գդալներ, շերեփներ և ուրիշ բաներ այստեղ են շինում։

8. Եայլաղ.

Դարունքը բացուեց ու թուրք ու Հայ եայլաղ (հով տեղ) գուրս եկան։ Աղբըների գլխին, ծաղկելիների վրայ օբէքն իրանց չագըները վեր տուին ու ապրանքն արին էն անմահական գրախտը։ Առաւօտը որ տեղիցդ վեր ես կենում, հազար սարի ծայլից ամպն ու ծուխն իրար հետ խառը երկինքն են

վերանում ու շաղն ու ցողը անձրևի հետ նրանց շորերի, երեսների վրայ գնում: Կնանիքը կթի տաւարի հետ են լինում, կաթը հաւաքում, իւղ ու պանիր շինում. մարդիկը տաւարը սարը տանում կամ բուրդ ու իւղ բազարը բերում, ծախում, իրանց տան պակասութիւնը հոգում: Մենակ այս չէ կանանց գործը. ցերեկը ջահրայ են մանում, շալ ու խալիչա կամ կարպետ գործում ու իրանց օրն ուրախ, միամիտ անց կացնում: Ել ինչ ասել կուզի, որ տան պէս՝ աղջիկ ու հարս այստեղ կուչ ու ձիգ անելով չեն ման գալիս կամ երեսները կալնում: Մէկ տան պէս ում օբէն մտնես, թուշ է՝ որ վարդի պէս փայտում է, աչք է՝ որ մարդի խելք տանում է. այն օդի ու ջրի, այն ծաղկի ու կանաչի հոտն ու համն առնողի հոգին ու ռանզն բնչ կը լինում բոլոր օբէքանց միջին: Հիւր պատհի, այստեղ պատահի, շաբթով, ամսով էլ չեն թողար հահէլ տղերքն ու սպանած կամ բռնած բերած ժամանակը մէկ հարսանիք է լինում բոլոր օբէքանց միջին: Հիւր պատահի, այստեղ պատահի, շաբթով, ամսով էլ չեն թողար հեռանայ. և աղբըների քչքչոցը, ջրերի խշոցը, ծառերի սլսլոցը, թռչունների ծլվլոցը, հովուի թռութագը, գառան, ոչխարի ու տաւարի ձայնն ու բառաչը՝ ամեն մարդի ուզում են ասեն, թէ գրախտ ես կամենում, այստեղ կաց, այսպէս կաց, սիրտ անմեղ, միտքդ իստակ:

9. Վաղանի բաժինը.

Մի սարի երկու լանջին գիւղեր կալին, որոնք ամեն Աստուծու օր չարաչար կռվում, անպատռում և վնասում էին իրար՝ հողի սահմանի համար: Վերջապէս երկու գիւղի ծերեն արդար սրտով վճռեցին, որ աշնանամուտ հասարակածին սարի երկու լանջիցն էլ առաւտեան վաղ, ծէզին, հէնց որ աքլարը կանչէ, մէկ մէկ վազան ֆահլատնէր ու-

դարկեն, դրանցից ամեն մէկը դէպի սարի միւս երեսը վազէ և ուր որ այդ փահլաւանները պատահեն, այն լինի երկու գիւղի սահմանը և այնուհետև հարեանների մէջ կարճ ու երկարի վրայ կռիւ ու խռովութիւն էլ չլինի: Այսպէս ընտրեցին իրանց միջից լաւ լաւ վազաններ: Մէկ էլ աշխատում էին այնպիսի աքլար պահել, որ չխալտառակուի և առաւտեան ժամասացութեան սկիզբը չուշացնէ: Սարի այս լանջին մի աքլար ջոկեցին, քթոցի մէջ դրէն և շատ քիչ ջուր ու կերակուր էին տալիս, կարծելով, թէ սով ու ծարաւից վաղ ձայն կը հանէ: Սարի այն լանջին, ընդհակառակն, լաւ չաղացնում ու կշտացնում էին իրանց աքլարին, որպէսզի ուրախ ու զուարթ ասէ առաւտեան բար ի-լ ո լ ս ը: Սոքա լաւ գիտէին, աքլարն իրանց չի ամաչացնիլ: Ահա աշունքն եկաւ և նշանակած օրին—այ հրաշք—մէկ էլ տեսնես առաջ ու առաջ, գեռ մութն ու լոյսն իրարից չէին էլ բաժանուել, քաղցած աքլարը կանչեց, և սարի այս լանջի վազանն ուրախ ուրախ գնաց գէպի սարի գլուխը: Սա այսպէս գնում էր Իսկ սարի այն լանջին գեռ լուռթիւն էր. երկնքի վարդի վարագոյն արդէն պայծառ քրքումի գոյն էր ստացել, աստղերը վաղուց արդէն հանգել էին, բայց չաղ աքլարը գեռ իւր գիշերուայ անվրդով հանգիստն էր կատարում: Նորա շուրջը տիսուր կանգնած էին խեղճ գիւղացիք՝ անհամբեր սպասելով նորա փրկարար «ծուղրուղուին». սակայն Աստուծու անունով դրած ուխտը սրբութեամբ պահելով՝ ոչ ոք չէր համարձակվում նորան զարթեցնել վերջապէս, բանը բանից անցնելուց յետու, նա իւր թեսերը թափ տուեց և կանչեց: Բայց շատ էլ որ լաւ վազան լինէր փահլաւանը, հիմի բնչ կարող էր օդնել: Երեսը սփրթնած վեր կացաւ տեղից և նալից սարին—վազ իւր գլխին...: Քարափի ծէրին մի մարդ երեցաւ, որ արդէն սկսեց դարիվար իջնել. բայց ներքեւի վազան փահլաւանը քանի կարող էր իւր ոտերին էլի ոլժ տուեց, որ Աս-

տուծու յաջողութեամբ իւր գիւղի գետինը, որչսփ դեռ կարելի է, լայն կտրէ: Նուտով փահլեանները դէմուգէմ եկան և քաղցած աքլարի տէրը գոռաց. «Այս է սահմանի գիծը»: «Հարեան», ասաց վշտացած հակառակորդը, «բարի եղիք, այն արօտներից մի կտոր էլ ինձ տուր, որ ինձնից տարար»: Տանողը, ի հարկէ, չէր համաձայնում, բայց տանուլ տուողը հանգիստ չթողեց նորան, մինչև որ նորա գութը շարժեց: Նա էլ ասաց. «Առ, ինձ մէջքիդ նստեցրու, և որքան որ դարիվեր վազելով ինձ տանես, Են կտորը քեզ եմ բաշխում»: Ճարը կըտրած, յաղթուածը շալակեց նորան և հոգին տալով մի կտոր էլ բարձրացաւ, մի երկու ոտ էլ առաջ քայլեց, բայց յանկարծ շունչն սպառած, անշունչ գետին փոռուեցաւ: Մինչև այսօր էլ կալ սահմանի առուն, ուր շունչը կտրուած գիւղացին իւր հարեանին շալակած հասցրեց: Այն ժամանակից ասուեցաւ՝ հանդը բաժանովի է, և ոչ ոք միւսի բաժինը չը պէտք է վարէր ու արածեցնէր: Մէկ գիւղը խնդում և ուրախանում է իւր տարած առատ բաժնի համար, բայց և միւս գիւղը իւր հովուի անձնուիրութիւնը յիշատակում և անմոռաց աւտնդում է որդէց որդի:

10. Հովուի դարձը սարից.

Մնաք բարն՛կ, մարգեր,

Արօտներ փալլուն.

Ամառն անցկացաւ,

Հօտը գնում է տուն:

Մենք էլի կըզանք, բարձրանանք սարէր,

Երբ թռչունների կըզարթեն երգեր,

Երբ ծաղիկները երկէր կըծածկեն,

Անուշ մայիսին ջըեր կըփազեն:

Մնաք բարն՛կ, մարգեր,

Արօտներ փալլուն.

Ամառն անցկացաւ,

Հօտը գնում է տուն:

11. Նախապատրաստութիւն.

Առ հովտիւք ծաղկաբոյս և ընդ մարմանդս հովաչունչ ձեմ առեալ ելէք, մանկունք, արդ ՚ի լերինս Այրարատայ,

Յորս հովուացըն երջանիկ քալլը է ձեռնել հօտն ՚ի յարօտ ի վերայ նորաբացիկ և պէսալս ծաղկանցդ անուշաբոյր,

Որ ՚ի վերուստ գիշերի ցող ընդունին ՚ի գլուխս իւրեանց.

Եւ ընդ այդ մինչ արեւուն ցայտի զգոքօք շառագոյն շող՝ ՚ի թերթիցըն շաղանիստ փայլք հարկանեն ուկեճաճանչ:

Վահ յայնժամ քանի ախորժ արօտ հօտին դալարասէր, Զոր ճարակէր շաղախսուն և որոճայր բերանածուփի.

Եւ հովուին խաշնասէր նրաշափ հեշտանք կրէին ՚ի սիրտ,

Մինչ զհօտին տեսանէր խայտալ խաղալ ՚ի դալարիս.

Ինքն անդէն առնոյր յայնժամ զհովուական փողն ՚ի ձեռին Եւ, նառեալ առ աղբերօք ընդ թաւաթուփս ինչ հովանեաւ,

Մեղմանյան հնէքը անոյշ և տայր հրաման հօտին իւրոյ՝ Աղածել ուր և կամին ՚ի մէջ հովտաց դալարաբոյս:

Եւ պահ կթոյն երբ լինէր, առեալ բերէր ՚ի բերատեղն.

Կուժ ՚ի յուս գնային յայնժամ կոյսր և կանայք գեղաստանեայց Եւ կըթէր մէն մի զիւր հօտ լրցեալ զամանս մաքեաց կաթամբ՝ Տարեալ ՚ի տուն խընկալից և ՚ի պանիր մակարդելով՝

Տային առն ածել վաճառ ՚ի ճոխ քաղաքս Հայկազանց,

Եւ այնու զինչ պէտ լինէր անդուստ զընել բերել ՚ի գէզ:

Տեսէք և այժմ, ով մանկունք, զի՞ կան դատարկ լերինք և բլուրք,

Զորս խաղանցըն ծածկէին հօտք բիւրաւոր իրրե զմարախս,

Եւ նոցին անոյշ բըչիւն զիսորաձորս լնոյր իւրանց.

Ո՛չ, ահաւասիկ լրուեցին ընդ հօտին ձայն և փողք հովտացն.

Այս դալարիք ծաղկախսուն, քընկուշ գառանց փակիկ արօտ

Այսպէս ոչ ճարակեալ՝ վայր թօթափին թառամելով.

Ցայս վտակօք զովսրար ոչ գայ ՚ի ջուր հօտն հազար.

Ուր ի տապոյ արեռոն չունշ առնէին խաշինք յորոճ.
Այս լերանց մարմաննդավայրք և ամարան մակաղատեղք
Ի հօտից դատարկացեալ լեալ են տեղիք էրէվայրից:
Ոչ ևս հովին՝ կինասաւէտ յայդ վտակունս յըստակաջուր
Լըւանայ գհօտն ասրաբեր. գեղմն փայլէ ձիւնակերավիկ,
Կամ խախն տէրն ի կըտուրս գայ ի խուզել ըգգեղմնաբարձս
Եւ կանանց ոտայնագործ նիւթ ընծայել ասրեղինաց,
Ոյց մատանց ճարտարութիւնք ցարդ տեսանին ի Հայաստան՝
Նարօտ նարօտ հիւսք ի գորդս և ի պէսպէս գործըս մատանց:



II. ԵՐԿՐԱԳՈՐԾ.

1. Երգ շինականաց.

Լուսնակն անուշ, հովն անուշ,
Շինականի քունն անուշ.
Ծագեց լուսնակն երկընուց,
Հովըւի փողն էր անուշ:
Հոտաղն եզներ կարածայ,
Մաճկալ պառկեր, քունն անուշ.
Զըղզըղուն քամին կըփչէ,
Ծովային հովն էր անուշ:
Դաշտեր ձորեր մընջեր են,
Զըեր գըլգըլան, ձէնն անուշ,
Հաւքեր թառան իւրեանց բուն,
Բըլբուլի տաղն էր անուշ.
Անմահական հոտ բուրէր,
Քաֆուր վարդի հոտն անուշ:

2. Հակաների խաղալիքը.

Անդրկովկասում ամրոցների աւերակներ շատ կան: Մի
այդպիսի ամրոց, որ շինած է բարձր սարի վրայ մէկ ջրվէժի
գլխին, երբեմն հսկայ գեերի բնակարան էր: Մէկ անգամ
գեի աղջիկը բերդից իջաւ ձորը, որ տեսնի, թէ ներքեն
Բնչ կալ, և գնալով տեսաւ մէկ անտառ, իսկ անտառի առաջ
արտեր, որ հօտաղները նոր վարել էին: Զարմացած մնաց և
սկսեց ուշադրութեամբ զննել գութանը, լուծքերն ու մարդ-
կանց. այսպիսի բան իւր օրումը չէր տեսել: «Ա.Հ.», ասաց
նա, «տանեմ այս բաները տուն, հօրս ցոյց տամ»: Կռացաւ,
գոգնոցն առաջ քաշեց, ձեռքը քսեց արտերի երեսին, հաւա-
քեց բոլորն ու գոգնոցի մէջ ածեց: Այս անելուց յետով, ու-
րախ ուրախ վազեց տուն, ժայռէժառ թռչկոտելով. այն զա-
ռիվայրի վրայ, ուր մարդը հազիւ հազ տնքալով բարձրանալ
կարող է, նա երկու երեք քայլ միայն արեց և սարի գլու-
խը հասաւ:

Հսկան սուփրի վրայ նստած էր, երբ աղջիկը տուն մը-
տաւ: «Ո՛րդիս», ասաց նա, «այդ Բնչ ես բերել հետդ, որ
այդպէս ուրախ ու զուարժ փայլում են աչքերդ»: Աղջիկն
իսկոյն սկսեց զգուշութեամբ գոգնոցը բաց անել, որ ցոյց
տայ բերածը: «Խոնչ ունիս գոգնոցիդ մէջ, աղջիկս, որ այդ-
պէս շարժվում է»: «Ա.Հ., հայրիկ, գեղեցիկ խաղալիքներ եմ
բերել. այսպէս սիրուն բան երբէք չէի տեսել»: Եւ մէկ մէկ
հանեց գոգնոցից ու թախտի վրայ շարեց՝ գութան, հօտաղ-
ներ ու եզներ, սկսեց նոցա չորս կողմը վազել, մէկ նայում
էր նոցա վրայ հիացած, մէկ ծիծաղում էր, և ուրախութիւ-
նից ծափ էր տալիս, երբոր տեսնում էր, որ իւր խաղալիք-
ները տեղից շարժվում են: Բայց հայրն ասաց. «Ա.ղջիկս, այդ
խաղալիք չէ, զու մեր տունը քանդում ես: Նուտ արա, գլ-
նա և դոցա գարձեալ տա՞ր ձորը»: Աղջիկն սկսեց լաց լինել,

բայց ի զուր: «Երկրագործը խաղալիք չէ ինձ համար», ասաց հսկան առանց հանաքի, «զուր է լաց ու կոծդ. շուտով հաւաքիր բոլորը և տար այնտեղ, որտեղից որ բերել ես: Եթէ ներքեւ երկրագործն իւր արտը չվարէ, մենք, հսկաներս, մեր սարի զլիսին նստած՝ ապրել չենք կարող»:

3. Յորնի հասկը.

Այն երանելի ժամանակը, երբ Աստուած դեռ երկրի վըրայ աման էր գալիս և նորա աչքը քաղցր էր մեզ վրայ, գետինն անհամեմատ աւելի պտղաբեր էր, քան այժմ: Այն ժամանակ ցորենի հասկը ոչ թէ իխուն կամ վաժսունպատիկ էր բերում, այլ չորս կամ հինգհարիւրապատիկ. ծզօտի վրայ ցորենը բուսնում էր գետնից մինչև կատարը, ինչ չափով որ ծզօտն էր բարձրանում, այն բարձրութեամբ էր և հասկը: Բայց յայտնի է, որ մարդիկ առատութեան ժամանակն էլ չեն նկատում Աստուծու ողորմութիւնն ու օրհնութիւնը և անհոգ ու թեթևամիտ են գառնում:

Մի օր մի կին արտերի կշտից անց էր կենում: Նորա փոքր երեխան թռչկոտելով հետը գնում էր, յանկարծ ցեխի մէջ ընկաւ և շորերը կեղտոտեց: Խսկոյն մալը մի բուռը լիք հասկեր պոկեց գետնից և սկսեց նորա շորերը սըբել: Մեր Տէր Աստուածն անց էր կենում ալդ կողմով և տեսաւ կնոջ արարմունքը: Բարկացաւ և ասաց. «Թո՞ղ յասուշետև ցորենի ծզօտն էլ հասկ չունենայ. մարդիկ արժանի չեն երկնալին ողորմութեան»: Կշտին եղած մարդիկ, հէնց որ այս լսեցին, սարսափեցան, ծնկաչոք աղաչեցին, որ ծզօտի վրայ գոնէ փոքր ինչ էլի բան թողնէ, թէպէտ իրանք այս ողորմութեանն էլ արժանի չեն, բայց մեղքանայ գոնէ անմեղ հաւերին, որ սովից կարող են սատակիլ: Եւ արդարեւ Աստուած

նորանց մեղքացաւ, գիտէր որ մեծ թշուառութեան մէջ պէտք է ընկնեն, ուստի լսեց նոցա աղաչանքը: Այսպէս ծըղոտի գլխին մնաց մինչև այսօր հացաբոյսի այն մասը, որ հասկ է կոչվում.

4. Ճգնաւորի հացը.

Մի քարափի ալրի մէջ բնակում էին մի ճգնաւոր, նորա հաւատարիմ ծառան և պահապան շունը: Տէր Աստուածը ուզեց այդ ճգնաւորի հաւատը փորձել և աղքատի կերպարանք առնելով՝ կանգնեց դրան առաջ և հաց խնդրեց: «Տո՞ւր»: ասաց ճգնաւորը ծառալին, «տուր աղքատին իւր մասը»:

— Տէր, ասաց ծառան, միայն մէկ հաց է մնացել. Էլ բնչ կըմնալ քեզ, ինձ և մեր շանը:

«Տո՞ւր», ասաց ճգնաւորը, «մի վախենար, Աստուած կըհոգայ»: Ծառան առաւ դանակը, չափեց ու չորս հաւասար կտոր բաժանեց այն մէկ հացը. մէկ կտորը աղքատին տալով՝ փնթփնթալով ու դժգոհութեամբ ասաց. «Մէկը քեզ, մէկն ինձ, մէկը ճգնաւորին, մէկն էլ մեր շանը»:

Շատ չանցաւ և Տէրն աւելի թշուառ կերպով եկաւ ու հաց խնդրեց: «Տո՞ւր», ասաց ճգնաւորը, «իմ կտորն աղքատին տուր. Աստուած ողորմած է»: Ծառան տուեց:

Շատ չանցաւ և աւելի սոված երեսով եկաւ տէրը երրորդ անգամ և հաց խնդրեց: «Տո՞ւր», ասաց ճգնաւորը, «տուր քո մասը. Աստուած ողորմած է»: Ծառան այս էլ տուեց:

Քիչ էլ քաշեց. — և Տէրը կաղ, կոյր, մերկ և ողորմելի կերպարանք առած՝ եկաւ չորրորդ անգամ և ողորմութիւն խնդրեց: Ճգնաւորն ասաց. «Տո՞ւր իրան շան համար պահած բաժինը, մեղք է. Աստուած, որ ագռաւներին էլ կերակրում է, կըհոգայ մեզ համար»: Ծառան կատարեց հրամանը:

Աղքատը որ գնաց՝ մէկ էլ այս ձայնը լսուեցաւ. «Մեծ

է քո հաւատը, ով երկնալին Վարդապետի հաւատարիմ աշակերտ, և ինչոր դու այդպէս ջերմեռանդութեամբ հաւատում ես՝ այն թող կատարուի»:

Մառան գնաց դուրս և ինչ է տեսնում. չորս կարաւան է գալիս՝ հաց, պտուղ և գինի բեռնաւորած: Ուրախ ուրախ առաջ է վազում ծառան, բայց մարդ չի տեսնում կարաւանների հետ, այլ նոցա փոխարէն ամեն մէկ կարաւանի մէջքին մի մի դրօշակ է տեսնում, որոնց վրայ ոսկէ տառերով ալս էր գրած. «Նո որ ագռաւներին կերակրում է՝ չորս կարաւան է ուղարկում ճգնաւորին, որ նորան ալսօր չորս անգամ կերակրեց. մէկը լինի ճգնաւորին, մէկը ծառալին, մէկը շանը, իսկ չորրորդը թող մնայ Առաքողի աղքատ որդոցը»:

5. Շեղջայ դար.

Սովորութիւն է մինչև ալսօր, որ կալի ժամանակ տէրտէրներն ու լսնականները գիւղէ գիւղ շրջում են և ցորեն են ժողովում, նոյնպէս և ամեն կարգի աղքատներն ու չունեւորները, մշակներն ու վարձկանները կալմաս են ստանում կալատէրերից, այդ ժամանակ մըջիւնների կարաւանն ու ճընճղուկների երամը թիւ ու համար չունին, որոնք կրում են հակրում իրանց պաշարն ու բաժինը:

Վան քաղաքի հիւսիսային կողմը Դուլաշէն գիւղում մէկ հարուստ կալուածատէր կար և շատ ցորենի շեղլ ունէր, բայց ինքը շատ ագահ էր: Այդ ագահ տանուտէրն ամենայն խստութեամբ հսկում էր իւր ցորենի շեղին և ամենևին ողորմութիւն չէր տալիս. մինչև անգամ խեղճ սարեկներին ու արտուտներին էլ քարոտում էր: Աստուած բարկացաւ նորա վրայ և պատճեց նորա խստապրութիւնը. բոլոր այն ցորենը տեղն ու տեղը հողի շեղջակուտ դարձաւ: Այս այն հողալին բլուրն է, որ այսօր էլ Դուլաշէն զիւղի մօտ է և

կոչվում է Շեղջայ դար: Սորա շուրջը ցոյց են տալիս այն խստասիրտ մարդու սալլը իւր սայլորդներով և սալլի մէջ լծուած գոմէշներով. երբոր սալլը գալիս էր այս ճանապարհով որայներ բարձած՝ քար կտրուեցաւ կալուածատիրոջ Կետ միասին, որի սիրտն արդէն կենդանի ժամանակ քար էր:

6. Բանւոր.

Բանւոր մշակն ուրախ ու զուարթ բանում էր իւր տիրոջ տան, պարտիզի և դաշտի մէջ առաւտեան ծէզից մինչև երեկոյեան ժամի զանգակի տալը: Իսկ այդ ժամանակ գընում էր Աստուածուն Համբուլելու: Նորա սովորութիւնն էր, որ մինչև ժամի տալը պիտի բանէր, թէ չէ ժամից լետոյ որ բանէր, հաւկուր կըլինէր, աշքերը բան չէր տեսնիլ իրիկնապահից բռնած: Մի օր, հունձի ժամանակ, ցորենը հնձում էր և այնպէս էր աշխատում, որ քրտինքն անձրեկի պէս երեսիցը թափվում էր: Բայց հէնց որ զանգակի ձայնը հնչեց, թողեց բանը և ուզում էր աղօթելու գնալ: Նորա տէրն եկաւ նորա ճանապարհը կտրեց և ասաց. «Ի՞նչ աղօթելու ժամանակ է. չես տեսնում, որ սև ամպեր են հաւաքուել երկնքում: Բանդ մի թողիր, աշխատիր, որ այսօր ցորենը հաւաքես: Աղօթելու համար լետոյ կըգտնես ժամանակ»: Ոշակը պատասխանեց. «Աղա, ես մեր եկեղեցու պատուէրը սրբութեամբ կատարում եմ. բայց որպէսզի գիտենաս, որ ես չեմ ուզում քո կամքի գէմ յամառել, ես կըձգեմ մանգաղը վերև. եթէ վեր ընկնի, ես իսկոյն կըշարունակեմ հունձը, իսկ եթէ վերև մնայ, այն ժամանակ էլ ինձանից անկարելին մի պահանջիր»:

Սշակը ձգեց վերև մանգաղը և—այ հրաշք—էլ գետին չընկաւ: Սարսափեց տէրը, երբ իմացաւ, որ մշակի արարմունքը Աստուածու կամքով է եղել: Այնուհետև էլ նորանից

Աստուծու հակառակ բան չէր պահանջում և վարդում էր նորա հետ ոչ թէ որպէս ծառայի, այլ որպէս իւր հարազատ որդու հետ:

7. Հալիլ Բաբա և քառասուն ակունք.

Մի տէրտէր իւր լոյս հաւատն ուրացել և քառասուն գինորուած ընկերներով շատ տարի աւազակութիւն էր անում: Նորան կանչում էին Հալիլ Բաբա: Մէկ օր, ճիշդ Զատկի օրը, ալդ ուրացողն իւր ընկերներով գալիս է գիւղ, որ եկեղեցին պաշարէ, տաճարը թալանէ և մարդիկը գերի առնէ տանէ: Այդ ժամանակ գիւղի երէցը պատարագ էր մատուցանում և ժողովուրդն էլ տաճարումն էր: Աւազակների գլխաւոր՝ ուրացող քահանան, հրամայում է ընկերներին, որ քիչ հեռու կանգնեն, իսկ ինքը զգուշութեամբ տաճարի լուսամուտից ներս է նայում, որ տեսնէ, թէ ինչպէս պէտք է գլուխ բերէ իւր մտադրութիւնը: Այս այն միջոցին էր, երբ ժամարարը կարգաց: «Առէք, կերէք... ի քառութիւն և ի թողութիւն մեղաց», և ժողովուրդը միաբերան աղաղակեց. Մեղաւոր եմ քո առաջ, Աստուած, խոստովանիմ և հաւատամ», և ծնկների վրայ գետին ընկաւ երկրպագութիւն անելուն Այս ձախներից ու արարողութիւններից զգացուեցաւ ուրացողը, յիշեց առաջուայ իւր ունեցած Քրիստոսի կարգն ու հրեշտակի կրօնը, Աստուած բացեց նորա սիրտը, զղչացաւ և արտասուք թափելով մտաւ ժամը. մեղալ ասեց նա, խոստովանեց, սրբութիւն առաւ, դուրս եկաւ իւր դարձն ու արածը ընկերներին պատմեց և չժողեց որ վնաս տան գիւղացոց և եկեղեցուն: Ամենքը ձի հեծան, գնացին. ընկերները ճանապարհին որչափ աշխատեցին, էլ չկարողացան նորան ուրանալ տալ իւր հաւատը: Հասան Խըրթայ գիւղը: Քառասուն ընկերներն այնտեղ նահատակեցին նորան: Եւ նորա վրայ լոյտ

Ճագեցաւ. Չրջակայ գիւղերի հայ երէցներն եկան, թաղեցին: Աստուած նորա գերեզմանի ու թափած արիւնի տեղ մի զարմանալի ջուր պարգևեց այդ գիւղերին, որ առաջ չունէին, և որ քառասուն մանկունք և կամ քառասուն ակունք է կոչվում: Սա Խըրթ գիւղի մօտ լեռնապատ հովտի մէկ ջրի մեծ ակ է, որ բղխում է տարուայ երեք ամսուալ մէջ միայն՝ մայիսին, յունիսին և յուլիսին: Ջրի ակը կոնքածե աւազանի պէս է. աւազանի մէջտեղն է Հալիլ Բաբայի գերեզմանը վարդի թփերով ծածկուած: Երբոր ջուրը դուրս է գալիս՝ գերեզմանը ճակատածե շրջապատվում է և շիրիմը նորա մէջ դառնում է մի կղզի: Այդ ջուրն առատ, վճիտ և յուրտ է, տասնեչորս առուի է բաժանվում, և գընում ջրում է Խնուսի դաշտի զանազան գիւղերի արտերն ու մարգերը: Ուրիշ ամիսներին բոլորովին ցամաք է ակը. տեսնողին միայն առուները կարող են ճշգիւ հաւատացնել գիւղացու պատմածը, թէ այդ ցամաք աւազանից յորդառատ ջուր է բղխում գարնան վերջը և ամառուայ սկզբին: Ամեն տարի Համբարձման տօնին Խնուսի գիւղերի բնակիչները, մանաւանդ այս ջրի շնորքը վայելողները, մէկ մէկ գառն առնում են գալիս այս ական վրայ և մատաղ են անում, խնդում, պարում, Աստուած փառաբանում և գնում են: Պատմում են, թէ բուն Համբարձման օրն է սկսում բղխել այն ջուրը և որ տարին որ պատահի չբղխել կամ սակաւ բղխել, այն տարուայ Խնուսի բերքը նուազ է. միով բանիւ՝ Խնուսի նեղոսն է այս ջուրը, և Համբարձման տօնը՝ Ամանորեկի տօն:

8. Գիւղացու երջանկութիւնը.

Եատի հագինը տրեխ է, գուլբայ էլ չունի, որ ոտը ծածկի. շատի չուխի վրայ հարիւր կարկատան կայ, այն էլ ուանգուանդ կտորներով՝ որը կարմիր, որը գեղին, որը զօլզօլ.

շատի ձեռների, երեսի, միրուքի վրայ տասը տարուան աղտ, կեղտ, թող կայ, — բայց ի՞նչ կ'անես, որ տունն ու շիրախա. նէն հազար բարութիւններով լիքը՝ տրաքում է ու Աստուծու հոգի կայ մէջներումը. մէկ օձի ձուն է պակաս նորանց տանիցը: Գինին կարասներով շարած, ամբարը հացով լիքը, կթի կովն ու գոմէշները, հորթն ու ձագը տակներին՝ գոմումը պահած, նժոյգ ձին գոմումը, գութանը դուանը լծած, մառանը մրգեղենով, կախանով, տանձ ու խնձորով խլթխըլթում և մտնողին հոտը տեղն ու տեղը բռնում, շշմացնում: Ուրը երկու, որը երեք այդի ունի, վարելու և արածեցնելու հող ու հանդ ունի: Կարասներով կողտակ, կճուճներով զավուրմայ, աքաշներով զոխ, բոխ, ողորմակոթ բղջներով իւղ ու կարագ, մոթալներով պանիր — ծով, ի՞նչ տուն: Մէկ կոպէկի բան փողոցից տուն չի գալ, բացի իրանց հազնելու շորերից. այն էլ կտաւ, շապկացու, չուխացու շատը հարսներն ու աղջկէքն են նորանց համար մանում, գործում, կարում: Շատը չորս, հինգ հարս ունի տանը, որ մէկ տեղը ցաւելիս՝ ուզում են գլխովը պտոյտ գան ու աչքը կթած ունին, որ տեսնեն, թէ իրանց տէրը կամ հիւրը ի՞նչ կըհրամակի, որ կատարեն: Մեծ ու պստիկ աշխատում են. մեծի պատիւը գիտեն, նորա հրամանը ոչով գետնովը չի տալ, այնքան հնազանդ են:

«Բախտ, բախտ, այս է», շատ անգամ ասում է գիւղացին. փողն ի՞նչ է, այսօր ջէբդ լցնես, էգուց պէտք է մատդ լպստես: Փողը որ կայ՝ ժանդ է, ձեռի կեխտ՝ այսօր կայ, էգուց Աստուծով մխիթարուիս: Թէկուզ փողի համն առած թէկուզ իւր միսը կերած, հաշիւը մէկ է: Սարդարն էլ է մեր դուռը գալիս, փողատէրն էլ: Օջախս լիք, տանս առատութիւն լինի, որդիքս ողջ առողջ, թող օրը հազար մարդ մտնի, հազար մարդ դուրս գայ, ի՞նչ եմ հոգում, հացն Աստուծունն է, ես էլ հետը, ով հասնի թող ուտի. Տէրին

փառք՝ տեղը դեռես շատ կայ, տղէքս ողջ լինին, ջանս ապրի: Ով ծոյլ է, թող նա հոգս անի: Իւր տնկած ծառի տակին քնիլը, իւր առաջ բերած պտուղն ուտիլը՝ աշխարհք արժի: Նոր չեմ հազնիլ, հին կըհազնեմ, ձեռս ով է բռնում, ով է գլուխս ծեծում. ես չեմ իմ գլխիս տէրը»:

«Քաղաք որ մտնում եմ, հինց իմանաս, թէ աշխարհք սով է ընկել. էլ ոչ խէր կայ, ոչ բարաքեաթ: Հացն ու ջուրն էլ որ փողով լինին ծախում ու առնում, էլ ում դուռը գնաս, ում ձեռքդ դէմ անես: Երբեմն փողատէրն, իւր կետուկ կիտուկ մանէթները համարելիս, այնպէս գիտես, հոգին հետն է դուրս գալիս: Հինց իմանաս, թէ գանձն առաջներիցը թև կ'առնի, կըթոչի: Մէկ ձեռդ դէմ արա, մէկ ծիղ էլ չեն տալ, որ աչքդ կոխես: Թոնէհ, մարդ իրան հոգին պէտք է ծախի, որ փողի թամահ անի: Հազար տարի էլ որ քո աղիզ սիրելու դռանն էլ շլինքդ ծռես, կանգնիս, սովից մեռնիս, մէկն էլ քեզ տուն չի կանչիլ, մէկ սառը ջուր չի խմացնիլ: Այն մարդն էլ, որ քո տանը կերել, խմել, ամսով, տարով քո աղ ու հացի վրայ է եղել, աչքն աչքիդ առնելիս՝ հինց գիտես, թէ գիւլլով խփեցին. յետեն է քեզ դէմ անում, ու աչքը քամակը քցում: Տօ, ասենք ինձ չես ուզում որ ճանաչես կամ սուփրիդ պուունգը ցոյց տաս, տօ, մէկ «բարով-Աստուծու բարին» էլ մոռացել ես, որ դունչդ ցցում ես ու յետ փախչում: Ասենք թէ չուխէս մահուդ չի, հին, մաշուած, բրդից է, քոնը նոր, կանաչ մահուտ՝ ձեռիցդ հօ չեմ խլում: Քեզ պէս հազար մահուդամարդ իմ էս աղքատ չուխիս մատադ լինի, որ առանց զօնաղի հաց չի ուտում: Մարդ ինքը պէտք է լաւութիւն անի, որ Աստուծած էլ նորա բանն յաջողի: Էլի Աստուծած օրհնի մեր հողը, մեր ջուրը, էլի թէ հոգի, հաւատ կայ, մէզանումն է»:

9. Պարտիզանների աւանդական սովորութիւնները.

Զբօրհնէքի թաժախման գիշերը չուրը մի ժամ ոտք կըլինի, չի գնալ. ոչով չի տեսնիլ, թէ երբ: Արշաւիրը իւր մօրիցն ինչ լսել էր, այն էլ արեց. մի բահ վեր կալաւ, գընաց շորերը հանեց, ին ցրտին լողացաւ ու բահը դրեց ջրի մէջը և շարունակ ասաց. «Բահս ոսկի, բահս ոսկի»: Խեղճ տղան էն ցրտի միջին խելքն էլ քիչ մնաց կորցնի, փողասիրութիւնն այնքան յաղթել էր, որ թէկուզ մեռնէր էլ, հեռանալ չէր, միայն թէ բահը ոսկի դառնայ: Լեզուն կպել էր, չէր իմանում, ինչ է ասում: Հէնց էն ջրի կանգնած ժամանակը, հակառակի պէս, որ պէտք է ուղածը կատարուէր, ոսկին մտիցն ընկել էր, ասում էր. «Բահս թի, բահս թի»: Լոյսը բացուելուն մօտեցել էր, որ հանեց տեսաւ, բահը թի է դառել. զղացած զլիսին տալով լետ դարձաւ: Թէ մինչեւ հիմի երկաթ էր, մի բան կ'արժէր, հիմի տասը կոպէկից աւելի ոչինչ չի արժիլ. էն էլ թէ որ սաղ լինէր՝ գլուխը քարը, բահի ծալը կոտրած էր, թին էլ այնպէս դուրս եկաւ, որ իսկի ոչ մի բանի պէտք չեկաւ:

*

* *

Զորեքշաբթի գիշերը, լոյս Աւագ հինգշաբթի, գեռ Ա-դամայ մութը չէր կոխել՝ մայրը ճրագը վառեց ու որդուն անուշ քնից վեր կացրեց: «Վեր կաց, ասաց, առ կացինդ, անխօս գնա մեր խնձորենու, ծիրանու և տանձենու արմատին երեք անգամ կացնով տուր: Այսօր Աւագ հինգշաբթի է, ասա՛. «Պտուղ ես տալիս, տուր, թէ չէ կտրում եմ: — Այս տասը տարի է երեքին էլ, չեմ գիտում, աչք է դիպել, թէ ինչիցն է, որ պտուղ չեն տալիս: Ողորմածիկ հայրդ ձեզ

պէս աշխատաւոր էր ալ. անխօս այսօր վեր կըկենար, կ'երթար, ծառ չէր թողիլ, կըտար կացնով: Քանի լուսահոգին կենդանի էր, ամեն բարութիւններս էլ կար. ինքը մեռաւ եղած չեղածն էլ հետն տարաւ:

10. Երաշտութիւն.

Արեւ բարձրացաւ. եղանակը շոգ է. Մարդիկ տապալուած դեռ աշխատում են. Իսկ դաշտի օդը ինչպէս բորբոքուած՝ Բոլոր կանաչիք անջուր այրվում են. . .

Երկիրը ծարաւ՝ բոյսերը դեղնած. Երկինքը կապուած՝ անձրև չէր բերում. Այնտեղ աշխատանք—վաստակ չքացած՝ Գիւղացին ոչինչ դործ չէր կատարում. . .

Տէր հայրը շուրջառ առած ուսի վրայ, Ծերունի մարդերով ծընկաչոք դաշտի մէջ. Տէր Աստուտծ, ինչպէս կանչում են հարա. Խնդրում են անձրև սուրբ թափօրներով. . .

Գիւղամիջերումն էլ պառաւ կանալք Տեսէք, թէ ինչպէս լաց արտասուքով, «Սուրբ-խաչի սէրը» շըջում են արագ, Մատաղներ մորթում—մեղալ դոչելով.

Այս—այն խաչերին, այս—այն սրբերին, Որ բարեխօսեն կապուած երկինքին. . .

Նորահաս աղջկերքը նոյնպէս դարդուած Գնացկան ջրերում մին մընի լծուած,

Չութ էին վարում—դարովում էին Գէպի երկինքը ու անձրև խնդրում. . .

Երկու մարդիկ էլ ուղարկուած հեռու Գէպի Արթիւնը—սուրբ նահատակից

Քար պէտք է բերէին անխօս—անլեզու,
Որ քիչ հովութիւն լինէր երկնքից . . .
Իսկ խալիֆայքը նոյնպէս վրդոված՝
Էֆէմերդիով էին որոնում
Անձրեսի օրը,—բայց պելացած
Երկնքի երեսին ամպ չէր նկատվում . . .
«Ի զուր է, ի զուր, սիրելի տէրտէր,
Արևիս ականջը էլի քոր եկաւ.
Սա փորձած բան է, անփորձ եղբայրներ,
Երկար ժամանակ դեռ անձրւ չի գալ,
Աստուած մեր մեղքից մեզ բարի չի տալ» . . .
Ասաց ծերունին ականջը քորեց,
Գնացին շուաքը յուսահատ խալխը . . .
—Կէս օր էր արդէն. յուսահատ խալխը
Դադարած, լոգնած զովանում էին
Թփերի տակին, և չորուկ հացը
Նոքա համ ուտում, համ իոսում էին.
«Ափսոս հին ժամանակ, ափսոս քեզ . . .
Ո՞վ է տեսել չորութիւն ալսպէս.
Աշխարհքի մեղքը շատացել է,
Աստուած էլ ահա մեզ պատժում է»:

11. Նուրին.

Գարունքը քանի գնաց, տաքացաւ. մալխսի մէկին կասէիր օգոստոս ամիսը լինէր. երկինքն ամեն օր հէնց պարզ է լինում, որ գեղապետի համար ամպի նշան չես գտնիլ, արևի թէժութիւնը քաչալի գլուխն այրում է: Այն ալգիքը, որ մի քիչ ջրգլխի են՝ էլի կանանչի ծեղ երևում է ափերում՝ շուաք տեղերում. թէ չէ, ինչ-որ ներքեւի այգիների գրութիւնն է, Աստուած հեռու անի. կ'ասես թէ ամալի չօլ

լինին. կանանչ տեղ երազումդ չես տեսնիլ: Երեխալքը նուրին շինեցին ու ման ածեցին, երկուսը կունիցը բռնեցին, մինն էլ տոպրակ էլ վեր կալել, մէկէլն էլ մի պստի բժուժ ու ման են գալիս տները: Որ դռան առաջին կանգնում են, ասում են.

Նուրին, նուրին եկել է,
Աջբա հուրին եկել է,
Շիլա շապիկ հազել է,
Կարմիր գոտիկ կապել է:
Իւղ բերէք պորտը քսենք.
Զուր բերէք գլխին ածենք.
Մեր նուրինի փայը տուէք,
Ուտենք, խմենք, քէ Փ անենք:

Կնանիքը մի աման ջուր բերում են լցնում նուրինի գլխին ու երեխանցը բըինձ, իւղ կամ ձու տալիս, որ տանեն, քէՓ անեն:

12. Առւրը ականատես.

Աշտարակ գիւղի առաջին լաւութիւն անողը Ա. Ականատեսն է: Կարբու ներքեւիցը գետիցը գաւազանն առել է, աղօթք անելով ընկել առաջ ու քաշ տալով գնացել գէպի ներքե: Որտեղ գաւազանը խազ է արել, լայն առու է դառել, ջուրը հետն էլ եկել, ոնց որ շողքը մարդու քամակիցը: Որտեղ ապառաժ քարափ է եղել, գաւազանով խփել է, երկու կտոր արել՝ կամ միջիցը ծակել, ջուրն անցկացըել, մինչեւ բերել է գիւղատեղը հանել: Նոր կամաց կամաց մարդիկ են եկել, տեսել ջուր կայ, գիւղ են շինել, որ հիմի այն անման Աշտարակն է:

13. Երկու Ճանապարհորդ.

Պատանին պանդուխտ,	Անցան լեռները.
Վատակն իւր երկում,	Վլտակն ու տղան.
Խոր ձորերի մէջ	Ընդարձակ գաշտով
Առաջ են գընում:	Պիտի անց կենան:
Միայն պատանին	Ուրախ վտակը,
Դանդաղ է քայլում,	Տխուր պատանին —
Այն ինչ վտակը	Իրանց գերերը
Վազում թռչկոտում:	Այստեղ փոխեցին:
Պատանու բերնից	Լոեց վլտակը,
Մի ձայն չէ լսվում,	Հանդարտ է գլորվում.
Սակայն վտակը	Շտապեց պատանին
Երգում կարկաչում:	Եւ ուրախ երգում:
Վտակն հեռացաւ	
Հայրենի երկրից.	
Տեսաւ հայրենիք	
Պատանին նորից:	

14. Զրի Հերթը.

Մեր գիւղացիք թէն առհասարակ կրախտ մարդիկ են, բայց այսու ամենայնիւ սոցա մէջ ևս կայ սէր, բարեկամութիւն, հաւատարմութիւն, մեծահոգութիւն և այսպիսի գովանի յատկութիւններ: Միայն երկու բանի համար խաթրապահութիւն չկայ, այդ երկու բանն է՝ հողը և ջուրը. սոցա համար սաստիկ կրախներ է լինում և շատ յաճախ դործը հասնում է մարդասպանութեան: Ահա մեր հեղինակներից մէկը մի այդպիսի սպատմութիւն է տաւանդում մնաց ջրի մասին, ուր թէպէտ և ոչ կուր և ոչ մարդասպանութիւն չի երևում, բայց ունեէր թէ հարեւանը հարևանին որքան անիրաւութիւն կարող է անել, եթէ տէրը իւր ասլրանքին տէրութիւն չտնէ:

Համբարձմանից յետոյ, մի օր առաւօտենց Հեթումը տեղցը վեր կացաւ, երեսը լուաց, երեսին մի քանի անգամ խաչ հանեց, մտածեց, որ դեռ իրանց ալգիների պատերը չափարած չեն, մարգերը չորացել են, մի քիչ լօբի ունի ցանած, ոչ բար է դրած (ամրացնել արմատները հողով), ոչ ճախած (նեցուկ տուած), ծառերին պատուաստ չէ դրած: Այսպէս մի քանի խօսք ասելով՝ գնաց տաշտիցը մի կտոր հաց վեր կալաւ, դրեց գոտկածալը, էտոցն էլ խրեց մէջքը, բահն էլ դրեց ուսին՝ ալեւոր ալեւոր ճամպալ ընկաւ դէպի այգին: Գնաց ալգին, տեսաւ, որ ջրի հերթն իրանց հարեւանինն է: Բահով կաւառի (ջրի մուտքը) տակից հէնց բաց արեց, որ ոչով չիմացաւ, թէ ջուր է կապել: Հէնց շինեց մարգերը, որ թէ տեսնէին, կ'ասէր. «Ես խաբար չեմ, ջուրն է ծակել»: Յետոյ էտոցը հանեց միքանի բազմարգի, աղջանաբաժ, ղայսի, գեառգեառ (ծիրանների տեսակներն են) ու ուրիշ լաւ ծիրանի շիւեր կտրեց, տարաւ ինչ վատ ծիրանիք, դամբուլիք, շլորիք ունէր՝ նորանց նոր դուս գցած շիւերի վրայ պատուաստ դրեց: Գնաց մարգերի ջուրը կտրեց, լօբու վրայ արեց, այն էլ ջրեց ու բաց թողեց ափան վրայ ու ինքը քաշուեց, գնաց ալգու ներքեւ, ծառերի որ ճուղքն աւելորդ էր, կտրատեց չափար շինելու համար ու մի կանանչ տեղ նստեց, քրտինքը սրբելով՝ ինքը մտածում էր իւր արարմունքի վերայ . . . : Այսպէս Հեթումն իւր մտքերի հետ էր, որ ջրատերը բահը ձեռին վերևը կաւառը կտրելով՝ ձախ տուեց. «Ա՛յ ջուր կապող, ձեղ ամօթ չի»: Հեթումը որ լըսեց, թեք ընկաւ, բայց ջրատերը վաղուց տեսել էր, մին էլ ձախ տուեց. «Հեթում ապէր, ախար ալս ինչ էք անում»: Սա տեսաւ որ չկարաց տապ կենաւ, վեր կացաւ ու կանչեց «Որդի, քո արեւ, ես խաբար չեմ. կըլինի որ ջուրն ինքն

է ծակել. Ես հէնց որ ներքեւ եկայ, բան չկար. գիշերս ել ջուրը շատ վարար էր, առուի թմբերովը գցել է, գնացել մարգերի լօբին ջրել. հէնց թաց էր, մէկէլ օրն էի ջրել քը ըոջս տղի ջրովը. եկայ իբր թէ բար դնեմ, տեսայ որ ջրուել է: Կտրի տար, եղբայր, քո ջուրն իմ ընչժն է պէտքը. էգուց էլօր էլ մեր ջրի հերթն է. քեզ ճիշդն ասեմ, ուզում եմ ըսկի ջուր չկապեմ»: Թէև ջրատէրն էլ գիտէր, որ սուտ է ասում, բայց Բնչ, աբուռիցն ամաչեց, ջուրը կտրեց, գնաց, աղաչանք անելով. «Հեթում ապէր, քեզ արքայութիւն լինի, չկտրես. ինչ ունինք-չունինք չորացել է»: Հեթումն այնքան կացաւ, որ ջրատէրը ոտն ալգուցը դուրս դրեց, էլ յետ գնաց ջուրը քանդեց ու եկաւ ներքեւ բահը դրուց գլխատակին ու թեք ընկաւ, որ աչքը միքիչ կպցնի:

15. Աստուած որ բանը չյաջողի, մարդ հազար էլ աշխատի, ոչինչ չի շինիլ.

Աշտարակցի քաչայ Ազումը մի անգամ, մի անձրեալին տարի, տեսնում է, որ երկանու ճանապարհին երկու կոնդամէջ կոչուած հովիտը շատ սիրուն կանաչել է:—Տօ, վալրի խոտը որ ալսպէս սիրուն դուրս կըգայ, ցնծին կըտալ, ալստեղը որ վարուի, ցորեն ցանուի, լաւ բերք չի տալ,—այս մտածում է Ազումը և միւս տարին եօթն օրավար տեղ ըսկում է գութան ձգում, մշակ բանեցնում, վարում ու ցանում:

Դու ոչ մեռնիս, դրա բախտիցն ալդ տարին անձրեւ չի գալիս, տարին երաշտ է լինում, Ազումի աշխատանքը ջուր է կտրվում: Հնձի ժամանակ մի ջուալ վերցնում է նա, գընում տեղ տեղ մին մին հատ բուսած ցորենները պոկոտում, ողջ արտը մի ջուալի մէջ տեղաւորում ու յետ դառնում: Օրը շատ պարզ է լինում, հէնց որ մտնում է ձորը, կամրջին

մօտենում, որ տեղից որտեղ, մի պստիկ ամպ յառաջ է գալիս ու Ազումի ոտը կամրջին դնիլն ու երկնքից հեղեղ թափուիլը մին է լինում: Կամաց շալակը վեր է դնում մեր խելօքը, քաչալ գլուխը բաց անում. «Օխտն օրավարը կօլոլել՝ ջուալիս մէջն են կոխել, այսուհետև արի էս իմ կոնդալ (քաչալ) գլուխս կանաչացըու»:

16. Փոթորիկ.

Հաւաքուել են մռայլ մութ ամպեր,
Կապոյտ երկինք ծածկել են.
Որոտում է. հեղեղէն նետեր
Թուչկոտում են դէս ու դէն.
Կատաղութեամբ շառաչներով
Սաստիկ մըրիկն անցնում է.
Կոտրտուելով և գոռալով
Անտառը գղըրդում է.
Նեղեղներով հոսում է վայր
Անձրել մութ ամպերից.
Թնդիւն, ճայթիւն և կայծակներ
Նարժում են լեռներ տեղից.
Ծովը շփոթուած եփ է գալիս,
Լեառն-ալիք է բարձրացնում,
Նա լեառն-ալիք բարձրացնելիս
Անդունդներ է բաց անում:
Բոլոր բնութիւնը կարծես թէ
Յատակ ի վեր է լինում.
Երկինք, գետինք, ծով և անտառ
Մանը հեծում, տատանում.
Մարդ թէ թուչուն, թէ անասուն
Յուսահատուած լիսվին՝

Սարսափելով սպասում են
Իրանց կեանքի վախճանին:
Բայց տես, անձրևն յանկարծ կտրեց,
Պայծառ երկինքը տեղ տեղ
Ամպերի միջից դուրս նալեց.
Ծագեց արև հրաշագեղ:
—Այսպէս, եղբարք, մեր կեանքումը
Նատ կըտեսնենք մըրիկներ.
Չըկհատինք, մըրիկներին
Կըհետեւն պարզ օրեր:

17. Փոխարայ բանողներ.

Մի երիտասարդ առաւօտենց բահը բերեց սարքեց, ճը-
լուռի կոթը գցեց վրան, ծիրանի թափչակն էլ անցկացրեց,
կօշիկները վեր դրեց տանը, տրեխները հագաւ, էտոցն էլ
խրեց մէջքն ու գնաց փոխարայ բանատեղ իրանց հարեանի
ալգին փորելու, որ նորանք էլ գան իրանցը փորեն: Հարե-
ւանն ալւոր մարդ էր՝ բայց հէնց ոտիցը թեթև էր, որ կ'ա-
սէիր, թէ քսանուհինդ տարեկան տղայ լինէր. բանուրնե-
րից առաջ գնացել էր՝ այգումը նստել: Հէնց որ տղայքը բան
ընկան, կանգնեց գլխավերեւներն ու սիրտ տալով նրանց՝ ա-
սաց. «Դէ, տղէրք ջան, ապրէք, ձեր ջանին մատաղ, աշխա-
տեցէք, լաւ բահի տուէք. ես ձեր հասակին որ էի, հէնց
փոր էի անում, որ բահը ձեռիս դողում էր», ու հանաքնե-
րով նորանց ոգեւորելու համար, ասում է. «Ճօ, ձեր տղա-
մարդութիւնին ինչ ասեմ, ձեր ժամանակին ես քարին հուալ
էի տալիս, ջուր էր դուրս գալի կամ հող էր դառնում բը-
ռումս, մածունն անփէլ էի ուտում, եօթը հացը մի աման
կերակրով էի խպշառմ, իւղը ջրի պէս էի խմում. հիմի է,
որ ոչով ինձ մարդատեղ չի գցում. ափսոս ժամանակ. ինչ-

քան էլ ոտ ու ձեռից ընկած լինիմ, բանի միջին ձեզ պէս
եօթը տղի հում հում կ'ուտեմ. դէ, ապրին իմ տղայքը, հա:
Տօ, չնեղանաք, ալս ասում եմ ձեր սիրտն ուրախացնելու.
Ճշմարիտ է, ասած է, թէ հիմիկուան տղայքն անբան են,
ծոյլ են, բայց ձեզպէսների համար չի ասած. ապրին իմ տղ-
ղայքը, մաշալլահ, կ'ասես առիւծ են, բանը ձեռներին
դողում է, ինչ կ'ասես այսպէս տղին, հալալ է սորանց կե-
րած հացը»: Այսպէս հանաքներով մէկին քաջալերելով, միւ-
սին շտապեցնելով, երրորդին գովելով ժամանակն անցկա-
ցրեց, մինչև որ հացը բերին: Ալւորը ձայն տուեց. «Յետ
դառէք, տղայք, ձեր արևն ապրի, հալալ է ձեր կերած հա-
ցը»: Նորանք մտիկ չտուին ու ոգեսորուած ուզում էին էլի
փորել: Բայց ալւորը չթողեց. «Եկէք, ասաց, հաց կերէք,
առանց այն էլ ձեր աշխատանքն ինձ հասաւ, բանն ով անի,
ես ու դու, հացն ով ուտի, ես ու դու. հացը հացարարին
տուր, մինն էլ աւելի»: Տղայքը նստեցին հաց կերան, յետոյ
էլի բանեցին մինչև իրիկուան ժամն ու այգին պրծան: «Յետ
դառէք, ձայն տուեց ալւորը, կոներդ դալար, օրհնեալ է
Աստուած»: «Խէչ-փունջ, ձէն տուին բանուրները, Հեթում
ապէր (ձեր մարդու պատուանուն), դու գնա չարազը
պատրաստել տուր», ասին ու ամենքն իրանց բահն էտոցով
քերեցին, դրին ուսին, եկան տուն:

Ժամից յետոյ ամեն մարդ հաւաքեց իրանց բանուրնե-
րին, տարաւ հացի: Հեթումն էլ ժողովեց իւր բանուրնե-
րին, տարաւ տուն: Հացը քաշեցին ու թանով սպասը լցըին
երկու մեծ քրեղանի մէջ ու կերան: Հացից յետոյ տղայքը
ձայն տուին: «Ապէր, խէչ-փունջ»: Էն սհաթը, մին էլ տես-
նենք, աչքդ բարին տեսնի, շուշուխ կ'ասես, ալանի, կլպած
ու անկլպիլ գեղձի չիր, փշատ, մի կախան էլ խաղող՝ տեփ-
րի մէջ լցրած, դրին մէջտեղ: Այս էր խէչ-փունջը: Բայց
այս սովորութիւնն արտերի բաների ժամանակից է մտել:

Խէջ-փունջ ասում են այն հասկի փնջին, որ երբ արտը քաղում են, վերջացնում, ցորենը խաչածե կապում են մշակներն ու բերում տիրոջը նուիրում, նորանից միրդ առնում ընծալ:

18. Տարուայ սկիզբը Հայերի մէջ.

Ահաւասիկ մարտ ամիսը, որին հասնելու համար շատ ցուրտ և երկայն ամիսներ սպասեցինք. բոլոր բնութիւնը հառաջում և կանչում էր մարտին՝ ոչ թէ իրեւ տարուայ գեղեցկագոյն ամիսը, այլ իրեւ պատճառ մերձաւոր գեղեցկութիւնների, ոչ իրեւ դալար ապրիլ, կամ գունաւոր իրեւ մայիս, ծաղկազարդ և պտղացոյց իրեւ յունիս, այլ այդ ամենայն շնորհների նշան տուող և տարուայ մանկագոյն և զուարթագոյն եղանակի ծնող, ալսինքն գարնան: Առաւոտն սկսում է կանխել, իրիկունն ուշանալ: Ցերեկն աճելով՝ իւր թագաւորի (արեգակի) ճառագայթներով զարդարվում է, օդը զգում և պահում է տաքութիւն, նոյնն են զգում ջուրն ու հողը. ցամաքած, պնդացած երկիրը հալեցնում է ձմեռուայ ձիւնն ու եղեամը և կակլս նում է. և ահա հինգ վեց ամիս նորա ծոցի մէջ թողած թաղած սերմերը, թմբած թուռմած տունկերը ծլում են, սկսում է կանանչել, կարմրել, ծաղիկ երեալ:

Իրաւ գեռ մեր բարձրագիր հայաբնակ աշխարհի ամեն տափերն էլ իրանց կերպարանքը չեն փոխել և նոցա ամենի վրայ այս շնորքները չեն երեսում. գեռ ձիւնն ու սառը յամառութեամբ սարեր ու ձորեր բռնում են, բայց բոլորովին անզգալ էլ չեն. ալւոր ժայռերն սկսում են սև շերտեր ըստանալ, հողը՝ թէս ոչ դալար, գոնէ յայտնի երեսում է քողի տակից և աշխատում է հանել իրանից սպիտակ թանձրութիւնը: Մեր հիւսիսային խորահովիտները, ևս առաւել արեւելան և հարաւի եզերքը, բարեխառն կլիմաներին հաւասար

առնում են գարնան առաջին գոյնն ու շնորհքը. այն ինչ արդէն մեր դրացիների և մեր դէպի հարաւ և գաղթական եղբայրների երկիրների վրայ գարունը համարձակ փայլում է, և զուարթացած բնակիչներին գործի և զբօսանքի է հրաւիրում: Ահա տէր Թաթոսի երգաձայնն էլ Երուսաղէմից գալիս է, որ հայաբնակ շատ գաւառներից առաջ տեսնում էր գարնան բերքը.

Հա մըտանք յամիս մարտին.

Ծառերն ամենայն ծաղկին.

Հոտըն գայր գարնանային.

Լոյսն ելնէ Հայոց զատկին.

Արդ անտարակոյս բնութիւնը նորոգվում է, ծերացեալ տարին վերջանում է, կամ նորից մանկանում է. եղանակների և ժամանակների սկիզբն եկել է: Լաւ կըլինէր, որ բնութեան այս նորոգութեան եղանակին՝ ժողովուրդներն սկսէին իրանց քաղաքական տարին, և գարնան գիշերահաւասարին կարգէին իրանց կաղանդը կամ խնդարար նուիրամսակը: Հին ժողովուրդներն այս մասումը մեղանից աւելի խելօք և իրաւամբ էին գործում. նորանց առջև մենք ծաղկած նոր ժողովուրդներս՝ նոր տարին շատ անտեղութեամբ և անյարմար միջոցին ենք սկսում (ձմեռուայ արևադարձից 10 կամ 20 օր վերջը՝ յունվարի 1-ին): Այս հին ազգերից քիչ շատ անփոփոխ մնացած մենակ Հրէայն մինչև այսօր իւր սրբազն տարին գարնան հետ է սկսում. բայց որովհետեւ ամիսները լուսնի հետ է համեմատում և չէ թէ արեգակի հետ, ուստի միշտ ճիշտ գարնան հետ չէ սկսում տարին: Բարեբախտաբար այս բանի մէջ նորա հետ և նորանից էլ հին մի ազգ կայ, որ նոյնալէս իւր հին սրբազն տարեմուտը ճշդիւ նշանակում է իւր օրացուցի մէջ և մինչև այսօր արժանապէս սկսում է այդ տարին, երբ արևը Խոյ աստեղատունն է մտնում, որ գարնանամտի օրն է (մարտի 9 կամ 21 նոր տօմարով): Պիո

գզալ ազգն է, որ իւր ճիշդ տօմարով ուրիշների առապարծենալ կարող է: Ասում են Հայկն է մեզ աւանդել այդ տօմարը, որ Աստուծուց ստացաւ առաջ, քան Մովսէս Հրէից տումարը: Հայոց քաղաքական տարին՝ նահանջ չունենալով՝ շարժական և փոխական էր. իսկ սրբազան տարին՝ հաստատուն է. որի սկիզբը ոչ թէ քաղաքական տարու պէս նաւասարդն (օգոստոս) է, այլ բուն արևի ամիսը Արեգ: Օրացոյցդ տես և կ'իմանաս որ Արեգ ամիսը Խոյի տանուտէրութեան հետ է սկսվում, որ գարնանալին գիշերահաւասարի կէտն է, և ուրախութեամբ պարծեցիր նախնեացդ վրայ, որ այս գեղեցիկ բնական ճշմարտութիւնը ջրհեղեղի օրերից անփոփոխ պահելով՝ մինչև մեզ են հասցըել, իրանց գերադիցազն նախահայր Հայկից առնելով, որ ոչ միայն աղեղի ճարտար շարժիչ էր, այլ և թուերի և չափերի:

19. Նաւասարդի տօները.

Հայերն ունեցել են երկու տարեգլուխ՝ սրբազան և քաղաքական: Սրբազան տարեգլխին բնութիւնը ծաղկափթիթ-ծիծաղով կենդանացնում է մարդկանց. իսկ քաղաքական տարեգլխին, որ նաւասարդն (օգոստոս) է, կիսով չափ այրուած բնութիւնն ինքը կենդանանում էր մարդկանց հաստատած տօներով: Տարուայ ամենատաք ամիսը՝ Հայոց բարեկենդանն էր, կաղանդն էր. կրօնական, զինուորական և աշխարհախումբ հանդիսներով՝ Հայոց աշխարհը գարնանանման գեղեցկանում էր: Նաւասարդի տօները՝ պահապան աստուածների տօներ էին, նախնեաց քաջերի լիշտակներ էին, կտրիճների մըցանք էին, հասարակ ժողովրդեան խաղեր և վայելքներ էին, որ 300 տարուայ չափ մեր երջանիկ նախնիքը կատարեցին, թնդացին, դոփեցին

Բագրեանդայ տափերի և բլուրների վրայ, մինչև նոցա տակ ծածկուեցան: Այդ հանդէսները կատարում էին քրմապետները, նոցա փոխանակեցին խաչապսակ քահոնահապետները, որոնք մեհեանների տեղ եկեղեցիներ շինեցին: Բայց դուրսը բնութիւնը իւր կերպարանքը չփոխեց. ազգը իւր հանդէսները չփոխեց. այլ տօները սրբեց և աստուածներին նուիրելու փոխանակ՝ ճշմարիտ Աստուծուն և նորա նահատակներին նուիրեց: Գրեթէ անկարելի էր, որ սուրբ Գրիգոր Հայերին հեթանոսութիւնից քրիստոնէութեան դարձնելով, այն հին մեծահանդէս աշխարհամոլով զբուանքի օրերն անհանդէս անլիշտակ թողնէր:

Նաւասարդից քանի մի օր առաջ կատարվում էր Վարդաղի Վարդանման Աստղիկ դիցուհու տօնը, որի փոխանակ Հայոց առաջին վարդապետը կարգեց Վարդավառ՝ Քրիստոսի պայծառակերպութեան տօնը, որ և Հայերը մինչև այսօր պայծառապէս տօնում են: Իսկ նաւասարդի առաջին օրը (օգոստոս 11), որ Հայոց տարեգլուխն է, ազգային ամենից մեծ, պանծալի, սրբազան օրն էր, և հանդէսները շատ օրեր էին տեսում՝ զանազան լիշտակներով, որոնք մի անունով Ամանորայ էին ասվում կամ աշխարհաժողով: Այս կերջին անունը ցոյց է տալիս, թէ արտօնին Բագրեանդայ բարձրաւանդակների հանդիսականները միշտ մեծ բազմութեամբ էին ժողովզում. թագաւորն իւր Ալբարատեան չորս բիւր գնդովը, նախարարներն ութ բիւր գումարտակներով, 600 գաւառատեարք և 400 գահակալ իշխաններ, բազմութիւն քրմերի իրանց պաշտօնեաներով, և ուրիշ հազարաւոր հանդիսականներ այս տօնը զարդարում էին:

Ի՞նչ էր Հայոց ալս համաշխարհական տօնի պատճառը. նախ, ինչպէս դիտենք, հին տարեմուտն էր, որովհետեւ նաւասարդ նշանակում է նոր տարի: Երկրորդ նաւասարդը ջրհեղեղի լիշտակն էր, ուստի և այդ օրերը

գանազան ջրախաղեր էին կատարվում տապանով Արարատ սարի վրայ մարդկանց փրկութեան տօնը լիշտակելու համար։ Իսկ մենք հիմա, ինչպէս յայտնի է, ջրի ալս հանդէսը վարդավառի օրն ենք կատարում։ Երբորդ՝ տօնն էր Ա.մ.անօրեայ ամենաբերից, ինչպէս առաջ լիշտեցինք, որնոր բերքի և առատութեան չաստուած էր համարվում։ Ուրիշ շատ պատճառների հետ մէկն էլ այն էր, իբրև թէ Մասիսի վհի մէջ Արտաւազդի շղթան շների կրծելուց տարուայ վերջին օրը մազի բարակութեան և կոտրելու է հասնում, և հազիւ թէ Արտաւազդ սպառնում է տարուայ հետ բոլոր աշխարհքը վերջացնել և աշխարհախումբ տօնը համաշխարհական սուդ դարձնել՝ նաւասարդի օրը դարբիններն իրանց սալը ծեծում են և այդ ձայնից աշխարհքն Արտաւազդի աւերմունքից ազատվում է։ Այժմ ոչ միայն նաւասարդի օրը, այլև ուրիշ օրերին դարբինները սովորութեամբ սալը ծեծում են, զոր օր. ամենայն կիրակի օրերը կամ չարչարանքի ուրբաթ օրը։ Այս ամենայն լիշտակներից վերագոյն և հնագոյն տօնելի լիշտակ ալս օրուանս էր Հ.Ա.Յ կ.լ., մեր ազգի նախահալը, նորանով մեր ազգի ձեւանալը, որ մեծ յաղթութեամբ ազատեց Բէլի բռնութիւնից։ Այս տօնի սկզբնաւորութիւնը համարվում է 2492 տարի Քրիստոսի թուականից առաջ՝ օգոստոսի 11-ին կամ Աբրահամից մօտ 500 տարի առաջ։ Այս տօնը բուն 0 ը հայկական—Տօն ազգային էր։ Հայկայ մեծ քաջութեան և անուան համար էր, որ նորա յաջորդները նաւասարդի օրերին իրանց ազգի ոլժը ներկայացնող կտրիճ զօրքերի աշխարհագումար հանդէսներ էին անում, և այն մեծ անձի անունն աւելի անմոռանալի արեցին երկնքի համաստեղութեանց մէջ դրոշմելով, որովհետեւ այն համաստեղութիւնը, որ ուրիշ ազգերը Որիոն են կոչում, մենք անուանում ենք Հայկ։ Եւ այսպէս ահա 44 դար է, որ Հայկայ աստղի բարձրանալու

օրերը՝ անխափան լիշտեցնում են մեր ազգային և հայկական օրերը, որ և մենք, ինչ վիճակի մէջ որ լինինք՝ պէտք է նորա յարմար լիշտեց, տօնենք և անմոռաց հանդիսացնենք, քանի որ Հայ ազգի անունն ու լեզուն պահում ենք։ Այս տօնն էլ քրիստոնեայ Հայերի մէջ անմահացնելու համար, մեր հայր Լուսաւորիչն այս օրը նուիրեց Ս. Կարապետ Յովհաննուն, որ մեր աշուղներին յայտնի մուրագատու Մշու Սուլթանի տօնն է։

Նաւասարդից երկու շաբաթ յետոյ՝ Հայերը մէկ աշխարհախումբ տօն էլ ունեին։ Հայաստանի ամենից սիրելի և ամենից մեծ խնամակալ պահապանի անունը յարգելու համար, որ է Անահիտ դիցուհին, որին Հայերը շատ պատւում և պաշտում էին և ոսկի արձաններ էին կանգնեցնում։ Մեր Տրդատ թագաւորի թղթից իմանում ենք, որ այդ Անահիտն է մեր ազգի փառքն ու կեցուցիչը, որին բոլոր թագաւորները պատւում էին, նա է մայր ամենայն զգաստութեանց, բարերար ամենայն մարդկային բնութեան, Հայերի խնամակալն է. . .։ Ս. Գրիգոր Լուսաւորիչը Անահիտին իջեցրեց Հայոց տիկնութիւնից և տեղը բարձրացրեց Ս. Կոյս Աստուածածնին։

Այս բոլոր եկեղեցական տօներն այժմ շարժական տօներ են, ուստի ճշգութեամբ նոյն օրերին չեն կատարվում, բայց և այնպէս լիշտեցնում են հին նաւասարդի տօները։

20. Երկրագործութիւն.

Հացաբոյսերն մարդու զլխաւոր կերակուրն են։ Նոցածղօտները գետնի վրայ բուսնում են շատ մօտ միմեանց, և նոքա ալիւրով լիք հասկեր ունին։ Սակայն ինչ ծանր աշխատանք է հարկաւոր, մինչև որ ցորենը մշակուի և նորա պտուղը մեզ համար յարմար կերակուր դառնայ։ Հողը պէտք

Ե հերկուի, տափանուի, հասկը պէտք է հնձուի, կամնուի, ցորենի հատիկները պէտք է թողից և կճեպից մաքրուին։ Յետոյ ցորենը գնում է ջրաղաց, որը այժմ արդէն մի արուեստական մեքենայի կազմութիւն ունի և ցորենը տրում, աղում ու ալիւր է դարձնում, իսկ յետոյ ալիւրը հացթուխի ձեռքով ջրով շաղախում ու խմորվում է և ապա թիվում, դառնում է հաց, նկանակ, գաթայ կամ նազուք։

Ո՞վ կարող է մտքովն անգամ անցկացնել, թէ ցորենը հում-հում կարելի է ուտել։ Փորձենք այս և մենք կրտեսնենք, թէպէտև կարելի է հում-հում ուտել, սակայն շատ դանդաղութեամբ է ուտվում և նա այնպէս համեղ չէ, ինչպէս հացը կամ նազուքը։ Բայց և այնպէս մենք պէտք է ընդունենք, թէ ամենահին ժամանակներում ցորենի հատիկները հում-հում ուտվում էին, գուցէ լոկ միայն փափկացրած, խանձած կամ եփած, և եթէ աղացումն ու թիելը հետզհետէ հնարուեց և կատարելագործուեց։ Ինչ ասել կ'ուզէ, որ առաջին աղօրիները շատ պարզ կազմութիւն ունեին։ նոքա մէկ քարից էին բաղկացած, որ անշարժ էր, և նորա նման մէկ ուրիշ մէջտեղը ծակ քարից, որ մի փայտէ կորդով պտըտվում էր։ Յորենը թափում էր ծակի մէջ և ալիւրը քարերի ափերից դուրս էր շաղվում, երբոր մէկը միւսի վրայ պտըտվում էր։ Այս պարզագոյն աղօրիքը ձեռքի աղօրիք էր և նորա պտուտ տալը ստրուկի գործ էր։ Կամնելն էլ այսպէս պարզած էր։ Յորենը գետնի վրայ փովում էր և մարդկանց ու կենդանիների ոտքով կամ կամնասալլով կոխոտվում։ Ա. Գրքումն ասած է «Դու չպէտք է կապես կալումն աշխատող եղան դունչը»։ Շատ տեղերում գաւազաններով են ծեծում ցորենի արմտիքը, մինչև անգամ մեծամեծ մեքենաներ են գործածում շուտ և մաքուր կամնելու համար։ Բայց մինչև որ մարդիկ չսովորէին ցորենը ցանել՝ այն ևս մեծ քանակութեամբ, նոքա չէին կարող հնարել

կամնելու և աղալու գործիքները։ Եւ բնչպէս սովորեցին նոքա ցորենը ցանելը։ Այն մարդիկ, որ հում արմտիք էին ուտում, երևի այս անում էին սովից ստիպուած, երբ որ իրանց պակասում էր միս կամ հիւթալից պտուղ։ Եւ այն մարդիկ, որ իրանց կերակուրը շատ հեշտութեամբ որսով էին գտնում, միթէ կարող էին մտածել ցորեն ցանելու հնարքի մասին, որ ինչպէս մեր փորձերից գիտենք՝ մեծ նախատեսութիւն ու աշխատութիւն է պահանջում և պէսպէս գործիքների կարօտ է։

Գիտնական մարդիկ ասում են, թէ երկրագործութիւնը նախ Ասիայի տաք գաշտավայրերումն է ծագել, որոնք մեծ գետերի լորդութիւններով կանոնաւոր կերպով ողողվում են, ուրեմն հին Հայաստանից ոչ հեռու։ ապա նաև Եգիպտոսում, որ նոյնպէս տարէցտարի Նեղոսի միջնորդութեամբ ջրով ծածկվում է։ Ուր ջրի այսպիսի առատութիւն կայ, այնտեղ ի հարկէ հեշտ էր ցորեն ստանալը և շատ արուեստ ու հըմտութիւն գործ գնել հարկաւոր չէր, բաւական էր որ, երբ լորդացած ջուրը լետ քաշուեր կամ շոգիանար, գետնի երեսին նստած տղմէ վրայ ցորենի հատիկներ ցըուէին և անշուշտ կարճ միջոցում խոնաւ ու ջերմ հողի վրայ կըտեսնէին առատաբոյս և արագ աճեցող հասած արտ, ուր և առատ հունձը քիչ աշխատող մշակի վարձը կըլինէր։ Այլ է ուրիշ երկիրներում։ Մինչև որ այնպիսի երկիրները, որ ճահճային բոյսերով ծածկուած էին և ճահճային կենդանիների բոյն էին դառել, — մշակուէին մարդու ձեռքով և մանաւանդ ջրանցքների միջնորդութեամբ այդ ճահճայիները չչորանալին, նոքա շատ անընահ և սոսկալի տեղեր պէտք է լինէին։ Եւ ի հարկէ նոցա առաջին բնակիչները յօժար կամքով չէին գաղթիլ այնտեղ, եթէ, ինչպէս հատանական է, ուրիշներից հալածուած՝ բռնի չստիպուէին այն կողմերը քաշուել պատըսպարան գտնելու համար։ Մենք պէտք է կարծենք, թէ դոքա մեծ դժուարութիւններ և չարչարանքներ կըեցին իրանց

բնակութիւնը հաստատելու և սովամահից ազատուելու համար, մինչև որ կերակրի պակասութիւնն էլ զգալի չէր լինում այն ժամանակից, երբոր մի հնարքով իմացան, թէ վայրենի բուսած սննդարար արմտիքն աճեցնել և բազմացնել կարելի է: Բայց մի անգամ կերակրի հոգսերից գեղծ լինելով՝ այնուհետեւ պէտք է աշխատէին իրանց հաստատ բնակարանները ջրի հեղեղներից ազատ պահել և առհասարակ իրանց բնակութիւնը մէկմէկու օգնութեամբ և ձեռնտութեամբ բարեկարգել: Ահա այսպէս բնութիւնն ինքն իւր յաջող և անյաջող հանգամանքներով ներգործեց, որ հենց այս աշխարհներում երկրագործութիւնը ծագեցաւ և այստեղ միմեանց խիտ բնակուած մարդիկ տեսակ-տեսակ արուեստներ հնարեցին ու կազմակերպած ընդարձակ պետութիւններ հիմնեցին:

Այս երկիրների ժողովրդից միւս ազգերն էլ սովորեցին երկրագործութիւնը, որ և շատ տեղերում տարածուեց: Եւ ի հարկէ ուրիշ երկիրներում երկրագործութիւնն աւելի դժուար պարապմունք էր, որովհետեւ միևնոյն յաջողակ պայմաններն ամենայն տեղ չկալին: Միայն այս պէտք է գիտենալ, թէ ուր որ երկրագործ մարդիկ բնակութիւն էին հաստատում, այստեղ էլ ծագում էին քաղաքներ ու թագաւորութիւններ:

Թէպէտ Ասիան է երկրագործութեան մայրը, այնտեղ երկրագործութիւնը շատ քիչ տեղերումն է ամփոփուած. այն ինչ ահագին տարածութիւններ կան, ուր այժմ, ինչպէս և հին ժամանակներում, միայն թափառական հովիւններ են կենում: Իսկ Եւրոպայում, ընդհակառակն, շատ քիչ տեղեր կան, որոնց մէջ երկրագործութիւնը հաստատուած չլինի:

Այսպէս ուրեմն, եթէ մի հովտի մէջ ջրադաց կամ մի ըլրակի վրայ հորմաղաց է երեւում, այս ոչ միայն գեղեցիկ տեսարան է մեր աչքի բերկութեան համար, այլև նշան է մեզ համար, թէ այդ երկիրը բարօրութեան մէջ է:

21. Հացաբոյս.

Հացաբոյսն Աստուծու մեծ շնորհից մէկն է, և այն մարդը, որ առաջին անգամ հացաբոյսի մշակութիւնը հաստատեց, աւելի մեծ ներգործութիւն ունեցաւ աշխարհիս վրայ, քան զօրեղագոյն իշխանները: — Մուժ անտառները ոչնչացան, տեղը բռնեցին զուարթածիծաղ հասկալից արտերը. օդը փոխուեց, մեծ մասամբ մեղմացաւ. հարաւային բոյսերն այժմ փոքր ինչ հիւսիսում էլ աճել կարող են. ճահիճները չորացան. վայրենի և վնասակար կենդանիներն այն կողմերը քաշուեցան, ուր աւելի ազնիւ բան էլ չի բուսնում: Եւ ինչու: — Որպէսզի ալիւրապարունակ խոտերին տեղ տան:

Սակայն հացաբոյսերի մշակութեան հետևանքը միայն այն չեղաւ, որ աշխարհներն ու երկրի մասերը իրանց դէմքն ու կերպարանքը փոխեցին. աւելի մեծ փոփոխութիւն կրեց ինքը մարդը, — նա կապուեց հաստատ բնակութեան մէջ: Շրջմոլիկ և աստանդական կեանք է վարում որսորդը. նա ամեն տեղ գտնում է անտառ, ջուր և պատսպարան, լինի այս վերջինը ճիւղերից շինած կամ քարաժայուի տակ՝ միևնոյն է նորա համար: Սակաւապետ է նա, ուստի և սակաւարուեստ է: Վրանաբնակը իւր հօտերով ու խաշներով շարժվում է տեղից և ուրիշ կողմն է թափառում, եթէ արօտը պակասում է կամ եթէ տեղն էլ չի հաւանում: Վրանաբնակի պէտքերն ու արօւեստն աւելի պարզ են, քան որսորդինը: Իսկ երկրագործը պէտք է հաստատ մնայ այն գետնի վրայ, որ նա մշակել է, որտեղից որ իւր կերակուրը, իւր կենսական պէտքերն ստանում է, ապա թէ ոչ, ուրիշ տեղ քաշուելով, նա ամեն տեղ նորանոր գժուարութիւնների կը հանդիպի և ուշ վարձ կըստանայ: Նա շինում է մի հաստատ բնակարան, նորա բերքը բազմանում է, նա պէտք է այդ

ուրիշ բաների հետ փոխէ կամ ծախէ. նորա պէտքերն աւելի բազմաթիւ են. այսպէս ծագում են՝ առուտուր, ձեռագործութիւն, արուեստներ, ուսում, քաղաքական կարգեր: Երկրագործութեամբ է սկսվում մարդկութեան ամեն տեսակ յառաջադիմութիւնն ու քաղաքակրթութիւնը. ինչպէս որ նա հողը պատրաստեց և մշակեց մարմնի և ֆիզիկական կեանքի սննդեան համար, այնպէս էլ նա տարածեց բարեբարոյութեան և հոգեոր կեանքի առաջին սերմերը:

Մեզ յայտնի չէ, թէ մարդս իւր քաղաքականութիւնը հացաբոյսի որ տեսակով սկսեց. բայց այսքան յայտնի է, որ առաջին քաղաքակրթ ազգերին բոլորին էլ յայտնի էր ցորենը, միայն յայտնի չէ, թէ դա առաջին անգամ որտեղ մշակուեց:

Մեր հացաբոյսերի հայրենիքը ճշդութեամբ յայտնի չէ: Արժանահաւատ ճանապարհորդները վկայում են, թէ Միջագետքում, Եփրատի ափերի մօտ, վայրենի կերպով բուսնում են ցորեն, կարմրացորեն և գարի: Եւրոպայում առհասարակ նոքա վայրի չեն բուսնում և ոչ էլ վայրենանում են, նոքա նման են ընտանի կենդանիներին, այսինքն ոչխարներին, շըներին և ալլն, որոնք նոյնպէս ալլևս վայրենի չեն երևում: Նոքա, կարծես, տանու բոլսեր են քաղաքակրթ մարդու համար, որ միայն նորա կշտին և նորա խնամակալ ձեռքով են աճում:

Մեր կողմերում և առհասարակ տաք երկիրներում բացի ցորենից՝ կորեկ, սիմինդը, կարմրացորեն, բրինձ էլ են ցանում, միւս տեսակները, ալսինքն գարի, հաճար, վարսակ թէպէտ մեզանում ցանում են, բայց աւելի նշանակութիւն ունին ցուրտ երկիրների համար. դոքա աւելի կարողանում են ցրտին դիմանալ, քան քնքուշ ցորենը, ուստի հիւսիսում միայն այս վերջին տեսակներից են ցանում:

III. ՈՐՍՈՐԴԻ.

1. ՈՐՍՈՐԴԻ ԵՐԳ.

Սար ու ձոր չափում	Արծիւը օդի մէջ
Առաւոտը վաղ՝	Թագաւորում է, —
Նետ աղեղ ձեռին՝	Սար ու ձորի մէջ
Որսորդը անվախ:	Որսորդն իշխում է:

Մինչև ուր հասնում է
Նորա նետը սուր՝
Բոլորը նորանն է —
Քազան, թեաւոր:

2. ՈՐՍԻ ՀԱՆՂԷՄ.

Առաւոտուն, այն ինչ լոյսն սկսում էր ծագել, գուրս գալով իմ բնակարանից՝ տեսալ մարդկանց մեծ բազմութիւն, որ քաղաքից գնում էին. և ինձ շատ հիացնում էր, ոչ միայն նոցա միաբանական գնացքը, ալլևս մասնակցող խմբերի գեղեցիկ կազմութիւնը, մասնաւանդ ձիաւորների և հետեւակների զարդն ու կարգը: Նոցանից ոմանք տիգաւոր և սուհնաւոր էին և ոմանք աղեղնաւոր. կային և խմբեր, որոնցից կէսը բարձած ունէին թակարդներ և ցանցեր, իսկ միւսները բազմաթիւ շներ էն տանում կալերից բռնած. գնալու ժամանակ ամենքը կարծես մի տեսակ ուրախութիւն էին զգում և յարմարական ձեռվ առաջ ընթանալով՝ խորին խաղաղութիւն էին պահպանում: Նոքա գնում էին այնպէս, ինչպէս որ նոցա գլխաւորն առաջնորդում էր և մեծ պատրաստութեամբ վերջապէս հասան մի անտառախիտ և ծա-

ռազարդ տեղ, ուր որսի կենդանիների բոյլեր շատ կային՝ իւրաքանչիւրը մի ապահով տեղում դադարած։ Սոցա չորս կողմը գումարուեցան որսորդների խմբերը և այլես հեռու չգնացին։ Առաջին նուագ բոլորեքեանք լուութիւն պահելով՝ այնքան ձայն չհանեցին, մինչև որ թակարդներով, շների խմբերով և այլ պէսպէս հնարներով պաշարեցին տեղը՝ որսի առաջ բոլոր ճանապարհները փակելու համար։ Ապա այս բոլոր նախազգուշութիւնների վրայ վստահանալով, բոլորեքեանք միասին յանկարծօրէն այնպէս աղաղակ հանեցին, գոչելով օդը թնդացրին, որ մինչև անգամ գետնի տակից, իրանց որջերից կենդանիները սարսափած դուրս վազեցին, շփոթուած սկսան իսկոյն փախչել. և ցըռւելով թախ կացան և աներեսոյթացան այս և այն կողմը խիտ անտառի մէջ. իսկ որսորդները վազում էին դէպի անասունների ապաստանած տեղերը յարձակելով նոցա լետեկից շների խմբերը։ Հալածուած կենդանիները հնարք գտնելուն պէս՝ կըկին իրանց դարաններիցը դուրս էին լնկնում և այնպիսի արագութեամբ փախչում էին, որ կարծես թէ էլ լետեներից հասնելն անկարելի էր։ Իսկ նոքա ամենքն այս տեսնելով՝ շտապում էին միասին չորս կողմից վրայ տալով՝ իրանց քաջութիւնը ցոյց տալու, ո՛վ որքան որ կարող էր. և մանաւանդ աշխատում էին կարողութիւններիցն էլ վեր իրանց արագութիւնն աւելացնել։ Ես նոցա մէկմէկից աւելի գերազանցելը տեսնելով, այնքան հիացած ափշած էի, որ չէի կարող այնքան քաջագործութիւնների հանդէսը մանը դիտել։ Ես տեսնում էի միայն, թէ ինչպէս ձիաները մարդիկներիցն առաջ էին վազում, շները ձիերից, իսկ նետերը սրանց երկուսիցն էլ արագ սլանում։ Վերջապէս աղեղը յաղթանակեց՝ վայր ձգելով ու սատկացնելով էրէների անբաւ բազմութիւն. իսկ շատերին չարաչար վիրաւորելով և շատերին էլ վերջին հնարներով թուլացնելով՝ գրեթէ իսպառ սպառեցին որսորդները։ Բայց

շատ քիչ մնացածներն ևս գնում ու յանկարծակի ցանցերի մէջն էին ընկնում, իսկ եթէ այդ տեղիցն էլ ազատուէին՝ բռնվում էին թակարդների մէջ՝ բոլորովին անզերծանելի մնալով։

Եւ երբոր բոլոր որսը բռնուեց՝ ահա սկսուեց որսորդական գործի հանդէսն ևս զուարձալի խնդութեամբ։ Հանդիսականները մէկտեղ ժողովուելով՝ յաղթող քաջութեան պարպարեցին, նուագաւոր ձայնով երգեցին, իսկ ապա բաժանեցին որմն իրար մէջ ամենալին արդարութեամբ։ Ահա այսպէս Աստուծուն ևս գոհութիւն տալով՝ ուրախ-ուրախ դարձան տուն, ոչ թէ այն պատճառով, որ աւար էին բերում, այլ որ ամենալին կողմից գովութեան յաղթանակ էին բերում իրանց հետ։

3. Արտաւազդ.

Հայոց թագաւոր Արտաշէսի մահին ժողովրդեան մեծ մասն ինքն իրան նահատակեց, որովհետեւ նորան սիրում էին, և այդպէս էր Հայոց սովորութիւնն իրանց տէր թագաւորի մահուան ժամանակ։ Հանգուցեալի որդին, Արտաւազդը, իւր հպատակների այս սարսափելի կոտորուածքն ու մահը տեսնելով՝ նախանձելով կանչեց մեռած հօր քամակից։ «Եւբոր դու գնացիր և բոլոր երկիրը քեզ հետ տարար, ես բնչպէս թագաւորեմ աւերակներին»։ Բարկացաւ հանգուցեալը, նորա ուրուականը գլուխը շարժեց և վրէժինդրութեամբ անիծեց Արտաւազդին։ «Որս գնալու ժամանակ թող բռնեն Քաջերը և տանեն քեզ Մասիս սարի վրայ, այնտեղ մնաս միշտ և երբէք լոյս չտեսնես»։

Արտաւազդը մանկութիւնից սովոր էր կատաղի կեանքին, և աւանդութեամբ ասում են, իբրև թէ վիշապները նորան կախարդել էին։ Նա մի օր որսի էր գնացել և ձիու

վրայ նստած վարազների լետևեց վագելով՝ խոր վհի մէջ ընկաւ։ Եւ որովհետև դա ժողովրդեան ատելի էր, դորա անակընկալ կորուստն այնպէս մեկնեցին, իբր թէ հօր անէծքը որդու վրայ կատարուեց, թէ Մասեաց քաջերը հասան, բըռնեցին և երկաթի շղթաներով կապկալելով, մի այլի մէջ փակեցին նորան։ Միայն նորա երկու հաւատարիմ շները չուզեցան նորանից բաժանուել, այլ անդադար կրծում են նորա շղթաները, որ նա ազտառի և վախճան տայ աշխարհին, որին նա սաստիկ ատում է. բայց դարբինների երկաթ ծեծելու ձայներից դարձեալ զօրանում են շղթալքը։ Ահա այդ պատճառով մինչև այսօր մեր դարբիններն Աւագ Ուրբաթ օրը, ժամից լետոյ, գնում են դարբնանոց և սալի վրայ մի քանի անդամ մուրճով ծեծում են, որ անի ծեալ ժառանգը լոյս չտեսնէ։

4. Բաղէ.

Մի Գերմանացի ճանապարհորդ, Կովկասում ման գալով, շատ զուարձանում էր, երբոր տեսնում էր ազնիւ բազէ, որ արծաթէ գաւազանի վրայ կացած՝ սուր ու դիտող աչքերով նայում էր։ Մի օր, ասում է նա, բաղէով որսորդութեան տեսարանին ներկայ գտնուեցալ, թէկ նոյն անդամին բազէն այնչափ քաջութիւններ չարեց, որովհետև այս թուչունները օր և ժամ ունին, երբեմն էլ թոյլ, ծոյլ և անլօժար են կենում մնում, և նոյն իսկ պարարտ լորամարդի տեսքը նոցարիւնուշտ բարքը չի զարթուցանում։ Իսկ երբեմն էլ ազտութիւնը լիշելով, թուչում և փախչում են, բայց շատ անդամ վերստին բռնվում են։ Ոլսորդը բազէն արձակեց մի կաքաւի վրայ. խեղճ կաքաւը, տեսնելով որ թուչելու մէջ իւր սոսկալի թշնամու հետ չուկտք է կարողանայ մըցել, լանկարծակի իջաւ, որ թփերի մէջ պահուի. բայց բազէի

աչքերից չկարողացաւ փախչել։ Քիչ ժամանակից լետոյ նորա սուր մագիների ու կտուցի տակ արիւնլուալ եղած մեռած էր։ Տէրը երկրորդ անգամ ուրիշ թուչունների խմբի վրայ ուղարկեց, բայց նա բոլորովին հակառակ կողմը փախաւ և լետոյ իջաւ գետնի վրայ, և եթէ մօտ կանգնած ձիաւորները բոլոր ուժով չփազէին չբռնէին նորան, գուցէ բոլորին անյալտանար։

Բազէով որսորդութիւնն առաջ շատ ծախքերով էր կատարվում, իսկ այժմ աւելի համեստ կերպով, բայց դեռ մեծ ու պստիկի գլխաւոր զբօսանքներից մէկն է։ Աշնան և գարնան, երբոր բազէները ճամբորդ թուչունների լետևեց են ընկնում, տեղի բնակիչները վարմ (որս բռնելու գործիք) են ձգում, մէջը կապում են փասեան կամ լորամարդ կամ կաքաւ և կամ այնպիսի թուչուն, որի վրայ բազէն յօժարութեամբ է յարձակում։ Իրանք չուանները բռնած պահում են, բազէն վարմի մէջ գալուն մտնելուն պէս՝ չուանը քաշում են և բազէն մնում է վարմի մէջ, լետոյ սկսում են կրթել. նայում են, որ բազէն սկաչեալ չլինի. որովհետև, ինչպէս տեղացիք ասում են, նոքա այնպէս սրատես չեն, ուստի և միայն խարտեաշ աչքերով բազէները որսորդութեան յարմար են դատիլութիւնն անելուց լետոյ, բազէի աչքերի կոպերը մածուցիկ նիւթով կպցնում են իրար, և կամ աւելի յաճախ՝ մէկ երկու անդամ ասեղ անցնելով իրար հետ կարում են, և երեք օր ալդպէս թողնում են. ասում են, որ այս կերպով բազէն ընտանենում է կամ իւր վայրենութիւնը մոռանում է. Վերջապէս սղանգ (զըավանդ) խոտի եփաջրովը լուանում են, որպէսզի վրայի տիզերն ու ոչիլները սատակեն։ Բայց բազէին պիտանի անելու համար գլխաւոր պայմանն այն է, որ նորան քիչ ուտելիք տան։ Ոտներին շղթալ, այսինքն երկաթէ օղակներ են անցկացնում և կաշիով կապում են մէկ երկաթէ ձողի վրայ, որ գետնի մէջ խրուած է։ Այս անելուց լետոյ, բազէ-

վարժը կենդանու աչքերը բաց է անում, և ձողի վրայ երկայն չուան կապելով՝ բազէն ծառի վրայ թոցնում է և, դարձիւ, դարձիւ բղաւելով, նորան կանչում է իւր ձեռին ունեցած հաւի վրայ և իջեցնում է։ Վերջապէս ձեռքը մսի կըտոր է առնում, և շարժելով՝ բազէին հրաւիրում է և ալդպէս վարժեցնում նորան, որ գայ և բազէակալի ձեռքի վրայ նստէ։ յետոյ փորձում են և վարժեցնում նաև առանց մսի։

Երբոր բազէն կատարեալ կրթվում է, նորան սկսում են որսորդութեան գործ ածել. բայց որսից առաջ պէտք է որ անօթի մնայ. Բազէակիրը կաշու հաստ ձեռնոց է հագնում և բազէն առնում է ձեռքին։ Բազէով որսորդութիւն անողները, հասարակօրէն ձիով, թփոտ և մացառուտ տեղեր են գնում, իրանց հետը մի խումբ թաղի շուն առնելով, ամեն մէկ շան վրայ թաղիք կապած, որ փշերի մէջով անցնելու ժամանակ չվնասուին։ Որսորդները շարունակ շներին գըրգուում են, որ թռչունների տեղը գտնեն, և անօթի բազէն մի օրինակ նայում է չորս կողմը։ Հենց որ մի թռչուն է երեսում, որսորդը բազէին արձակում է, որ կամ անմիջապէս թռչունին բռնում է, կամ անդադար նորա ետևից ընկնում, մինչեւ որ խեղճ թռչունը մի թփի մէջ գնայ պահուի, բազէն էլ իջնում է և նոյն թփի վրայ նստում։ Շները վեր են կենում և թռչունները նորից դուրս են հանում, եթէ բազէն յարձակուի և բռնէ, վարձատրութեան համար որսի ուղեղն ու աչքերը ստանում է։ Բայց բազէի բռնած թռչունն ամբողջ և անարատ չիմնում, որովհետեւ նորան շատ է չարչարում։ Թռչունը, բռնելուց յետոյ, միշտ բազէի և որսկան շների մէջ սաստիկ կուիւ է բացվում, երեմն բազէն շատ է կատաղում, այն ժամանակ բազէակիրը մի մսի կտոր շարժեցնելով՝ սկսում է դարձիւ բղաւել և կանչել նորան։ Եթէ բազէն քաջակիրթ է, նաև մէկ վերստ հեռու տեղից դառնում է և բազէակալի ձեռքի վրայ կանդնում է։

5. Ողբ կաբաւու.

Նստեալ կալը ու լայր կաքւուկն
Ի վերայ քարին, այ հաւեր.
Ու գանգատ կ'անէր ձագերուն.
Թռչունք, այ հաւեր։
Ի բարձր լերունք ելայ,
Ի կանանչ մարգեր նայեցայ.
Թռչունք, այ հաւեր։

Իշի որոգալթ ընկայ
Ի վարմին մէջ ի ծովակին.
Թռչունք, այ հաւեր։
Եկին զիս ի վեր առին,
Զահաբեկ սուրբն ցըցուցին.
Զայս իմ կարկջուն վըզիկս
Յականջէ ականջ զենեցին.
Զայս իմ կարմրուկ արիւնս
Ի գետին ի վար վաթեցին.
Զայս իմ կարմրած կըտուցս
Կըրակին կայծը հասուցին.
Զայս իմ մանտրուքալ ոտկունքս
Ի ծընկացս ի վայր կտրեցին.
Զայս իմ գունզգուն վետուրս
Մէկն 'ի սար արին մէկն ի ձոր.
Զայս որ ի սարն էր ընկեր,
Զայս իջեր քամուկն ու տարեր,
Զայս որ ի ձորն էր ընկեր,
Զայս ելեր հեղեղն ու տարեր։
Եւ սուրբ Գրիգորի նման

Զիս ի խոր վիրապն իշուցին:
 Եկին զիս ի վեր առին
 Մէջիս հաւասարացուցին.
 Եւ սուրբ Յակովայ նման
 Մասըն մասըն կըտրտեցին.
 Զլաւաշն ինձ պատանք դըրին
 Ու կարմիր գինով զիս թաղեցին:
 Ես ձայն զԵրեմեայն ածի
 Նախահօրն ու մօքն Եւալի:

6. Հարսանիքի արարողութիւն.

Տղայքն իրանց սրտի ուզած մի եալլի խաղացին: Հենց
 են թռչում, որ կ'ասես ոտները գետնին չի առնում: Մինչև
 եալլու պըծնիլը, բարեկամների տանիցը մի մի հաւ եկաւ:
 Եալլին որ վերջացրին, զուռնաչին այս հաւերը մին մին-
 ձեռն առաւ ու բարձրացնելով կանչեց. «Թագաւորի մակար-
 ներ»: Ամենքը ձայն տուին. «Հըամէ».—Աստուած ձեզ բարի
 կամէ, ասաց զուռնաչին, շէն կենայ խաչեղբայրը, այս օրս
 իրանն լինի, Աստուած իւր կեանքը երկար անի, որ բերել
 է մեր թագաւորին մի լաւ հորս, մի լաւ խալաթ, մի լաւ
 խօնչայ (թէև մի հաւից աւելի ոչինչ չկայ), տունը շէն,
 շէն կենայ:—Մէկէլ հաւերն էլ այսպէս անուն անուն կան-
 չեց, զուռնան ածեց: Եկան տան երթկի վրայ թռուրը բնիցը
 հանեցին ու բնի հետ խաչաձեւ դրին. թագաւորն այս թրի
 վրայ երեք ծունը դրեց ու թռուրը համբուրեց, աղօթք արեց
 Աստուծուն, որ այն խաչի միջնորդութիւնովը իւր թռուրը
 կտրուկ անի ու վեր կացաւ: Բայց թռուրը վեր կալան երկու
 մարդ, երթկի վրայ բռնեցին. առաջ մի մեծ աքաղաղ թագա-
 ւորը հորս տուեց, աքաղաղի շլինքը թռցրեց թրի վրայ ու
 զցեց երթկովը նեքսե, յետոյ խաչեղբայրը, յետոյ մէկն էլ,

բայց չէ թէ թրի վրայ, այլ մի մատը բռնեց ու աքաղաղի
 շլինքը մատով թռցրեց, զցեց նեքսե. յետոյ ամեն չպսա-
 կուածներն իրանց տանիցն եկած հորսը տուին ու նեքսե
 ածեցին, որ եփեն, իրիկունս հորսի միս ուտեն: Այս որսի
 սովորութիւնը հարսանիքի ժամանակ՝ նախնի ժամանակնե-
 րից է մնացել:

7. Որսի սէրը.

Մի որսորդ սարի վրայ ելաւ և մի այնպիսի բարձր ցցի
 հասաւ, ուր իւր օրումը չէր հասել: Յանկարծ իւր առաջին
 տեսաւ մի տգեղ թզուկ, որ բարկութեամբ ասաց. «Դու Բնչ-
 պէս ես համարձակվում այսքան ժամանակ իմ սիրուն այ-
 ծեամներին կոտորել և իմ երամն օրըստօրէ պակասացնել:
 Դէ, պատրաստուիր, դու պէտք է քո հոգիդ տաս»: Սար-
 սափեց որսորդը և քիչ մնաց սարի ցցից զլորուէր անդունդը.
 բայց փոքր ինչ սիրտը պնդացրեց և խնդրեց թզուկից ողոր-
 մութիւն, հաւատացնելով, թէ ինքն այծեամների տիրոջը
 մինչև այսօր բնաւ չէր ճանաչում: Թզուկն ասաց. «Լաւ,
 բայց այլես այս կողմերը չերեաս: Ես քեզ խոստանում եմ,
 որ դու ամենայն կիրակի առաւտեան քո խրճթի առջև մի
 մորթած այծեամն կըդանես. բայց վայ քեզ, եթէ միւսներին
 ձեռք տաս և չինայես»:

Թզուկն անյայտացաւ, իսկ որսորդը, իւր մտքի մէջ իո-
 րասուզուած, դարձաւ տուն: Այս օրուանից յետոյ իւր վարած
 հանգիստ խաղաղ կեանքը նորան չէր զուարճացնում: Եօթ-
 ներորդ օրն առաւտեան մի գերացած այծեամն կախ էր ըն-
 կած ծառի ճիւղի վրայ իւր խրճթի առաջ, որ կերաւ նա
 մեծ ախորժակով: Միւս շաբաթն էլ այսպէս: Վերջապէս վր-
 հատեցաւ որսորդը իւր ծուլութիւնից. նա ուզեց աւելի սի-
 րով անձամբ որսալ այծեամները, մինչև անզամ ամեն տեսակ

փորձանք յանձն առնելով, քան թէ ուրիշի ձեռքով կերակ-
քուիլը: Բարձրացաւ սարի վրայ, շուտով նկատեց մի այծեամն,
սկսեց գէնքը քաշել: Եւ երբոք չորս կողմը նայելով թզուկին
ոչ մէկ տեղ չնկատեց, ուզեց հրացանն արձակել, քայց թը-
զուկը մտաւ նորա ոտի տակ և բռնեց նորա ոտի կոճակը,
ցած քաշեց նորան և հազար կտոր արեց, ջախջախեց ան-
դնդի սեպացած ժայռելի վրայ:

Յ Եղնիկի որսը.

Եղնիկի որսը բախտի խաղ է. և ով որ այդ բանով
զբաղվում է, նա հետզհետէ տեսնում է այն բոլոր յատկու-
թիւնները, բարքն ու սովորութիւնը, ինչոր ունի ամեն
խաղացող: Եթէ որսողը միքանի ժամանակ շարունակ յաջո-
ղութեամբ եղնիկներ է գետինը ձգում, նա այսպէս հեշտ
ձեռք բերած ստածուածքն ալնպէս շուտ շռալում է, ինչ-
պէս որ շուտ տիրացաւ, որովհետեւ նա յուս ունի, թէ բախտն
ապագայում ևս նորան կը յաջողի: Բայց եթէ ալս յուսը ի
դերեւ է ելնում, նորա զօրութիւններն սպառվում են և սար-
սափելի յուսահատութիւնն սկսում է նորան ընկճել. բայց
և այնպէս նորա զգուշութիւնը չի աւելանում, որովհետեւ
նա, որպէս և ամենայն մարդ, որ երեմն մի անդամից առա-
տութեամբ վաստակում է, իսկ երեմն բոլորովին զուրկ է
մնում մի չնչին վարձից անդամ,—շատ սակաւ է մտածում
տնտեսութիւն անել, այլ միշտ այն յուսով է ապրում, թէ իւր
բարի հրեշտակը մի օր դարձեալ կը ժպտայ նորան և կ'օգնէ:

Անհաւատալի բաներ են պատմում եղնիկ որսող որսորդ-
ների արիական համարձակութեան մասին, բայց և այնպէս
քոլորը ճշմարիտ է: Ահա մի որսորդ վազում է սիզաքայլ
և արագավազ եղնիկի յետելից մի այնպիսի լեռան լանջով,
որ միքանի հազար ոտնաչափ գրեթէ ուղղահայեաց զառիվայր

ամբառնում է և գլխի կատարին ունի միայն մի քանի գուրս
ցցուած սուր քարեր, ուր կարծես հազիւ կը համարձակուի
թաշունն անգամ նստել, ուր մնաց թէ մարդ կարողանայ
կանգնել: Տաքացած որսորդը վերջապէս այնքան բարձր գը-
նաց, որ էլ ոչ առաջ և ոչ յետ քաշուել չի կարող և այն
սուր քարից, ուր նա մի նուագ կանգնել յանդգնեցաւ, սայ-
թաքեցաւ և ներքև սահեց: Այս սայթաքած քայլն անշուշտ
նորա կեանքին վերջ պէտք է դնէր, եթէ բարեբախտապէս
մէկ ձեռքով պինդ չըռներ ժայռի ծայրից: Այստեղ կախ
ընկաւ նա սարսափելի անդնդի առաջ բոլորովին անլուս, թէ
որևիցէ մարդ օգնութեան ձեռք կարող է կառկաւել նորան:
Նորա ընկերներն այս նշմարելով և իրանց անձեռնահասու-
թիւնը տեսնելով, վկալ պէտք է լինէին նորա անդառնալի
կորստեան: Բայց նա դեռ օգնութեան ապաւինելով՝ ամեն
խոհեմ միջոց փորձեց, որ վտանգից ազատուի: Նա իւր ոտը
աջուծախ տարուբերելով այնքան ճօճեց, մինչեւ որ ձեռքե-
րով փոքր ինչ վեր մազլցեց, ապա հաստատ հաւասարա-
կը ու ութիւն պահպանելով՝ վերջապէս վտանգաւոր տեղից ա-
պահովութեամբ, հաստատութեամբ և զգուշութեամբ սա-
հեց և իջաւ:

Որսորդներն իրանց ճարպիկութեամբ և բախտի բերմամբ
շարունակաբար զանգան փորձանքներից ազատուելով՝ եր-
բեմն այնքան վստահութիւն են ստանում, որ նոքա այնպիսի
վտանգաւոր փորձանքների մէջ ևս գլխապատառ ընկնում
են, ուր վերջապէս մահ և կորուստ են գտնում: Երկու որ-
սորդ մի առաւտ այնպիսի տեղ բարձրացան, որի միակ ա-
պահով ստի ճանապարհը սառուցով պատած, սահուն էր
դառնել: Նոքա վերջապէս հասան զարիվայր նուրբ շաւիղի,
որին մի կողմն անելանելի քարափի պատն էր ցցուած, միւս
կողմը բաց էր ամեհի վիհ: Այս շաւզով բախտախնդիրներից
մէկը սահեց և անդառնալի ընկաւ իսոր փոսի մէջ: Դժբախտն

այնպէս ջարդուեց սառցի բազմաթիւ սուր-սուր ցցերի վրայ, որ նորա դիակի վրայ մարդու կերպարանք էլ չէր երևում: Գլուխը մահու տուած միքանի յանդուդն մարդիկ, այս ակնյալտնի վտանգն արհամարհելով՝ իշան փոսը և այն զարհուրելի խորքեց հանեցին թշուառի դիակը. և ինչ էր նոցավարձը—մի ճաշ, որ դժբախտի հայրը իւր որդու դիակը գրտողողների համար պատրաստեց՝ այդ վաստակաւորներին կադուրելու համար:

Սիփանայ սարն այդպիսի բաներ շատ է տեսել, որի համար և շատ երգեր են ասվում:

9. Որսորդի երգ.

Թնդում են լեռները, ջաւիդը դողում,
Մի քաջ որսորդի սիրտը չէ դողում,
Համարձակ քայլում է
Սառած դաշտերի վրայ,
Ուր չէ ծաղկում գարունը,
Կանաչ թուփ չըկալ:
Եւ նորա ոտների^թ տակ ծովանման մէջը
Ծածկում է նոցանից գիւղ ու քաղաքը:
Ամպերի ճեղքուածքից
Հազիւ է տեսնում,
Ինչպէս խոր ձորի մէջ
Դաշտ է կանաչում:

10. Մի դիշատիչ կենդանի անտառի մէջ ձմեռայ ժամանակ.

Հեռու խոր անտառի մէջ՝ շինածնէ անտառապետի խըրձիթը: Մի դազաչափ ձիւնն ամբողջ աշխարհի երեսը ծած-

կել է. անտառապետը միայն մի նեղ ոտի ճանապարհ է բաց արել՝ կոխոտելով իւր դռնից: Բայց սպիտակ սփռոցի վրայ ուրիշ հետքեր էլ են երևում, որոնց ձևերից հաւաստեօք երևում է, թէ այդ դրոշմել են զանազան կենդանիներն իրանց ոտներով:

Գիշերուայ պահին, երբ երեսը բաց լրացած լուսինն անվրդով երևում է անտառի ծառերի միջից և արծաթէ գետնի վրայ միայն վայ կանչող բուերի ստուերն է նկարագրում, այն ժամանակ կարիքը ստիպում է մի քանի սոված կենդանիների մօտենալ անտառաբնակի մէկուսի կացած տանը: Այսպէս աղուէ ու իւր կարմիր մուշտակով առաջ-առաջ սողում է՝ աչքերն ամենայն ուշադրութեամբ բոլորի շուրջը դարձնելով: Նա գիտէ, որ բագի մէջ հաւեր և երժկի գլխին աղաւնիներ կան, և երկուսի ախորժակով էլ նորա բերանի ջուրը վագում է: Ամեն կողմից պարտում է նա խաղաղ բնակարանի շուրջը, բայց ոչ մէկ տեղ մի բաց տեղ չէ գտնում, որ կարողանայ փառաւորապէս մէջը մտնել, այն ինչ, տարաբախտաբար, շներն էլ նորա հոտն առան: Սոքա գիշերուայ ցըտին գլուխը բարձրացրած սկսում են ակամայ առանց դագարելու վնդվնդալ և կիսաձայն հաշել և մեր աղուէս պարոնը պէտք է սուս ու փուս դատարկ ճեռանայ: Բայց ինչ անէ նա իւր սովը լագեցնելու համար: Այս ձմեռուայ ժամանակին խաղող և կեռաս էլ չկան, թուզունները բուն չունին երկը վրայ, իսկ մկները վաղուց հանգստանում են ձիւնի տակ խոր տեղերում: Մնում է միայն, որ ճագար որսայ, ուստի և գընում է այն բլրակի կողմը, որի չորս կողմը ծառեր չկան և ուր բազմաթիւ ճագարներ են բնակվում: Խորամանկութեամբ քննում է ոտի թարմ հետքերի ձեւը և վաղ առաւօտ թփի տակ դարան է մտնում: Եթէ իւր մօտովը մի կենդանի անցնէ, իսկոյն նորա բնակարանի ճանապարհը կտրում է և քըշում է դաշտը, որ անպատճառ գերի առնէ նորան:

Բայց անտառապետն էլ սիրում է ճագարին և վաղուց
ձանձրացել է նորա թշնամուց, ուստի և ասում է. «Ի՞նչ-
պէս բռնեմ այս աղուէսին»։ Տնից առնում է մի թակարդ,
մորթում է մի կատու և նորանից հիանալի և անռւշաբոյք
խորոված է շինում։ Թակարդը ձիւնի տակ խոր փոսի մէջ
է դնում, իսկ վրան պինդ կապում է ամենից համեղ թիքէն,
մնացած կտորները մի քանի ոտք հեռաւորութեամբ ցիրու-
ցան դարսում է քաղցը ճաշի հրաւիրելու համար։ Աղուէս
եղբայրը խորովածի պատուական հոտն առնում է և աչքերը
ջուր կտրած թոնթորելով առաջ է գալիս, բայց այս խորա-
մանկը շատ լաւ հասկանում է, որ կատուի խորովածը դաշտի
վրայ չի բանում, ուստի և վերին աստիճանի զգոյշ է։ Առաջ
ճաշակում է մանը փշրանքները և կարգով վերջապէս հաս-
նում է ամենից մեծ, ամենից համեղ կտորին։ Դրախտի հոտը
նորա քթի մէջ մտնելով՝ գրաւում է նորան, — բայց նա վըս-
տահ չէ ալդ համադամ կերակուրի վրայ, նա չէ ուզում
որևիցէ փորձանքի մէջ ընկնել. ուստի մեծ և հեռաւոր շըր-
ջաններով պտըտում է այն գայթակղեցուցիչ տեղի չորս կող-
մը և միշտ աչքերն անհամբերութեամբ այն կողմն է թար-
թում։ Ահա հետզետէ նպատակին մերձենում է — ահա ալժմ
մի պահ փորի վրայ պարկեց, որպէսզի իւր մեկնած թաթով
միսը բռնէ և քաշէ բերանը. ահա քիչ էլ առաջ է քսվում,
և վերջապէս ուզում է մէկ ոստիւն անել՝ հասնել և թիքին
տիրել, ապա և փախչել այնտեղից։ Բայց աւաղ, դաւաճան
թակարդն արձակուեց և պինդ բռնեց նրա վզից, — իսկ նա
որքան էլ մտածեց, փորձեց, գլխին վայ տուեց — ոչինչ վրկու-
թիւն չգտաւ. պէտք է հաբերէ, մինչեւ որ անտառապետը
գայ, այս նենդ աղուէսին սպանէ և քերթէ նրա փափուկ
մորթը։

IV. Զ Ո Ր Ա Կ Ա Ն.

1. Երիտասարդների գուարճութիւնները.

Արեգակը եկել՝ երկնքի մէջ տեղը բռնել էր, օրուան-
փուշը միքիչ կոտրուել, տաքացել էր։ Սար ու ձոր արծաթի
պէս պլազում էր։ Այս միջոցին ով որ Քանաքեռ մտնէր,
հէնց կ'իմանար՝ թէ երկնքից մէկ աւետեաց ձայն է եկել.
աշխարհքս արքայութիւն է դառել. այնքան տղամարդ, ջա-
հել տղայք, երեխայք էին տներիցը դուրս եկել, քուչէքումն-
ու կտրներին քէֆ անում։ Օտար մարդը հէնց կ'իմանար, թէ
այս գիւղացիք աշխարհքի տէր են, հոգս չունին և ամն մէկը
հազար թումանի տէր է։ Ոհաթ խալիք՝ որը ձեռնաբռնուկ
էին արել՝ պար գալիս, որը բոլորեցուրջ նստել՝ քէֆ էին
անում, որը խաղ էր ասում, որը դամ էր քաշում։ Այստեղ
զուռնէն էր փչում. այնտեղ ճաւախտի էին խաղում, միւս
տեղը փահլւաններ էին կոխ պըճնում, կամ դարաւչէքը
փալ բաց անում. մանր տղայքն էլ՝ կամ ձնաթօփի էին խա-
ղում, կամ աչքակապուկ, կամ զօրականի պէս կովում։ Դափի,
զուռնի ձայնն ու հարալ-հրոցն աշխարհք էին վեր կալել։

Աղասին քէֆն արել պըճել, իւր խումբը յետել գցած՝
եկաւ մէկ տասը ձիաւորով գիւղի միջովն անցկացաւ, որ
գնայ՝ կալերի դգումը իւր հունարը նշանց տայ՝ ջերեթ
խաղայ։ Հէնց իմանաս մէկ թագաւորի որդի է գալիս։ Զէնք
ու զրահը կապած, հրացանն ուսին, թուրը կողքից կախ,
ջուխտ փշտովն ու դամէն գօտկումը, կանաչ մովլ շալվարը,
զառ կաբէն հազին, գիւլբանդի աղլուխը ճտին, նու-
ղայի թուլս գտակը գլխին կոտրել աջու ականջի վերայ էր
գցել։ Գիւղացիք հէնց նրան տեսան թէ չէ, ծափ տուին,
պար եկան, ձայն ձայնի տուին ու սկսեցին նրա խաղն ասել,

Նրա գովքն ածել: «Աղասի ջան, գլխիդ մատաղ, էս թասը խմենք քո արևադադին, մեր գլխիցը ո՛չ պակասիս, գնա, մենք այս է կրգանք», ամեն կողմից ձայն տուին ու Աղասու թասը խմեցին: Աղնիւ երիտասարդն էլ՝ ով որ իրան այսպէս պատիւ էր տալիս, գդակով էր անում, քաղցը երեսով գլուխ տալիս ու անցկենում:

Հեռուանց երևում էր, թէ ինչ դիամաթ էր անում կտրիճը: Գիու ականջը մտած՝ այնպէս էր քշում, կրակին տալիս, որ հէնց իմանաս՝ թեաւոր թռչուն լինի: Նատ անգամ ջիրիդը հեռու տեղիցը շպրտում, ձին չափ էր գցում ու գետնիցը ծուլ լինելիս՝ ձիու վրիցը բռնում էր, կրկին գցում: Նատ անգամ հէնց այնպէս ուղիղ շպրտում էր, ու կրակի պէս լետեցը հասնում, կալնում, էլ յետ ծուլ անում: Գետնին վեր ընկած տեղիցն էլ՝ այնպէս էր թամքի միջիցը կրանում, բարձրացնում, որ ջրիդն առաջին գողում էր. ընկերուանց վրայ էլ որ վախտ-վախտ ջիրիդ չէր գցում, այնպէս էր նշանում, որ գտակների ծալրին էր դիպչում, կամ գդակը հետը տանում, որ իմանան, թէ նա նրանց դիմիշ չի անում: Նատ անգամ թամքի միջին ջուխտ ոտի վրայ կանդնում, այնպէս էր ձին չափ գցում: Աչք պէտք է լինէր, որ նրա ուաշը դութիւնը, տղամարդութիւնը, հունարը տեսնէր ու զարմանար: «Ձանմ սան, ջանմ: Աղասի, մայրդ մէկ հատ է քեզանից բերել, հազար տարի անցկենայ, քեզ նման մէկն էլ չի ծի ծնուիլ», ասում էին թամաշաւորքն ու խնդում, ուրախանում, ծափ տալիս:

2. Թուանքի.

Եջմիածնի խաղաղ միաբանութեան մէջ, ուր բոլոր զէնքը աղօթք ու սաղմոսերգութիւններն են, զինակիրներ ինքն ըստ ընքեան աւելորդ են երեսում արտաքուստ. բայց ոչ, մենք սխալվում ենք, դրանք հարկաւոր են և կան: Դրանց անունն է թուանքչի, որ հրացանակիր ասել է:

Եկէք մտնենք վեհարանի տակի մութ սենեակները և կըգտնենք միքանի եափունջաւոր, վիզերը հաստ, առողջակազմ աշխարհական մարդիկ, դաշոյնները կապած, ատրճանակը կողքին խրած, վառոդամանն ու գնդակամանն աջ ու ձախ կոնատակներովն անցկացրած: Մի երկար թախտի վրայ մի կարպետ է փոած և այս մարդիկը այդտեղ ուտում են, քնում, վերկենում. ոչ անկողին են մտնում նրանք, ոչ շոր են հանում, ոչ զէնք են վերցնում վրալից և ոչ բարձ ունին գլխատակներին: Նրանց կոներն են իրանց բարձերը, նրանց եափունջիքն են իրանց վերմակն ու մաշիճը: Տան բոլոր զարդարանքն ու կահ կարասիքը պատերի վրայի կախած հրացաններն ու թրերն են, որ փայլում են. մի անկիւնումն էլ միքանի խուրջիններն են թափուած և ձիանց սանձեր ու թամբեր. մի երկու կաւ էլ մի գաւածիդի հետ պատուհաններից մէկի մէջն է դրած: Նատ ուրախ մարդիկ են սրանք, տանն եղած ժամանակը միշտ ասում, խօսում ու բարձր բարձր ծիծաղում են:

Եթէ լսելու լինիս սրանց պամութիւնները, մազերդ ցից-ցից կըլինին, այնպիսի անցքեր են պատմում իրանց կեանքից, կամ իրանց նախորդների գործերից, որ երբէք չես հաւատալ և կըշփոթուիս. բայց իրանց համար դրանք շատ սովորական են: Նոքա շատ լաւ գիտեն վանքի բոլոր անցքերն ու գաղտնիքները: Նոքա այս բոլոր գիտեցածները, լսածներն իրաւունք չունին միմեանցից պահելու. ով ինչ տեսաւ, ինչ

լսեց, ինչ գործողութիւն կատարեց, պէտք է յետ գայ ու իրանց գլխաւորի առաջին բոլոր ընկերների ներկալութեամբ բարձր-բարձր մի առ մի պատմի և իւր արած որևէիցէ ծառայութեան համար ստացած վարձատրութիւնը լիովին գնի իւր ընկերների առաջը՝ վերջումը հաւասար բաժին անելու համար:

Սոցա պատմածը օտար մարդ իրաւունք չունի լսելու, իրանցից մինն էլ իրաւունք չունի մի չնչին լուր ևս դուրս տանելու, եղբայրը, որդին, կինը չպէտք է իմանալ թուանք-չու արածը:

—Ինչ-որ անես, տեսնես, լսե՞ պէտք է գաս այս չորս պատմի միջին սրտիցդ թափ տաս, պատմես ու քարը վերցնես քարի տակը դնես, խրատում է թուանքչիբաշին մի նոր մտնողին: Այս տան ամեն մինը մեր աղէն է, մեզ կարող է հրամայել, ջրի, թրի, կրակի առաջ խրկել, ամենին էլ պտի լսենք, պտի գնանք, չէ ասել չկայ: Հասկացմը. աղբէր, որդի, հոգի—ցուցամատը ծանր-ծանր շարժում է գլխաւորը. դու քեզ չափ ու ձեւ արած. թէ որ այս բաները չես կարող տանիլ, թէ որ լեզուիդ սանձ չես կարող դնիլ, հէնց էս սհաթը վեր կաց, սուս ու փուս քաշուի գնա՞: Թուանքին սիրտ չունի, իր հօրն ու որդուն էլ չի խնայիլ, եթէ նորան մէկը խաբէ ու խօսքին հաստատ չմնայ:

Երբոր նորանից խօսք է առնում գլխաւորը մի թուանք-չու հրամայում է. «Ա՛յ տղայ, վեր կաց այն գաւն այստեղ բեր». և գաւով լիքը գինին մէջ տեղ է գալիս:

—Էս մեր նորընծայ աղբօր կենացը, տղէք ջան, լցնում է Սարօն գաւաթը, սրա ոտնամուտը շնորհաւոր ըլի, իգիթ ըլի, վանքի ու վանքոնց սիրոյն գլուխը յետ դրած ըլի, մեր աղբերութիւնի մէջ էլ երկարատև ըլի:

Համբուրում է գլխաւորը նորեկին, նա էլ նորա ձեռքն է պաչում, ճակատին դնում, և գաւաթը բոլոր ընկերների մէջ կարգով պտըտվում է:

Թուանքչիբաշին ընկերներից մէկին հրամայում է, որ ցոյց տայ նորեկին իրանց բոլոր նշանաբաններն ու ծանօթացնի իրանց կանոնների հետ:

Երկու երեք օրուայ մէջ նորընծան քաջ գիտէ շան պէս ունալ, կատուի պէս մլաւել, հաւի պէս կչկչալ, խոզի նման մոթմոթացնել, ծտի նման ճտճտացնել. գիտէ, թէ աջ ձեռով ձախ ականջի դմակը քորելը, ճկութով աչքը մաքրելը, մտրակի կոթը բերանը դնելը և այլ այսպիսի նշաներնն ինչ կընշանակեն. մի խօսքով նա կարճ միջոցում տեղեկանում է թուանքչիական բոլոր գաղտնիքներին: Դրանից յետու մի առ մի պատմում են նորեկին ամեն անցեալները, էլ նրանից հարիւր տարուան եղածն անյալտ չի:

Ալժմ այս թուանքիների թիւը շատ փոքրացել է. իսկ առաջ, պարսից բունակալութեան ժամանակ՝ շատ-շատ էին, երբ նորանց պարտականութիւնն էր զիշերներն էլ հսկել պարսպի գլխից վանքը: Ալժմ նորանք պարապած են էջմիածնի արտաքին հասարակական ծառայութիւնները կատարելով: Նորանք են նամակատարները, պատժապարտ հոգեորականների քամակից գնացողը,—գիւղերում վարդապետների հետ պտղի ասած տուրքը ժողովողը, կալաչափի օգնականը, ևալլն:

3. Արանչիք.

Հին Հայաստանի վանքերը ոչ միայն ինչպէս աղօթարան են ծառայել ջերմեռանդ Հայ-քրիստոնեաներին, այլև սորանք բերդ ու պաշտպան են եղել թշնամու յարձակմունքների դէմ, սորանք պահարան են եղել նուիրական աւանդների ու գիւղերի թանկագին իրերի: Ստարը երբէք չի կարծիլ, թէ այս վանքերի պատերի մէջը մի նշանակեալ տեղ դատարկ է. թշնամին ամենեկին չէր կարող մտածել, թէ իւր

Հալածած Հայերի այս աղօթատունը, որ հիմի իւր աչքին մի դատարկ տուն է ներկայացնում՝ միքանի պատերի վրայ քաշած նկարներով, պէտք է թաքցրած ունենալ իւր մէջ շատ իւր ագահութեան կերակուր՝ գանձ: Հմուտ ճարտարապետն այնպէս չի շինել պահարանների մուտքը, որ անտեղեակ օտարը կարողանայ ծիծաղել իւր վրայ: Եթէ պատահել է, որ մահմետական տիրապետողը իւր շահամուռթիւնը լցնելու համար չուցեցնելու հրաման է տուել, մեր քաջ պապերը մի կողմից իրանց գուրս գնալու պատրաստութիւնն են տեսել, միւս կողմից գիւղի հազուագիւտ բաներն այս ամուր պահարանների մէջն են ածել. միքանիսն էլ վանքի կտրին են ամրացել, կոիւ են տուել և պահապան կացել: Ո՞վ կերևակայէ, թէ այդ միապաղաղ չորս պատը երկու եկեղեցի ու ժամատուն է իւր մէջ պարունակում. կտրի բաժնումն էլ կայ սեղան ու ժամատուն. Երբ կարող է թշնամին մտքովն անկացնել, թէ իւր մտած տեղը մարդաբնակ է. դա կարծես մի դատարկ և դռները բաց եկեղեցի է, բայց այնուամենայնիւ իւր գըլիխին գիւղի ժողովրդեան մէկ մասը նստած՝ դիտում է թշնամու ամեն մի քալուածքը. դոքա են արանչիք:

Երկիւղի ժամանակ քթոցը կախ է ընկնում եկեղեցու կտրիցը պարանով, և ծերեր, հիւանդ կանալք բարուրը գիրկն առած և ուրիշ կարիք ունեցողները՝ մէջը նստում են և քթոցի հետ վերև համբառնում:

«Ձեզ տեսնեմ, ձեր ջանին մեռնեմ, իմ կտրիճներս», խրախուսում է ներքեւից գիւղապետն արանչիներին. «արթուն կացէք, գիւղն ու այգիքը լաւ պահեցէք, ընչանք լաւ չմթնի այդտեղից ցած չգաք, հալալութիւնով, հերթով այգիքը ջրեցէք, մենչև շատ կարիք չլինի, թուանք չժաժտաք. աշխատեցէք տեղներդ թաքուն պահել, երբոր տեսաք, թէ էլ ճար չկայ, արեւներդ էլ մի խնայէք»:

— Մեր աչքի, մեր գլխի վրայ, պատասխանում են արանչիք:

Բայց յանկարծ, երբոր արանչիք էլ ոչ ոքին չեն սպասում, ներքեւից լսվում է երկու անգամ ծանր և երեք միմեանցից շուտ-շուտ թղկթղկոց. սրանից յետոյ էլ երկու անգամ ծանր և երեք շուտ-շուտ հազի ձայն. այս նշան տալու ձայն է:

Մեր տղալքը չեն վստահանում քթոցը կախ անել, վայթէ մի օլին են ուզում գալ, ասում են նոքա իրանց մէջ:

«Որդիք, գիտէք ինչ կայ, ասում է մէկ ծեր. Աստուծու անունը տուէք, քթոցը կախ արէք, դուք արանչի էք. դուք գիտէք թէ արանչու պարտքն ինչ է, դուք որ կաք, այս սհաթիս գիւղի տէրն ու պահապանն էք. դուք ձեր ընտանիքիցը յետ էք ընկել, արիւնն աչքներիդ տակն էք առել, գլխներիցդ ձեռք էք վեր կալել, որ գիւղը պահէք, այստեղ մնացած անկեալներիս համար ջրի ու ապրուստի թագարիք, բնչ երկարացնեմ. ողջ գիւղն այսօր ձեր յուսովն է, տեսէք, վերև ես մտիկ տալիս, մարդի աչք է ծակում ձեր թուր ու ասպարի պսպոցը, էլ բնչ էք շատ միտք անում, ումնից պիտի վախենաք, վերև եկողը մի մարդ պիտի լինի, որ կրակ էլ դառնայ, այրել չի կարող, գնդակախորով կ'անէք. վերև քաշեցէք այդ մարդին, գուցէ հէնց մեզնից է, թուրքերի ձեռքից փախստական՝ մեզ է հասել»:

Սրանչիքը կարմրեցին ու ձեռաց պարանով մի քթոց ներքեւ թողին: Խորհրդական անձը նստեց քթոցի մէջ և երկու անգամ պինդ ձգեց պարանը: Այս նշան էր պատրաստութեան, և ահա օդի մէջ քթոցը վերև համբառձուեց:

Իսկ եթէ թշնամին իմանում էր դրանց թաքստեան տեղը, այնժամանակ վերևի պատի միջից գուրս ցցուած նշանատեղերից արանչիքը հրացանների ճայթոցներովն իրանց այնտեղ լինելը հաստատում էին և թշնամու գլխին կարկտի պէս գնդակ էին շաղ տալիս:

ԽԱՉԼՈՒԱՅՅ ՀԻՃԸ ԿԱՄ ՀԱԽԼՈՒՆԻ ԹՈՒՐԸ.

(Աւանդուրիսն)

Նատ ու շատ դարեր մեզանից առաջ մի թագաւոր կար.
անունն էր Պոօշ, ինքը զօրաւոր, ազնիւ ու արդար: Նը-
տում էր նա իւր Լաթար քաղաքում. նա չէր կոռւասէր,
թէպէտ կարող էր ամեն բան ուժով. եթէ ուզենար աշխարհք
կըքանդէր Հաւլունի թրով:

Հաւլունի թուրը, Հաւլունի թուրը,
Ամեն բան կանէ Հաւլունի թուրը.
Չի լինիլ նըրան աշխարհում նման,
Կանէ ամեն բան Հաւլունի թուրը:
Օ՛, նա չէ շինած հողեղէն ձեռքով,
Անձեռագործ է Հաւլունի թուրը.
Չէ նա Խորասան և ոչ ալմազից,
Ալմազ կըկտրէ Հաւլունի թուրը:
Կրակոտ ամպերում, կայծակների հետ
Մինուել է կոփուել Հաւլունի թուրը.
Կրակոտ ամպերում կայծակների հետ
Աշխարհ է իջել Հաւլունի թուրը:
Ով տիրէ նըրան, աշխարհ կըտիրէ,
Աշխարհ կըգերէ Հաւլունի թրով.
Դեւերի մեծին գերի կըբերէ
Ըստրուկ կըշինէ Հաւլունի թրով:
Արքալազնուհին Զինումազինի
Իւր հարս կըբերէ Հաւլունի թրով,
Եալբուզ սարն էլ որ նըր առաջ ելնի,
Երկու կէս կանէ Հաւլունի թրով.

Հաւլունի թրով; Հաւլունի թրով,
Ամեն բան կանս Հաւլունի թրով.
Չի լինիլ նրան աշխարհում նման,
Ինչ ուզես կանս Հաւլունի թրով:

Ահա թէ ինչու Պոօշ թագաւորից ամենքն էին սար-
սում, թէպէտ նըր մտքով մի մարդու անգամ վնասել չէր
անցնում: Եւ ով չէր սարսիլ. մեծ էր Հաւլունի թըր զօ-
րութիւն, բայց չէր ցանկանում Պոօշ թագաւորը փառք,
իշխանութիւն:

Ոչ ոք չգիտէր, թէ քանի տարի Պոօշի պապերը կըում
էին իբրև մի անգին աւանդ Հաւլունի թուրը, թէ ինչ հը-
րացքով ընկել էր թուրն աշխարհի վրալ, թէ ո՞ր Պոօշի
մեծ նախնիքներից ձեռք էր բերել այն. յալտնի չէ թըր
սկզբնաւորութեան մութ պատմութիւնը. լուռմ է այդ մասին
աւանդութիւնը. զիտեն այս միալն, որ պոօշի նախնիք այն-
քան տարիներ իրանց զօրութիւնն ու ուժը երբէք իզուր
չեն գործ դրել:

Պոօշն էլ յետևեց իւր նախնիքներին, ստացաւ թուրը
հօր մահուան ժամին, առաւ աւանդը, խօստացաւ հօրը.—
«Հայրէկ, երթվում եմ քո տուած սրով, որ քեզ հետևիմ,
չարի կործանիչ, բարու հաստատիչ հանապազ լինիմ»:

Այսպէս էլ արաւ: Քառասուն տարի Պոօշի ձեռքում
Հաւլունի թուրը կայծակի նման փալլում էր, վարվում, բայց
նըր ձեռքով մի անմեղ արիւն երբէք չժափուեց, կայքէց
ու կեանքից Հաւլունի թրով ոչ ոք չզրկուեց: Ոչ մի թագա-
ւոր կամ արդար իշխան չընկաւ իւր գահից. ոչ մի ժողովուրդ
չզրկուեց իւր ազատութիւնից: Ինչ բան բարի էր, նա զօ-
րացնում էր իւր զօրեղ ձեռքով, ինչ բան որ չար էր, ջըն-
ջում, կործանում Հաւլունի թրով:

Եւ ինչ չէր անիլ. մեծ էր Հաւլունի թրի զօրութիւն, բայց Պուշ թագաւորն այդ չէր ցանկանում, այլ ասում էր միշտ. «Թող մարդիկ ապրին ազատ ու խաղաղ. Լաթար քաղաքս լաւ կառավարեմ, այն էլ է հերիք»։ Եւ լիանում էր Լաթար քաղաքն ամեն բարիքով. ձգվում էր շէնցած Խաչլուայ լճի կանաչ ափերով։

Բայց ինչ կայ արդեօք յաւիտենական այս աշխարհի մէջ. Պուշ թագաւորի գլուխն էլ ծածկուեց սպիտակ մազերով. այն զօրեղ անձը, որից դողում էր ամբողջ աշխարհը, էլ չէր կարենում վերցնել Հաւլունի յաղթական թուրը։

Ընկաւ Պուշը, ուժահատ ընկաւ մահիճը մահուան։ «Ահա մօտեցաւ իմ վերջին օրը», ասաց ինքն իրան. «Իմ ժառանգն ով է, ում պիտի յանձնեմ Հաւլունի թուրը»։

Թագաւորն ունէր եօթը հատ որդի, իւրաքանչիւրը մի սարի գլխի, ամեն մէկն ունէր մի բերդ սեփական, ամենքն էլ ծարաւ մէկ-մէկու արեան։ Ո՞րին տար արդեօք Հաւլունի թուրը, նրանցից ոչ ոք թրին չէր արժան. վեց անգէն եղբարք գլխները կտրած պիտի թրպտան, Հաւլունի թուրը պիտի զէնք դառնայ մարդասպանութեան։

«Ոչ, այս չի լինիլ», ասաց Պուշը. կանչեց մեծ որդուն բլէջանու բերդից։ Եկաւ մեծ որդին, որ լսէ իւր հօր կտակը վերջին։

«Որդի, մեռնում եմ», ասաց Պուշը, «վերջին կտակս յալտնում եմ ես քեզ, բայց մահիցս առաջ պիտի կատարես։

— Հայրիկ, պատրաստ եմ. վերջին կտակդ ես կըկատարեմ, տուր ինձ, թէ կուզես, Հաւլունի թուրը, աշխարհք կըքանդեմ։

«Այն, քեզ կըտամ Հաւլունի թուրը, բայց, լսիր, որդիս, աշխարհք մի քանդիր, այլ տար Խաչլուայ ծովակը ձգիր»։

Մեծ որդին աարաւ Հաւլունի թուրը, բայց հօրը խաբեց, ծովը չձգեց, այլ հօրից ծածուկ մի տեղ թաքցրեց։

«Ո՞րդի, ինչ արիր Հաւլունի թուրը, ձգեցիր ծովը», հարցրեց հայրը։

— Այո՛, այո՛, հայր, Հաւլունի թուրը տարայ ձգեցի Խաչլուայ ծովը։

«Տեսար ինչ եղաւ Խաչլուայ ծովը, երբոր ձգեցիր Հաւլունի թուրը»։

— Հայր, ոչինչ չեղաւ Խաչլուայ ծովը, բայց ես ձգել եմ Հաւլունի թուրը։

«Ոչ, սուտ ես խօսում, անարժան որդի, խաբում ես հօրդ. գնա բեր շուտով, թէ չէ՝ կանիծեմ, գլխիդ կըճաքի Հաւլունի թուրը»։

Որդին դողալով գնաց յետ բերեց Հաւլունի թուրը։ Պուշը կանչեց իւր երկրորդ որդուն և ասաց նրան. «Որդի, մեռնում եմ. վերջին կտակս ես յանձնում եմ քեզ, բայց մահիցս առաջ պիտի կատարես։

Պատրաստ եմ, հայրիկ. վերջին կտակդ ես կըկատարեմ, տուր ինձ, թէ կուզես, Հաւլունի թուրը, աշխարհք կըքանդեմ։

«Այո՛, քեզ կըտամ Հաւլունի թուրը, բայց լսիր, որդիս, աշխարհք մի քանդիր, այլ տար Խաչլուայ ծովակը ձգիր»։

Երկրորդը տարաւ Հաւլունի թուրը. բայց հօրը խաբեց, ծովը չձգեց, այլ հօրից ծածուկ մի տեղ թաքցրեց։

«Ո՞րդի, ինչ արիր Հաւլունի թուրը. ձգեցիր ծովը», հարցրեց հայրը։

Այո՛, այո՛, հայր. Հաւլունի թուրը տարայ ձգեցի Խաչլուայ ծովը։

«Տեսար ինչ եղաւ Խաչլուայ ծովը, երբոր ձգեցիր Հաւլունի թուրը»։

— Հայր, ոչինչ չեղաւ Խաչլուայ ծովը, բայց ես ձգել եմ Հաւլունի թուրը։

«Ո՛չ, սուտ ես խօսում, անարժան որդի, խաբում ես
հօրդի. գնա բեր շուտով, թէ չէ՝ կանիծեմ, գլխիդ կըճաքի
Հաւլունի թուրը»:

Որդին գողալով գնաց յետ բերեց Հաւլունի թուրը: Միւս
որդվերանցն էլ կանչեց Պռօշը, բայց նրանք ամենքն էլ այն-
պէս վարուեցին, մինչ հերթը հասաւ ամենից փոքրին: Ե-
կաւ և փոքրը: «Որդի, ասաց Պռօշը գոնէ դու լսիր վեր-
ջին կտակս: Հաւլունի թուրը լանձնում եմ ես քեզ, կըտանես
Խաջուայ ծովը կըձգես»:

— Հայր, ես պատրաստ եմ, կ'ուզես ես ինքս էլ նրա
Հետ ընկնեմ:

Ո՛չ, դու մի ընկնիր, այլ միայն թուրը ծովը կըձգես
և ինչոր տեսնես կըգաս ինձ կասես»:

Ուրբաթ էր օրը. թուրն առաւ որդին ու ծովը ձգեց:
Բայց թէ ի՞նչ տեսաւ, ինչքան վախեցաւ, նա այսպէս պատմեց.

«Զեի մօտեցած դեռ ևս ծովին,
Արևն երկնքում երեսը ծածկեց,
Սև ամպից իջաւ սատանի քամին,
Խաւար և մոայլ աշխարհս պատեց.
Մօտեցալ ծովին, ախ, մեր սիրուն ծով
Իւր նախկին գոյնը այլես չունէր,
Ժանտ դեի նման պղտոր ջրերով
Մի անմեղ որսի կարծես սպասում էր:
Ծովը ձգեցի Հաւլունի թուրը՝
Յանկարծ մի գոռոց ծովի լատակից,
Մեծ իրաւանցում ծովի խորերում,
Ահեղ արձագանք ձայնեց երկնքից.
Ջրերը լեռնացան ու իրար անցան,

Երկինք էր հասնում ծովի փրփուրը.

Յանկարծ Խաչուան բացեց իւր բերան,
Դւեի պէս կլանեց Հաւլունի թուրը:

Ահեղ փոթորիկ, աղմուկ որոտում,
Թէ ծովին նայես և թէ երկնքին,
Իրար են խառնուել, դողում է աշխարհ,
Ես էլ վախեցայ և ընկայ գետնին:
Կրկին նայեցի, ոչինչ չըտեսայ.

Խաւար մուայլը աշխարհս էր պատել.

Ամպեր, ալիքներ իրար վրայ դիզուած,
Երկինքը երկրի հետ էր միացել,
Ծովի խորերեց բիւրաւոր ձայներ
Խառնիխուռն և խուլ որոտում էին,
Կարծես բիւրաւոր քաջերի գնդեր
Ծովի յատակում մարտնչում էին.

Հայրիկ, գողում եմ, էլ մի լիշեցնիր,
Զեմ կարող պատմել ես իմ լեզուովը,
Հայրիկ, սարսում եմ, էլ մի հարցնիր,
Թէ ինչեր արաւ Խաչուալ ծովը»:

«— Այո՛, ալդպէս է. առ իմ օրհնութիւն,
Լաթար քաղաքս էլ քեզ ժառանգութիւն»,
Ասաց Պռօշը և աչքը խփեց,
Երկնքի տուածն երկինք ուղարկեց:

Անցան տարիներ ու գարեր անհետ,

Աշխարհիս վրայ շատ բան փոխուեցաւ,
Պռօշի աւանդն էլ նըրա մահից յետ
Երկրիս երեսից շուտ անհետացաւ:
Բայց ժողովրդի մտքից չի կորել
Հաւլունի թըրի վառ պատմութիւնը.

Նա ոգեսրուած պատմում է դեռ էլ
Պոօշ թագաւորի աւանդութիւնը:
Նա ցոյց է տալիս մի աւեր աւան,
Ասում է այստեղ էր Պոօշը կենում,
Այս Լաթար քաղքից առիւծի նման
Երջակալ ազգաց սարսափի էր ազդում»:
Նա ցոյց է տալիս մի պղտոր լճակ,
Ասում է. Սա է Խաչլուայ ծովը.
Սա չէ, ասում է, մի ծով հասարակ,
Այստեղ է թաղուած Հաւլունի թուրը»:
Թէ հարցնես նըրան իբրև կարեկից.
«Ինչու է պղտոր ձեր ծովի ջուրը».
Կասէ. «Այսպէս է եղած այն օրից,
Երբ այստեղ ընկաւ Հաւլունի թուրը»:
Նա քեզ կրպատմէ, թէ ամեն ուրբաթ
Խաչլուայ ծովը փրփրում է կատղում,
Իրար են զարկվում ջրեր լեռնացած,
Ծովի յատակից ձայներ են լսվում. . .

Երբոր Պոօշի փոքրահաս որդին,
Տանում էր ծովը Հաւլունի թուրը,
Դեռ չէր մօտեցել նա ծովի ափին.
Երբ իրար անցան ծովի քաջերը:
Կուիւ, կոտորած ընկաւ նրանց մէջ,
Սուրն ընկղմուեցաւ Խաչլուայ խորը.
Ահեղ կոտորած, բայց ոչ ոք յաղթեց.
Եւ անտէր մնաց Հաւլունի թուրը:
Ահա այն օրից ամենայն ուրբաթ,
Խաչլուայ ծովը փրփրում է կատղում,
Իրար են զարկվում ջրեր լեռնացած,

Ծովի յատակից ձայներ են լսվում. . .
Ալդ կին կուիւն է կըկին նորոգվում,
Կըկին ընկնում են իրար վրայ քաջեր.
Անցնում են դարեր, կովում են կովում,
Բայց Հաւլունի թրին չեն կարում տիրել:

Բայց Պոօշ արքան սուրը կախարդեց.
Երբոր ցամաքի ծովակի ջուրը,
Աստղծու կամքով մի քաջ կըծնի,
Կըհանէ լըծից Հաւլունի թուրը:

5. Վան քաղաքի «Հրապարակ ծերոց».

Այն տարին որ խան Մահմուտը եկաւ և պիտի մեր
այգեստանը և քաղաքը թալանէր, չորս կողմից գեղցիք
եկան քաղաքը լցուեցան, այգեստանեալց դռները մէկ մէկ
ամրոց դարձան. կնիկ, մարդ, ճիժ, բիժ, տանիքներն էին
քարձրացել արապահների ետև կացած, փողոցի քարեր, կը-
ռէթներ (կոշտ հող), հող, փոշի և մոխիր կուտել էին, որ
քրգերի գլխին և երեսներին խփեն. մարտակ, ձողի, թոնըի
երկաթ, կրակ, ուրագ, դանակ, ինչ որ ձեռքին գար՝ առան,
որովհետև՝ «արգելուած էր Հայերին զէնք ունենալ»....

Միւսն ասում է. «Երանի այն օրին, որ առաջ ուխտ
կերթալինք: Մի Սուսուն խաթուն ունէինք, որ ձի հեծած,
ոտից գլուխ կրակ ու զէնք, մէկ ձեռին էլ մզրախ, գալիս
էր ուխտաւորներին ժողովում էր, ինքն առաջնորդում էր.
այն արունքերան Քրդերից ո՞րը հոգի ունէր Սուսունի դէմ
դուրս գար: Բոլոր Քրդերը նորանից դողում էին»: — Ափսոս
այն ժամանակները. ափսոս: Այն ժամանակ հաւատ կար,
Աստուած էլ շատ կտրիճ տղամարդիկ և կնիկներ էր հանում:

—Միտդ կըգմայ Զանկայ Պօղոսը, որ չորս գոմշի ուժ ունէր: Խսախ փաշի օրով Աջամից փահլեան էր եկել Վան. «Կամ բերէք մէկին ըմբշամարտենք, կամ այսքան մալ ու խազնայ կուզեմ» ասում էր. Դեմ պէս մի անհաւատ գազան էր, ով կարող էր նրա դէմ դուրս գալ: Զանկայ Պօղոսը որ լսեց. «Եա ասաց, միթէ Վանայ երկիրն այսպէս աւերեցաւ, որ մէկ Աջամի վատը գալ Վանալ թալանը տանի»: Պօղոսն եկաւ փաշին, փաշան այն օրը փահլեանի ուզածը պէտք է տար. դարդից աչքերը թթուել էին, դառել էին բակլի ջուր: Ի՞նչ անէր, փահլեան շատ ունէր, բայց այս աջամից՝ քաշվում էին: Աջամ չէ, Ս.ժգահար է. ուր գնացել է, անուն է Հանել. բերնի ուզածը ստացել է.—Պօղոսը մէլդան դուրս եկաւ, կանչեց փահլեանին: Հողագործ մարդ էր Պօղոսը, գերանդին դաշտում դրել, եկել էր: Մէկ երկու տակ մէլդանի մէջ գնաց եկաւ, Աջամը խօսք ձգեց, ձեռք ձգեց, վիշապի պէս պոռաց:—Ինչք.—Պօղոսին վախեցնի: Մէկ էլ որ մէկ մէկու կպան, Պօղոսը Աջամին առաւ գետինը խփեց. ինչպէս որ երկնքեց մէկ վիշապ ընկնի, դրմֆայ, այնպէս էլ նրա փորի ձալնը գնաց մինչև Իրան և Թեհրան:—Ա՛ռ քեզ մալ ու խազինայ, ասաց Պօղոսը, դէ գնամ մարդ ճանչցիր: Բերէք ես կնկալ Հալաւ Հազցնեմ սրան, թող սրա ազգականներն իմանան, թող Հասկանան թէ Վանայ Հայերը Խոյաց խաներ չեն:

Փաշէն Պօղոսին շատ խալաթն եր տուեց, մէկ էլ գութան վեց լուծ գոմէշներով: Առաջ այս տեսակ մարդիկ կալին. Հիմիկուայ մարդիկն էլ մարդ են:

—Այն տարին որ Ս. Կարապետ գնացինք՝ մի մարդ կար այնտեղ, որ, ասում են, ջաղացի քարեր մէկ ձեռով վերցնում Քրդերի լետեից էր ընկնում, ձիերի պոչըց բռնում էր, պոչը դուրս էր քաշում, չորս գոմէշ լծած սալի լետեից քաշում կանգնեցնում էր և ուրիշ ալսպիսի բաներ էր անում:

—Դոցա ոյժը երկնալին տուրք է, ասաց ամենից ծերը: Ով եօթը տարի Ս. Կարապետի պասը պահի, եօթն անգամ Ս. Կարապետի գերեզմանը համբուրէ, ինչ-որ ուզէ, կըստանայ:

—Այս ժամանակին էլ ով է միտք անում ուխտ, սըբեր, հունար: Քոռ-Օլլին ասել է. «Երբոր թուանքը յայտնուեց, իգիթներն անյայտացան». մերն էլ՝ վարժապետներ գաղեթներ ելան, ամեն բան ջուր տարաւ. . . . :

6. Նախապատրաստութիւն.

Հստիպիմ ասու ի ցանոյս ձեզ, ով մանկունք ողբանքուեր, Ողբական բանին պատմել զգաղքականաց գերաշխարհումն: Զոր առնեկին աստանօր մինչ հայրենի գերկիր բողեալ Ողորմիկ լայոտ աջօր եկեալ յինեն բաժանեցան: Ա՛հ, յանձնամ էր տեսանել զնոցին լային աշխարհնեծ, Հզուեսի ըզկերպարան բրդուառագոյն ուղեւորացն, Որ երբային և լային որպիս երեմն հրեական ազգն: Տերքն ի ձեռքս գաւազան առեալ ելին դողդոշաքայ, Որ բազմիկն ի յարուս գօնեպաշտեալ ի ծառալից. Իշխանքն փառաւոր, որ յերկվարս պայարակապ Նստիկն շրենապիս եւ շրջիկն ի հրապարակս, Անապիս զնային նետիուս բրանցը ըզգեստուցն փոշոտեալ. Տնաշէն կանալը ըգտունս եւ զմառամս բողեալ ի լի. Ելին զդիասունս ի զիրկս առեալ միով ձեռամբ Եւ միւսովն ըզմեռամէ մանկանց կայեալ յուշիկաքայ, Բոկանի զնային լայով ընդ ձանապարն տաժանալից, Ո՞հ, քենքուշ զոտս մանկանց պատառուէր փրցուտ գետին: Ելին յառազաստից հարսունքն անքոր փեսալազուրկ. Զի փեսայր նոցին զենան ի սուրբ գերչացն անագորյն, Ելին եւ նորապըսակ փեսայր ըզրկեալ ի նոր հարսանցն, Զի հարսունք պըսակասէր գերի զնացին ի Խուժաստան: Ելին այն պատկառու կոյս օրիորդը ըզրն աղազեղ. Հերարձակ եւ նոյանի զնային ի մէջ կարաւանին. Ելին հովիրն ի դաշտացըն Շիրակայ մնացեալ հօտիւք,

Նորածին գառինքն ըզկնի մարց երբային բառաշելով,
Ընդ հովիսն եւ հողագործքն յակոս հերկին բողեալ զարօր
Եւ զեզին առեալ ելին, ոյց ոչ գոյր արտ յերկիր օտար:
Այսգունակ զառըն կոծով ելին լինեն իմ ժողովուրդը,
Թողին զամենապտուղ պարտէզ ՚ և այզին զինեբուխ,
Թողին բզդաշտորայս եւ զամենաստան ցորենաբեր,
Եւ բազմատար մեծ ամբարս իի ցորենով ատորամեմ:
Ընդ սոսին զինչու եւ զգանձս մեծուրեան բողեալ ի յիս
Անընչ եւ հացազուրկ ի վայր օտար պանդիստեցան,
Ուր կարօտ բերեալ հացի տառապէին բըշուառապէս:
Ոչ գոյր նոցա բնաւին անդ ափ մի հողիկ սերմանելոյ,
Ոյց արտոց չեր սահմանի ի Շիրավայ դաշտ յայնատար.
Ոչ այզի զինեբեր, ոչ մըրգաստան բազմապտուղ,
Ոչ բիւրանոր խաջանց հօտ կամ պաճարաց խուռն երամ,
Որով անդ եւ անորիք փափկանալին ի ճոխ վայելս:
Վասն այն յուշ բերեալ նոցա զիի բարուրին երկրի իմոյ
Դառնապէս հառաջէին զօր ամենայն արտասուելով:

Նա յաւետ, որ այժմ եկեալ կը դուք, մանկունք իմ հարազատ,
Նախցար աւագ ազօք յիմ այս տեսի աշխարելի,
Իցէ թէ գուր շարժեցի մանկուոյդ ի սիրտ դիւրագորով
Մնացելոյս այս խնայել, զիս նորոգել ի փառըս նոր,
Եւ ի զիրկ այրուոյս կրկին գրգուի սիրովն իմ մայրական.
Վաշ, յանձամ տառապէալ մայրս լինի ոգ.ով ուրախամիտ,
Ուստերով եւ դստերով բերկրեալ որպէս մայր եօրնածին,
Նոր փառօք ըստ առաջնոյն բարգաւաճեալ ամենայնին.
Զառաշինն մոռանալով, վերջնով լիցի մխիթարեալ:

ԲՈՎԱՆԴԱԿԱՒԹԻՒՆ

ԱՐԱՋԻՆ ԲԱԺՆԻ

ՆԱՀԱՊԵՏԱԿԱՆ ԱՇԽԱՐՀ

Ե Յ Ե

	Ե Յ Ե
1. Միջագետք.	3
2. Արքահամի միջագետքից դուրս գալը (Ս. Գրքից)	4
3. Յորդանանու դաշտը	5
4. Արքահամի և Ղովտի բաժանուիլը (Ս. Գրքից)	6
5. Հովուական կեանք	7
6. Սենատը	10
7. Արքահամի կոխուը չորս թագաւորների հետ (Ս. Գրքից)	11
8. Զինուորական կեանք	12
9. Մեռեալ ծով	13
10. Սոգոմի և Գոմորի կործանումը (Ս. Գրքից)	14
11. Արաբիս	18
12. Արքահամի զաւակները (Ս. Գրքից)	19
13. Քաղաք և տուն արևելքում	21
14. Կրկին այրի գնելն (Ս. Գրքից)	22
15. Քերընից Խառան	23
16. Ռեքեկա Ս. Գրքից	25
17. Փղտացոց աշխարհը	30
18. Խսահակ (Ս. Գրքից)	—
19. Քանանացոց աշխարհը	32
20. Խսաւ և Յակոբ (Ս. Գրքից)	34
21. Ուսորդական կեանք	48
22. Քանանացոց երկրից մինչև Եղիպտոս	49



23. Յովսէփի եղբայրները նրան ծախում են (Ս. Գրքից)	50
24. Նեղոս	53
25. Յովսէփը Եգիպտոսում (Ս. Գրքից)	54
26. Երկրագործութիւն	61
27. Եգիպտոս	63
28. Սովի տառապանքը, եղբայրների ճանաչումը, Եգիպտոս Քաղթուիլը (Ս. Գրքից)	65
29. Ազգատոհմ	83
30. Տոհմական աղիւսակ	85
31. Ժամանակագրական աղիւսակ	—

ԵՐԿՐՈՐԴ ԲԱԺԻՆ

Ա. Լ Ե Տ Ա Ն Ի Ք

1. Տան օրհնութիւնը (Ս. Եղեկեան—Պրօյեանց).	89
2. Հին տունը (Ա. Մ. Եղեկեան—Պրօյեանց).	90
3. Աչքիդ առաջ եղածը հեռու մի՛ զատիք (Պրօյեանց).	92
4. Հայի գերդաստանը (Աղայեանց).	94
5. Մեծ նանը (Պրօյեանց).	95
6. Մայր և որդի.	97
7. Հայր և երեք որդի (Բարխուդարեանց).	98
8. Երկու քոյր (Պատկանեանց).	100
9. Եօթ ագուաւներ.	102
10. Երգ պանդոխտ պատանեկի (Պոդոխտեանց).	105
11. Ամուսնական հաւատարմութիւն (Արիմեանց).	106
12. Ուսումնածարաւ մանուկը (Գեղամեանց).	112
13. Աղ ու հաց.	116
14. Կարեկից (Պատկանեանց).	—
15. Քահանայ (Պատկանեանց).	117
16. Տէր Մարդարը (Գեղամեանց).	118
17. Պանդոխտ առ կռունկ (Փողովը. բանաստեղծ.)	121

18. Պատկանարօւ (Սրուանձտեան).	122
19. Սայաթ-Նովա (Ըլուկերեանց).	124
20. Նախապաշարմունք և սնոտիապաշտութ. (Սրուանձտեան).	127
I. Հ Ա Վ Ի Ւ	
1. Հովուի սրինգը (Ըահազիկեան). Եւ ասէ Յիսուս (Աւետարան).	131
2. Մարգի փերին.	—
3. Հովուի ցուպը (Սրուանձտեան).	133
4. Ծաղկասար.	—
5. Նախրչի Մանուկը (Պրօյեանց).	135
6. Մարդար Մառնիկեցի (Սրուանձտեան).	137
7. Սար երթալը (Աղայեանց).	139
8. Եայլաղ (Արովեանց).	141
9. Վազանի բաժինը.	—
10. Հովուի դարձը սարից (Բարխուդարեանց).	144
11. Նախապատրաստութիւն (Թրիմեան Հայրիկ).	145

II. Ե Ր Կ Ր Ա Գ Ո Ր Ծ

1. Երգ շինականաց (Փողովը դեական երգ).	146
2. Հովաների խաղալիք.	147
3. Յորենի հասկը.	148
4. Ճգնաւորի հացը.	149
5. Ըեղջայ դար (Սրուանձտեան).	150
6. Բանեոր.	151
7. Հալիլ Բարս և քառասուն ակունք (Սրուանձտեան).	152
8. Գեղցու երջանկութիւնը (Արովեանց).	153
9. Պարտիզանների աւանդական սովորութիւնները (Պրօյեանց).	156
10. Երաշտութիւն (Արարատեանց).	157
11. Նուրին (Պրօյեանց).	158
12. Սուրբ Ականատես (Պրօյեանց).	159
13. Երկու ճանապարհորդ (Բարխուդարեանց).	160
14. Զրի հերթը (Պրօյեանց).	—
15. Ըստուած որ բանը չյաջողի, մարդ հազար էլ աշխատի, ոչինչ չի շինի (Պրօյեանց).	162

16. Փոթորիկ (Բ ա ը խ ո ւ դ ա ը ե ա ն ց)	163
17. Փոխարայ բանողներ (Պ ո օ շ ե ա ն ց)	164
18. Տարուայ սկիզբն Հայելի մէջ (Ա լ ի շ ա ն ե ա ն)	166
19. Նաւասարդի տօները (Ա լ ի շ ա ն ե ա ն)	168
20. Երկրագործութիւն	171
21. Հացաբոյս	175

III. Ո Ր Ս Ո Ր Դ

1. Որսորդի երգ (Բ ա ը խ ո ւ դ ա ը ե ա ն ց)	177
2. Որսի հանդէսը (Մ ո վ ս է ե ա խ ո ր ե ն ա ց ի)	—
3. Արտաւազդ (Ա զ դ ա յ ի ն ա ռ ա ս ս պ ե լ)	179
4. Բազէ (Վ ա գ ն ե լ)	180
5. Ողբա կաքաւու (Ժ ո ղ ո վ ը դ ա կ ա ն ե լ դ)	183
6. Հարստնիքի արարողութիւն	183
7. Որսի սէրը	185
8. Եղնիկի որնը	186
9. Որսորդի երգ (Բ ա ը խ ո ւ դ ա ը ե ա ն ց)	188
10. Մի գիշատիչ կենդանի անտառի մէջ ձմեռուայ ժամանակ —	—

IV. Ո Ր Ս Ո Ր Դ

1. Երիտասարդների զուարձութիւնը (Ա ը ո վ ե ա ն ց)	191
2. Թուանքի (Պ ո օ շ ե ա ն ց)	193
3. Արանչիք (Պ ո օ շ ե ա ն ց)	195
4. Խալուայ լիճը կամ Հաւլունի թուրը (Տ է ը-Ա ս տ ո ւ ա- ծ ա տ ը ե ա ն)	198
5. Վան քաղաքի «Հրապարակ ծերոց» (Ս ը ո ւ ա ն ձ տ ե ա ն) ,	205
6. Նախապատրաստութիւն (Խ ը ի մ ե ա ն Հ ա յ ը ի կ)	207

ՆԻԿՈՂԱՅՈՍ ՏԵՐ ՂԵԽՈՆԴԵԱՆԻ ՀՐԱՏԱՐԱԿՈՒԹԻՒՆՆԵՐԸ.

1.	Աղայեանց՝ Ուսումն Մայրենի Լեզուի, ա. տարի	25 կ.
2.	> Ուսումն Մայրենի Լեզուի, բ. տարի	40 կ.
3.	> Ուսումն Մայրենի Լեզուի, գ. տարի	55 կ.
4.	Գէորգիկեան՝ Փողովածութուոր, խնդիրների՝ Ամր, թուեր	40 կ.
5.	> > > > կոտոր, թուեր	50 կ.
6.	Թումանիան՝ Նաչալնայ Կուգա Ռուսկаго լեզыка .	25 կ.
7.	Մանդինեան՝ Նահապետական աշխարհ	60 կ.
	» Հենչէլի՝ բանաւոր և զրաւոր հաշուելու	
8.	Խնդիրներ, առաջին և երկրորդ տարի	40 կ.
9.	Բանաւոր և զրաւոր հաշուելու խնդ. գ. տարի	50 կ.
10.	Ընտանելիան Աշխարհ	25 կ.
11.	Գիւցազնական Աշխարհ	30 կ.
12.	Տէր-Ղեխոնդեան՝ Մայրենի Լեզու, առաջին տարի	35 կ.
13.	Մայրենի Լեզու, երկրորդ տարի	40 կ.
14.	Մայրենի Լեզու, երրորդ տարի	50 կ.
15.	Մայրենի Լեզու, չորրորդ տարի	65 կ.
16.	Մայր. լեզուի բաց, ձեռնարկը, ա. տարուայ	ձրի
	Մայրենի Լեզուի քերականութ. տարերքը	
17.	մասն առաջին	30 կ.
18.	Մայրենի լեզուի քերականութեան տարերքը,	
	մասն երկրորդ	40 կ.
19.	Հայորդի՝ Սրբազան պատմ, Հին Կոտուկ	50 կ.
20.	Սրբազան պատմութիւն Նոր Կոտակորանի	50 կ.

1. Գրքերի վաճառումը կանխիկէ: Ապառէկ ոչոքի գերք չեւ ու ուղարկ-
վում, բայց ցանկացողների համար գրքերի արժէքը կարող ենք վերադիր
անել, որ նոքա վճարեն այն փաստային վարչութեանը կամ կանոնորին, որի
միջոցով պատճեն ստանան զրքերը ծրարը կամ սնդուկը:

2. Մեր հրատարակութիւններից զատ ուրիշ գորքը պահանջողների
պատճենը անկատար կը մնան:

Դիմել՝ Նիկոլայ Տեր-Գևոնդյանъ. Տիֆլիսъ. Հայուս
փոստատանը յայտնի է:

ՀՀ Ազգային գրադարան



NL0685824

